

Netheni

to Eli.

78

1/26



Netheni

to Eli.

78

1/26



SYNTAGMA

INSTITVTIONVM

CHRISTIANARVM,

Perspicuis assertionibus ex doctrina
Prophetica & Apostolica congestis
(plerisque propositis & disputatis
in Academia Hafniensi) compre-
hensum.

NICOLAO HEMMINGIO

Autore.



CONSILIO

SINER

APVD AEGIDIVM RADAEVM.

M. D. LXXXI.

THE UNIVERSITY OF CHICAGO

LIBRARY

PHYSICS

1910

1911

1912

1913

1914

1915


1916

1917

3

ORNATISSIMO VIRO,
DOCTRINA, PIETATE, VIR-
TUTE ATQVE SAPIENTIA
excellenti, D. Ioanni Francisco Ripensi, artis
medicæ Doctori eximio, Rectori Academiæ
Hafniensis magnifico, & suo collegæ ac fratri
in Christo carissimo

NICOLAUS HEMMINGIVS.

 *RI* A sunt homini, magnifice domine
Rector, frater & collega carissime, in pri-
mis meditanda, *Quomodo bene sapiat,*
Quomodo bene agat, & Quomodo bene
habeat. Adhac enim hominis natura fer-
tur: hac appetit: in his finem bonorum collocat. Huc per-
tinent tres ille facultates animæ, a Deo Opt. Max. ho-
mini astructæ, *γνώσις, ἐνδύναμις, & θυμὸς.* Harū prima
verum & bonum ut inquirat, satagit: nec quicquam illi
satis est priusquam ad verissimum & summum bonum
peruenerit. Media vero & bono inuento se applicat, &
in eo acquiescit. Postrema illud ipsum verum & bonum
tuetur, & contrarijs aduersatur. Huc proinde quæcun-
que a maximis ingenijs acutissime excogitata & per-
scripta sunt pertinent: huc scholastici labores, huc fa-
cultatum ac professionum ordinatio referuntur: quibus
hic scopus præfixus est, ut & ingentibus corporis animiq;
morbis remedium adferant, & hominem ad quietem,
tranquillitatem & beatitudinem perducant.

Ceterum, etsi omnium, qui in hoc studio occupantur,
laudandus est conatus: tamen euentus conatus & ex-
pectationi in omnibus peræque non respondet. Nam, ut

Pindarus ait: ἐπὶ μὲν θανάτῳ καὶ λάθας ἀτίκμαστοι νῖφος, καὶ παρίκλει πρᾶγμα τῶν ὀρθῶν ὁδῶν ἴξω φεῖσθαι. Hoc est, Accedit obscura nubes obliuionis, & reſtam viam rerum agendarum aufert ex mentibus. Tameſi autem Pindarus aliquid mali in naturam humanam ſuperueniſſe, quo impediuntur homines, quo minus ἀρετὰς καὶ χάματα, quæ natura appetunt, aſſequantur, recte animaduertit: tamen malum illud & obſcuram illam obliuionis nubem monſtrare non potuit luce diuina deſtitutus. At Eccleſia Dei, & nouit illud malum, & habet remedium, quo illi malo medeatur. Malum ipſum eſt peccatum originis. Remedium mali eſt prædicatione Euangelij. Ideo Paulus ait: Poſtquam in ſapientia Dei non cognouit mundus, per ſapientiam, Deum: placuit Deo, per ſtultitiam prædicationis, ſaluare credentes. Hoc eſt, Poſtquam in hac mundi fabrica, quæ eſt veluti ſpeculum quoddam ſapientie Dei, non cognouerunt homines, per lumen rationis ac demonſtrationes, Deum, ut par erat, viſum eſt Deo ex gratuita ipſius bonitate per ſtultam coram mundo prædicationem, de Chriſto crucifixo, ſaluare credentes. Tameſi itaque magna laus eſt Sapientie, quam profitentur illi qui Philoſophi nominantur: & profecto magnus ipſius uſus eſt, in vita œconomica, politica, addo etiam in Eccleſia: tamen plurimum differt humana illa Sapientia ab illa, quæ Paulus ſtultitiam, iudicio mundi, ſed Dei Sapientiam, uero iudicio, nominat. Nam ſiue autores ſpectas utriuſque Sapientie, ſiue cauſas certitudinis attēdis, ſiue effecta ſcrutaris, apparebit quantum Dei Sapientia ſapientiam principum huius mundi, excellat.

Primum autores diſcreti ſunt. Deus eſt autor Sapientie Eccleſie: homo eſt intētor Sapientie, quam
Paulus

Paulus sapientiam nunc mundi, nunc principum huius mundi appellat. Verum si quis obijcit humanam Sapientiam à Deo esse qui facultates naturæ indidit, quibus inuenta, locupletata & aucta est Sapientia hæc, quam Philosophiam nominamus: huic vicissim obijcio ἡ σοφία ἀνθρώπων (cuius Pindarus meminit) ex quo factum est, ut sapissime extra viam aberrarent Philosophi. Ut ergo Deus & homo distant in infinitum inter se, & bonitate & dignitate: (ut alia taceam) ita sapiëntia Dei, bonitate & dignitate sapiëntiam hominum excellit. Hoc discrimen notat Paulus, in hunc modum Corinthiis scribens: Porro sapientiam loquimur inter perfectos, Sapientiam autem non seculi huius, neque principum seculi huius, qui abolentur: sed loquimur sapientiam Dei in mysterio absconditam, quam præsinierat Deus ante secula in gloriam nostram, quam nemo principum huius seculi cognovit. Hic habemus descriptam veram sapientiam, quæ non hominum sed Dei est. Si ergo sapientia Dei est, non est contemnenda nec reijcienda in tertiam classẽ Scientiarum, quasi inferior multum esset scientiis humanis sicuti proxima. Si sapientia Dei est, caueat pulvis & cinis, ne mensura sensuum & rationis eam metiri velit. Si est in mysterio recondita, non est nova & nuper nata, sed ante mundi constitutionem à Deo concepta & destinata in salutem & veram hominis beatitudinem. Si est in gloriam nostram, eo pertinet ut nos perficiat, & ad gloriã verã æternæ beatitudinis perducatur, ut Deo iuncti perfecto amore, optime habeamus.

Secundum discrimen inter Philosophicam sapiëntiã & diuinam, à causis certitudinis petendam esse proposuimus. Philosophi iactant lumen rationis: proferunt ἀγνοία, quibus quasi manu ducuntur a notis ad ignota:

EPISTOLA

amussim philosophicam immotam esse gloriantur. At Dei sapientia lumen Dei praeendit, experientia Sanctorum comprobatur, arrhabone Spiritus confirmatur, & multis demonstrationib. Spiritus firmissima esse convincitur: adeo, ut eius respectu humana sapientia omni fere teste carere videatur.

Discrimen tertium ab obiectis petimus. Philosophica Sapientia, etsi de Deo differit, tamen nec naturam Dei, nec distinctionem ipsarum in una simplicissima natura, nec voluntatem recte intelligit, sed cum de Deo philosophatur, in horrendas tenebras incidit: id quod videmus omnibus philosophis, qui Evangelij cognitione destituebantur, accidisse, qui, cum sibi sapere videbantur, in perniciem suam inierunt, ut Paulus loquitur.

Effecta quoque variant. Quid efficit Philosophia aliud, quam ut hominem pedagogia quadam in officio contineat? quam ut hominem in arcana natura introducat? quam ut sermonem regat? Quid? An non hac magna sunt? Permagna esse fateor, & vestigia quadam divinitatis, cum Paulo agnosco. Sed sapientia Dei, si pedagogiam spectamus spirituales, quae locum habet in familia Dei, sola nos regit & perficit ita ut & bene sapiamus, & bene agamus, & bene habeamus. Nam philosophia etsi multa praeclara de virtute habet, digna quae cognoscantur; tamen nec unde proficiantur Christianae virtutes, nec quae sint, nec quomodo fiant, nec quo tendant, recte & sine errore monstrat. Siquidem sola pietas, quam proficitur sapientia Dei, est principium, fundamentum, formatrix, dux & gubernatrix omnium virtutum quae Deo probantur. Principium, quia ab ea manant, ut a fonte rivuli. Fundamentum, quia super ea tanquam aedificium verae virtutes extruuntur. Formatrix,

trix, quia fides qua percipitur ex sapientia diuina facit ut virtutes sint, quæ ex mandato sunt. Dux, quia regit eas, & continet intra suos limites, ne euagentur, & in spectra virtutum conuertantur. Gubernatrix, quia ut recta ad finem verum ferantur, videlicet ad gloriam Dei, edificationem Ecclesie, tranquillitatem vite, & utilitatem proximi, facit.

Porro, si quis ex ijs, quæ diximus, de excellentia virtutum, quas sapientia Dei docet, velit inferre abiciendam esse eam humane sapientie partem, quæ doctrinam de virtutibus continet, ille sane haud recte indicat. Nequaquam enim ideo abicienda est philosophia in doctrina virtutum, ut quidam (opinionem suam docti) autumant, quod imperfectior sit: sed ut lumen adhibendum est illi ex doctrina cælesti: ita illuminata utiliter seruiat Ecclesie Dei. Quemadmodum enim non abiciendum est cuprum, quod aurum sit illo longe præstantius & nobilius. (Habet enim cuprum suum usum, modo auro relinquat suum precium. Et rursus aurum indiget interdum cupro, ut id quod inde efficitur fiat stabilis.) Sic doctrina Ecclesie de virtutibus, etiamsi longe excellit philosophia: tamen multum in edificio tabernaculi Dei, cognitione virtutum philosophicarum, tanquam exoticis quibusdam thesauris inuatur. Quare qui illam Philosophie partem, quæ doctrinam de virtutibus continet, contemnit, dignus est potius flagris quam refutatione, præsertim, cum videamus Paulum Apostolum non raro dicta Philosophorum & Poetarum de virtutibus mutuatum esse.

Iam ad eam partem humane sapientie veniamus, quæ naturas rerum scrutatur. Hic profecto fatendum est eam Philosophie partem, quæ rerum naturas rimatur, magnum adminiculum adferre ijs, qui in Schola

Christi versantur. Multa enim in Mose, Prophetis, Psalmis, Evangelicis scriptis occurrunt, quae sine humana sapientia de rerum naturis & proprietatibus, intelligi non possunt. Quod qui negat, ei sane helleboro opus est: ut interim sileam, cum ingratum esse Deo, qui dona ipsius in Philosophis non agnoscit & veneratur.

Quantum autem ad sermonem attinet, Philosophia facit ut sermo sit & emendatus & rectus, & elegans. Quo profecto beneficio humana sapientia Ecclesia Dei carere non potest, nisi muta esse velit. Quid de theoria dicam, quam Epiphanius in Scriptura sacra interprete requirit? certe qui sine dialectica hanc accedit, profecto ἀκριβὲς ὅντος πρὸς λόγον accedit. Ut taceam theoriam plane ἀχαλινωτοί esse sine dialectica & in precipitia agere. Quomodo enim sine dialectica collationes instituet? Quomodo ordinem intelliget & monstrabit alijs? Quomodo genera, species, & differentias inueniet? Quomodo definitiones extrinet? Quomodo divisiones faciet? Quomodo rationes ordinabit & indicabit? Quomodo antilogias soluet?

At si quis Enthusiasta obiecerit Apostolos fuisse rudēs harum rerum, Igitur neque iam requiri in doctoribus Ecclesiae, sed sufficere Spiritum S. Etsi spiritus Christi doctor veritatis semper est implorandus, ut nos doceat, & in veritate dirigat: tamen discernendum est inter miraculosam instructionem: qualis fuit Prophetarum: deinde Apostolorum, qui die Pentecostes per Spiritum S. plene sunt edocti de mysterio Evangelij: deinde paucorum aliorum: & Ordinariam, qualis est eorum qui successerunt Apostolis. Hanc commendat Paulus suo discipulo, cum ait: Attende lectioni. Neque potest hac ordinaria instructio, quam requiro in interprete

Scriptu-

Scripturarum, vtiliter fieri, sine rerum multarum notitia, qua ex philosophia petenda est. Proinde ut & recte sapiamus, & bene agamus, opus est nobis & philosophia & Theologia: illa quidem, ut ministra: hac vero, ut imperatrice. Quando ergo humana sapientia qua Philosophia dicitur submittit se diuina sapientia, id est, Theologia, ei que seruit, vtilissimum est ipsius ministerium. Verum si, ut Agar ancilla dominari voluit Sara hera sua, ita Philosophia incipiat dominari Theologiae: ut meretrix de familia Dei eicienda est. Neque aliud vult Paulus cum hortatur Colossenses, ut caueant ne quis se decipiat, & a recta vi: abducat, per inanem philosophiā, manifeste opponens inani philosophia, veram & pie seruientem dominae suae, hoc est diuinae sapientiae. Porro, qui recte sapit & bene agit, is etiam bene habet, animo saltem. Corporis enim morbis destinata est ars medica, qua ex media philosophia nata, observatione & experientia aucta & confirmata est. Quam qui non magnificat, donum Dei contemnit, & Spiritui sancto resistit, qui iubet, medicum in honore habeamus.

Haec lenus exposuimus quae sunt homini imprimis meditanda, videlicet quomodo bene sapiat, bene agat, & bene habeat, & ostendimus praestantissimorum hominum ingenia in ijs tradendis & transferendis in usus hominum, elaborasse. Quorum exemplo & nos promodulo ingenij nostri aliquid adferre conati sumus, & hos Synagma assertionum de praecipuis nostrae religionis articulis, euulgamus, ut studiis eorum qui bene sapere, bene agere, & bene habere cupiunt, consulamus. Deus faxit ut omnia in ipsius laudem, in adificationem Ecclesiae, & salutarem instructionem eorum qui hac lecturi sunt, cedant.

Quod autem, magnifice domine Rector, frater, & collega carissime, hoc Syntagma sub tuo nomine in lucem prodire voluerim, has habui causas. Primum enim quia longo tempore in hac Academia una viximus, vera amicitia & summa familiaritate coniuncti, volui hoc testimonium amoris mei erga te publice extare, quo uterque nostrum tanquam symbolo quodam, de vinculo familiaritatis mutua, qua deuincti sumus, admoneamur. Deinde, ut tua autoritate, summo magistratu in nostra Academia magna cum laude fungentis studiosa iuuentus excitata, hoc Scriptum, in eorum potissimum usum euulgatum, legat libentius. Adhuc ut signum sit mee gratitudinis erga collegas meos omnes, potissimum propter amplissimum illud munus, quo me nuper honorarunt, te & rectore & suatore. His bene & feliciter vale, cum collegis meis & fratribus carissimis. Oro autem aeternum Deum Patrem Domini nostri Iesu Christi, ut dulcissimo vinculo sui spiritus in vero amore nos coniungat, regatque singulos, ut omnes nostros conatus eo referamus, ut qui nostre fidei commissi sunt proficiant in vera sapientia, pietate & virtute, quo nobiscum sani sint & animo & corpore, Amen.


Ex museo nostro, primo Aprilis,

Anno Domini, 1574. AEtatis

autem mea, sexa-

gesimo primo.

✱





DEVS.

I **D**UPLEX de Deo hominum est instructio, Vniuersalis vna, quæ omnium hominum est, Peculiaris altera, quæ filiorum Dei est propria.

2 Vniuersalis Dei instructio, Natura & Demonstratione, ex operibus Dei desumpta, nititur. Vt enim Natura magistra, omnes sani homines intelligunt Deum esse: ita opera Dei, & vnum esse Deum clamant, & eundem æternum, omnipotentem, sapientem, bonum, misericordem, veracem testantur.

3 Huic cognitioni Dei naturali, duplex finis est propositus, proprius vnus, alter accessorius.

4 Proprius quidem finis bipartitus est, videlicet veri Dei vera noticia, & Dei cogniti verus cultus. Accessorius vero accedit hominum culpa, nimirum vt sint inexcusabiles, vt qui nihil prætereundum possint, quin iure sint damnabiles, quotquot Deum non agnoscunt, vel agnitum non glorificant veris cultibus.

5 Et si igitur fatendum est, mentem humanam quædam de Deo prolepses veras habere: tamē cum istæ prolepses, hypothesibus & actionibus accommodari incipiunt, ipsa *diuina* toto aberrat coelo, id quod cum experientia testatur Apostolus, Rom. i.

6 Et tametsi opera Dei satis euidentem demonstrationem de Deo suppeditant, quantum quidem ad lucem Dei attinet: sensus tamen humanus, verbo Dei destitutus, deficit, antequam assequatur, aut quis sit Deus, aut quæ sit eius voluntas, vt in Socrate, qui iudicatus est sa-

pietissimus, videre est.

7 Sibi igitur relicta ratio, a vero Deo aberrat, adeo, ut nec essentiam, nec distinctionem personarum, nec beneficia erga Ecclesiam, salutariter intelligat.

8 Quare Philosophi, etsi multa disputarunt de Deo acute, multasque gnomas prodiderunt veras: tamen salutarem Dei noticiam non sunt affecuti. Nam iuxta Pauli dictum, cum se putarunt sapientes, stulti facti sunt, ut qui pro vero & solido cultu Dei, speciei eius amplexati sunt, suis dialogismis, ut Paulus loquitur, decepti.

9 Contra verbum Dei rhetoricantur, imo nugantur potius, qui sanctis Patriarchis, Regibus & Prophetis, annumerant Scipiones, Fabios, Fabritios & alios quosdam, qui verbum Dei non didicerunt, sed potius pro ludibrio habuerunt.

10 Vano enim & erroneo nituntur fundamento, cum aiunt: Gentes, lege naturæ: Iudæos, lege Mosaica: & Christianos, lege Christi, saluari, somniantes qualemcunque disciplinam morum, salutis meritum esse.

11 Siquidem vnica salutis via est Iesus Christus. Qui hac in coelum non tendunt, ad inferos detruduntur, ut qui sub ira Dei manent damnati. Firmum enim est dictum illud Iohannis 3. Qui non credit in filium, ira Dei manet super eum.

12 Neque tamen hæc naturalis Dei noticia, pijs est inutilis, imo mirum in modum eos erigit, confirmat & consolatur. Nam dum coelos narrare gloriam Dei vident, ipsi rapiuntur, non solum in admirationem potentiae & sapientiae Dei: verumetiam de æterno Christi regno cum Dauide, cogitant, in quo Christum, Solem iustitiae, venerantur, Prophetas, pios reges, Apostolos, &c. tanquam stellas suspiciunt, non sine ingenti animorum voluptate.

13 Altera Dei noticia, quam propriam filiorum Dei dixi, duobus firmissimis fundamentis nititur, nempe verbo Dei infallibili, & testimonio verbo addito. Quod enim

enim verbo exponitur, id testimonio, tanquam maiestatis diuinæ sigillo, confirmatur & obsignatur.

14 Verbum disertè pronunciat vnum esse Deum, qui est Pater æternus, & Filius coæternus patri, & Spiritus sanctus coæternus Patri & Filio. Testimonium patefactionis in baptismo Domini idem verbum confirmat & obsignat.

15 Cum ergo talis omnino sit cogitandus Deus, qualis per verbum & testimonium nobis proponitur, & oporteat omnino pios de Deo quærere ex eius verbo, de Deo loqui per eius verbum: Vt vnum æternum Deum: ita in vna diuina & indiuidua essentia Dei, tres hypostases seu personas, Patrem & *Λόγον*, & Spiritum sanctum confiteri par est.

16 Nam cum scriptura vnum solum Deum agnoscit, & eadem Patrem Deum fatetur, qui non sit Filius: & Filium Deū veneratur, qui non sit Pater: & Spiritum sanctum Deum colit, qui nec Pater sit, nec Filius: discernit utique tria hyphistamena, in vna indiuidua diuina natura.

17 Non est igitur aliud Pater, aliud Filius, aliud Spiritus sanctus, quia vna indiuidua & diuina est natura, licet alius sit Pater, alius Filius, alius Spiritus sanctus. Nam nec Pater Filius est, nec Spiritus sanctus Pater aut Filius.

18 Hinc pie Fulgentius aduersus Hæreticos: Cum vnum Deum a Patre, & Filio, & Spiritum sanctum, vnam naturam istius summæ Trinitatis, intellige: Cum Trinitatem audis, tres personas illius summæ Trinitatis, agnosce.

19 Proinde, etsi Pater, & Filius, & Spiritus S. idem sunt essentialiter, vt qui sunt *ὁμοούσιοι*, non *συνοούσιοι* aut *ταυτούσιοι*: tamen realiter distinguuntur, & suas distinctas proprietates interiores & exteriores habent.

20 Interiores quidem proprietates sunt: quod solus Pater ingenitus gignit Filium: solus Filius nascitur ex Patre: solus Spiritus sanctus procedit ab utroque. Ex-

teriores vero proprietates sunt, mittere & mitti. Pater mittit: Filius missus est, & assumpsit naturam humanam, in qua & victima factus est: Spiritus sanctus mittitur in corda hominū, vt in ijs accendat nouā lucem & iusticiā.

21 Neque hæ exteriores proprietates infringunt regulam Augustini, qui dicit Opera Trinitatis ad extra esse indiuisa, modo eam intelligamus, seruata cuiusque personæ proprietate: vt, Pater creat, Filius creat, Spiritus sanctus creat. Pater saluat, Filius saluat, Spiritus sanctus saluat, sed seruatis proprietatibus personarum.

22 Proprietates, quibus Deus a creaturis distinguitur, inter alias hæ sunt. 1. quod in vna indiuidua natura sint tres hypostases. 2. quod Deus sit essentia æterna. 3. quod sit creator & saluator. 4. quod sit in mundo & supra mundum. 5. quod sit in nullo loco, & in omni loco.

23 Præterea, cum varia prædicata in scripturis tribuantur Deo, obseruandæ sunt eorum differentię, quarum prima est, quod quædam negatiue, quædam affirmatiue de Deo dicuntur. Vt negatiua quid non sit Deus indicant, qualia sunt ingenitus, immensus, ineffabilis, ἀνάρχος: ita affirmatiua ad descriptionem Dei pertinent, non quod vlla nomina satis explicant diuinam naturam, sed vt talem nobis delineent, qualem intellectus noster eum potest apprehendere.

24 Affirmatiua prædicata sunt multiplicia. Quædam enim essentialiter Deo tribuuntur, seu ad se dicuntur, vt loquitur Augustinus: quædam relatiue: quædam per similitudinem, vt sunt ea quæ ad actionem, passionem, locum, situm, tempus, habitum referuntur: quædam ex tempore & relatiue simul, vt, Dominus, creator, refugium, donatus, datus, missus: quædam ex tempore sine relatione, vt, humanatus, incarnatus.

25 Essentialiter tribuuntur Deo voces quæ Categorijs substantiæ, quantitati & qualitati subiiciuntur, vt, Deus omnipotens, bonus, &c. de his sunt duæ regulæ obseruandæ.

26 Prima, Quod ista varia attributa Dei, non diuersitatem in essentia, aut vllum accidens significant, (in Deum enim nullum cadit accidens) sed vnā eandemque essentiam notant, quæ effectuum ratione in creaturis, varias sortitur appellationes. Nam secundum essentiam non distinguitur bonitas a iusticia aut omnipotentia, sed solum respectu effectuum.

27 Secunda, Quicquid proprie ad se dicitur Deus, & de singulis personis dicitur, Patre & Filio & Spiritu sancto, & simul de ipsa Trinitate, non pluraliter, sed singulariter, dicendum est. Siquidem non aliud est Deo esse, aliud magnum esse, aliud bonum esse. Quare vt vna essentia est diuina: ita vna magnitudo, vna bonitas, & sic de alijs.

28 Quæ relative dicuntur nomina, non comitant. Qui enim est Pater, non est Filius, nec Spiritus sanctus. Erit autem Pater dicitur ad Filium, & Filius ad Patrem, secundum aliquid, vt vocant: non est tamen accidens Patri, quod Pater sit, nec Filio, quod Filius sit, quia & ille semper Pater, & hic semper Filius existit.

29 Quæ per similitudinem dicuntur, vt Sedere super Cherubin, amictum esse abyssu, ascendere, descendere, poenitere & similia, nequaquam accidentia in Deo esse, conuincunt, sed tantum Deus se accommodat captui humano, per huiusmodi imagines, & suam prouidentiam testatur, quo nostra fiducia suscitetur & crescat.

30 Hanc Dei notitiam, inauguratio Christianismi, quæ fit per Baptismum, requirit. Iubemur illic baptizari in nomine Patris, & Filij, & Spiritus sancti, & vnius Dei, qui est Pater, & Filius, & Spiritus sanctus, fidei nos committamus, eumque solum colamus.

31 Hanc quoque Symbolum, quod Irenæus traditionem Apostolicam vocat, efflagitat. In eo enim symbolo duo proponuntur, Historia, & Fidei professio. Historia primo loco, vnum Deum Christianis commendat. 2. tres enumerat personas. 3. personales differentias exprimit.

4. Opera communia Trinitatis proponit. 3. Peculia-
res in Ecclesia actiones personarum in Trinitate, attin-
git. Fidei (quæ in noticia historiarum, & fiducia misericor-
diæ posita est) professio, Christianum ab omnibus mun-
danis sectis separat.

32 Cæterum huic noticiæ Dei, idem quidem finis
propositus est, qui & naturali Dei noticiæ. Verum quia
hæc noticia salutaris est, habet eius finis plures partes.
Primum enim hæc noticia eo pertinet, ut recte formet
iudicium nostrum de Deo, qui vult a nobis agnosci talis,
qualem se suo verbo & testimonio patefecit. Deinde, ut
recte de creatione iudicare discamus, quæ est opus to-
tius Trinitatis. Tum, ut recte de reparatione generis hu-
mani cogitemus. Præterea ut articuli fidei nostræ, perspi-
cui sint & illustres. Ad hæc, ut recte de Deo edocti, soli-
cite in hac vita ambulemus coram ipso, in vero timore,
fide & vera inuocatione, (est enim inuocatio in hunc
solum Deum dirigenda, qui est vnus in essentia, trinus in
personis) & in futura vita, perpetuo eius conspectu bea-
ti fruamur.

33 Porro, cum hæc ex verbo Dei, & confessione Ca-
tholicæ Ecclesiæ, asserimus, damnamus simul & execra-
mur omnes hæreses cum his assertionibus pugnantes.

34 Imprimis autem execramur Epicureorum ἀθεϊσ-
tæ & Græcorum πολυθεϊσται, & Manichæorum deorum iu-
go, cumque omnium Philosophorum (quos patriarchas
hæreticorum recte appellat Tertullianus) aberrante a
verbo Dei sententia.

35 Damnamus quoque Nouatianos & Sabellium,
qui tametsi vnicam essentiam diuinam recte agnouerunt:
perperam tamen vnam tantum personam, cæcæ Philoso-
phiæ ductu præcipitati, decuerunt.

37 Arium præterea execramur, qui etsi recte tres per-
sonas agnouit: impie tamen tres essentias statuit, quas
rum alia esset Patris, alia Filij, alia Spiritus sancti: Patris
quidem increatam agnoscens, sed reliquas sacrilege in
creaturam

creaturarum ordinem redigens.

37 Similiter & Donatistas execramur, qui filium Dei minorem Patre, & Spiritum sanctum minorem Filio imprudenter asseruerunt.

38 Deinde, cum his hæresiarchis, damnamus etiam impium & impurissimum nebulonem, Michaellem Seruetum, qui rabiose contemtis sanctorum patrum consilijs, Arij, & aliorum Fanaticorum hominum damnatas hæreses, reuocare conatus est, quem iuste accusatum a D. Iohāne Cāluino, merito Geneuates affecere supplicio.

CREATIO.

CREATIO proprie est primaria illa rerum productio siue formatio, qua Deus æternus Pater domini nostri Iesu Christi, vna cum Filio æterno & Spiritu sancto, produxit ex nihilo, sua diuina potentia, & formauit cælum & terram, & quicquid in illis continetur, visibile & inuisibile, ut ipse a creatura rationali agnoscat & celebretur: ut qui res omnes sapienter creatas, nunc sua bonitate & paterna prouidentia, complectatur.

2 Hæc descriptio plures habet partes, quarum singulæ diligentius perpendendæ & excutiendæ sunt, quo in maiorem Opificis admirationem rapiamur, & rebus ab optimo Deo conditis, in ipsius gloriam, cum gratiarum actione, utamur.

3 Sunt autem hæ partes. 1. Quis creat? 2. Vnde creat? 3. Quid creatum est? 4. Quis creationis finis? 5. Quæ rerum gubernatio & administratio? De his partibus ordine dicendum est.

4 Cum audimus, vnum æternum Deum rerum creatorem esse, iuxta verbum Dei infallibile, ut munimur nō solum aduersus errorem Aristotelis, qui sine demonstrationibus, & falso, asseruit mundum esse: *ἄνταρχος*, forte ut

præceptoris sui Platonis dogma, de principio mundi, euerteret, verumetiam aduersus Manichæos, qui duos rerum formatores finxerunt, vnum bonum, alterum malum: Ita, qui rebus creatis & ipsi creati vtimur, admoneamur de gratitudine erga opificem, & legitimo rerum creatarum vsu.

5 Hic æternus Deus, non ex præiacente materia, vt finxit Plato, sed ex nihilo produxit creaturas. Qui autem materiam Deo coæternam fingunt, hi & Deum, sensuum suæ rationis mensura, sacrilege metiri conantur, & Materiam diuina Natura præditam esse, tacite fingunt, cum nihil æternum dici possit, nisi idem sit Deus.

6 Res creatas & productas, Moses per synecdochen coelum & terram vocat. Vt enim ipsum coelum & terram condidit: ita omnium rerum, quæ in illis continentur, opifex est.

7 Tametsi autem hac breui diuisione, periocha omnium rerum absoluitur: tamen vt magis admiremur opificis sapientiam, omnipotentiam & bonitatem, utile est, & aliarum rerum creatarum ordines aspicere.

8 Primum igitur hic ordo consideretur, quod quicquid Deus creauit, vel est spirituale tantum, vel corporale tantum, vel vtriusque particeps. Vt autem quod spirituale tantum est, supremum dignitatis locum occupat, & id quod corporale tantum, infimum: ita quod est vtriusque particeps, vt est supra corporalia omnia: ita proximum est spiritualibus.

9 Hæc triplicia rerum genera ad bonitatis suæ participationem produxit Deus: quorum Primum, continet inuisibiles & angelicas substantias: Medium, visibilia atque corporalia, vt sunt elementa, animalia, coelum, &c. quorum admirandum ordinem, motum & virtutem, præclaræ illæ artes, Physica, Astronomia & Medicina, rimantes, inde opificis sapientiam, potentiam & bonitatem monstrant. In tertio rerum genere ipse homo est, vt qui ex spirituali & corporali natura constat.

10 Nec iste ordo rerum creatarum, quem Physici erudite ponunt, est negligendus. Dicunt enim, rerum esse quatuor gradus, quorum Primus & infimus; est earum rerum quę sunt tantum, vt Elementa, lapides, metalla: Proximus, rerum quę sunt & viuunt tantum, vt Plantę, herbę, frutices: Tertius, rerum quę sunt, viuunt & sentiunt simul, vt Animalia, bruta: Quartus, rerum quę intelligunt, vt Angeli & homines.

11 Porro, in his rebus, pulcherrima specierum varietas, facultatum ac virium proprietas, vt nobis summam sapientiam & bonitatem Opificis monstrant: ita nihil esse frustra conditum clarissime ostendunt. Ex quo efficitur, quod quicquid conditum sit, nequaquam debeat suarum facultatum vsum sibi soli retinere, sed benigne alijs communicare.

12 Vt enim Deus suę bonitatis participes fecit creaturas: ita vicissim res sic condidit, vt alię alijs sua communicent dona, in omnium communem vsum collata, & Opificis gloriam.

13 Hinc Sol suum lumen communicat Lunę, & Luna rursus suas virtutes impertit rebus inferioribus, & sic de alijs.

14 At si qua creatura hanc Dei ordinationem violet: bonitatis rationem amittit, & reatu coram Deo obstringitur. Hinc est, quod homo in peccatum lapsus, omnium maxime hunc diuinum ordinem perturbat.

15 Quicquid enim creatum est, etsi ratione Efficientis causę & Materię, bonum semper existit: tamen, cum in suo ordine Opifici non seruit, contra ordinem diuinum ruit, & peccato inuoluitur, vt videmus in angelis lapsis & hominibus.

16 Etsi autem finis creationis & rerum creatarum, ex ijs, quę dicta sunt, in genere intelligi potest: tamen is paulo distinctius est repetendus.

17 Creationis quidē finis est, quem Salomō ponit his verbis: Omnia operatus est Iehoua propter semetipsum,

Hoc est, ut ipse in eis agnoscatur, laudetur & glorificetur.

18 Verum si res creatas species, triplex earum finis est spectandus, nempe, Status, actionis, & ordinis, quorum Primus, Secundo: & yterque Tertio, destinatur.

19 Quantum autem ad statum cuiuslibet rei attinet, finis est, ut quælibet res incolumitatem suam absque incommodo tueatur. Ut, finis herbe est, ut crescat, abundet humoribus, vire scat & floreat. Equi, ut, sine freno, lascivius feratur in campis. Hominis, ut sit mens sana in corpore sano, absque omni mœrore & ærumnis.

20 Ad hunc statum hominis tuendum, Deus contulit homini triplicia bona, ut Alijs alatur, Aliorum ministerio utatur, Alia ad honestam voluptatem conuertat. Voluptas autem, quam Epicuri schola tuetur, cum hominis dignitate pugnat.

21 Secundus finis actionis est, quem erudite Physici ex duobus principijs colligunt. Primū enim, cum Theologis fatentur, nihil frustra conditum esse, sed ad certum vsum: quia omnia, quæ fecerat Deus, erant valde bona. Deinde, quia Deus singulis speciebus rerum indidit peculiare facultates, inde recte concluderunt, cuiuslibet rei actiones, quæ procedunt a proprijs eius facultatibus, esse finem eius rei.

22 Hoc Lemmate constituto, finem hominis (ut de alijs rebus, quas Physici sibi excutiendas assumunt, taceam) hoc modo saniores Philosophi colligunt.

23 Duæ sunt facultates in homine, quæ eius propriæ sunt, nempe, facultas inquirendi, & facultas eligendi: quarum, illa inquit veritatem: hæc, honestatem meditatur.

24 Facultas inquirendi veritatem, quadruplici utitur instrumento, Mente, Ratione, Phantasia, Sensu. Verū quia, lapsu hominis in peccatum, deprauata est Mens & Ratio, quantum ad res diuinas attinet, opus habet homo doctrina coelesti, sine qua in salutarem Dei cognitionem, ad quam & conditus & regeneratus est, minime pervenire potest.

25 Facul-

25 Facultas eligendi honesta, expedita quidem fuit ante lapsum. Sed nunc ad salutares actiones, coniungenda sunt tres causæ: Verbum, quod monstrat veras actiones: Spiritus sanctus, intus mouens, & voluntas, Spiritui sancto obtemperans.

26 Hinc efficitur, quod, si actionem spectes, duplex sit finis hominis: nempe, veritatis inquisitio agnitioque, & virtutis electio. At, cum summa veritas sit noticia Dei, & summa virtus sit Deum vero cultu celebrare, sequitur quod finis hominis sit agnitio Dei & cultus.

27 Hinc Scriptura pronunciat, ideo conditum esse humanum genus, & deinceps ideo redemptum, ut sit templum Dei, Deum celebrans: Sicuti & Dominus testatur, cum ait: Hæc est vita æterna, ut te verum Deum agnoscant, & quem misisti, Iesum Christum.

28 Finis, quem ordinis appellavi, recte assignatur a Stoicis Deus ipse, qui omnia dicunt hominis causa facta, homines vero Dei: nempe, ut ad ipsum omnia referant, & eum celebrent.

29 Nam hac conditione, Deus res creauit: ut inferiores gradus rerum seruiant superioribus, donec ad Deum ventum fuerit, qui est finis bonorum. Quare, ut tres primi rerum ordines seruiunt homini: ita quartus, in quo sunt angeli & homines, Deo seruire debent.

30 Ut igitur suum ordinem vniuersæ creaturæ seruant, seruientes homini: ita homo, cum Deo non seruit, contra suam dignitatem facit, & ordinem Naturæ rerum peruertit.

31 Propter has rerum fines, Deus, qui condidit res, Idem easdem, paterna cura, & providentia, cõplectitur.

PROVIDENTIA.

PROVIDENTIA Dei est, cum sapientia, cum actio Dei, quibus sustentat, gubernat, & moderatur omnia a se condita, in sui nominis gloriam.

Huius prouidentia modi, tres sunt. Pri-

mus est vniuersalis, quo dirigit Deus omnes creaturas, iuxta conditionem & proprietatem, quas singulis, dum formauit eas, dedit, & nunc eas suas cura complectitur, vt stet incolumis naturæ status.

3 Hæc vniuersalis Dei operatio, nequaquam prohibet, quo minus singulæ creaturæ, tum in cœlo, tum in terris, qualitatem suam & naturam retineant, propriamque inclinationem sequantur.

4 Vnde Augustinus recte dicit, Deum res conditas ita administrare, vt eas proprijs motibus agere sinat. Nam hoc ipsum prouidentiz opus est, & naturam & inclinationem, modumque naturæ agendi, sustentare.

5 Secundus prouidentiz modus est specialis, quo Deus moderatur omnia, & addicit creaturas in obsequium suum, vt maxime expedire & conducere sibi videtur.

6 Hac prouidentia, tonitrua, gelu, grandinem, siccitatem, tempestatem, serenitatem, abundantiam, famem, bellum, pacem, exilium efficit Deus: vt hæc sint bonitatis, iustitiæ & iudicij sui instrumenta, prout nunc seruos suos iuuare, nunc fontes punire, nunc pios castigare constituit: idque iuxta suas promissiones & minas, non ex Stoica necessitate.

7 Hoc ita esse, conuincunt prophetæ Dei, Esaias, Ieremias, Hoseas, Amos, Abacuc, Hagæus, quorum sententijs potius acquiescendum est, quam stultis imaginationibus hominum, qui vel fatali necessitate, vel casu, omnia ferri falso autumant.

8 Tertius modus prouidentiz est peculiaris, quo Deus viuit & regnat in Ecclesia Christi, fideles erigit & fouet operatur velle & perficere, inspirat precandi affectum, & efficit, vt in præceptis suis ambulemus, iuxta promissionem quæ habetur, Ezechiel. 36.

9 Vt autem cogitatio prouidentiz Dei sit nobis gratior, cū finis, tū eius vsus, diligenter est perpendendus.

10 Finis duplex est, Prior, vt nos totos Deo commēdemus,

demus, eum timeamus, inuocemus & prædicemus. Posterior, ut in recte factis secure contemnamus quicquid vel mundus vel Satan minatur.

11. Vt autem gubernari potest duabus regulis, quarum prior est, quod tam in præteritum quam in futurum consideranda sit prouidentia Dei. Posterior, quod Deus interdum medijs, nonnunquam etiam contra omnia media, aliquando absque medijs suam prouidentiam exequatur.

12. Si ad tempus respicis præteritum, Diuinæ prouidentiae ascribes, quicquid vel prosperi vel aduersi tibi contigit, sed diuersimode. Si enim quid prosperi contigit, habes occasionem Dei celebrandi, idque exemplo Sanctorum. Si quid aduersi contigit, duo facienda sunt. Primum cogita cum Iob: Ut Domino placuit, ita factum est. Deinde, actæ vitæ subeat memoria, ut ex poenis tibi inflictis, peccata tua agnoscas, & emenderis.

13. In tempus futurum, hoc modo est reputanda prouidentia Dei, ut semper ad comminationes & promissiones respicias. Honora, inquit, parentes. Huic præcepto obtemperanti bene erit. Qui autem non obtemperat, poenis subiacebit.

14. Porro si per media nobis prospicit Deus, accipienda sunt quidem illa media ut organa Dei, & diuinæ prouidentiae instrumenta, sed Deo gratias agemus, agnito beneficio, & organa amplectemur, ut Dei manum, per quam nobis sua beneficia porrigit.

15. Si absque medijs nos iuuat, quemadmodum Moysen & Eliam absque pane aluit, verbo Domini hoc ascribemus, iuxta illud: Non in solo pane viuit homo, sed ex omni verbo quod procedit ex ore Dei.

16. At si contra media nobis prospicit Dominus, hoc est, cum nulla obstacula prouidentiam diuinam impedire possunt, sicuti viris qui erant in camino Babylonico accidit, prædicabimus Deum, & omnibus hominibus patefaciemus eius bonitatem.

17. Huius prouidentiae exemplum conspicitur illustre

hodie in Ecclesia, contra quam portæ inferorum, & cœciliabula hominum præualere non possunt. Et, vt alia taceam, vnum illum Prophetam Dei, Martinum Lutheri, Satan vt leorugiens, & vniuersus orbis furibundus, non potuit ledere vel in minimo capitis pilo.

18. Etsi autem hoc non est vniuersale, quod suos ita miraculose seruet Deus: tamen cum sit, agnoscenda est Dei prouidentia cum gratiarum actione: Sin autem secus visum fuerit diuinæ prouidentię, etiam id in explorationem & salutem Sanctorum fieri, statuendum est.

19. Breuiter hic tres regulę teneantur, quarum maximus erit vsus in tota vita.

20. Prima, Retineatur fides & bona conscientia quę non possunt esse nisi coniunctę, etiam si fides naturę prior est.

21. Secunda, Cauendum ne vel in prosperis efferaris, vel in aduersis succumbas: quod Christianę fortitudinis opus est.

22. Tertia, Submittas te sapienti prouidentię Dei, in vero timore, inuocatione, gratiarum actione & obedientia.

23. Porro, hic quęritur, cum Deus omnia sua prouidentia gubernat, adeo vt nihil possit ipsius voluntati resistere: Qui fiat, quod multa videantur fieri contra ipsius voluntatem?

24. Duplex modus voluntatis Dei est, videlicet, Decreti puri, & permissionis.

25. Voluntas decreti puri semper permanet immota. De hac dictum est: Voluntati eius quis resistit?

26. Voluntas permissionis pendet ex ordine prouidentię Dei, tantum abest, vt cum prouidentia pugnet.

27. Est autem ordo prouidentię diuinę, vt Deus conferuet modum agendi, quem dedit rebus a se creatis, cum eas primum creauit.

28. Nunc autem, cum alias res ita creauit, vt naturaliter agant, alias, vt voluntarie: certe cum res voluntarie agentes

agentes feruntur libere, Deus suum opus conseruat, videlicet modum agendi ijs in creatione attributum.

29 Hæc Dei voluntas, permissionis dicitur, quæ relinquit angelis & hominibus liberam *in peccatis*, quam si non haberet homo, nec præceptio nec prohibitio locum haberet.

30 Addo, quod nec virtutis laus vlla esset, nec scelus iusta pœna, si voluntatis nulla esset libertas.

31 Hinc ergo fit, quod tam multa contra ordinem diuinum ferantur, quæ tamen prouidentiam diuinam non effugiant.

H O M O.

H O M O creatura Dei, constans corpore & anima rationali, Vt ad imaginem Dei cum libera voluntate est conditus: ita præses creaturarû inferiorum ordinum est constitutus, vt Deum agnoscat, & agnitum celebret cum sanctis angelis in omni æternitate.

2 Hæc definitio quia extructa est ex verbo Dei, nullo modo labefactari potest. Etsi enim hominis vires diminutæ sunt, per lapsum primorum parentum: conuenit tamen definitio homini, qualis primum est creatus.

3 Neque enim simpliciter considerandus est homo, cuius status pro diuersitate conditionum ipsius mirabiliter variat. Esse autem statum hominis quadruplicem, verbo Dei clare ostenditur, cuius diuersitatis respectu, etiam de eius viribus iudicandum erit.

4 Primus etenim hominibus status fuit innocentia, in quo homo creatus purus ab omni peccato fuit, & Deo plenam obedientiam præstare potuit. Habuit enim homo in hoc primo statu imaginem Dei, integritatem, *id est* omnium virium, verbum, & sacramentum duplex, nimirum immortalitatis & probationis.

5 Imago Dei, quæ in homine relucebat, gratuita

erat. Ad hanc enim ipsum Deus formauit. Hæc imago erat quædam cōformitas & similitudo, quæ Adamo erat cum Deo, qua iusticiam & sanctitatem Dei, quasi in speculo repræsentauit Adam. Nam libertate suæ voluntatis potuit, & iudicare quæ recta erant, & velle quæ recte iudicauit, & exequi quæ voluntas imperauit. Quare recte ante lapsum *αὐτῆς* dici potuit.

6 Erat præterea hæc imago testimoniū, quod homo fuit conditus ad immortalitatē, & perpetuam cū Deo societatem, in qua re finis hominis principalis est positus.

7 Hinc est, quod Sapientiz 2. scriptum est: Deus creauit hominem ad immortalitatem, eumque ad imaginem propriæ similitudinis fecit, h'c est, propriæ naturæ. Vt sicut ille est immortalis: ita eum ornauit eadem gloria. Ea cum sit propria ipsius Dei: singulari eius beneficio, homini cōmunicata est. Item Sapient. 6. Immortalitas facit vt proxime ad Deum accedamus. Hac ergo similitudine homo Deo coniungitur.

8 Integritas autem, qua præditus fuit Adam ante lapsum, fuit mentis perfecte intelligentis, & rectissime iudicantis: cordis iustissime & ordinatissime appetentis, & virium animi & corporis promptissime exequentium, quæ mens perfecte iudicauit, & voluntas imperatrix recte imperauit.

9 *Εὐταξία*, omnium virium pulcherrima harmonia fuit, qua mens nihil cogitauit, cor nihil appetiuit, corpus nihil executum est, nisi quod Deo probabatur. Hæc harmonia mentis, cordis, corporis, cum voluntate Dei, summum hominis decus fuit, in quo & iusticia originalis posita erat.

10 Verbum habuit, quod præceptum, prohibitionē, & comminationem continebat. Præceptum erat: Ex omni arbore Paradisi comedes. Prohibitio: De arbore autem scientiæ boni & mali ne comedas. Comminatio: Quocunque die de arbore ista comederis, morte morieris.

11 Huic

11 Huic verbo appositum erat a Deo, Sacramentum duplex: immortalitatis vnum, videlicet, Arbor vitę: Alterum, probationis, scilicet, Arbor scientię boni & mali. Quemadmodum enim Arbor scientię boni & mali exitio fuit Adāmo: (nō quidē sua natura, bona enim Dei creaturā erat, sed propter mandati Dei, quod violare nefas erat, transgressionem) ita, si pręcepto obtemperasset, fructus Arboris vitę, Sacramētū fuisset illi immortalitatis.

12 Secundus status hominis est, in quem Adam, violato pręcepto diuino, est detrusus, vt in eo, suę inobedientię iustas pœnas lueret. Atque hic status omnium miserrimus est. Amisit enim imaginem Dei, integritatem & iustitiam, adeo vt totus corruptus sit, & maledictioni ob suam transgressionem obnoxius.

13 Tertius status hominis, est gratię & benedictionis, qualis fuit Adami postquam promissione erectus est: & qualis Abrahę, postquam verbo Dei credidit: denique qualis est omnium, qui Spiritus sancti gratia per semen immortale regenerantur.

14 In hoc statu imago Dei reparari incipit, dum homo regeneratus veram pietatem & sanctitatem meditat. Et quemadmodum in hac vita regeneratio non perficitur, perficienda in extremo die: ita hic imago non plene reparatur. Sed tum demum plena & perfecta erit, quando similes filio Dei erimus in omni æternitate.

15 Quartus status hominis, erit Glorię, in quo donabitur homo immortalitate, idque resuscitatis corporibus, quando reddet vnicuique Deus iuxta facta sua.


16 In hoc statu recuperabit homo, imaginem Dei plenam, qua conformis erit Deo in vera iusticia & sanctitate, in omni æternitate.

17 Verum quod de erecto hominis corpore Xenophon, & post illum Ouidius, dicunt, memorabile est. Hac enim figura formati humani corporis asserunt homines admoneri rerum cœlestium, vt Deum, qui in cœlis habitat, colant & venerentur.

18 In animæ humanæ fabrica, mirabile opificium Dei conspicitur. Nam cum eam formarit duplicibus facultatibus præditam, *γνωστικῆς & ὁρετικῆς*: satis indicat hominem formatum esse ad noticiam recti, & electionem boni, vt in his duabus rebus torus occupetur.

19 Hinc finis hominis recte statuitur, Noticia summi boni, & eiusdem electio ac fruitio. Vnde Christus: Hæc est vita æterna, vt te agnoscant verum Deum, & quem misisti Iesum Christum.

P E C C A T V M.

1  VM Moses ait: Maledictus omnis, qui non permanserit in omnibus, quæ scripta sunt in libro Legis, vt faciat ea, quænam sit vera peccati ratio, manifestissime ostendit.

2 Nam ex hoc dicto sequitur: omne quod Deus præcipit, cum non fit; & omne quod Deus prohibet, cum fit, peccatum esse, quo transgressor obnoxius maledictioni redditur.

3 Quare peccatum recte definitur esse inobedientia aduersus Deum, seu defectio a lege & voluntate Dei, cui coniuncta est ad maledictionem obligatio, donec fiat remissio.

4 In hac definitione, inobedientiæ vox, latius accipitur. Nam interdum complectitur defectum, corruptionem, & inclinationem: interdum cum his actionem quoque pugnantem cum lege & voluntate Dei.

5 Ioannes, cum ait: Peccatum *ἀνομία*: omnia quæ recensui complectitur. Est enim *ἀνομία* quicquid est in nobis, vt defectus, corruptio, inclinatio: & quicquid fit a nobis, vt omnis actio, interna & externa cum lege Dei non congruens.

6 Hoc breuiter & bene expressit Ambrosius hisce verbis: Peccatum est legis diuinæ præuaricatio.

7 Porro, cum lex Dei homines obligat, aut ad obedientiam,

dientiam aut ad poenam: duo in peccati ratione concurrere necesse est, quorum prius, Theologi veteres vocarunt Materiale, posterius Formale.

8 Materiale est vel defectus, vel corruptio, vel inclinatio, vel actio, vel hæc omnia simul. Formale est ipse reatus ad quem obligatur Legis transgressor, nimirum, ut iuxta Legis sententiam, poenam luat.

9 Esse sine timore Dei materiale est. Hanc inobedientiam obnoxiam esse maledictioni, formale huius peccati est.

10 Et si autem in omnibus hominibus est defectus, corruptio, inclinatio, & actio, pugnantes cum voluntate Dei: tamen non est in omnibus plena peccati ratio.

11 In omnibus infantibus & adultis, qui non sunt participes promissionis gratiæ, plena est peccati ratio. Nam & in eis est defectio a lege Dei, & sunt maledictionis sententiæ subiecti.

12 At in infante, ex Christianis parentibus nato, est defectus & corruptio, quæ sunt materiale peccati in infante, Sed formale peccati, quod est reatus, non est in Christiano infante. Misericordia enim Dei absolutus est a reatu: quæ absolutio, Baptismi obsignatur sacramento.

13 In Paulo conuerso fuit defectus, corruptio, inclinatio & actio, pugnantes cum lege Dei, quæ fuerunt materiale peccati in Paulo. Verum non fuit in eo formale peccati. Reatus enim ipsi in Christum credenti, condonatus fuit.

14 Atque hac sententia loquitur Ioannes, cum ait: Si dixerimus, peccatum non habemus, nos ipsos seducimus. Et, Qui natus est ex Deo, non peccat. Prius enim dictum de materiale, posterius de formale peccati intelligendum est.

15 Postquam autem de peccati ratione in genere dictum est: Nunc eius varia genera sunt spectanda, quorum obseruatio: & nos nostrarum sordium, admonebit, &

quam gratum nobis esse debeat beneficium Christi, & peccatorum sordibus nos abluentis, commonefaciet.

16 Prima itaque partitio peccati hæc est, quod aliud sit originale, aliud actuale. Illud parens, hoc misera proles: Illud fons impurus, hoc riuulus foetidus: Illud camarina pessima, hoc pestis lethalis.

17 Originale autem peccatum est, cū defectio & corruptio humanæ naturæ, propagata ab Adam in eius postereros, tum reatus, quo nascentes, propter Adæ lapsum, rei sunt iræ Dei & mortis æternæ, donec fiat remissio.

18 Hæc definitio vtrumque complectitur, Materiale scilicet & Formale peccati originis, a qua non dissentit illa Anselmi eruditissima definitio, per priuationem contrarij formata. Ita enim ait: Peccatum originis, carentia est iustitiæ originalis, debitæ inesse.

19 Iam cum certum est, iusticiam originalem (cuius carentia est peccatum originis) duo complecti, nempe integritatem omnium virium in Adam, & approbationem, qua Deo acceptus erat Adam: sequitur, quod peccatum originis, sit defectus, corruptio, & reatus.

20 Qualis autem sit defectus, & qualis corruptio peccatum originis, rectius sciri non potest, quam ex integritatis partitione. Nam cum integritas humanæ naturæ, fuit imago Dei, obedientia & *imitatio* omnium virium, mentis, cordis & corporis erga Deum: sequitur quod iste defectus & corruptio, sit inductio imaginis Dei, & *imitatio* omnium viriū, mentis, cordis & corporis.

21 Hoc peccati genus a Paulo inhabitans peccatum dicitur, propterea quod in carne nostra maneat perpetuo vsque ad mortem, & propagatur ab vno Adamo in omnes, vnde fit quod omnes nascamur, vt Paulus ait, filij iræ.

22 Porro, de ratione reatus, hoc tenendum est. Discernendum est inter personam Adæ & naturam Adæ. Non sum particeps personæ Adæ, quare nec reus sum propter personam Adæ. Particeps sum naturæ Adæ, quæ

quæ humana natura in omnes homines propagata est, idcirco naturæ respectu reus sum non minus, quam si ipse peccassem.

23 Atque hæc possunt hac similitudine vtrumque declarari. Sicut in vna persona, multa sunt diuersa membra, quæ omnia sunt rea, dum persona fit rea: ita in vna natura humana, multæ sunt personæ, tanquã eius membra. Quare natura humana rea, in primo homine, omnes personæ reæ sunt, quæ naturæ communis veluti membra existunt.

24 Atque hinc est quod Paulus Ephes. 2. ait: Natura omnes filij iræ sumus. Hoc est, Quia rea facta est natura in primo homine, nos omnes ab eo propagati, rei sumus, vt eiusdem naturæ participes.

25 Huc etiam querela Dauidis pertinet: Ecce in iniquitatibus conceptus sum, & in peccatis concepit me mater mea.

26 Hic Dauid nequaquam accusat parentes suos, nec thorû coniugalem culpat, sed retro respicit, & cõqueritur de viciosa natura, in nos, a primo homine Adâ, propagata talis, qualis facta est propter Adæ transgressionem.

27 Porro, qui extenuant peccatum Adæ, quo tota natura contaminata est & rea, non iusta mensura peccatû originale metiuntur, in quo plurima peccata grauissima concurrunt, quæ in filijs Adæ, se manifeste prodûnt.

28 Primum enim in peccato Adæ fuit horribilis dubitatio, de veritate Dei. Secundo, amissa est fides, cum non credit Deo minanti pœnas. Tertio, curiositate peccauit. Quæsiuit enim alienam sapientiam, relicto Deo. Quarto, superbus est factus, vt qui voluerit magnificeri & Deus haberi. Quinto, peccauit *ἀποστασία* qua antetulit Diabolum Deo. Sexto, ingratus erat, expulit enim Spiritum sanctum in se habitantem. Septimo, homicidium commisit, qui & se & suos posteros occidit. Octauo, contempsit Deum, dum ipsius mandatum contra conscientiam violauit.

29 Hæc omnia & plura concurrissè in peccato Adæ, ostendunt eius fructus in posteris Adæ, qui non aliunde veniunt, quam a primo fonte peccati venenato.

30 Porro, hoc virus propagatum, etsi manet in omnibus hominibus, vsque ad mortem: tamen plurimum pro diuersitate hominum, vi & efficacia variat.

31 Nam in non renatis manet materialiter & formaliter simul. In renatis autem materialiter tantum. In non renatis habitat & regnat simul. In renatis habitat quidem, sed non regnat. In non renatis fertur cæco impetu per suas concupiscentias. In renatis freno spiritus repressum domatur, & gladio spiritus magis magisque mortificatur.

32 Hactenus quid ex verbo Dei sentiendum sit de peccato originis diximus. Nunc non nihil de erroribus quorundam attingamus. Quidam Deum autorem faciunt peccati originis, contra manifestam Scripturam, quæ Diabolo, & hominis liberæ voluntati & electioni hoc malum attribuit. Monachi negant esse peccatum, sed tantum fomitem, contra Pauli vocem qui dicit nos nasci filios iræ. Pelagiani negant peccatum originis ab Adam propagari in posteros, contra Pauli assertionem, Roman. 5. Anabaptistæ nullos natos fuisse in peccato originis post Christum exhibitum, insulse nugantur, cum pœnæ peccati originis in infatibus manifeste cōspiciantur.

33 Porro, actuale peccatum, fructus peccati originis, est omnis cogitatio, affectio, locutio, actio, pugnans cum voluntate Dei, vnde homo obstringitur nouo reatu, & fit reus iræ Dei & mortis æternæ.

34 Seu, vt breuius dicam, Peccatum actuale, est omnis commissio & omissio, pugnans cum lege & voluntate Dei, maledicta & damnata à Deo.

35 Cum autem omnis Legis transgressio mereatur mortem, & obliget hominem ad æternas pœnas: sciendum est meritum mortis triplex esse, videlicet, irremissibile, remissibile, & veniale.

36 Meritum

36 Meritum mortis irremissibile, est peccatum in Spiritum sanctum, quod est voluntaria veritatis euidenter cognitæ renunciatio, & rebellio ex odio veritatis nata, coniuncta cum Tyrannica, Sophistica, & Hypocritica veritatis oppugnatione. De quo alias plura.

37 Meritum mortis remissibile, est quævis Legis diuinæ transgressio, quæ fit a sciente & volente contra conscientiam. Hoc peccatum remittitur, si transgressor illud peccare desinat, & confugiat ad propitiatorium: alioqui minime. Proinde ab euentu, & non a natura, remissibile dicitur.

38 Veniale meritum mortis est, cum ipsum peccatum inhabitans in Sanctis, tum mala eius desideria quæ excitat, & impedimenta quæ adfert conantibus pie viuere. Hoc peccatum veniale dicitur, ob veniam, qua indulget propitius Pater ijs, qui contra ipsum fide & spiritu luctantur. Nam in non conuersis nullum est veniale peccatum.

39 Hinc clare liquet, quomodo vetus distinctio, quæ peccatum in mortale & veniale distinguitur, intelligi debeat. Non enim vllum peccatum dicitur veniale sua natura, sed ex euentu, & ob veniam, quemadmodum dictum est:

40 Quicquid enim Deus præcipit cum non fit, peccatur mortaliter, & quicquid prohibet Deus, cum fit, peccatur mortaliter, si naturam peccati & non Gratiam condonantis respicis.

41 Et si autem fatendum est, contra Stoicorum Paradoxon, Alia peccata alijs esse grauiora: tamen omnia idcirco natura sunt mortalia, quia Legis diuinæ sunt transgressiones, iuxta dictum: Maledictus omnis qui non permanferit in omnibus quæ scripta sunt in libro Legis, vt faciat ea.

42 Hæc maledictio tantisper durat, donec ad Christum peccati expiatorem ventum fuerit. Qui enim in Christum credit, fide iustificatus est, hoc est, absolutus a

reatu peccati, vt non amplius propter illud reus habeatur coram Deo, & obnoxius damnatoriæ Legis sententiæ.

43 Proinde vera absolutio in Ecclesia perpetuo durans, nihil aliud est quam solutio & liberatio ab obligatione damnatoria propter peccatum, quam absolutionem omnis qui credit in Christum, habet. Ita enim Ioannes ait: Qui credit in Filium, habet vitam æternam. Quod si vitam æternam habet: profecto liber est obligatione mortis æternæ.

44 Hæc ergo perpetua Ecclesiæ absolutio, solo Christi merito nititur, quando videlicet, peccator confugit ad propitiatorium vnicum, Iesum Christum, iuxta illud: Iustificati illius gratia, per redemptionem quæ est in Christo Iesu, quem proposuit Deus *in sanguine*, per fidem in eius sanguine.

45 Hæc nostra assertio de perpetua Ecclesiæ absolutione, nequaquam conuellit absolutionem Ecclesiasticam, quam vtilem disciplinæ partem in Ecclesia iudicamus. De qua suo loco disputabimus.

P R O M I S S I O R E P A rationis.

PR O M I S S I O reparationis & salutis per Christum consequendæ, voce Dei proponitur Gene. 3. Inimicitias ponam inter te (alloquitur Dominus serpentem) & ipsam mulierem, & inter semen tuum & semen eius, ipsum conteret tibi caput, & tu mordebis calcaneum eius. Hoc est, Christus filius virginis destruet opera tua, & te victo, liberabit suos a ditione tua, & tu morde serpentem, qui insidiosè aggrediuntur & mordet incautos, insidiaberis ei, & mala quæcunque poteris, inferes.

1 Hanc promissionem Adam altius perpendens, multiplicem in se continere doctrinam haud obscure intellexit, cuius singulas partes absque dubio per totam vitam

vitam pie & prudenter meditatus est.

3 Intellexit enim hinc, duo regna esse, eaque potentissima, nempe Christi & Satanæ, longe diuersissimis studijs occupata.

4 Intellexit Christi regnum & Satanæ sibi inuicem aduersari, ita vt nulla vnquam inter ea stabiliri possit consensio.

5 Intellexit fore maxima certamina inter ista regna, nec prius a certamine quietē futuram esse, quam Christus victor, regnum Satanæ penitus aboleret.

6 Intellexit perpetuam Ecclesiæ in hoc mundo persecutionem, a Satana & eius membris imminere.

7 Intellexit Diabolum callide insidiaturum esse Ecclesiæ, cum in doctrina, tum in moribus, vnde & scandala varia & perturbationes & cædes orirentur.

8 Intellexit quod quemadmodum Satanæ regnaturus esset per peccatum, maledictionem & mortem: ita Christus suum regnum esset administraturus per Remissionem peccatorum, Benedictionem & Vitam.

9 Intellexit tandem futuram gloriosam victoriam Ecclesiæ, vt nullas amplius a Satana timeret insidias, abolito extremo hostium morte.

10 Intellexit huius reparationis promissionem fide amplectendam & retinendam esse, qua fide iustificatus homo, Deo verum cultum præstaret, certa fiducia promissam salutem expectans.

11 Vt autem huius promissionis memoria maneret firmior, & ad posteritatem Adæ perueniret: addidit Dominus suo verbo externum Symbolum, sacrificandi ritum.

12 Semper enim ab ipsis mundi initijs, hunc ritum in homine instituendo seruauit Deus. Primum, verbis illi animum voluntatemque suam aperuit. Deinde, quo clarius id exprimeret, quod erat verbis ac oratione complexus, Symbola quædam adiecit, quorum vsu atque consuetudine, in eius verbi exercitatione versaretur homo.

13 Sacrificiorum itaque crebra iteratione inculcatur promissio, unde fides, in promissum humani generis reparatorem Christum, accendebatur, alebatur, & conseruabatur.

14 Tametsi autem statim orta est contentio, inter liberos Adami, de sacrificijs & cultu Dei: Abel tamen verbum promissionis recte intellectum retinuit, cum Cain contra, oblitus promissionis, solummodo suum factum admiratus est, & magnificet. Atque ita se Sata-næ imperio subiecit ac fratrem innocentem occidit.

15 Abel, ciuis regni Christi fidelis, aspiciens suam victimam, tamque cruentam, admonebatur sui reatus, (sanguis enim Symbolum reatus fuit) admonebatur promissionis factæ suo patri, de semine, quod futurum erat victima pro peccato. Hanc promissionem fide amplectens, iustificatur & regeneratur Abel, atque ita Deo verum cultum ex fide præstitit.

16 Ad eundem modum sancti Patriarchæ, Seth, Enos, Enoch & alij ante Diluuium, promissionem de Messia, Verbis & Symbolis conseruauerunt & propagauerunt.

17 Post diluuium, multiplicatis hominibus, & late sparsis per orbem, iterum suam promissionem inculcat Dominus, dum promittit benedictionem in semine Abrahamæ, quam promissionem Abraham fide recipiens, iustus coram Deo reputatus est, iuxta dictum: Credidit Abraham Deo, & imputatum est illi ad iusticiam.

18 Huic promissioni, non nouo sensu, sed noua verborum forma, propositæ, adiecit Dominus externum sigillum, Circumcisionem, qua iusticia fidei, patri nostro Abrahamo obsignata fuit.

19 Retinuit ergo Abraham olim institutum sacrificandi ritum, quo admonebatur promissionis primis parentibus factæ, cum nouo Symbolo, quod iteratæ promissionis testimonium fuit.

20 Hanc promissionem, cum suo externo sigillo, retinuerunt posteri Abrahamæ, vsque ad promissionis complementum.

21 Porro,

21 Porro, constituta certa & peculiari populi Dei politia, plura sacrificiorum genera sunt addita, inter quæ Agnus Phæse, & sanguis Testamenti, præcipua fuerunt: cum, ut populus Dei istis adminiculis retineretur in cultu Dei, tum, ut ymbre quædam extarent veritatis in Christo Iesu exhibendæ.

22 Huc illud Ioannis: Lex per Moſen data eſt, gratia & veritas per Ieſum Chriſtum facta eſt.

23 Ut enim Moſes iram & maledictionem monſtravit, & ymbraſ quædam futurorum bonorum exhibuit: ita Chriſtus gratiam & fauorem Dei adferens, compleuit in veritate, quod ymbre obſcurius præfigurabant.

24 Nam poſtquam venit plenitudo temporis, emiſit Deus filium ſuum natum ex muliere, factum ſub Lege: ut eos qui ſub Lege erant redimeret, utque adoptionem filiorum acciperemus.

25 Hic ergo verus Meſſias, Deus & homo, promiſſionem compleuit. In cuius rei memoria & certitudinem, duo inſtituit huius rei teſtimonia, Baptiſmum & coenam Dominicam.

26 Cæterum ſolenne præconium manifeſtati Chriſti, in quo promiſſiones olim Patribus factæ, ac ſæpius per Prophetas inculcatæ, aptiſſimo & dulciſſimo vocabulo, Euangelium, Apoſtoli appellarunt.

27 Etſi autem hoc vocabulum, prius fuit apud Scriptores profanos in uſu, ſignificans quemuis felicem, optatum, & fauſtum nuncium: tamen hanc generalem ſignificationem *κατ' ἐξοχήν* Apoſtoli aptiſſime accommodarunt ad præconium manifeſtati Chriſti, qui vitam & ſalutem gratis offert, & credentibus eandem donat, & obſignat.

28 Hic proinde gratiæ, reconciliationis, ſalutis, & vitæ nuncius, quo nihil homines ob peccata ſua maledicti & damnati, felicius, optatius & fauſtius audire poſſunt, rectiſſime Euangelium dicitur.

29 Quemadmodum enim latronibus, propter ſua

latrocinia adiudicatus rotis, acerbissimo & maxime probroso supplicij generi, nihil lætius, nihil iucundius, nihil denique optatius contingere potest, quam ut a sententia damnatoria liberati, iam gloria Regia, & libertate gaudeant: ita hominibus reis iræ æternæ, maledictionisque ob sua peccata, quid melius, quid felicius, quid optatius quam audire se a damnationis sententia absolutos, inter Filios Dei censerī & esse?

30 Hinc illud apud Lucam Domini dictum: Scriptum est, & sic oportuit pati Christum, & resurgere ex mortis tertia die, & proclamari in nomine eius poenitentiam & remissionem peccatorum, coram omnibus Gentibus.

31 Hæc brevis Christi concio clarissimam Evangelij definitionem suppeditat, nimirum quod Evangelium sit vniuersalis prædicatio poenitentiae & remissionis peccatorum in nomine Christi.

32 Huc & illud vltimum Christi mandatum ad Apostolos: Euntes in mundum vniuersum proclamate Evangelium omni creaturæ: Qui crediderit & baptizatus fuerit, saluus erit: Qui vero non crediderit, condemnabitur.

33 In hoc Christi mandato, primum indicatur, quam late pateant beneficia Christi, nempe, ad mundum vniuersum, nõ ad peculiare quasdam in mundo nationes. Deinde significatur, quomodo eadem beneficia offerantur: nempe, per prædicationem Evangelij. Proclamate, inquit, Evangelium. Tum ostenditur quibus offerantur, cum ait: Omni creaturæ: quæ voce significat, quod nemo mortalium sit exclusus a Christi beneficijs, si modo sibi ipsi nõ defuerit. Postremo indicatur quomodo oblata beneficia accipiantur, & quomodo reiiciantur. Ut enim sola fide recipiantur: ita diffidentia reiiciuntur.

34 Ex his omnibus, quæ dicta sunt, simul consideratis, ut nobis sit gratioꝝ & dulcior hic nuncius salutaris, pleniorẽ quandam descriptionem Evangelij colligamus, eamque in suas partes retexemus.

35 Euangeliū est doctrina diuinitus reuelata, in qua annuntiatur liberatio a maledictione Legis, ab ira Dei, a morte æterna, & proclamatur remissio peccatorum, pax & reconciliatio cum Deo, salus & vita æterna, omnibus credentibus in Filium Dei Dominum nostrum Iesum Christum: idque propter eiusdem victimam, sine meritis nostris, secundum promissionem olim Patribus factam: vt perpetuo gloria bonitatis Dei prædicetur, vtque porro dignos Euangelio fructus edant per Christum liberati, tandemque vita fruantur æterna.

36 Hæc descriptio primum discernit inter Legem & Euangelium. Lex peccatum ostendit: Euangelium gratiam. Lex morbum indicat: Euangelium remedium. Lex mortis ministra est: Euangelium vitæ. Lex iusticiam hominis requirit, cum interminatione damnationis, si quis Legis iusticiam non habuerit: Euangelium iusticia aliena credentes ornat, & a damnatoria Legis sententia iustificatum fide absoluit.

37 Vt ergo in Lege proclamatur ira Dei, peccati virtus, maledictio & mors: ira in Euangelio annuntiatur pax cum Deo, peccati absolutio, benedictio, vita æterna: idque gratis absque omnibus humanis meritis & operibus.

38 Hinc Paulus: Eripuit nos de potestate tenebrarum, & transfudit in regnum Filij dilecti sui, in quo habemus redemptionem, per sanguinem eius, remissionem peccatorum. Per remissionem peccatorum intelligendum est, quicquid cum ea, ex gratia Dei, coniunctum est, vt iusticia, redemptio, salus, vita, pax.

39 Quoniam autem magna pars mundi ruit præceptis in damnationem, ob sua scelera, & Euangelij contemptum: descriptio nostra duo genera hominum indicat, quorum alij credunt Euangelio, alij Euangelium contemnunt. Vt enim illi saluantur: ita hi iuste damnantur, vt qui noluerunt salutem gratis oblatam accipere.

40 Hinc Apostolus: Euangelium est potentia Dei

in salutem omni credenti. Credenti enim imputatur fides in iusticiam, hoc est, Qui credit, iusticiæ Christi imputatione iustus corâ Deo reputatur. At non credentem maledictionis sententia ad æterna supplicia obligat.

41 Non ergo operantis meritum: sed credentis donum est iustificatio & salus. Vt enim ei qui operatur, nõ imputatur merces ex gratia, sed datur ex debito: ita non operanti, sed credenti in eum qui iustificat impium, imputatur fides eius ad iusticiam, Rom. 4.

42 Qualis autem fides illa sit, quæ beneficia Christi per Euangelium oblata, recipiat, Paulus, proposito Abrahami exemplo docet: ac summa huc redit, quod fides sit fiducia promissæ salutis propter Christum.

43 Vt enim Christus pro peccato nostro satisfecit, factus pro nobis peccatum: ita suam obedientiam, ne Legis damnemur sententia, nobis donat: vt, non solum liberati a peccato, verum etiam Christi iusticia ornati, appareamus in conspectu Dei iusti.

44 Hæc Evangelica gratia multis, & parabolis, & exemplis passim in Scripturis pingitur: vt in seruo debitore 1000, talentorum: in duobus Debitoribus, & Peccatrice, Luc. 7. In Paulo, Cornelio, Dauide & multis alijs.

45 Hæc imagines & exempla, Vè gratuitum esse docent beneficium redemptionis: ita qualesnam oporteat eos esse, qui Euangelio credunt, & iustificati fide sunt, clare ostendunt.

46 Seruo debitori condonauit Dominus ex mera misericordia totum debitum, quod soluendo non erat: Sed eundem durum in conseruos, ad pœnas reuocat. Peccatrix fide iusta, non desinit officiosa erga Christum esse.

47 Nā tametsi sine operibus & meritis nostris, gratia iustificationis & salus cōtingit: tamē a gratia hac, donatio Spiritus sancti, & regeneratio separari non possunt. Nā Regeneratio inseparabile iustificationis accidens est.

47 Quapropter duo genera hominum hic impingūt, Iusticiarij & Epicurei. Illi quidem, propterea quod ex operibus merita salutis, & causas iustificationis faciūt. Hi vero, quia de gratuita iustificatione & salute gloriantes, se omni turpitudini prostituunt, & cupiditatum carnis se seruos constituunt.

48 Vterque error pestilens est, & confutatur finibus aduentus Christi in mundum, & Euangelij. Nam vt Christus venit in mundum, vt destruat opera Diaboli: quod sane facit, vincendo Diabolum, expiando peccatum, infundendo gratiam, & consummando opus redemptionis, quod futurum est in resurrectione: ita finis Euangelij prædicati est, vt glorificemus Deum, vt fructus fidei edamus, vt vincamus mundum, vt tanquam sacerdotes noui, induamus iusticiam & sanctitatem, & seruuiamus Deo omnibus diebus vitæ nostræ, hostias gratas Deo per Christum offerentes.

49 Quam sit huiusmodi obedientia in renatis necessaria, tota Scriptura docet: omnium Sanctorum exempla comprobant: natura fidei euincit: energia Spiritus, quo impelluntur fideles, attestatur: gratia adoptionis indicat. Breuiter, Regni Christi ratio ostendit.

M E D I A T O R.



Hic tria ordine exponenda sunt: videlicet, cur necesse fuerit Mediatorem Dei & hominum esse Deum: Cur oportuerit eundem esse hominem: Quod, & cur sit vna persona in duabus naturis subsistens.

1 Quod necesse fuerit Mediatorem esse Deum, duæ grauissimæ sunt causæ: videlicet, Magnitudo mali, quo premebatur natura humana, & impotentia seu infirmitas creaturæ, ad restituenda bona, quæ per peccatum amissa erant.

2 Magnitudo mali cernitur in quatuor potissimum:

videlicet, in Peccati gravitate, in iræ diuinæ iusticia, in potentia mortis, & in Diaboli tyrannide crudelissima.

4 Peccati gravitas maior est, quam vt eius onus sustinere possit finita potentia, qualis est angelorum & hominum. Nam cum infinitus reatus sit, propter infinitum bonum offensum, videlicet Deum, cuius Maiestas læsa erat per peccatum primorum parentum: necesse fuit vt hoc peccatum, aut infinitis pœnis puniretur, iuxta normam iusticiæ Diuinæ, aut pro eo satisfaceret iusticiæ Diuinæ. Verum quia hæc satisfactio debuit esse primum infinitæ bonitatis, & æquivalens, non potuit ab ulla, imo ne ab omnibus creaturis simul, fieri: Quare necesse fuit expiatorem peccati Deum esse. Solus enim Deus, vt est infinitus: ita solus infinitum malum superare, abolereque potuit.

5 Ira diuinæ iusticia proportionem vindictæ ad offensam postulabat. Cum ergo offensa erat infinita: fuit & ira infinita, quam pura creatura sustinere, placareque non potuit. Quare necesse fuit, vt Mediator, qui iræ Dei placaret, Deus esset. De hac ira loquitur Paulus, Ro. i. Reuelatur ira Dei de celo, super iniquitatem omnium hominum. Quod autem hæc tolli non possit sine Mediatore, docet hoc dictum Baptistæ apud Ioannem, Qui nõ credit in Filium, ira Dei manet super eum. Quod autem hæc ira Dei sit immensa & infinita propter peccatum: (in quo concurrunt hæc mala, contemptus Maiestatis diuinæ, superba contumacia aduersus legem Dei, indigna imaginis Dei, ad quam conditus erat homo, conspurcatio, imitatio Satanz hostis Dei, foeda defectio a castris Dei ad Diabolum, & intollerabilis ingratitude, &c.) cognoscitur ex pœna primorū Parentum, ex pœna secuta in omnibus posteris Adæ, ex cõminationibus diuinis, ex calamitatibus, quibus premitur humanum genus, ex tyrannide Diaboli in homines, ex signis iræ Dei in celo, in terra, in mari, ex magnitudine æternarum pœnarum, quas luunt, qui non conuertuntur. Denique ex pretio infinito,

infinito, soluto pro redemptione poenae peccati. Quis hic non videt impossibile fuisse iram Dei tolli, nisi per Mediatorem, cuius esset infinita potentia?

6 Potentia mortis maior fuit quam ut ab vlla creatura superari potuerit: adeo quod Plinius dixerit, sed falso, ne Deo quidem possibile esse mortuum excitare. Nunc autem cum munus præcipuum est Mediatoris, destruere mortem: necesse fuit, ut potentia Diuina polleret, qua ut vitam conferre, ita mortem abolere posset. Non est enim apud illum, ut Angelus ait, impossibile omne verbum.

7 Tyrannis Diaboli crudelissima, sub qua captiuium tenebatur genus humanum propter peccatum, etiam erat opprimenda a Mediatore. Quam autem hoc fuerit impossibile humanæ Naturæ, Historia mundi cum omnium hominum experientia, testatur. Quare necesse fuit Mediatorem esse Deum, qui tyrannidem Diaboli suam opprimeret potentia. Hinc perspicuum est, quod ad magnitudinem mali, quo premebatur genus humanum, tollendam, requirebatur, ut Mediator esset Deus.

8 Hic iuxta cogitetur magnitudo amoris in æterno Patre & Filio & Spiritu sancto, erga genus humanum. Pater Filio suo non pepercit: sed voluit eum subijci poenis, ut nos ab æternis poenis liberaret. Filius volens & obediens Patri, factus est victima, reatum peccati in se deriuans. Spiritus sanctus ipse vult in cordibus reconciliatorum habitare, & motus diuinæ voluntati congruentes in ijs accendere. Hæc in nobis excitabunt fidem, inuocationem & gratitudinem erga Deum: & munient animos nostros aduersus terrores mortis, aduersus Diaboli tyrannidem, &c.

9 Secunda causa cur oportuerit Mediatorem esse Deum, est impotentia & infirmitas creaturæ, ad restituenda bona, quæ per peccatum amisimus. Etsi autem vna voce imaginis Dei, hæc bona comprehenduntur:

tamen plura ad eius reparationem necessario requiruntur: quæ Paulus enumerat, 1. Corinth. 1. Cum ait: Christus natus est nobis a Deo Sapientia, Iusticia, Sanctificatio, & Redemptio, ut qui gloriatur, in Domino gloriatur. Hæc quatuor bonorum genera nulla creatura aut finita potentia restituere hominibus potuit quemadmodum de singulis ordine videbimus.

10 Primum itaque sapientiam debuit Mediator, restituere, non qualis est mundi, quæ certis terminis clauditur, sed quæ abscondita est a principibus seculi huius. Quæ sane sapientia a Zacharia definitur esse scientia salutis, in remissionem peccatorum per viscera misericordie Dei nostri. De hac sapientia loquitur Ioannes, cum ait: Deum nemo vidit unquam, sed Filius, qui est in sinu Patris, ipse enarrauit nobis.

11 An non Ioannes Baptista missus est, Zacharia teste, ad dandam hanc sapientiam? An non per Angelos & Prophetas potuisset Deus hominibus hanc reuelare sapientiam? Aliud est dare sapientiam seu docere, ut ministri, aliud est esse sapientiam, hoc est, efficaciter prestare, ut corda hominum percipiant salutarem sapientiam. Vox quidem hominis ferit aures corporis: At Filius Dei, qui est ipsa Dei sapientia, animum hominis replet sapientia salutari. Nam tum demum verbum Prophetarum fructum adfert, quando Verbum Deus cor aperit, & instillat veræ sapientie semina. Quod sane, non est creature vilis, sed Creatoris solius. Ex quo sequitur oportuisse Mediatorem esse Deum.

12 Secundo loco oportuit Mediatorem iusticiam restituere. Nam sine perfecta iusticia nemo potest in conspectum Dei prodire. Verum perfectam iusticiam, quæ sufficiat omnibus, nemo potest conferre, nisi Deus. Si quidem duo requiruntur, ut homo sit perfecte iustus coram Deo: quorum primum est liberari ab iniusticia & peccato, quæ mala in mundum homines secum adferunt. Alterum, donari & ornari plena legis diuinæ (quæ

(quæ est mensura iusticiæ, quæ coram Deo valet) obedientia. Neutrum horum præstitisset Mediator nisi Deus esset.

13 De priori supra diximus, ubi ostendimus enormitatem peccati, & iusticiam iræ diuinæ. De altero, quod est donari & ornari iusticia quæ satisfaciat legi Dei, manifestum est quod nullius creaturæ iusticia, cum sit finita, possit sufficere infinitis hominibus in salutem: quod sane in Mediatore requiritur. Si quidem, ut sufficienti expiationis victima pro peccatis satisfacere, atque adeo omnem reatum tollere: ita obedientia sua erga Legem, omnes iustos coram Deo sistere, qui in ipsum credunt, debuit. Ita enim Paulus ait, Eum qui non nouit peccatū, fecit peccatum, ut nos fierimus iusticia Dei in ipso. Talem proinde Mediatoris iusticiam, hoc est, infinitam esse oportuit: ut infinitis hominibus sufficeret. Quare necesse erat, ut Mediator noster sit verus Deus.

14 Sanctificatio tertio loco sequitur, quam Mediator adferre debuit, quod sane cum nulla creatura præstare potuit, Deum oportuit esse Mediatorem. Siquidem solius Dei est, dare Spiritum sanctificantem, sine quo, ne inchoari quidem, nedum consummari potuit sanctificatio nostri.

15 Porro, cum sanctificatio opponitur peccato, & in peccato sunt duo, videlicet, Formale, ut reatus, & Materiale, ut vitiosæ qualitates & actiones: duplex erit sanctificatio. Vna quæ opponitur reatui, quæ est expiatio peccati per Christi sanguinem: Altera opponitur vitiosis qualitatibus & actionibus, quæ est, segregatio hominis a profanitate Gentium, per mortificationem carnis: & coniunctio eiusdem hominis cum Deo, per viuificationem Spiritus.

16 Hæc sanctificatio vocatur etiam a Paulo Philip. 3 Circuncisio spiritualis. Nos, inquit, circuncisio sumus, qui spiritu Deum colimus, & in Christo gloriamur, & non in carne confidimus. Proinde circuncisio spiritualis

est amputatio fidaciæ carnis, cui succedit gloriatio in Christo, & purus colendi Deum affectus. Atque hæc reuera est sanctificatio illa, quam Deus & homo, Mediator noster adfert.

17 Redemptio, quam postremo loco collocat Paulus, primum requirit perpetuam præsentiam Mediatoris in Ecclesia, late per mundum sparsa. Sed quis potest, simul & semper in tot locis præseus esse, nisi sit Deus? Secundo loco requirit custodiam Ecclesiæ, videlicet, ut Mediator sit custos, non solum Ecclesiæ totius, verum etiam singulorum membrorum, aduersus infinitas technas Diabolorum & hominum, quod sane diuinæ potentie esse, manifestum est. Tertio, requirit ut Mediator inspiciat corda, ne fallatur externa hypocritarum larua. Iam autem, cum solius Dei sit intueri corda hominum, & intimos affectuum recessus contemplari, & hoc Mediatoris est officium: certe oportuit Mediatorem esse Deum. Quarto, requirit, ut ubique audiat gemitus se inuocantium, & in Spiritu & veritate precantes exaudiat: quod sane solius diuinæ virtutis est. Quinto requirit, ut in extremo die exuscitet mortuos, ut prodeant ex terræ puluere omnes homines, inde usque ab Adam ad vltimum. Sed quid ad tantum opus valent omnium creaturarum vires? Sane, omnes angeli & omnes homines suis viribus, ne vnum excitarent mortuum, nedum omnes, idque in ictu oculi. Sexto & vltimo requirit, ut Mediator conferat resuscitatis, qui in vera fide obierant, æternam vitam, perpetuam gloriam, & conformitatem cum Deo. Sed quantum hoc opus superat creaturarum vires, nemo non videt, nisi qui & mente & sensu caret. Cum igitur Mediator sit, tantis bonis Ecclesiam suam ornare, quæ conferre nemo potest, nisi sit Deus, profecto necesse fuit Mediatorem Deum esse.

18 Breuiter, ut omnia vno verbo concludam, Si Mediator Deus non esset, saluator non esset, sed potius saluatore indigeret. Et Ioannes Cassianus: Audi loquentem ad

ad pastores de Dei ortu, angelum Dei: Natus est, inquit, hodie vobis saluator, qui est Christus Dominus in ciuitate Dauid. Ne solum vtrique in Christo hominem intelligeres, & Domini & Saluatoris nomen adiecit, Scilicet, vt quem saluatorem esse cognosceres, Deum nequaquam esse dubitares. Et cum saluandi virtus non nisi diuinæ competeret potestati, diuinæ esse eum potentiae, non ambigeres, in quo potentiam saluandi esse didicisses.

19 Hactenus cur necesse fuerit Mediatorem esse Deū, dictum est. Nunc secundo loco, vt proposuimus, dicendum erit, cur oportuerit eundem esse hominem. Et possunt quatuor causae ex Scripturis apte numerari, quae sunt Iusticia Dei, Restitutio imaginis Dei amissae per peccatū, Adoptionis ratio, & Resurrectionis certitudo.

20 Iusticia Dei requirebat, vt inobedientia commissae in carne nostra, in eadem sarciretur. Congruebat enim ordini diuinæ iusticiae, vt cum genus humanum primum peccasset in vno Adamo, aliquis in humano genere a peccato immunis, poenam solueret, quae esset pretium pro ceteris. Ideo ergo Dominus noster assumpsit humanam naturam & homo factus est, veluti personam ipsius Adae referens: (cuius etiam nomen illi tribuitur) vt poenam peccati in carne, in qua admissum fuerat, persolueret. Ideo Paulus ait: Si vnus delicto mors regnauit per vnum (scilicet Adam) multo magis abundantiam gratiae, donationis & iusticiae accipientes in vita regnabunt, per vnum Iesum Christum. Item: Sicut per inobedientiam vnus multi constituti sunt peccatores: ita per obedientiam vnus multi constituentur iusti. Item: Quia per hominem mors, per hominem etiam resurrectio mortuorum. Item ad Heb. 2. Quoniam pueri sunt participes carnis & sanguinis, ipse quoque consimiliter factus est particeps carnis & sanguinis, vt per mortem aboleret eum qui mortis habebat imperium, hoc est, Diabolum. Huc & illud Irenaei dictum: Oportebat eum, qui inciperet

occidere peccatum, & mortis reum redimere hominem. id ipsum fieri, quod erat ille, id est, hominem. Et Augustinus: Caro occæcauerat te, caro te sanat: quoniam sic venit Christus, vt de carne vitia carnis restringere

21 Restitutio imaginis Dei, ad quam homo fuit conditus, fieri debuit, per naturalem imaginem Dei. Vnde Athanasius: Congruebat Filium assumere humanam naturam, vt hæc persona, quæ est substantialis imago Patris, restitueret imaginem Dei in nobis.

22 Adoptionis nostri ratio idem postulabat. Ideo enim venit filius Dei, assumpta humana natura: vt nos filios Dei faceret. Voluit ergo nobis naturæ societate iungi, frater noster fieri: vt nos ipsius membra effecti, filij Dei fieremus. Nam ideo filij Dei sumus, quia in Christo, qui est naturalis filius Dei, sumus per fidem. In hoc enim filio dilecti sumus, & filij. In hanc sententiam loquitur Iohannes: Filiorum, inquit, adoptionis eius non participasse possemus esse, nisi per Filium eam quæ est ad ipsum, recepissemus ab eo communionem, nisi verbum eius communicasset nobis, caro factum.

23 Resurrectionis nostri certitudo, vis & efficacia hoc sita est, quod Mediator noster sit homo. Vnica enim spes & certitudo, quam de resurrectione corporum habemus, est, quod Christus Mediator noster, carnem nostram assumpserit. Nam caro, quam nunc corruptioni obnoxiam circumferimus, iam suscitata est in Christo in primitijs, & in possessionem regni cælorum ingressa ibique immortalis est facta. Virtute igitur societatis, quam habemus cum Christo, excitabimur in extremo die, donabimur, etiam secundum carnem immortalitate. His quatuor rationibus demonstratur, summe necessarium fuisse Mediatorem Dei & hominum, verum hominem esse.

24 Tertio loco proposuimus, quod Mediator qui est Deus & homo, sit vna persona, & cur hoc fuerit necessarium. Quod sit vna persona Mediator noster, hæc dicta confirmant: Et verbum caro factum est. Quo dicto significat

nificatur vnio diuinæ & humanæ naturæ, & non confusio, aut mutatio. Nam factum est, refertur ad compositionem seu vnionem extremorum, scilicet Verbi & carnis, & non ad extrema compositionis. Dicitur enim Verbum factum non absolute, sed respectu carnis assumptæ. Ad Rom. 1. Filius Dei natus est ex semine Dauid, secundum carnem, & declaratus est Filius Dei per potentiam. Ad Rom. 9. Ex quibus est Christus secundum carnem, Qui est super omnia benedictus in secula.

25 In his dictis Pauli, Secundum, est distinctiua particula, qua distinguuntur naturæ vnus & eiusdem personæ. Luc. 1. Quod ex te nascetur Sanctum, Filius Dei vocabitur. Ad Galat. 4. Postquam venit plenitudo temporis, misit Deus Filium suum natum ex muliere. Philippen. 2. Dedit ei nomen, quod est super omne nomen, vt in nomine Iesu omne genu flectatur, & omnis lingua confiteatur quod Dominus sit Iesus Christus ad gloriam sui Patris.

26 Hæc dicta testantur quod Christus sit vna persona, in qua sunt duæ naturæ, non mutatæ aut confusæ, sed personaliter unitæ.

27 Quod autem ex Damasceno & Gregorio Nysseno adfertur de deificata natura humana, dextre accipiendum est. Dicitur enim natura humana deificata, non quidem per conuersionem ipsius in diuinam: sed per coniunctionem humanæ naturæ ad diuinam in vnâ hypostasin.

28 Quod autem necessarium fuerit, vt Mediator esset vna persona, & non duæ, vt sunt distinctæ naturæ: hæc sunt rationes.

29 Prima, Mediator noster Deus & homo vna persona esse debuit, vt Deum & homines vnum faceret. Iungitur ergo Patri vera diuinitate, & homini vera humanitate, vt ita utroque copulet.

30 Secunda, Mediator inter partes dissidentes nihil efficit, si vni adhæret, & ab altera dissidet. Quare oportuit

vt Mediator quādam necessitate vtrique parti iūctus sit. Deo ergo, qui offensus erat peccato nostro, vnitū est iūctus Mediator noster. Homini autem ra humanitate sociatus est, vt posset coniungere adfas partes, sociate quam habuit cum vtrisque: iuxta Iul. Irenæi lib. 3. cap. 20. vbi agit de causis cur verus Dei caro fieret. Oportuerat, inquit, Mediatorem Deum hominum propter suam ad vtrosque cognationem amicitiam & concordiam vtrosque reducere, & facere vt Deus assumeret hominem, & homo se dederet Deo. Et Theodoretus, Quemadmodum qui duos quosque inter se conferentes, vult reconciliare, se interponens, & hunc quidem dextra, illum vero sinistra tenens: ad amicitiam deducit & coniungit, ita ipse diuinam naturam humanæ vniuit, inuiolabilem, & dissolui non potest, pacem conciliavit.

31 Tertia, Si non esset Mediator vna persona, o redemtionis in humana natura peracta, nequaquam esset sufficiens pretium pro peccato, quo infinitum b est offensum. Mors siquidem debebatur pro peccato. Verum, purus Deus mortem sentire non potuit, neque homo superare potuit: factus est ergo Deus homo vt homo & Deus, & deberet & posset satisfacere morte æternæ humano generi debita.

32 Assumpsit proinde æternus Dei filius humanam naturam in vñionem personalem, vt opera in humana natura peracta, infinitæ essent virtutis & meriti. Siquis ex indiuidua naturæ diuinæ & humanæ, in vna personæ vñione, est dignitas infinita, perfectio absolutissima, inæstimabile pretium sanguinis, mortis, atque adeo omnium actionum & passionum Christi, in sanctissima humanitate. Inde est potentia & virtus delendæ iniquitatis, & potestas remittendi peccata, iustificandi, viuificandi & saluandi credentes.

33 Et si autem Christus in sola carne passus est: tantum Passio personæ tribuitur, propter illam arctissimam vñionem

duar

duarum naturarum vnionem in vna persona. Atque hoc vult Cyrillus, cum ait: Quoniam corpus, quod propriū eius factum est, passum est, propterea Verbum ipsum pro nobis passum dicitur. Atque hinc est quod omnia in Christo habeantur diuina, immensa, inestimabilia & saluifica opera, & beneficia redemptionis.

COMMVNICATIO

idiomatum.

IDIOMATA in Christi personæ sunt proprietates, quibus naturæ, videlicet diuina & humana, & integræ saluæque manent, & distinguuntur vna ab altera.

Est enim idioma quod vni naturæ ita proprium est, vt non sit alterius reipsa.

Diuersæ igitur cum sint naturæ: diuersa habeant idiomata essentialia, necesse est.

Neque ex personæ vnitatem confundenda, sed ex naturarum diuersitate distinguenda sunt in vno Christo idiomata.

Saluis igitur naturis diuersis, maneant idiomata distincta: & idiomatis confusis, confundantur etiam naturæ, necesse est.

Cum ergo hæc enuntiatio: Deitas est humanitas: sit absurda & falsa (diuersissimæ enim sunt naturæ) fieri non potest, vt ea quæ sunt huius propria, illi attribuantur, sine errore & confusione naturarum.

His ita positis, distinctius idiomata naturarū Christi explicemus.

Idiomata ergo diuinæ naturæ sunt duplicia. Quædam enim sunt *ἀκοινωνήτα*, id est, incommunicabilia, quæ reipsa non communicantur, hoc est, neque induntur creaturis, neque creaturæ aliquas proprietates inde mutantur. Qualia sunt hæc: esse æternum, esse immensum, esse infinitum, esse incircumscriptum, per se existere.

9 Nihil enim præter solum Deum est æternum, est immensum, est infinitum, est *ἀσείπαστα*, per se existens.

10 Quædam sunt *κοινωνία*, id est, communicabilia, quæ tametsi ut sunt, ita manent quoque vnius Deitatis propria, alioqui communia effecta, non amplius idiomatica dici possent.

11 Nam *τὸ κοινὸν* & *ἰδιώμα* ita opponuntur, ut nec alterum alteri, nec ambo tertio alicui, proprie & re ipsa tribui possint.

12 Huius generis sunt existere, sapientem esse, bonum esse, purum esse, sanctum esse, potentem esse, &c.

13 Hæc enim etsi re ipsa sunt Dei propria: tamen usus & virtutis respectu, item qualitatis ac similitudinis cuiusdam tenuis ratione, communicari dicuntur: quam ob rem etiam *κοινωνία* appellantur. Ut cum dicitur: homo existit: homo est beatus: virgo est pura: qui credidit est sanctus: Rex est potens.

14 Hæc attributa, etsi Dei re ipsa sunt idiomatica: tamen Deus bonus & amans suæ creaturæ, radios quosdam harum suarum proprietatum communicat creaturis.

15 Idiomatica humanæ naturæ Christi sunt in triplici discrimine: quædam enim sunt temporaria: quædam perpetua: quædam post resurrectionem & triumphum Christi accessere.

16 Temporaria idiomatica humanæ naturæ Christi fuerunt infirmitatis: atque ideo durarunt solummodo usque ad mortem: ut fatigari, esurire, dormire, tristari, lacerrari, angui, & multa huius generis. Hæc omnia cum morte deposuit, ea enim ad tempus assumpserat, ut nobis similis per omnia excepto peccato, inueniretur.

17 Pertinebant igitur ista ad tempus exinanitionis, qua Filius exinanivit seipsum usque ad mortem crucis.

18 Non quod Diuinitas, sui ipsius respectu, & seorsim, sit exinanita, sed quatenus carni sese vniuit. Non enim ut in naturam humanam participatio gloriæ, ita diminutionis ignominia in diuinam cadit naturam.

19 Perpetua

19 Perpetua idiomata naturæ humanæ sunt, quibus sublatis naturam humanam simul tolli necesse est.

20 Fieri enim non potest vt vlla res sine suis essentialibus proprietatibus consistat. Sunt enim essentielles proprietates, quæ essentiam ipsam seu naturam constituunt.

21 Huius generis sunt, occupare certum locum, secundum Petrum Apostolum Act. 3. *τις γὰρ ἔσται* esse, secundum Nazianzenum & Iustinum: Loco teneri, secundum veri corporis modum, vt August. loquitur. In certo spacio esse, & finitum esse, secundum Vigilium. Breuiter tota præ antiquitas cum vniuersæ scripturæ consensu, veritatem humanæ naturæ in Christo agnoscit & confitetur.

22 Idiomata humanæ naturæ post resurrectionem, præter illa, quæ perpetua esse cum tota Scriptura & priori antiquitate diximus, sunt omnia quæ cōiuncta sunt cum confessu eius ad dexteram Patris: videlicet, quod Christus deposita omni infirmitate, in eum gloriæ gradum sit euectus, quo supra omne nomen, vt Paulus loquitur, id est, dignitatem & eminentiam, emineat, carne ipsius iam plene a Deitate, *καὶ θεὸς* in ea inhabitante glorificata, non in sua essentia, neque in proprietatibus essentialibus absorpta, quod sane non esset glorificari, sed aboleri potius humanam naturam. Atque hoc est quod Iustinus ait: Corpus Christi particeps factum est, non naturæ Deitatis, sed diuinæ dignitatis.

23 Quod autem quidam humanam naturam Christi, post resurrectionem, ita maiestate Deificatam esse contendunt, quod suas proprietates essentielles non retineat, manifesta refutantur Scriptura.

24 Scriptura enim vtriusque meminit: videlicet, maiestatis & loci, seu situs carnis Christi post ascensionem. Ita enim autor Epistolæ ad Hebræos ait: Sedet ad dexteram Maiestatis in excelsis.

25 Si ergo quæris, quid acciderit Christo post ascensionem? respondet: Sedet ad dexteram Maiestatis. Si ulterius quæris, vbinam sedet? respondet, in excelsis, hoc est,

ut Paulus ad Eph. 4. interpretatur, supra omnes coelos.

26 Verum si obieceris, omnia esse plena Maiestate gloriæ Christi. Respondeo, Sit anathema, qui vel aliud sentit vel dicit.

27 Discernendum interea est, inter Maiestatem simpliciter, & thronum Maiestatis, quem in coelo esse Scriptura pronúciat Heb. 8. Qui cōsedit ad dexteram throni Maiestatis in coelis. Huc facit illud Augustini, tractatu, 50. in iohannem: Quoniam verum est quod ait: Ecce ego vobiscum sum usque ad consummationē seculi, & abiit & hic est: & redijt: & nos non deseruit. Corpus enim suum intulit coelo, Maiestatem non abstulit mundo. Et Cyprianus lib. 6. cap. 14. Hic animadvertendum est, quod etsi corporis sui præsentiam hinc subduxerit. Maiestatem tamen diuinitatis semper adest, sicut ipse a discipulis abiturus pollicetur: Ecce vobiscum sum omnibus diebus, usque ad consummationem seculi.

28 Hoc ipsum de veritate humanæ naturæ Christi, docet modus aduentus Christi ad iudicium. Veniet, (ait ipse Filius hominis) in gloria sua, & omnes sancti Angeli eius cum eo, & sedebit super thronū gloriæ suæ. Item, Videbitis filium hominis sedentem ad dexteram potentie Dei, & venientem in nubibus coeli. In hac maiestatis gloria sedens, statuet oves quidem a dextris suis, hæcos vero a sinistris. Non ergo gloria maiestatis tollit localitatem aut circumscriptionem carnis Christi, sicut impurus Euryches docuit.

29 Qui localitatem & circumscriptionem carnis Christi, existimant non posse stare cum Vnione personali, sed separari Diuinitatem a carne: crassime impingunt, somniantes infinitatem finitam esse. Neque necesse est, ea quæ vnita sunt, æque omnibus partibus patere.

30 Teneatur ergo hoc Antiquitatis testimoniū, quod est apud Damascenum lib. 3. de fide cap. 7. Deitas est incircumscrip̃ta, non coextensa carne eius cum incircumscrip̃ta eius diuinitate.

31 Quamuis

31 Quamuis itaque non secundum vtramque naturam: tamē secundum inseparabilem personę vnitatem, totus pręsens est.

32 Retineamus ergo constanter articulos fidei nostrę, de vero Christi ascensu in cœlum: & de reditu eiusdem ad iudicium, iuxta testimonium angelorum Act. 1. Hic Iesus, qui assumptus est a vobis in cœlum, Sic veniet quemadmodum vidistis eum euntem in cœlum.

33 Iam videamus *κοινωνία ἰδιωματῶν*, id est, communicationem proprietatum. Verum priusquam eam definiemus, nominum quorundam, quorum noticia ad huius mysterij declarationem necessaria videtur, discrimen tenendum est, quod est quintuplex.

34 Primū, Quędā sunt naturarū propria: vt Deitas, humanitas, caro, diuinitas, diuina natura, humana natura.

35 Hęc enim solūmodo naturas declarant, nisi quod carnis nomen interdum concrete accipiat per Synecdochen, vt in illo dicto Ioānis: Verbum caro factum est,

36 De his tenēda est regula: Quę natura distincta sūt, eorum quoque idiomata & actiones distingui oportet.

37 Cum ergo Deitas, seu natura diuina, ita distincta sit ab humana natura, vt nunquam possit esse, aut fieri humanitas, seu humana natura: sequitur idiomata & actiones harum distinctarum naturarum minime confundi aut alienari posse, nisi simul confundantur naturę, quę tamen inconfuse vnitę sunt.

38 Secundū, Quędam sunt propria personę in natura diuina ab omni æternitate, quibus Filius a Patre & Spiritu sancto distinguitur, vt Filius Dei, imago Dei, Deus de Deo, lumen de lumine. Item, *Λόγος, οὐ πατὴρ, ἀλλ' οὐρίδης*.

39 Tertium, Quędam sunt communia personę Christi cum Patre & Spiritu sancto ab æterno: vt esse omnipotentem, æternum, increatum, infinitum, immensum, incircumscriptum, quę æqualitatem, coæternitatem & identitatem naturę docent.

40 Quartum, Quædam sunt officij personæ Christi in duabus naturis subsistentis. Est enim hic persona tota agens est: tamen media actionum sunt naturæ ipsæ, quæ suis proprietatibus agunt & perficiunt opus redemptionis, quod est totius personæ Christi Dei & hominis.

41 Quintum, Quædā sunt communia naturis Christi & personæ, ab incarnationis tempore: videlicet, & ea quæ sūt secūdi & tertij ordinis, quæ diximus ab æterno Christo conuenire: & ea quæ homini factō ex tēpore attribuūtur: vt Deus, *Αδγος*, Filius Dei, Dominus gloriæ, Homo, Filius hominis, Filius Davidis, Semen mulieris.

42 Hæc, quia concreta sunt, naturas cum subiecto significant.

43 In his solis concretis locū habet *καταυία ιδιωτέρων*. Obtinent enim concreta compositum significandi modum vt abstracta simplicem. Est alias denominationem capit persona a diuina natura, alias ab humana: tamen semper persona vna significatur.

44 Hoc discrimine nominum, quæ tribuuntur Christo, obseruato, facilius erit indicare de communicatione idiomatum, quæ locū habet, vt diximus, solummodo in concretis, quibus persona significatur, vt abstractis naturæ.

45 Communicatio igitur idiomatum non sic dicitur respectu idiomatum inter sese, vt nonnulli putant, quasi hæc communicatio aut esset effusio proprietatū vnius naturæ in aliam, aut mutua idiomatum confusio. Nam si ita esset: & illa, quæ effunderet suas proprietates, aboleretur: & ea, quæ reciperet, alia fieret quam erat antea. Atque ita Christus nec Deus nec homo esset, conflatis scilicet duabus naturis in vnā tertiam compositam.

46 Sed hæc communicatio idiomatum dicitur respectu personæ, de qua promiscue prædicantur idiomata, vnde cumque persona denominationem accipiat, hoc est, siue à diuina siue ab humana natura.

47 Proinde cōmunicatio idiomatum, est talis prædicatio,

catio, in qua proprietates vnius naturæ tribuuntur non alteri naturæ, sed personæ denominatæ ab altera natura, propter vnionem duarum naturarum in vna eademque persona.

48 Sed, vt clarius forte dicatur, Communicatio idiomatum, est communis prædicatio idiomatum de persona, vndeunque denominatur, siue a deitate, siue ab humanitate.

49 Hinc recte dicitur: Deus est homo, Deus est crucifixus, Deus acquisiuit sibi Ecclesiam suo sanguine, Deus est mortuus, Deus resurrexit. Et contra: Hic homo est Deus, Hic homo condidit cælum & terram, Hic homo est vbique. Hic homo saluat, suscitatur mortuos, dat vitam æternam.

50 Hic enim Hominis nomine intelligitur persona, quæ est Deus & homo, etsi denominationem capit a natura humana.

51 Hæ ergo prædicationes verissimæ sunt, quia subiecta in his propositionibus sunt concreta, quibus duo significantur, videlicet, persona & naturæ. Proinde personæ respectu veræ sunt istæ enunciationes: Siquidem persona illa, vna & eadem, est & Deus, & homo.

52 Si quæris, qualisnam sit hæc prædicatio? recte responderi potest, quod sit realis. Nam si ea prædicatio est realis, cum id inest vere in subiecto, & reipsa quod de eo prædicatur; non video cur hæc prædicatio idiomatum de persona, realis dici non possit. Est enim reuera in persona, & Diuina & humana natura, cum suis essentialibus proprietatibus.

53 Verum si hanc prædicationem verbalem dixeris, in multa absurdissima incurres. Negabis personæ in duabus naturis subsistentis vnitatem. Negabis manere saluas duas naturas in vna persona. Negabis concreta habere compositum significandi modum, hoc est, sua significatione complecti, & rem, & subiectum, in quo res illa est, quæ principaliter nomine concreti significatur.

54 Cum ergo Patres, inter quos sunt Iustinus, Damascenus, & Gregorius Nyssenus, dicunt, carnem Christi deificatam esse, accipiendum est dextre, iuxta piorum doctorum in Ecclesia interpretationem.

55 Non enim dicitur caro Christi deificata, eo quod sit conuersa natura humana in diuinam, aut quod sit facta ipsa diuinitas: sed quia coniuicta est humana natura ad diuinam, in vnionem personalem: & quod sit facta Dei caro.

56 Vt enim natura diuina non potest in aliud conuertere, quoniam est incorruptibilis: ita nec aliud in eam conuertere potest, eo quod sit ingenerabilis.

57 Ad hanc quætionem Iustinus respondens ait: *Μῖνι μὲν τὸ σῶμα, σῶμα, ὡς πρὶν ἢ σῶμα τοῦ θεοῦ, μεταλλάξας δὲ θεῖον ἔθηκεν, ὡς φῶς.*

58 Neque tamen existimandum est, quod hæc deificatio, pertineat ad communicationem idiomatum duarum naturarum, quæ est alternata, vt declarauimus, proprietatum vtriusque naturæ de persona, prædicatio. Sed ad excellentiam vnus naturæ, nempe humanæ in persona Christi, qua humana natura antecellit omnibus creaturis, sapientia, bonitate, puritate, sanctitate, potentia, maiestate & gloria.

59 Et tamen si hæc excellentia, manat a natura diuina in humanam, propter vnionem personalem, quemadmodum Nazianzenus indicat hisce verbis: *τὸ μὲν ἰδιώτης, τὸ δὲ ἰσθμῶς*: Tamen ab vnione illo omnino distinguenda est, ne vel, cum Nestorio, faciamus Christum, diuinum hominem, atque ita imprudentes constituamus duos Filios, vnum Dei, alterum virginis, hoc est, duas personas, vt sunt duæ naturæ; vel, cum Eutychete, somniemus vnâ naturam ex duabus compositam, vt est vna persona.

60 Hæc omnia incommoda facile cauebimus si accurate, quemadmodum iam ostensum est, distinguamus inter hæc tria, videlicet: Vnionem personalem, Communicationem idiomatum, & Donorum, quibus est or-

nata

nata humana Christi natura, collationem, quam a Patri-
bus deificationem dici ostendimus.

61 Sed quid efficit illa *κατὰ τὴν ἰδιότητα*? Primum, con-
tra Nestorium, vnitatem personæ, in duabus naturis
subsistentis confirmat. Nam nisi vna eademque persona
esset Deus & homo, absurdissima esset alternata illa idio-
matum prædicatio. Cum igitur Christus dicit, Nemo
ascendit in cœlum, nisi qui descendit de cœlo, Filius ho-
minis, qui est in cœlo: manifeste ex communicatione
idiomatis diuinæ naturæ, quod tribuit Filio hominis,
significat eundem esse Deum & hominem, vnam vide-
licet personam, in duabus naturis subsistentem.

62 Denique hæc communicatio idiomatum, docet
precium actionum Mediatoris in humana natura infini-
tum esse, quia persona vna eademque, quæ est Deus &
homo, est agens, adeo vt omnes actiones, sine mediante
humana natura, siue diuina, sint, & dicantur, Personæ
actiones.

63 Hinc est illud dictum Lyrani, Luc. II. A Christo
prouenit gratia & gloria, principaliter ratione deitatis,
& instrumentaliter ratione humanitatis, quæ est orga-
num coniunctum ipsius deitati.

64 Caro igitur Christi viuifica est, quia est caro eius
personæ, quæ est Deus. Obedientia hominis Christi est
nostra iusticia, quia est obedientia eius personæ, quæ est
Deus. Passio Christi in æternum est efficax ad sanctifican-
dum credentes, quia est Passio personæ, quæ est Deus.
Oratio Christi omnibus prodest, quia est oratio personæ
quæ est Deus. Ad hunc modum iudicandum est, de om-
nibus alijs actionibus Mediatoris.

65 Tametsi enim quædam actiones a diuina natura
proprie profiscuntur, & quædam ab humana natura
sunt: tamen omnes æqualiter dignitatem accipiunt a
persona, quæ cum Deus & homo sit, alia agit diuina, alia
humana natura.

CHRISTVS SACERDOS.

DE Filio Dei, rege & pontifice nostro, quatuor tenere pios oportet. 1. Quod sit verus Deus. 2. Quod sit verus homo. 3. Quod admiranda sit coniunctio duarum naturarum, Diuinæ & humanæ, in vnionem personalem. 4. Quodnam sit personæ officium, quæque eius beneficia erga Ecclesiam.

2 Pontificem nostrum Iesum Christum, verum Deum esse, quintuplicia testimonia conuincunt, quorum autoritas tanta esse debet pijs, vt nec a Diabolis, nec ab hominibus, sibi aliud persuaderi permittant. Quicumque enim hic impingit, gratia Dei & salute excidit.

3 Primum testimonium, est ipsa vox Prophetarum & Apostolorum, qui Christum verum Deum pronuntiant. Psal. 68. ait de Christo: Iehoua nomen illi, Exultate in conspectu eius. Et 1. Ioan. 5. Et sumus in Filio eius Iesu Christo, Hic est verus Deus & vita æterna. Huiusmodi Prophetarum, & Apostolorum pronuntiata, sunt pene infinita.

4 Secundum, est cultus Christo mediatori nostro exhibendus. Nam, cum vniuersa Scriptura veteris & noui Testamenti præcipit inuocare Christum, Et sancti Prophetæ & Apostoli, cum tota Ecclesia, Christum adorant, Nemini dubium esse potest, Christum esse verum Deum. Creaturam enim inuocare, abominanda idololatria est voce Dei damnata.

5 Tertium, Opera Christi, testantur veram Christi diuinitatem. Cum enim solus Deus creet, viuificet, exaudiat, saluet, & hæc opera Christo recte tribuantur: sequitur, eum natura Deum esse.

6 Quartum, Confessio puræ & Catholicæ Ecclesiæ, quæ in Symbolis, Apostolico, Athanasiano, & Ambrosiano, apertissimis verbis Filium Dei vnum cum Patre Deum, in vera & æterna diuinitate, agnoscit.

7 Quin-

7 Quintum, Est munus Mediatoris, quod puræ creaturæ nullo modo conuenit, quemadmodum paulo post declarabimus.

8 Hæc testimonia, vt veram noticiam diuinitatis Christi adstruunt: ita fidem piorum confirmant, qua statuunt Christum omnipotentem esse, ideoque posse credentibus omnia quæ promittit in suo verbo præstare, etiam si tota rerum vniuersitas contradicere videatur.

9 Secundum, quod tenendum dixi de Christo Mediatore, est, quod sit verus homo de virgine matre natus, quæ virgo recte a sanctis Patribus *9167205* dicta est. Nam Filius, quem genuit, secundum carnem, verum hominem, est etiam verus & æternus Deus.

10 Hinc fides piorum, de Christi affectu erga se, alitur. Nam qui adeo se humiliavit, vt se coniungeret naturæ societate cum homine, absque omni dubio humanis ærumnis & calamitatibus afficitur, vt eis adsit, qui in se viua fiducia recumbunt, & spiritu ei sociantur.

11 Tertium, quod tenere oportet, est Vnio personalis, nimirum, quod Diuina & humana natura ita copulatur seu potius vnita sint in vnionem hypostaticam, vt & de eodẽ recte dixeris: Hic est verus Deus: hic est homo verus: & quæ sunt diuinæ naturæ, vere tribuantur homini propter vnionem personalem. Vt enim pie dixeris: Deus est crucifixus: ita Catholice pronunciaueris: Homo Iesus coelum & terram condidit. Ideo enim prædicata commutantur, quia est vnum *9167205*.

12 Hanc eommutationem prædicatorum vocarunt sancti Patres Communicationem idiomatum, videlicet quia idiomatica, hoc est, proprietates vnius naturæ, alteri communicentur & tribuantur in concreto.

13 Diuinæ naturæ idiomatica sunt, esse omnipotentem, esse creatorem, esse scrutatorem cordium: rursus idiomatica humane sunt naturæ, edere, bibere, fatigari, trisari, pati, mori, resurgere.

14 Verum hæc idiomatica naturarum, communicantur

hoc modo: Filius Mariæ est omnipotens: est scrutator cordium: Deus edit, bibit, fatigatus est, tristatus est, crucifixus, mortuus est: Verbum factum est caro: nemo ascendit in coelum, nisi qui descendit de coelo, Filius hominis, qui est in coelo.

15 Hæ commutationes proprietatum ideo veræ sunt, quia naturæ, Diuina & humana, vnione personali sunt vnitæ, vt non quemadmodum sunt duæ naturæ, sunt quoque duæ personæ, sed vna duntaxat.

16 Hinc fit, quod multa tribuantur Christo, sub appellatione diuinitatis, quæ ad humanitatem pertinent, & rursus, multa sub appellatione humanæ naturæ, quæ propria sunt diuinæ naturæ. Et sæpe, quæ non sunt, vel huius, vel illius naturæ, sed personæ, tribuantur personæ iam sub appellatione Hominis, iâ sub appellatione Dei.

17 Cum enim dicitur, Deus edit, bibit, fatigatur, moritur: recte quidem dicitur, quia ea persona quæ edit, bibit, fatigatur, moritur, est Deus. Item quando dico: Homo est omnipotens, creator, scrutator cordium: vere dicitur, quia ea persona quæ est omnipotens, creatrix, scrutatrix cordium, est verus homo. Similiter: Semen mulieris conteret caput serpentis: &, Ichionæ est iustificator noster, vbi Personæ; illic quidem sub appellatione humanæ naturæ, hic vero sub appellatione Diuinæ naturæ tribuitur officium redemptionis, quod neque Diuinæ naturæ, nec humanæ seorsim conuenit, sed personæ. Quæcunque enim ad officium redemptionis pertinent, non naturis seorsim, sed personæ tribuenda sunt. Hinc illæ locutiones: Christus est Mediator, pastor, sacerdos, redemptor, lux mundi, via & veritas, resurrectio, vita, &c.

18 Discernendæ sunt igitur naturarum proprietates, proprietatum communicationes, & appellationes officij, quæ ad totam personam referendæ sunt.

19 Quare nec Stancarus recte facit, cum ea quæ personæ sunt, ad naturam humanam refert. Nec Osiander, qui officium Mediatoris soli diuinitati ascribit.

20 Sequi-

20 Sequitur quod quarto loco proposuimus spectandum in Christo, nempe Officium personæ, eiusque erga Ecclesiam beneficia, ad quod sane Christianæ religionis, caput, omnia quæ superius dicta sunt, imo vniuersa Scriptura referenda est.

21 Vt autem hanc partem explicatius proponamus, quæ ad Sacerdotium & Regnum Christi spectant, nobis sunt excutienda. Quæ duo recte explicata thesaurum beneficiorum Christi copiosissimum nobis ponunt ob oculos.

22 Hæc breuiter signantur, nunc appellatione Pastoris, nunc Sacerdotis, nunc Mediatoris, nunc Regis, quæ omnia, sub Sacerdotis & Mediatoris voce, explicare libet: idque iuxta rerum consequentiam & ordinem.

23 Cõditis coelo & terra, reliquisque creaturis, Deus in medio principem posuit hominem, quem ornat sua imagine, hoc est summa sapientia, iusticia, sanctitate & veritate, quam imaginem si retinuisset, æternum cum suis posteris beatus vixisset. Datum enim ei in certitudinem fuit Sacramentum immortalitatis, Arbor vitæ.

24 Verum quia Dominus condiderat hominem ad certam obedientiam, adiecit præceptum, vt caueret a vetitæ arboris fructu, cui præcepto probationis, Sacramentum addidit, Arborem scientiæ boni & mali.

25 Huic hominis felicitati inuidens Satan, hominem aggreditur, verbum Dei calumniatur, maligne pellicie hominem, vt a Deo deficiat, verbum Dei, & eius Sacramentum pro ludibrio habeat.

26 Lapsus igitur homo contra Deum, reatu damnationis obstringitur, cum tota sua posteritate. Tales enim postea genuit, qualis ipse iam fuit, hoc est miser, peccator, damnatus, vt qui infinitum bonum offenderat, adeo vt nulla creatura eam offensam mitigare potuerit. Requiebat enim iusticia Dei, vt æternas lucrere poenas, qui infinitum bonum offenderat.

27 Postquã itaq. peccatores facti sumus, reique mor-

tis naturæ, propter peccatum : aut, æternum nobis fuit pereundem, aut, reconciliatio cum Deo offenso, facta compensatione iniuriæ, ineunda erat: alterutrum nostra iusticiæ diuinæ efflagitabat.

28 Cum ergo reconciliatio, cum iniuriæ compensatione, requirebatur: necessarius fuit Mediator, qui se inter hominem & Deum interponeret, Deum offensum placaret, facta simul iniuriæ compensatione.

29 Iam autem cum maior esset ira Dei, quam vt eam sustinere posset vlla creatura, & iusticia Dei requireret, vt, quemadmodum per vnum hominem peccatum & damnatio in mundum intrauit: ira aliquis in humano genere capitali iudicio Dei satisfaceret: *Abys* Dei æternus humanam assumpsit naturam, vt fieret Mediator & Sacerdos, qui iram Dei placaret.

30 Huc pertinet prima promissio post lapsum Adæ de Semine mulieris, quod contritum erat caput Serpentis, quod ideo semini mulieris tribuitur, quia humanam naturam in vnionem hypostaticam, æternus *Abys* assumpsit.

31 Quoniam autem in huius Sacerdotis noticia & fide, nostri reconciliatio cum Deo, atque adeo salus, est posita, pio studio, sacerdotij Christi ratio querenda est.

32 Plana igitur & perspicua ratio sacerdotij Christi, in quinque horum capitum explicatione posita est. Quorum primum est, vt sciatur conditio personæ. Deinde, vt eius officium cum suis partibus perpendatur. Tum, vt mutui fœderis ratio teneatur. Præterea, quam diuturnum sit hoc fœdus. Postremo, quæ sit applicationis ratio.

33 Conditio duplex consideranda occurrit in persona huius Sacerdotis, naturarum videlicet, & qualitatis.

34 Conditio naturarum est; quod hic Sacerdos sit Deus & homo, vna persona. Alias enim Mediator esse haud potuisset. Nam vt sua Diuinitate, Patri: ita nobis, humanæ naturæ societate, coniunctus est.

35 Huius coniunctionis causas Irenæus explicans, in

in hunc modum ait: Oportebat Mediatorem Dei & hominum, propter ~~similitudinem~~, in amicitiam & concordiam reducere, & facere, ut Deus reciperet hominem, & homo restitueretur Deo.

36 Ex hoc etiam concluditur, quod unus esse debuerit Mediator siue Sacerdos, quemadmodum etiam Deus unus est. Hinc Apostolus: Unus Deus, unus etiam Mediator Dei & hominum, homo Iesus Christus. Nam cum is Mediator, caput erat futurus Ecclesiae suae, unus ut esset necesse fuit.

37 Foede igitur errant, qui vel plures Mediatores inter Deum & homines docent, vel plura capita Ecclesiae agnoscunt, quam unicum Dominum nostrum Iesum Christum.

38 Cõditio qualitatis Sacerdotis Christi, ad Hebræos explicatur, quod sit sanctus, impollutus, segregatus a peccatoribus, & excelsior cœlis.

39 Huiusmodi oportuit esse eum, qui peccatis hominum in se receptis, Legem cõdemnantem nos impleret, & eius capitali iudicio satisfaceret.

40 Iam officium cum suis partibus considerandum est. Officium quidem est, Reconciliare nos Deo, satisfacere Deo pro peccatis nostris, ac nobis sua merita applicare, ut ipsi, eius iusticia donati, iusti in conspectu Dei appareamus. Partes vero numerantur, Docere, orare, offerre. Ista enim tria, ad complementum redemptionis per Mediatorem Christum, referuntur.

41 Doctrina Mediatoris est, publicatio beneficii ipsius, nimirum quod velit recipere omnes poenitentes, donare eos sua iusticia, viuificare ad vitam æternam. Verbo, Spiritu sancto, & Sacramentis, in hac vita regere.

42 Oratio eius est, qua intercedit pro genere humano, & petit nos recipi, propter sua merita, quemadmodum in Euangelio precatur: Pro eis sanctifico me ipsum, ut sint & ipsi sanctificati in veritate.

43 Oblatio Mediatoris, est eius passio quæ fuit & est

sacrificium propiciatorium, placans iram Dei, & satisfactorium pro culpa & poena æterna.

44 In hac oblatione plura perpendenda occurrunt, ex quibus fides concipitur, fouetur, & alitur. Primum, quod Sacerdos & sacrificium simul, sit ipse Christus. Deinde, quod Deo Patri obtulerit semetipsum, per æternum Spiritum. Tum, quod pro humano genere reconciliando Patri cœlesti, sacrificium sum peregerit. Postremo, quod semel peracta victima, nunquam iteranda sit: sed maneat efficax in æternum. Nam vna oblatione consummauit in sempiternum sanctificandos.

45 Porro quia Sacerdos, alicuius fœderis seu Testamenti sponsor est & Mediator, qualenam sit huius nostri Mediatoris fœdus, scire oportet. Illud enim fundamentum fidei Christianæ est.

46 Tamen autem multa in hoc fœdere concurrunt, eius tamen præcipua membra sunt, Obligatio mutua inter Deum & homines, & fœderis seu Testamenti confirmatio.

47 Obligatio ex parte Dei est, quod Deus promittat se propitium fore iniquitatibus nostris, fore Deum nostrum, scripturum leges suas in cordibus nostris, adoptaturum nos in filios, donaturum nos Spiritu sancto. ac tandem nos in gloriosum Christi regnum perpetuo possidendum introducturum.

48 Obligatio ex parte hominis est, quod homo se vicissim committat fidei Dei, credat in ipsum, expectet bona promissa, ac ipsi suam vitam approbare satagat. Christus enim sacrificatus, omnibus obtemperantibus sibi factus est autor salutis.

49 Confirmatio fœderis huius effusione sanguinis Christi Mediatoris sancita est, in cuius rei testimonium & memoriam perpetuam, a Christo, in Ecclesia, duo Sacramenta ordinata sunt, toti Ecclesiæ communia: nempe Baptismus, & sacra Cœna corporis & sanguinis Domini.

50 Durare præterea Christi sacerdotis sacrificium in æternum,

æternum, Testimonio Patris de ipso Typo, & Victimæ præstantia, concluditur.

51 Testimonium Patris & promissio, est in Psal. 110. Iuravit Dominus, & non pœnitebit eum, tu es Sacerdos æternus.

52 Typus durationem figurans, est Melchisedech. Nam secundum ordinem Melchisedech, est a Patre sacerdos constitutus, qui neque initium dierum, neque vitæ finem habens, assimilatus est Filio Dei, manet Sacerdos in æternum.

53 Præstantia victimæ est, quod semel ingressus Christus in sancta, satisfecerit pro omnibus mundi peccatis, inueneritque redemptionem perpetuo duraturam, & nunc appareat vultui Dei pro nobis.

54 Applicatio sacrificij Christi Mediatoris, fit per fidem. Sic enim Paulus ait: Quem Deus constituit Propitiatorem, per fidem in sanguine eius.

55 Ut enim nobis ipse Christus ex mera gratia & *φιλανθρωπία*, sua beneficia offert: ita nos vicissim oblatam gratiam, cordis brachijs, hoc est, fide apprehendere, & tenere debemus.

56 Cum autem hanc gratiam, qua regeneramur in novos homines, fide possidemus, in regales Sacerdotes, vñctione Spiritus consecramur, ut iusticia & sanctitate induti, hostias offeramus Deo gratas, per Christum Mediatorem vnicum. Nam, ut ipse nostras conscientias ab operibus mortuis emundat: ita nos vicissim, excusso peccati iugo, Deo viventi servire debemus.

57 Nequaquam enim Filius Dei missus est, & assumpta humana natura factus est victima, ut iam omnibus futuris opinionum & libidinum indulgeamus: imo ideo, & genti misericordia nos liberauit, ut deleat peccatum & mortem, ut nos viuificet, ac sibi viuificet, ac sibi assimilet, quemadmodum Paulus ait. Nos autem relecta facie gloriæ Domini in speculo intuemur, & in eandem imaginem transformamur, ex gloria in gloriam, tanquam ex Domini Spiritu.

58 Ex his, quæ hætenus fufius, fecundum rerum cōfequentiam, dicta funt, duas colligemus definitiones, quo res vniuerfa ſummatim comprehendī poſſit: Vnam Sacerdotis Chriſti: Alteram, noui Teſtamenti, cuius ſponſor eſt Chriſtus.

59 Mediator itaque ſiue Sacerdos, eſt perſona vna, Deus & homo Ieſus Chriſtus, mundus & purus ab omni peccato, amans hominum, ex decreto Dei Patris proferens Euangelium, offerens ſeipſum ſemel pro hominibus, & perſoluens λύτρον, & applicans ſua merita credentibus, in æternam redemptionem, pro quibus & interpellat apud Patrem.

60 Nouum Teſtamentum eſt pactum Dei cum hominibus, ſancitum ſanguine Chriſti, in quo, vt Deus promittit ſe ignotum peccatis hominum, propter Filium & Mediatorem: ita homo viciffim, fidei Dei ſe committit, credit in Deum, promittitque ipſi obedientiam, renunciat ſatana, Mundo & Peccato.

61 Hæc doctrina de Mediatore, eſt ſumma ſapientia Eccleſiæ, quam non norunt, qui vel operibus hominem iuſtificari contendunt, vel ſanctos Mediatoreſ inuocant, vel Papale ſacrificium mundo obtrudunt, cum ſuo impuro Canone, vel denique, qui vlli rei, principium, medium, conſummationem ſalutis attribuunt, præterquam ſoli Mediatori & eius victimæ.

62 Eſſi autem ex dictis conſtat, vnum eſſe ſummum Sacerdotem & Mediatorem Ieſum Chriſtum: tamen ab hoc vno & vero pontifice, Chriſtiani hanc dignitatem accipiunt, vt & Filij Dei fiant per adoptionem, & Sacerdotes per communicationem.

63 Per Chriſtum enim pontificem habemus ius verbum Dei docendi, accipimus ius inuocandi, præterea poteſtatem offerendi, ſed Εὐχαριſτὶὸν ſacrificium, & non Expiatorium, quod ſolius Filij Dei eſt.

64 Chriſtianorum autem ſacrificia ſunt, Spiritus cōmitus, ſacrificium iuſtitiæ, ſacrificium laudis, hoſtia beneficentiæ

deficientiæ & communionis, hostia rationalis propriorum corporum. Breuiter omnis obedientia & crux, cui viua in Christum fides præluceat.

GRADVS AD conuersionem.

BRVSQVAM viua & salutaris fides, (quæ fit conuersio) in corde hominis concipiatur & nascatur, quatuor in homine præcedant necesse est.

Primum, est Peccati cognitio in mente. Secundum, iustæ iræ Dei in peccatores, & meritæ damnationis in corde sensus. Tertium, *μεταμέλεια*, cum qua cruciatus in conscientia, propter peccatum commissum, & propter pœnas imminentes ex iusta ira Dei, coniunctus est. Quartum, Christi vera noticia & firma, in mente, ex Euangelij prædicatione, concepta.

3 Hæc quatuor sunt veluti quatuor gradus, quibus gradatim conscenditur ad veram & salutarem conuersionem, quæ fit per fidem. De quibus ordine dicemus.

4 Primus itaque gradus est, Peccati cognitio. Hanc consequitur homo ex Lege Dei: Per Legem, ait Paulus, est cognitio peccati.

5 Est enim Lex Dei, regula iusticiæ, quæ monstrat, quid iustum, quid iniustum sit, quid Deo placeat, quidque displiceat.

6 Hinc fit, ut quicquid sit in nobis, vel fiat a nobis, non congruens cum regula, hoc est, cum Lege Dei, sit peccatum, quo Deus horribiliter offenditur.

7 Ad hanc ergo regulam, vitam & actiones suas, interiores & exteriores, explorabit homo, & ex ea iudicabit de factis suis: peccatane sint, an non.

8 Verum, ne quis errore fallatur in accommodatione & usu huius regulæ, duo tenebit. Vnum, quod quicquid aduersatur charitati Dei, & charitati proximi, prohi-

beatur Legē Dei, & pugnet cum regula iusticię: & contra, Quicquid congruit cum charitate Dei & proximi, præcipiatur, tametsi expresse verbis Legis non videatur interdictum aut præceptum.

9 Nam Lex ex his duobus principijs concluditur: Diliges Dominum Deum tuum ex toto corde tuo, ex tota anima tua, & ex totis viribus tuis: &, Diliges proximum tuum, sicut teipsum.

10 Alterum, quod tenendum est, est, quod Lex sit spiritualis, ut quę postulet puram, perpetuam, perfectam & spirituales obedientiam, ex quo intelligere in promptu est, quod nullus homo natus iuxta Naturę legem, valeat Legem Dei implere.

11 Nani hominis natura & Legis conditio, ita sibi aduersantur, ut nunquam in hac vita inter eas convenire (ut deberet fieri) possit. Id quod Paulus conqueritur, cęcit ait: Lex est spiritualis, ego autem carnalis, venditus sub peccatum.

12 Hinc intelligimus omnes homines reos esse coram tribunali Dei, ut transgressores ipsius sanctissimę Legis, & non posse, ne incipere quidem, nedum præstare ullam obedientiam, iuxta Legis mentem, priusquam regeneriti fuerint, & facti novi homines per fidem.

13 Secundus gradus est, Sensus irę Dei & iustę damnationis in corde hominis, propter peccatum, quo reus est homo coram Deo.

14 Quoties enim homo cogitat suum peccatum, simul debet intueri iram Dei aduersus se, & cogitare de pœna quam meruerat propter peccatum.

15 Huius irę Dei sensus in corde hominis propter commissā peccata, crescit ex harum rerum cogitatione.

16 Primum, cogitandum de Lege lata primis nostris parentibus in Paradiso, videlicet: Quando comederis de Arbore ista, morte morieris. Hic Dominus toti Adamo minatur mortem, si Legem latam violauerit, hoc est, minatur mortem non solum personę Adami, verum
etiam

etiam naturæ Adami, quam nos omnes habemus, qui nati sumus ex Adam iuxta communem nascendi legem. Atque ideo eiusdem, cuius & Adam, condemnationis rei sumus, qui ab eo originem traximus, Psal. 51. Paul. Rom. 5.

17 Deinde, Sensus iræ Dei & iustæ nostræ damnationis crescit ex cogitatione sententiæ, quam Deus in monte Sina adiecit suæ Legi, videlicet, Maledictus omnis qui non permanerit in omnibus, quæ scripta sunt in libro Legis, ut faciat ea.

18 Hæc maledictio venit ex iusta ira Dei in omnes, & infert æternas pœnas omnibus ijs, qui non, per Liberatorem Iesum Christum, ex hac Legis sententia eximuntur.

19 Tertio, sensus iræ Dei & iustæ condemnationis hominis propter peccatum, crescit ex Chirographo Dei in cordibus nostris: quod Chirographum est conscientia hominis, quæ testatur de damnatoria sententia, primum in Paradiso, Deinde in Lege proposita.

20 De utraque sententia, videlicet, Conscientiæ & Legis Dei, loquitur Ioannes, 1. Ioannis 3. Si, inquit, condemnet nos cor nostrum, maior est Deus corde nostro, qui novit omnia.

21 Quoties ergo sentimus cruciatum in conscientia nostra propter peccatum, cogitabimus esse pœnam divinam, & præmonitionem quandam æternarum pœnarum propter peccatum, nisi nobis per Christum succurratur.

22 Quarto, Sensus iræ Dei, & iustæ nostræ pœnæ, etiâ crescere debet ex signis iræ divinæ, quæ sunt duplicia.

23 Quædam enim simul minantur pun. antque vnde maxima ira Dei in peccatores intelligitur. Huius generis signa sunt, Pestis, annonæ caritas, fames, bellum, & variaz plagæ, quibus Deus vel integra Regna, vel aliquos saltem homines, alijs in admonitionem punit, in ostensionem futuri iudicij.

24 Quædam non statim puniunt, sed minantur, & imminentes pœnas quasi prædicunt. De huiusmodi signis minantibus, multas habemus Historias, tum profanas, tum sacras.

25 Egesippus signa comminantia, quæ præcesserunt euersionem Hierusalem, recitat. Christus Dominus Matth. 24. enumerat signa præcessura extremum diem, quibus subiungit hanc grauissimam admonitionem: Videte ne quis vos seducat.

26 De his tenenda sunt duæ regulæ. Prima, quicquid non sit vñitate, etiamsi naturales causas habeat, aliquid significat.

27 Et si ergo cometa, inundationes aquarum, horrenda & inusitata tempestates, habent sæpe naturales causas, quas Mathematici monstrant: tamen experientia & Historiæ docent, non ætæna esse, quæ ita inusitate fiunt.

28 Altera regula: Signa minantia, annexam conditionem habent duplicem: videlicet, Iudicij seu pœnæ, si non resipiscimus, signis admoniti: Misericordiæ, si vera pœnitentia confugimus ad Deum, petentes veniam.

29 Exemplum in Propheta Iona habemus illustre. Per hunc enim Deus minatur exitiũ Niniuitis, post quadagesimũ diem a tempore concionis Ionæ. Sed quid accidit? Audita hac cõminatione, agnõuere Niniuitæ suũ peccatum & iustam iram Dei, & conuersi sunt in vera pœnitentia ad Deum, petiuerunt veniam in planctu & ieiunio. Horum ergo pœnitentia motus Deus, illis pepercit, & non puniuit, iuxta comminationem Prophetæ.

30 Horum exemplum si hodie multæ Gentes imitarentur, Deus etiam, misericordiæ suæ memor, parceret ijs, quibus iam varijs & inusitatis portentis, minatur pœnas.

31 Tertius gradus, qui veram conuersionem, quæ fit per fidem, præcedit, est *μεταμέλεια*, dolor ob peccatum in conscientia. Vt enim secundus est, Sensus iræ Dei, quo vere statuimus Deum irasci peccato; ita hic *μεταμέλεια* & dolor

& dolor ob peccatum, est, quo compungimur ob culpā nostrā, & vellemus nos nunquam peccasse & offendisse Deum: vnde concipitur in nobis per Spiritum sanctū (qui ideo Spiritus timoris dicitur, Rom. 8.) dolor, odium peccati, & fuga peccati.

32 Quod autem huiusmodi μεταμέλεια & dolor in corde, præcedat salutarem poenitentiam, quæ est conuersio hominis ad Deum per fidem in Iesum Christum, præter alia multa, sequentia testimonia confirmant.

33 Act. 2. Postquam displicuisset Iudæis factum suum, & compuncti essent corde ob peccatum suum, quærent: Quid faciemus viri fratres? Respondet Petrus, μετανοήσατε, & baptizetur vnusquisque vestrum in nomine Iesu Christi, in remissionem peccatorum. Hic aperte vides, quod & μεταμέλεια, seu dolor ob peccatum, præcedat, μετανοίας. Et quod prædicatio τῆς μετανοίας, sit propria Euangelij: & sit conuersio ad Deum per fidem in Iesum Christum: id quod verba hæc declarant: Baptizetur vnusquisque vestrum in nomine Iesu Christi, in remissionem peccatorum, hoc est, Baptizemini, vt habeatis testimonium Dei, quod vobis conuersis, id est, credentibus in Christum, sunt remissa peccata.

34 Matth. 21: Vos videntes οὐ μεταμελήθητε, vt crederetis ei, id est, non μεταμελήσατε, ducti estis, vt conuerteremini ad Deum, per ipsius prædicationem.

35 2. Corinth. 7. etiam clarissime docet, quod dolor ob peccatum seu contritio, præcedat salutarem poenitentiam, id est, conuersionem: Dolor inquit, secundum Deum operatur μετανοίας salutarem, hoc est, præparat hominem, vt se ad Deum conuertat per fidem, ne in suis peccatis pereat.

36 Porro, odium & abominatio peccati ex eo venit. Primum, si cogites, summam voluptatem Diaboli esse, videre hominem, qui est conditus ad imaginem Dei, potius se velle imitari quam Deum, potius suam imaginem quam Dei gestare. Deinde, si cogites, quemadmodum

supra diximus, quam horrendè peccatum Deum offendat, vt quod expellat Spiritum sanctum de corde hominis, & faciat ex templo Dei, habitaculum Diaboli. Tercio, si cogites, quantum damnum tibi afferat peccatum, & quantum alijs noceat malo exemplo. Postremo, si, vt par est, cogites, quam turpe & abominabile sit peccatum, quod castissimos Dei angelos fugat. Hæc quatuor merito cor hominis ad dolorem propter peccatum, ad odium & fugam peccati, commouere deberent.

37 Quartus gradus, qui viam & salutarem fidem proxime præcedit, est Christi vera cognitio, quæ aliunde haberi nequit, quam ex prædicatione Euangelij. Siquidem Euangelium docet, cur Christus in mundum venerit, quis sit, quid fecerit, & quomodo sit affectus erga miseros peccatores, qui ad se veniunt.

38 Venit in mundum, missus a Patre, vt liberet miseros peccatores à tristissimo peccati onere. Ita enim Ioannes ait: Ecce agnus Dei, qui tollit peccata mundi. Et ipse dicit: Veni in mundum vocare peccatores ad poenitentiam. Item, Veni saluare quod perierat. Et Paul. ait, Certus est sermo & omnium approbatione dignus: quod Iesus Christus venit in mundum, peccatores saluos facere.

39 Est verus Deus, qui potest quicquid vult, & vult quicquid suo verbo promittit. Est verus homo, assumpta in vnionem personalem nostra natura, vt eam reddat participem Diuinæ naturæ & gloriæ. Est vna persona Deus & homo, vt sciamus omnia opera ipsius esse infiniti precij & æstimationis.

40 Passus & mortuus est pro peccatis nostris: implevit Legem: vt sua obedientia nobis imputata, iusti habeamur coram Deo. Hic orat pro te apud æternum Patrem, vt omnis qui venit ad illum & credit in illum, non pereat, sed habeat vitam æternam.

41 Denique ita affectus est erga quemlibet peccatorem, quod velit ipsum in gratiam recipere, quantumvis enormiter

enormiter peccauerit : modo ad ipsum venire non recusauerit. Venite, inquit, omnes qui laboratis & onerati estis, ego refocillabo vos.

42 Hunc suum affectum, in multis magnis peccatoribus conspiciendum exhibuerat : vt in Magdalena, in latrone, & in multis alijs.

43 Breuiter, vt venit in mundum propter peccatores : ita reuera vult omnium peccatorum salutem : sed per fidem, vt ipse ait: Qui videt Filium (id est, agnoscit Filium esse saluatorem mundi) & credit in illum, habebit vitam æternam, & ego suscitabo illum in ultimo die.

44 Atque ita habemus, quid veram & salutarem fidem præcedat, antequam concipi & nasci possit in cordibus nostris.

45 Ex tribus primis gradibus intelligimus, quæ maneat nos damnatio, nisi liberemur a peccatis nostris: vnde oritur compunctio cordis.

46 Ex quarto intelligimus, remedium aduersus peccatum esse propositum in Iesu Christo. Nam qui in ipsum credit, habet remissionem peccatorum & vitam æternam.

47 In his cogitationibus, per Spiritum sanctum excitatur in corde ingens desiderium promissæ in Christo gratiæ, quod desiderium est veluti quidam fidei conceptus.

48 Et cum ad hoc desiderium, fiducia cordis in promissionem gratiæ accedit: fides in corde nascitur.

49 Hinc concluditur, quod viuæ, salutaris & Christiana fides, sit ingens desiderium gratiæ promissæ in Christo, & firma fiducia in Christum quod velit ex gratia remittere peccatum, & vitam æternam donare credenti gratis, absque omnibus operibus & meritis humanis.

50 Is qui in hunc modum credit, habet remissionem peccatorum, ex merito mortis Christi. Est iustus, iustitia Christi sibi imputata, Est Filius Dei, Est reconciliatus

cum Deo, Est nouus homo, Habet accessum ad Deum, Stat in gratia & fauore Dei.

51 Quando fides ita est concepta & nata in corde hominis, cum sit initio tenera & perexigua, debet quotidie crescere, & incrementa assumere, per ardentem inuocationem Dei, vt cum Dauide ores: O Domine, confirma quod in nobis es operatus: Spiritu tuo sancto confirma me: dirige me in tua veritate. In huiusmodi seria & ardenti inuocatione, sentitur responsum Spiritus sancti in corde precantis, per læticiam cordis & consolationem aduersus peccatum & mortem. Hæc enim læticia & consolatio in corde, est testimonium Spiritus, quod sumus filij Dei, & iam incoauerimus vitam æternam.

SALVTARIS

pœnitentia.

I VM dicimus Euangelium esse prædicationem pœnitentiæ & remissionis peccatorum in nomine Christi: Apostolico significato, id est, proprie, vocem Euangelij accipimus, & non (sicuti quidam contendunt) pro toto ministerio Legis & Euangelij: ac si prædicatione pœnitentiæ pertineret ad Legem, & prædicatione remissionis peccatorum ad Euangelium.

2 Immotum enim stat hoc discrimen Legis & Euangelij, quod vt Lex prædicat peccantibus damnationem: ita Euangelium pœnitentibus salutem.

3 Prædicatione ergo pœnitentiæ quæ ad salutem ducit, & prædicatione maledictionis, non sunt eiusdem, hoc est, nec Legis seorsim, nec Euangelij. Longe enim inter se diuersa sunt, ostendere remedium aduersus morbum, & in certum interitum hominem ducere.

4 Cum Dominus dicit: Conuertimini ad me & salui eritis. Item: Nolo mortem peccatoris, Conuertimini & viuite. Non est Legis concio, quæ hanc damnatoriam senten-

sententiam absque misericordia sonat: Maledictus omnis qui non manserit in omnibus, quæ scripta sunt in libro Legis: sed ipsissima Euangelij vox. Non enim hic auditur tonitru damnantis Legis, sed suauissima compellatio misereantis Dei, qui reuertentibus vitam promittit.

5 Cum his consonat vox Christi: Oportet prædicari poenitentiam & remissionem peccatorum in nomine meo. Item: Non veni vocare iustos, sed peccatores ad poenitentiam. Item Act. 5. Petrus hoc ipsum testatur, cum ait: Hunc principem & saluatorem exaltauit Deus dextera sua, ad dandam poenitentiam Israeli, & remissionem peccatorum.

6 Qui ergo dicunt Legis esse munus prædicare poenitentiam: nec vim Legis recte considerant: nec virtutem mortis & resurrectionis Christi recte perpendunt, ut interim taceam, eos magnam iniuriam Christo facere, in cuius solius nomine poenitentia est prædicanda.

7 Sed clamant, isto pacto Legem tolli, & locum dari Artinomis. Vtrumque falsum est. Nam & Legem fatemur ea peccata monstrare, ad quorum poenitentiam nos inuitat Euangelium, & agnoscimus Legem Dei, quam vſitate Decalogum appellamus, esse normam vitæ Christianæ vnicam.

8 Magna est sane infulsitas, ex eo inferre Legis esse prædicare poenitentiam, propterea, quod monstret peccatum. Nam Lex, dum monstrat peccatum, vulnerat, occidit, damnat, nec vnquam sonat hanc vocem: Resipisce & saluus eris, sed potius, morte æterna morieris. Euangelium autem, dum inuitat ad poenitentiam, vulneri paratum esse remedium indicat, iuxta illud: Agite poenitentiam, appropinquat enim Regnum cœlorum.

9 Præterea eius est inuitare ad poenitentiam, cuius est spem veniæ facere, hoc cum sit solius Euangelij, errant qui Legis esse dicunt munus prædicare poenitentiam.

10 Sed dicunt qui διαλειτουργοὶ esse volunt: Lex præ-

dicat pœnitentiam per se, Euangelium vero per acci-
dens. Vtrumque insulse dicitur. Verum si illam dialecti-
cam distinctionem retinere lubet, ita potius dicendum
est: Lex est prædicatio pœnitentiæ, at non per se, sed per
accidens, hoc est, quatenus deducit nos in cognitionem
peccatorum, quorum iubet nos pœnitere Euangelium.
Euangelium autem est prædicatio pœnitentiæ per se,
quia pœnitentibus proponit Christum, & offert gra-
tuitam remissionem peccatorum.

11 Hoc etiam sine prædicationis pœnitentiæ confir-
matur. Ideo enim prædicatur pœnitentia, vt gratiæ sit
locus. Conuertimini, inquit, filij auertentes, & ego sa-
nabo auersiones vestras.

12 Nemo, vt existimo, negabit Baptismum esse Sa-
cramentum Euangelij & non Legis. Sed ipse Baptismus
nihil aliud est, quam aspectabilis concio pœnitentiæ &
remissionis peccatorum, in nomine Christi. Perperam
igitur faciunt, qui quod proprium est Euangelij, Legi
attribuunt.

13 Hinc ergo effectum est, quod Lex per se prædicet
transgressoribus mortem & damnationem: Euangelium
vero pœnitentibus vitam & salutem, & ab omni reatu
absolutionem.

14 Rursus obiiciunt forte, Iudam egisse pœniten-
tiam, ad quam non ipsum vocauit Euangelium, sed Lex.
Egit quidem ipse pœnitentiam ad desperationem &
damnationem, sed ea non prædicatur in nomine Chri-
sti, sed suggeritur a Diabolo, vt homo reus pereat. Ad
hanc non inuitant nec Prophetæ, nec Apostoli, nec vlli
fingenti ministri: imo, vt hæc caueatur, ad Euangelicam
inuitant pœnitentiæ, quæ in scriptura *μετάνοια* dicitur,
& non *μεταμέλεια*, qualis Iudæ fuit.

15 Postquam iam ostensum est Euangelij proprium
esse prædicare pœnitentiam, nunc declarandum est,
quænam sit vera ratio salutaris pœnitentiæ.

16 Vna itaque hæc ratio est veræ pœnitentiæ, vt au-
dita

data inuitatione ad poenitentiam, ex animo doleamus admissa peccata, quæ Deum a nobis abalienarunt, & expectemus condonationem peccatorum propter victimam Filij Dei, & certam concipiamus fiduciam remissionis peccatorum, iuxta verba Symboli: Credo remissionem peccatorum: simul proponentes nos velle omnem offensam Dei in posterum cauere, deponendo veterem hominem, & induendo nouum.

17 Hanc esse vnicam rationem salutaris poenitentiae coram Deo, multæ Propheticae & Apostolicae conciones, & exempla Sanctorum ostendunt.

18 Paulus Ephes. 4. ita scribit, Vos autem non ita didicistis Christum. Siquidem ipsum audistis, & in ipsum estis edocti, vt deponatis, secundum pristinam conuersationem, Veterem hominem, qui corrumpitur secundum concupiscentias erroris. Renouemini autem spiritu mentis vestrae, & induatis nouum hominem qui secundum Deum creatus est.

19 Paulus his verbis, vt alia testimonia omittamus, satis ostendit veram salutaris poenitentiae rationem esse quam posui, quæ hac breuissima definitione concludi potest. Poenitentia vera est conuersio hominis ad Deum, per fidem in Iesum Christum, qua fit nouus homo, iuxta voluntatem Dei viuens.

20 Hæc distinctius intelliguntur enumeratis partibus veræ poenitentiae, quæ vſitate nominantur: Contritio, Fides, & Noua obedientia. Hæ ideo partes dicuntur, quia ordine præcedunt finem conuersionis, qui est seruire Deo in iustitia & sanctitate vera.

21 Contritio est pavor conscientiae ob peccatum admissum, quæ tum demum vera fit ex agnitione peccati & sensu iudicij Dei, quando proponitur victimam Christi peccati expiatrix.

22 Hæc cōtritio quatuor proprietates seu effectus habet. Primum enim agnoscit peccatum, quod contra normam iustitiæ Dei commissum est. Deinde agnoscit

iustam iram Dei & maledictionem ob peccatum. Tercio, serio dolet ob admissum peccatum. Postremo, detestatur & abominatur peccatum.

23 Hæc Euangelica contritio differt à Iudæ contritione, cui factum non displicuit propter suam turpitudinem, & propterea quod erat violatio normæ iustitiæ Dei: sed propter metum pœnæ. Voluit enim proditiōem suam, cum facta esset, esse infectam, & ideo dicitur *μεταμενοιθις*, hoc est, sollicitus & anxius factus propter suum factum, adeo quod tristitia sit absorptus: non *μετανοειθις*, qua voce significatur vitæ & consilij mutatio in melius.

24 Fides est notitia & assensus promissæ & expetitæ misericordiæ, & in eandem firma fiducia, non autem vacillans opinio.

25 Hæc fides habet partes has, Primam, Agnitionem Mediatoris & intercessoris Iesu Christi apud Patrem. Secundam, Fiduciam Mediatoris agniti, & imputatæ credenti iustitiæ Mediatoris. Tertiam, Consolationem conscientix aduersus terrores peccati & Legis. Quartam, Incoationem nouæ vitæ.

26 Hæc Euangelia fides differt à fide Legis. Fides enim Legalis talis est qualis promissio. Promissio autem Legis habet annexam conditionem impletæ Legis, quæ cum a nemine præstari potest, fit & irrita Legis promissio, donec ventum fuerit ad Christum, & fides ruit quæ legales promissiones respicit. Verum quia fides Euangelica accipit quod gratis offertur, manet firma: qua credens iustus & acceptus est Deo.

27 Noua obedientia necessario nexu cum fide coniuncta est. Hæc absoluitur quatuor partibus, Pietate erga Deum, Charitate erga homines, sanctimonia & puritate vitæ, & diligentia in officio. Ideo enim fide regeneramur, vt pie, iuste & temperanter viuamus.

28 Hæc obedientia a fide profecta, multum differt ab ea, quæ qualiscūq. præstatur ab impijs, iuxta externam Legis literam. Nam hæc literalis, vt ita dicam, obedientia,

tia, fecit quidem, vt Paulus esset irreprehensibilis coram hominibus, cuius tamen cor, priusquam conuersus est ad Christum, mansit impurum. Defuit enim Paulo ante conuersionem fides, & Christi spiritus, sine quibus obedientia erga Legem placere nequit.

29 Hæc poenitentia: membra, si in illustribus exemplis conspiciantur, magis & animos mouebunt, & erunt in promptu tanquam veræ poenitentia: pictæ quædam imagines, quæ in oculos incurrunt quodammodo, & deinde in animum transferuntur.

30 Peccatrix, Luc. 7. audito Euangelio Christi, quo inuitantur homines ad poenitentiam, lacrymis testatur pauorem conscientia: ob peccatum, & odium peccati: fidem suo ad Christum accessu indicat: nouam vitam, officiosa erga Christum, declarat.

31 Latro in cruce, voce & confessione publica suum testatur peccatū. Ex fide Christū inuocat, atque gratitudinis erga Deū, & charitatis erga proximū testimonia edit, atque ita mortificatur carne, & viuificatur spiritu.

32 Etsi autem vna est ratio veræ poenitentia: tamen eiusmodi sunt plures. Est enim poenitentia impij, & est poenitentia pij. Vtræque & priuata & publica esse potest.

33 Poenitentia impij est conuersio impij ad Deum, videlicet, cum impius audiens Euangelium inuitare homines ad poenitentiam, se coram Deo prosternit in vera agnitione peccati, concipit fiduciam in Mediatorem, & meditatur pietatem erga Deum & charitatem erga proximum. Exemplum illustre est in Publicano, Lucæ 18: & in Debitore 10000. talentorum, pulcherrima pictura.

34 Poenitentia pij est, qua pius deplorat sua occulta peccata, & lapsus alios, qui vel ex infirmitate, vel ignorantia cōtingunt, erigit se fiducia Christi, petens remissionem, & assidue crescit in mortificatione Veteris hominis & excitatione Noui. Hæc poenitentia in multis Psalmis describitur & præcipue in 15.

35 Vtraque priuatim & publice fieri potest. Priuatim fit, cum soli Deo te aperis: Publice, cum accedit publica poenitentiae professio.

36 Verum de publica sciendum est, quod fit duplex, Vnius, & Totius coetus Ecclesiae: sed modus diuersus est propter circumstantias.

37 Publica enim poenitentia totius coetus est, quando solennis instituitur poenitentiae professio, indicta a magistratu vel gubernatoribus Ecclesiarum, qualis fuit poenitentia Niniuitaru, & in nostris Ecclesijs saepe eius exempla vidimus.

38 Huius finis est deprecatio irae Dei & praesentium seu impendentium malorum, propter admissa scelera. Absolvitur agnitione peccati & instae irae Dei, fiducia Christi, meditatione pietatis in posterum, & inuocatione sobria & seria.

39 Publica vnius est, cum aliquis, postquam receptus est in Album ciuium Ecclesiae, ita suis moribus Ecclesiam offendit, vt senatus Ecclesiae eum excludere de Ecclesiastico coetu cogatur, sicut accidit Corinthio, qui nouercam polluerat.

40 Haec publica poenitentia eas partes requirit, et quibus Ecclesia colligere potest eum, qui offenderat, vere resipiscere, & meditari poenitentiam seriam.

41 Hinc est, quod veteres huius poenitentiae tres numerant partes, contritionem, confessionem & satisfactionem.

42 Contritio fuit assiduus dolor exclusi a coetu Ecclesiastico propter suam culpam, qui dolor deprehendebatur ex lacrymis poenitentis & petentis redire in gratiam cum Ecclesia. Exemplum est incestuosus Corinthius.

43 Confessio erat publica coram Ecclesia criminis admissi agnitio & detestatio: non fuit enumeratio secretorum scelerum, sed tantum eius delicti cuius arguebatur, expositio & deploratio.

44 Satisfactio

44 Satisfactio constabat duabus rebus. Vna, vt reus publice a Parocho verbis castigaretur, in aliorum exemplum : quam ob causam Græci, hanc tertiam partem poenitentiae publicae, vocarunt *ἡμετέριος*, quemadmodum ex Basilio apparet. Altera, vt reus sua voce & lacrymis, peteret veniam supplex ab Ecclesia, quam offenderat : quo facto satisfiebat Ecclesiae, adeo quod Ecclesia lapsum fratrem in gratiam reciperet, ac eum postea omni officio prosequeretur oblita offensae. Atq. hac de causa Latini hanc partem vocarunt Satisfactionem.

45 Hæc bono consilio instituta erant & conseruabant Politiam Ecclesiasticam sancta disciplina, quæ iam maxima ex parte non sine magno detrimento Ecclesiae Christi collapsa est.

46 Hoc cum non animaduernerent posteriores, hanc poenitentiam publicam fecerunt vniuersalem, non discernentes inter eam poenitentiam, quæ Deo fit, & eam quæ fit Ecclesiae propter lapsum aliquem quo ipsa offensa erat.

47 Hinc factum est, quod Papistæ dicant, tres esse poenitentiae salutaris, quæ fit coram Deo, partes: Contritionem, confessionem & satisfactionem, neque vllam aliam poenitentiam agnoscunt.

48 Contritionem requirebant sufficientem, cum nulla possit esse sufficiens : & hanc fingeant remissionem peccatorum mereri : quod sane in Filium Dei summe contumeliosum est.

49 Confessionem vocabant, enumerationem peccatorum coram sacerdote, & hanc necessariam ad absolutionem docebant, cum tamen nusquam extet præceptum diuinum, de enumeratione singulorum, & enumeratio omnium sit impossibilis, sicut scriptum est: Delicta quis intelligit?

50 Satisfactionem vocabant opus, quo fingeant compensari poenas æternas seu Purgatorij. Hoc figmentum vnico hoc dicto satis refellitur. Frustra colunt ne man-

datiſ hominum , vt interim taceam nullum errorem in Eccleſia fuiſſe magis contumelioſum in Chriſtum, vnde tam immenſum errorum Chaos emerſit. Hinc Regnum Antichriſti ſtabilitum eſt, hinc Miſſæ, hinc Indulgentiæ, hinc pingues culinæ monachorum & ſacrificulorum.

51 Cum huiusmodi ſit doctrina Antichriſti, hoc eſt, Papæ & Papiſtarum, decet omnes pios eam deſertari, & gratias Deo agere, quod lucem ſuam accenderit, ad quâ iſtæ Diabolicæ tenebræ euaneſcant.

52 Non minus Catharorum impium dogma eſt deſertandum, qui negarunt poſt Baptiſma lapſis in manifeſta ſcelera remitti peccata : qui error manifeſte pugnat cum promiſſionibus Euangelij & exemplis illuſtribus. Nam & Petrus poſt triſtem lapſum receptus eſt a Chriſto, & inceſtus apud Corinthios pœnitens recipitur a Paulo: & multa alia in ſcripturis exempla extant.

53 Hoc tamen ſummo ſtudio cauendum eſt, ne vel perſeueremus in delictis contra conſcientiam, vel ſciamus ſecuri, quaſi parum eſſet Deum peccatis noſtris offendere. Nam vt extant multa exempla miſericordiæ Dei in peccatores, qui ſunt recepti in gratiam, vt Adam, Manaiſſis, Daudid, Petri inceſti, &c. Ita etiam horrenda exempla iudicij Dei in peccatores, qui non ſunt reuerſi per pœnitentiam, (vt ſunt Cain, Eſau, Saul, Iudas & innumeri alij) admonebunt noſ timoris Dei, in cuius conſpectu nos ambulare cogitandum eſt.

54 Omnium igitur cœtiſſimum conſilium eſt illud Prophetæ : Indicabo tibi o homo quid ſit bonum, & quid requirat Iehoua abſ te : vtique facere iudicium, & diligere miſericordiam, & humiliare te ad ambulandum cum Deo tuo.

IVSTIFICATIO

hominis.

PAVLVS docturus Romanos quænam sit iustitia, qua coram Deo homo consistere possit, duplicis iustitiæ mentionem facit, quarum altera hominem iustum fieri necesse est, qui salutis æternæ hæreditatem adire voluerit.

1 Harum vnā iustitiā ex lege, alterā, iustitiā absque Lege appellat: illam hominis: hanc Dei esse pronuncians.

2 Quod autem nemo mortalium iustitia Legis coram Deo iustificari possit, firmissimis demonstrationibus astruit: inter quas hæc sex sunt præcipuæ.

3 Prima sumitur ab ipsa natura humana, quæ est impura & contagione peccati foedata. Iam cum quicquid ab impuro fonte manat, impurum esse necesse sit: qui fieri potest, vt ex natura impura prodeat pura erga Deū obedientia, & plena erga homines dilectio? Cecidimus, inquit Propheta, quasi folium vniuersi, & iniquitates nostræ quasi ventus abstulerunt nos.

4 Secunda sumitur ab experientia vniuersali omnium hominum, & a proprio conscientiæ in omnibus hominibus testimonio. Nec minus certa est hæc vniuersalis experientia, nec minus certum est conscientiæ testimonium, quam certum est per experientiam, ignem esse calidum, & aquam humidam.

5 Tertia sumitur a iusto Dei iudicio punientis omnes homines. Iam autem cum nemo puniatur a iusto iudice, nisi qui reus sit, & omnes homines, etiam infantes, diuinitus puniantur morbis & morte: sequitur omnes homines reos esse, & neminem coram Deo sua obedientia erga Legem iustum esse.

6 Quarta sumitur a Scripturæ testimonijs, Scriptura enim nullum iustum esse Legis operibus, & ne vnum

quidem, affirmat. Si iniquitates obseruaueris Domine (inquit Dauid) quis sustinebit?

8 Vrautem fortius concludat Scriptura, neminem operibus iustificari posse, adimit homini tria, quæ ad iusti actionem, & plenam Legis obedientiam requiruntur: videlicet, intelligentiam, voluntatem bonam, & vires præstandi spiritualem iustitiam, qualè lex Dei requirit.

9 Quinta sumitur a qualitate Legis, & qualitate hominis, quæ sibi inuicem aduersantur. Lex enim spiritualis: homo, carnalis. Hinc illa Pauli querela iam iustificati: O me infelicem, quis liberabit me de corpore mortis huius?

10 Sexta sumitur a necessitate victimæ filij Dei: Si iustitia est per Legem, Christus frustra mortuus est. Prioribus quinque vtitur Apostolus in Epistola ad Romanos: Sexta in Epistola ad Galat. cap. 2.

11 Ex his demonstrationibus Paulus infert hanc conclusionem: propterea ex operibus Legis nullus homo iustificabitur in conspectu Dei.

12 Hac confecta & demonstrata conclusione, videlicet, quod nullus coram Deo iustificari, hoc est, iustus fieri per opera Legis queat, aggreditur alteram iustitiæ formam, quam diuersissimam à iustitia Legis facit.

13 Ponit autem has differentias, vt supra admonui: Ex Lege: Absq. Lege. Iustitia enim Legis, est ex lege, videlicet, cū legi obedientia hominis satisfat: iustitia Euangelij est iustitia absq. Lege, quo ad hominem iustificandū attinet. Qua differentia Paulus aperte docet, quod opera hominum neque sint principium, neque causa, neque materia, neque forma, neque consummatio iustitiæ Euangelicæ, quæ credentes iustificati consistunt coram Deo.

14 Hac constituta differentia inter iustitiam Legis & iustitiam Euangelij, longa expositione docet Apostolus, qualis sit res iustitia Euangelij, quæ testimonium habet à Mose & Prophetis.

15 Summa autem huc redit, quod ea iustitia non sit in nobis qualitas, sed donum potius, quo condonantur credenti peccata, quo imputatur credenti Christi iustitia, quo credens acceptatur ad vitam æternam, gratis propter Christum.

16 Vt ergo Legis iustitia est ex operatione hominis, atque ideo hominis dicitur: ita Euangelij iustitia est ex dono Dei, atque ideo iustitia Dei per fidem Iesu Christi ab Apostolo nominatur.

17 Hinc constat, quod iustificatio, de qua Euangelium concionatur, sit hominis credentis in Christum absolutio a peccato, imputatio iustitiæ Christi, & acceptatio iustificati ad vitam æternam, gratis propter Christum.

18 Vt autem hæc iustificationis doctrina a pijs facilius intelligatur, definitionem positam in suas partes quasdam retexam: quæ sunt quinque.

19 Prima est, quod fit mentio fidei, quæ proprie loquendo, non est id quo iustificamur, sed tantum instrumentum, ac veluti manus, qua iustitia gratuita per Euangelium oblata, accipitur. Ideo fides non magis meretur iustitiam, quam manus leprosi meretur eleemosynam sibi a pio homine porrectam.

20 Qualis autem res sit fides, melius doceri non potest, quam proposito exemplo fidei Abrahami, cuius fidem imitari omnes oportet, qui cupiunt iustitiæ Evangelicæ, atque adeo salutis æternæ participes fieri.

21 Abrahamo proponitur voce Dei hæc promissio. In semine tuo (hoc est in Christo) benedicentur omnes cognationes terræ. Item: Ero Deus tuus & seminis tui. Hanc promissionem Abraham intelligit: huic assentitur: expetit etiam toto pectore promissam benedictionem. Et quia statuit Deum, & veracem esse, & omnipotentem, firma fiducia recubuit in promissionem factam, dans Deo gloriam: nihil motus rationibus quas contra obiecit sensus & ratio.

22 Hinc efficitur, quod fides vera sit notitia, & assensus, & expetitiō misericordiæ promissæ: & in eum, qui promissit, fiducia firma.

23 Et si autem Diaboli, & multi impij habent notitiam & assensum promissionis gratiæ: tamen quia Diaboli promissionem non habent, & impij homines viua carent fiducia, non habēt veram & iustificantem fidem, quæ propria est filiorum Dei.

24 Publicanus in Euangelio, & Latro in cruce nuerunt hanc promissionem Euangelij, quod Christus venerit in mundum ad saluandos peccatores. Huic notitiæ non solum assentiuntur, verumetiam expetunt promissam gratiam, ac viua fiducia in Christum, quem veracē esse & omnipotētem per diuina eius opera didicerāt, recubuerūt. Eadē ratio est fidei etiam in alijs pijs.

25 Deinde secundo loco in definitione fit mentio absolutionis a peccato, quæ est prima pars iustitiæ Christianæ. Huc illud Dauidis dictū: Beati quorū remissæ sūt iniquitates. Beatus cui Dominus nō imputauit peccatū.

26 Est autem absolutio a peccato, liberatio hominis credentis ab obligatione mortis æternæ & damnationis ob peccatum.

27 Quod huiusmodi absolutio contingat credenti in Christum, testatur Christus cum ait: Qui credit in Filium, habet vitam æternam. Qui autem vitam æternam habet, eum a morte & damnatione liberatum esse manifestum est.

28 Tertio loco in definitione nostra fit mentio imputationis iustitiæ Christi. Huius enim obedientiæ, nostra fit iustitia, quando eum credimus.

29 Hoc comprobatur dicto Pauli, 2. Cor. 5. Eum qui non nouit peccatum, fecit peccatum, vt nos fieremus iustitia Dei in ipso. Hoc est, Deus Pater Christum Filium, qui non fuit peccator, fecit reum nostro nomine, tanquam omnia nostra peccata perpetrasset, vt nos fierimus iusti ipsius iustitia coram Deo.

30 Ad eum ergo modum iusti sumus coram Deo, qualiter Christus fuit peccator. Vt enim is personam nostram quodammodo suscepit, quo reus nostro nomine fieret, & tanquam peccator iudicaretur, non ob propria, sed aliena delicta, cum purus foret ipse, & mundus ab omni culpa, poenamque subiret, nobis non sibi debitam: ita nos nunc iusti sumus in ipso, non quia operibus nostris satisfaciamus iudicio Dei, sed quoniam censetur iusti Christi iustitia, quam fide induimus, ut nostra fieret.

31 Idem docetur Rom. 5. hisce verbis: Quemadmodum per inobedientiam unius hominis (Adami) peccatores constituti sunt multi: Sic etiam per obedientiam unius (Christi) iusti constituentur multi.

32 Huc accedit dictum Augustini: Nostra delicta sua delicta fecit, ut suam iustitiam, nostram iustitiam faceret.

33 Quarto loco in definitione, fit mentio acceptationis iustificati ad vitam æternam. Nam ideo absoluihur a peccato, ideo imputatur nobis iustitia Christi: ut accepti simus Deo, tanquam dilecti Filij in Christo Iesu.

34 Hæc acceptatio non pertinet ad ruinas huius vitæ, sed ad æternam vitam, qua donabuntur omnes in Christo iustificati. Nam hos ita habet Pater caros in dilecto, ut æterna beatitudine eos donare decreuerit.

35 Postremo loco in definitione annectitur: Gratis propter Christum. Gratis quidem, ut omnia humana merita excludantur: Propter Christum vero, ut beneficium redemptionis soli Filio Dei acceptum feratur.

36 Hinc apparet cur sancti Patres, Augustinus, Basilus, Ambrosius, Bernardus, & multi alij vtantur particula, Sola: affirmantes sola fide nos iustificari. Nam voce, Sola, significant nullum esse in nobis meritum iustitiæ: sed nos sola fide eam nobis verbo oblatam accipere. Non excludit ergo particula, Sola, causas iustitiæ, quæ extra nos sunt, sed tantum unam facultatem in nobis ponit, qua illam iustitiam apprehendimus.

37 Etsi hæc doctrina iustificationis solidis nititur testi-

moniis Scripturæ & exemplis: tamen multi omnibus ætatibus, astu Satanæ, contra ipsam exorti sunt errores, quorum præcipuos recensebimus, & firmis rationibus, sed breuissime, refutabimus.

38 Primus error est Libertinorum veterum & recentium. Hi cum audiunt hominem gratis iustificari aliena iustitia, nempe Christi, & humana merita & opera non esse causas iustificationis: securitatem carnalem docent, quasi iustificatis fide quiduis liceret.

39 His ita responsum volumus. Etsi reuera beneficiū est gratuitum, & iustificatio distinguenda est ab operibus nostris: tamen cum iustificatione coniuncta est regeneratio & sanctificatio seu noua obedientia.

40 Paulus enim aperte dicit: Qui spiritu Dei aguntur, hi sunt filij Dei: Et Christus: Bona arbor facit bonū fructum. Qui ergo statuit, hominem iustum esse fide, cuius mala & flagitiosa est vita, sensu communi destitutus esse videtur.

41 Vtrumque igitur tenendum est, quod & iusti sumus imputatione iustitiæ Christi, & iustificati debitores sumus Deo, ut non vivamus secundum carnem, sed secundum spiritum. Si enim, inquit Apostolus, secundum carnem vixeritis moriemini.

42 Discernendum est itaque inter causas iustificationis, & qualitates seu proprietates iustificati. Causa iustificationis est sola gratia in Christo: qualitas iusti ex gratia, & proprietas est, ut iustitiæ fructus edat, iuxta illud: Qui facit iustitiam, iustus est.

43 Hinc manifestum est, quod horribiliter errent, qui negant bona opera esse necessaria in iustificatis. Etsi enim non sunt necessaria, ut merita iustificationis: tamen necessaria sunt, ut fidei fructus, & Nouæ creaturæ propriæ actiones. Siquidem finis iustificationis in hac vita est, ut seruiamus Deo per iustitiam, Rom. 6. Post hanc vitam, salus animæ: & vita beata post resurrectionem.

44 Neque

44 Neque tamen recipimus illorum orationem, qui dicunt, bona opera necessaria esse ad salutem: propter ambiguitatem. Nam si sic eam interpreteris: Opera sunt necessaria ad salutem, ut causa ad effectum: plane falsa est. Verum si sic eam accipis, ut sit sensus: Opera sunt necessaria ad salutem, ut iter intermedium: vera est. Verum quoniam propositiones dogmaticæ debent esse certæ & perspicuæ, sine ambiguitate: iuste a quibusdam fratribus est improbata.

45 Secundus error pugnans cum vera sententia de iustificatione, est Pharisaicus & Papisticus. Pharisei enim & Papistæ non intelligentes iustitiam gratuitam, duplici errore implicantur. Vno, quod iustitiam in operibus collocent: Altero, quod traditionum suarum observationem, iustitiam esse contendunt.

46 Hunc errorem, quia manifeste pugnat cum verbo Dei, non est quod eum multis refellamus. Dauid aperte clamat: Domine ne intres in iudicium cum seruo tuo, quia non iustificabitur in conspectu tuo omnis vivens. Et Dominus post Esaiam dicit: Frustra me colunt docentes doctrinas hominum.

47 Quod autem suæ sententiæ patrociniū quærant ex Iacobo, nihil est. Spiritus idem locutus est per utrumque, qui mentiri aut fallere nescit. Paulus dicit, hominem iustificari sine operibus. Iacobus dicit hominem iustificari ex operibus. Vtrumque verum est, recte intellectum, iuxta scopum disputationis utriusque.

48 Paulus enim, cum dicit, hominem iustificari absque operibus, loquitur de effectione iustitiæ. At cum Iacobus dicit hominem iustificari ex operibus, loquitur de declaratione iustitiæ. Iustificari enim apud Paulum est iustum fieri: apud Iacobum, est iustum declarari: Ille loquitur de principio, vnde sit res: hic, vnde cognoscatur.

49 Tertius error est Iudaicus & Papisticus. Iudæi enim & Papistæ existimant iustitiam Christianam constare

fide & operibus simul, tanquam partibus iustitiam Christianam constituentibus.

50 Hic etfi magnus & pestilens est error: tamen magis speciosus est, quam superior. Sed facile refutari potest. Nam cum constat obedientiam Christi esse iustitiam nostram cuius pars nec fides nostra existat: nec opera nostra: quis compos mentis, Christianæ iustitiæ faciet partes, fidem & opus hominis?

51 Paulus quoque hunc errorem refutat. Rom. 10. his verbis: Testificor enim illis quod zelum Dei habent, sed non secundum scientiam. Ignorantes enim Dei iustitiā, & propriam iustitiam quærentes stabilire, iustitiæ Dei non subiecti fuerunt. Finis enim Legis Christus in iustitiam omni credenti.

52 Hic Paulus manifeste reiectionis Iudæorum causam ponit, quod voluerint & suam iustitiam, hoc est, sua opera, partem iustitiæ facere, & simul iustitiam amplecti, quæ est ex fide.

53 Rationem huius rei subiungit: quia Christus est finis Legis in iustitiam omni credenti. Non est dubium quin Legis finis (hoc est, extremum quod quærit Lex) sit illos iustificare, qui eam observant. Quo minus assequatur Lex, impedit non ipsius Legis impotentia, sed carnis nostræ vitiositas, cui demum ita medetur Christus, ut eius iustitia gratis nobis per fidem imputata finem Legis consequamur, per illum scilicet iustificati: qui quia pro nobis Legē implevit, factus est nobis iustitia, 1 Corinth. 1.

54 Hoc etiam confirmatur Rom. 4. Operanti, inquit, merces non imputatur secundum gratiam, sed datur secundum debitum: at credenti in eum, qui iustificat impiū, imputatur fides eius in iustitiam.

55 Hic Apostolus duplicem iustitiam ponit, quarum una ab altera est diuersa. Nam habent contrarias causas. Fidei enim iustitia, qua iustificatur credens, imputatur & gratis donatur: sed operum iustitia non est gratuita: ut quæ pendeat ex operum merito.

56 Ex his liquet Christianam iustitiam non constatam esse ex fide & operibus, sed esse ipsissimam Christi iustitiam credentibus imputatā, sicuti superius ostensum est.

57 Quartus error est recens Osiandri, qui statuit iustitia Dei essentiali, hoc est, iustitia, quæ est ipsa diuina essentia, homines iustos fieri, quem errorem, quia obedientiam crucis, qua Christus peccatum nostrum expiat, & obedientiam Legis, quam Dominus nobis credentibus imputat, extenuat, imo reijcit, non iudicamus dignum longiori refutatione, etiam si magnos quosdam patronos habeat.

EXTRVCTIO

regni Christi.

DOST lapsum primorum Parentum, Deus decretum edidit de reparatione generis humani, viamq. monstrauit quomodo homines lapsi erigi possint, vt, e regno Satanæ vindicati, ciues regni Christi censeantur.

1 Nam cum Adam lapsus cum sua posteritate, erigere se nequiret: Deus, porrecta manu, illum erexit, facta promissione seminis contrituri caput serpentis, hoc est, demolituri opera Satanæ: vt ita homo in pristinum statum restitutus, Deum per Christum perpetuo celebret.

3 Cum hoc reparationis mysterium scire perutile sit: illud in quatuor partes distributum explicare conabimur, cui breuem regni Christi descriptionem subiiciemus. Nam huic erigendo mysterium reparationis destinatum est.

4 Partes autem mysterij reparationis, hæ sunt spectandæ. 1. De gradibus actionis diuinæ in reparationis mysterio. 2. De modo reparationis. 3. De officio hominis qui reparandus est, eiusque officij partibus. 4. De salutis nostræ, hoc est, reparationis, certitudine.

5 Quinam gradus sint actionis Dei in hominis reparatione,

ratione, Paulus ostendit his verbis: Quos præsciuit, eos & prædestinavit conformes imaginis Filij sui, ut sit ipse primogenitus inter multos fratres: quos autem prædestinavit, hos & vocavit: & quos vocavit, hos & iustificavit: quos autem iustificavit, hos & glorificavit.

6 Hic Paulus quinque actionum gradus in Deo enumerat. Primū enim præsciuit Deus, quos vult in gratiam propter Christū recipere, vult autē omnes eos recipere, qui fide ad Christū confugerint, quantumvis impij antea fuerint, & infinitis peccatis contaminati. Vt enim lapsus fuit vniuersalis: ita etiam promissio gratiæ absque discrimine statuum, personarū & nationū omnibus facta est.

7 Deinde prædestinavit & ordinavit, quos præsciuit, ad vitam æternam consequendam, absque omni ipsorum merito, sola gratia per Christum reparatorem.

8 Tertio, præscientiam & electionem per vocationem patefacit. Nam cum Christus mandat discipulis his verbis: Ite in mundum vniuersum, proclamate Euangelium omni creaturæ, qui crediderit & baptizatus fuerit, saluus erit, qui vero non crediderit condemnabitur. Satis declarat consiliū suū esse, ut omnes obtemperantes voci Euangelij, sint salutis per Christum partæ, hæredes.

9 Quarto loco, vocatos, iustificat, hoc est, eos, qui ad Euangelij vocē agūt poenitentiam, & promissioni gratuita credūt, absoluit a peccato, Christi iustitiā imputat, & acceptat gratis propter Christū ad vitam æternam. Neque enim hæc iustificatio est, aut actio hominis, aut passio, aut vllæ affectio, sed eius, quæ est Christi, propria, iustitiæ imputatio.

10 Quinto loco, glorificat iustificatos, hoc est, donat beatā immortalitate. Hæc glorificatio est plena hominis reparatio, scopus vltimus ministerij Euangelici.

11 Modus reparationis ad Galat. 4. his verbis describitur: Vbi venit plenitudo temporis, emisit Deus Filium suum natum ex muliere, factum sub Lege, ut eos qui sub Lege erant, redimeret, ut adoptionem filiorum acciperemus: quia autem estis Filij, emisit Deus Spiritum Filij sui

fui in cōda vestra, clamantem: Abba pater.

12 Initium salutis facit Apostolus charitatem illam Patris cœlestis immensam, qua Filiū suum dedit. Hoc ipsum & Dominus testatur, cū ait: Sic Deus dilexit mundū, vt Filiū suum vnigenitum daret, &c. Deinde redemptionē nostrī factam per oblationē Christi asserit. Cum hac coniuncta est adoptio, Spiritus sancti donatio, ac inuocatio.

13 Officium nostrum eiusque partes, tametsi ex dictis intelligi possunt: tamen vt distinctius teneantur, Matthæi 13. pulchre depingi videntur, quemadmodum ex antithesi colligitur. Prima ergo officij nostri pars est oculis videre, hoc est, sentire nostram miseriam, & damnationem intelligere. Secunda, verbum reconciliationis audire & cognoscere, in quo remediū proponitur. Tertia, verbum illud ipsum amplecti, eique assensum præbere. Postrema, conuerti ad Dominum vera pœnitentia, ac ita per totam vitā, fructus dignos pœnitentię facere.

14 In certitudine de reparationis effectu tria sunt spectanda: Ius Christianorum de salute consequenda: Securitas Christianæ mentis de iure salutis: Discrimen inter eos, qui hoc ius habent, & alios.

15 Ius adeundi hæreditatem vitæ immortalis, triplex habent fideles, Electionis, redemptionis & promissionis. Electio fundata est in Filio Dei Domino nostro Iesu Christo. Quare hoc ius infallibile est. Redemptio est satisfactio pro peccato, quæ facta est per Sanguinem Christi, qui est sufficiens *ἀντὶ* pro peccatis omnium hominum. Promissionis verbum sapissime Scriptura repetit: Qui credit in Filium, habebit vitam æternam. Hoc triplici iure, fideles suas mentes confirmabunt, aduersus omnes tentationes, vndecunque veniant.

16 Securitas Christianarum mentium, residet in charitate adoptionis: Sic Deus dilexit mundum, vt Filium suum vnigenitum daret, vt omnis qui credit in illum, non pereat, sed habeat vitam æternam. In veritate promissionis, Qui enim promisit Deus immutabilis est.

Coelum & terra citius transibunt, quam vnum iota de ipsius promissione: in facultate promissi præstandi. Ad hanc respexit Abraham, cum tota rerum natura videretur reclamare promissioni diuinæ.

17 Discrimen inter eos, qui ius habent cœlestis ciuitatis, & alios, duplex est, Internum & externum. Internum est, quod qui ius ciuitatis cœlestis obtinet, habeat arrhabonem Spiritus, hoc est, fidem, motus excitatos a Spiritu sancto, bonam conscientiam; siue, vt breuius dicam, qui retinet fidem & bonam conscientiam, habet notas, quæ testantur de iure ciuitatis cœlestis. Contra, qui hæc non habent adhuc extra familiam Dei sunt. Externum, Interni effectus est. Qualis enim animus est, talis relucet in externa vita & moribus. Nam, iuxta Christi dictum: ex fructibus arbor cognoscitur.

18 Quicumque ergo iuxta carnem viuunt, & desideria carnis faciunt, vt nec spiritum Christi habent, nec fidem: ita adhuc sunt in suis peccatis, & reparatio in ipsis nequaquam est inchoata.

19 Hic non attenditur ratio diuitis & pauperis, nobilis & ignobilis, clari & obscuri, sacerdotis & laici, domini & serui, masculi & foeminae. Sed, vt omnes, qui Christo fide & spiritu adhærent, vnum in ipso sunt: ita qui fide & Christi spiritu vacui inueniuntur, serui sunt satanæ, quantumuis externa religionis larua se inter Filios Dei vendicent. Honestus ille aulicus Iohan. 4. inter ciues regni Christi fuit, cum interim superbus Phariseus, Satanæ erat mancipium.

20 Regnum Christi triplex est, Potentiæ, gratiæ & gloriæ. Potentia vicit Diabolum & peccatum, vt esset locus gratiæ: per gratiam in fidelibus dominatur, vt viam ad gloriam præpareret.

21 Regnum potentiæ, est quo potenter dominatur omnibus creaturis in coelo, in terra, & apud inferos. Hoc illi commune est cum Patre & Spiritu sancto. Vt enim hæc tres personæ vnus Deus est: ita vnum, potentiæ regnum;

regnum: cui nemo resistere potest.

22 Regnum gratiæ, est quo per spiritum & verbum regnat in piorum animis. Huius regni fructus est iustitia, pax, gaudium in spiritu sancto. Neque venit hoc regnum cum vlla externa obseruatione, hoc est, cum externo quopiam maiestatis splendore.

23 Et si autem hoc gratiæ regnum, externam & mundanam pōpam nō agnoscit: tamen habet suam quandam peculiarem rationem in erectione, propagatione, conseruatione, ordine, dominio, seruitute.

24 Erigitur ab ipso summo architecto Deo, vt Psal. 2. docet, vnde mens pia fiduciam concipiet, nunquam fore, vt hoc Regnum vllis Satanz machinis aboleatur. Cōcutitur quidem: sed inuictum tamen manet. Hoc regnum Christus erigit sceptro verbi sui, quod vbicunque pure sonat, ibi hoc gratiæ regnum est.

25 Propagatur præterea per Verbum, per pios Euangelij ministros, per sanctos Reges & principes, cuiusmodi fuerunt Dauid, Ezechias, Iosias, Ioannes Fridericus, Christianus tertius & alij multi: quales Deus subinde excitare solet, vt sint propagatores sui regni, ac nutritores Ecclesiæ Christi. Atque hi in beata vita vt splendor firmamenti æternum splendebunt.

26 Huic regno propagando student quoque pii patres familias, Consiliarij regnorum Deum timentes, imo quilibet in suo statu & ordine, quando vita, operibus, consilio, Christi gloriam quærit.

27 Conseruatur hoc regnum ab eodem qui illud erigit, hoc est, Deo: vnde fiducia concipienda est, de eius firmitudine & stabilitate contra portas inferorum.

28 Ordo in hoc regno non est Politicus & Tyrannicus. Non vnus aliquis præest vt in Monarchijs mundi: sed sunt in eo docentes & discentes, sine dominio vnus in alterum. Omnes pii in hac vita potestati politicæ eminentiori subiectos se esse sciunt, cui & honorem debitum præstant, modo nihil imperatur, quod cum

scelere perficitur. Tum enim sequenda est Regula: Oportet Deo magis obedire, quam homini.

29 Dominium in hoc gratiæ regno vnius Christi est: idque à vniuersis. Hic enim solus in suo regno dominatur, nec obnoxius est ad reddendam alicui superiori rationem suæ administrationis.

30 Sceleratus Papa, qui, ab impijssimo Phoca, difficulter admodum dominium in Ecclesiam impetrauit, isto facto satis ostendit, se non Christi seruum esse, sed aduersarium, hoc est, Antichristum. Nec est alius Antichristus expectandus, quam iste filius perditionis Papa: quoniam Filius Dei iam cœpit conficere gladio oris sui, & tandem tollet omnino e medio, per suum, omnibus pijs expectatum aduentum, iuxta doctrinam Pauli.

31 Restat seruitus præstanda Regi Christo in suo regno, quam definit sanctus ille rex Dauid, cum inquit: Seruite Domino in timore, & exultate ei cum tremore. Zacharias in suo carmine, collocat hanc seruitutem in iustitia & sanctitate: quibus nos decet seruire Regi Christo, omnibus diebus vitæ nostræ.

32 Regnum Christi gloriosum, ad quod via est regni gratiæ, spectatur dupliciter. Primum enim consideratur in ipso Christo Rege: qui postquam surrexit a mortuis, gloriose suum regnum occupauit, captiuam ducens captiuitatem ascendendo in cœlum, vbi sedet ad dexteram Dei Patris, vnde & redibit iudicatum viuos & mortuos.

33 Deinde spectatur Christi gloriosum regnum in Christi mystico corpore, quod est Ecclesia. Qua ratione tum demum perficietur hoc Christi regnum gloriosum, vbi resuscitados mortuos adduxerit ad æternū Patrem. Tum enim, vt pij perpetuo conspectu Dei & sanctorum Angelorum fruuntur: ita impij, qui gratiæ Christi regno aduersabantur in hac vita, perpetuis flammis cruciantur.

34 Hinc ergo admoneantur omnes: Impij quidem, vt cum

cum adhuc in via sunt, resipiscant mature, ne subito eis superueniat interitus: Pij vero, vt constanter vsque ad finem perseuerent, expectantes beatam illam spem & illustrem aduentum gloriæ magni Dei ac seruatoris nostri Iesu Christi. Huic sit Regnum, gloria, benedictio, robur in secula seculorum, Amen.

LEX DIVINA.

T S I vox Legis plura complectitur in Scriptura: nos tamen hic solam eam partem intelligi volumus, quam & a numero præceptorum, Decalogum, & a communi eius vsu, Moralem legem appellamus.

1 Hæc diuina Lex, quæ & naturæ dicitur, vna cum primis hominibus nata est: quæ illorum animis impressa, & Deum colendum, & homines diligendos esse dicat.

3 Eadem rectissima via est ad vitam. Nam si in eius obedientia perstitissent primi Parentes nostri, æternum vixissent beati: quia iusti. Verum, quia eam violarunt, cessit eis & posteris ipsorum in mortem. Atque ita mandatum, (vt Paulus ait) quod institutum erat ad vitam, facit ad mortem. Huc illud Domini ad Legisperitum interrogantem, quid faciat, vt vitam consequatur æternam: Si vis ad vitam ingredi, serua mandata.

Lapsis primis parentibus, ita natura hominum deprauata est, vt obedientiam, quam requirit Lex, præstare minime valeat. Id quod non solum arguit vniuersalis experientia, & Scripturæ testimonia testantur: verum etiam noua via in cælum monstrata, qui est Dominus noster Iesus Christus, euincit. Nam si ex Lege est iustitia, (ait Paulus) Christus frustra mortuus.

5 Etsi autem hæc Lex præstari non potest in hac vita: tamen nec frustra per Moysen repetita est, nec eius vsus est vulgaris.

6 Hæc igitur Lex, rursus commendata est populo Dei, tribus de causis. Quarum prima est, ut legis Naturæ autoritas hac noua publicatione confirmaretur. Secunda, ut quæ per consuetudinem peccandi, & sceleratorum multitudinem latere coeperant, manifestarentur: ne quis ignorantiam prætenderet. Tertia, ut constaret certa Deum colendi ratio: ne pij, Ethnicis & Pharisaicis superstitionibus, a vero Dei cultu, abducerentur.

7 Quod autem hæc Lex exarata sit in tabulis lapideis, Symbolicum est. Nam Deus isto Symbolo, non solum monet, tantam nostrorum cordium duritiem esse, ut nõ prius Lex Dei in ea inscribi possit, quam Deus ea suo digito adaptauerit, legemque suam ipse ijs inscripserit: verumetiam significari voluit, nulla verustate abolendam esse obedientiam, quæ in hac Lege requiritur.

8 Huius Legis vsus in hac vita triplex est: Externus, internus, spiritualis.

9 Primum vsus ideo externum voco: quia ad externum hominem in hac vitæ consuetudine pertinet. Regit enim hæc Lex externos mores: sicuti aliæ leges Oeconomicæ & Politicæ, quales traduntur a Philosophis & Iureconsultis.

10 Hac externa disciplina nequaquam satisfacit Legi Dei, quæ spiritualis existit: sed tantum vitantur poenæ ciuiles. Magistratus enim non punit eos, qui hanc externam disciplinam seruant: sed honore potius obseruatores ornat & præmijs, quia ad pacem publicam conseruandam facit.

11 Hypocritæ tamen & Pharisei, in hac Legis superficie hærent: & se ea iustos esse coram Deo falso gloriantes, alios tanquam iniustos despiciunt & condemnant: quemadmodum Euangelica docet historia.

12 Iuxta hanc Legis superficiem Paulus vixit irreprehensibilis ante conuersionem, dum in Pharisaismo excelluit supra omnes æquales suos. Quo sane tempore peccatum in eo mortuum fuit; sicuti ipse de se testatur, inquit:

inquiens : Sine Lege, peccatum mortuum est: Ego autem vivebam aliquando sine Lege.

13 Donec enim homines tantum externam faciem Legis intuentur, ut Pharisei & hypocritæ, dicuntur esse sine Lege, scilicet, reuelante & damnante peccatum: & dum sunt sine Lege, peccatum in ipsis mortuum dicitur, quia ignoratur: nō apparet. nec irritantur eius ~~traduntur~~ per Legem.

14 Secundum vsum Legis ideo internum voco: quia conscientiam hominis ferit, ostendens, arguens, & damnans peccatum, producens hominem ad tribunal Dei, eumque maledictionis sententiæ subiiciens.

15 De hoc interno Legis usu ante conuersionem ad Deum, concionatur Apostolus, Rom. 7. Et in illustri exemplo generalem doctrinam proponit, ostendens in seipso vim Legis reuelantis & damnantis peccatum.

16 Veniente, inquit, mandato, peccatum reuixit, & ego mortuus sum, & inuentum est mihi mandatū quod erat ad vitam, ad mortem facere. Nam peccatum, occasionem adeptum, per mandatum decepit me, & per ipsum occidit.

17 Pulcherrime in hoc paradigmate Legis vsus, de quo agimus, ostenditur. Primum, inquit, Veniente mandato peccatum reuixit, hoc est, postquam sensi mentem Legis, vita mea ad normam Legis examinata: me transgressorem Legis agnouit, & deprehendi me reum coram tribunali Dei.

18 Nam & peccatum, quod antea latebat ut mortuū, iam per Legem agnitum, in conscientia mea reuixit: ac affectiones peccatorum, quæ sunt per Legem, vigeant magis in membris meis.

19 Hanc hypothesin si ad thesin traduxeris, hæc generalis doctrina emerget. Lex Dei, ubi homo coeperit suam vitam ad eius normā exigere, peccatū antea veluti mortuum delitescens excitat: ac in conscientia hominis, affectus peccatorum, qui latuerunt antea, vigent magis magisque.

20 Sequitur deinde : Ego autem mortuus sum , hoc est, me morte & damnatione dignū intellexi : propterea quod Deo obedientiam perpetuam & perfectam , iuxta Legis præscriptum non prælitterim.

21 Ex peccati ergo cognitione homines in agnitionem iræ Dei , & iustæ suæ damnationis ducuntur : ut, velint nolint, fateantur se mortis sententiæ obnoxiosesse.

22 Et inuentum est, inquit, mihi mandatum , quod institutum erat ad vitam, ad mortem facere: hoc est, deprehendi mandatum, quod datum erat, ut qui ei obediret, vitam consequeretur , cedere mihi in mortem, propterea quod eius transgressor inuentus sum. Ut enim obedientibus vita promittitur : ita præuaricatoribus mors est ut stipendium proposita.

23 Hinc pater, promissiones legales annexam habere conditionem implendæ Legis: & comminationes pertinere ad eos, qui vel in minimo Legem violauerint.

24 Huius rei ratio subiungitur his verbis : Nam peccatum occasione sumpta, decipit me per mandatum, ac per ipsum occidit me: quasi diceret : quod mortuus sum Legis ministerio, id nequaquam vitio Legis factum est: sed peccati potius & iniustæ corruptionis culpa. Hoc peccatum per mandatum me decipit, & ut latro quispian, me e via abductum occidit & spoliavit.

25 Hinc concluditur generalis doctrina. Non esse culpam Legis reuelantis peccatum, si ex agnitione peccati per Legem, euadimus deteriores : sed esse vitium peccati habitantis in carne nostra. Nam magis æstuat & inflammatur in nobis peccatum, quando accedit vox Legis prohibentis, & damnantis peccatum.

26 Hunc vsu Legis internum. Apostolus Corinthiis scribens, indicat his verbis: Lex est ministerium mortis, hoc est, facit ut ex agnitione peccati, intelligamus nos morte dignos.

27 Estque diligenter considerandum cuius mortis sit ministerium Lex: cum mors sit multiplex. Est enim ministerium

nisterium mortis hominis, hoc est, damnationis hominis ob Legis transgressionem: Non est ministerium mortis peccati, sed potius vitæ peccati iuxta Apostolum, Veniente mandato peccatum reuixit, & ego mortuus sum. Etsi id sit vitio carnis, vt dictum est.

28 Hinc patet manifeste, Legem non prædicare veniam poenitentibus: sed poenam transgressoribus. Poenitentiz enim prædicatio, medicinam lethali adhibet vulneri, quod inflixit peccatum, & Lex reuelauit.

29 Quod autem quidam contendunt, Legis esse proprium arguere peccatum, rectissime quidem id faciunt, vt qui vendicant Legi suum proprium officium contra Antinomos, qui duo ademerunt Legi Dei: Vnum, quod non per Legem sit agnitio peccati: Alterum, quod Lex non sit norma vitæ Christianæ. Verum cum inde effici putant Legis esse proprium prædicare poenitentiam, grauissime impingunt. Nam quod Euangelij est proprium, falso Legi attribuunt:

30 Ego quidem non dubito præcipuam consolationem afflictorum, in hoc sitam esse, quod certo sibi persuadeant, Euangelium esse vniuersalem prædicationem poenitentiz, & remissionis peccatorum in nomine Iesu Christi: sicuti ipse Dominus Euangelij summam complexus est, Luc. 24.

31 Duo enim facit Euangelium: monstrat remedium, & ostendit quibus remedium applicatur. Maledictionis sententiz omnes homines obnoxij sunt: sed Euangelium monstrat Christum, qui Legi satisfacit, & transferens in se nostram culpam, absoluit a reatu poenitentes.

32 Cum autem quidam excipiunt, & dicunt poenitentiz vocem proprie pro contritione accipi, falluntur. Nā conuersio Prophetis, & *μετάνοια*, Euangelistis, sunt synonyma: nisi quod *μετάνοια* rotat conuersionis formam: videlicet, quod non sit quæuis de loco in locum reuersio: sed mētis mutatio, in qua regeneratur homo, & fit noua

creaturæ, ac simul fide iustitiam Christi apprehendit.

33 Diligenter igitur discernendum est inter accusationem peccati & prædicationem poenitentiae, hoc est *μίσθολος*. Illa Legis est, & præparat ad hanc. Hæc Euangelij est, in remissionem peccatorum.

34 Hanc nostram assertionem, de accusatione peccati, & prædicatione poenitentiae, nisi Prophetica & Apostolica autoritate manifestum est. Quare qui eam cōuel-
lere conantur, Prophetis & Apostolis bellum faciunt.

35 Ieremias cap. 14. vt iniquitatum notitiam, ad cōpunctionem impellere testatur, quæ iniquitatum notitia, aliunde esse non potest, quam ex Lege. Per Legem enim agnitio peccati: ita cognitionem foederis, conuersionis, hoc est, poenitentiae fundamentum esse affirmat. Si ergo foedus Euangelij est proprium: cur non etiam prædicatio poenitentiae, quæ in foedere fundatur?

36 Hoc apertius adhuc Thyrenorum 2. ostenditur, vbi Propheta in hunc modum loquitur: Prophetae tui non aperiebāt iniquitatem tuam, vt te ad poenitentiam prouocarent. Est ergo argutio peccati, non prædicatio poenitentiae: sed ad eam tantum præparatio quædam, summe necessaria in hoc humani generis vetero.

37 Petrus Apostolus Act. 2. ad eundem modum discernit inter accusationem peccati, & prædicationem poenitentiae, vbi etiam compunctionem a poenitentia separat. Primum enim arguit peccatum per Legem, obijciens Iudæis ingrati-
tudinem erga Deum, & homicidium innocentis Christi, hoc est, violationem primæ & secundæ Tabulæ. Deinde, cum ad hanc concionem corde cōpuncti Iudæi dicunt Apostolis: Quid faciemus viri fratres? Petrus respondit, *μετανοήσατε*, hoc est, conuertimini, seu resipiscite, seu poenitentiam agite. An non hic Apostolus aperte discernit inter accusationem peccati, compunctionem, & *μετάνοια*? Hancne opponit terroribus Legis, & conuictæ damnationi, tanquam antidotum efficacissimum?

38 Constanter igitur vt accusationem peccati tribuimus Legi: ita prædicationem poenitentiae, propriam esse Euāgelij deſſendimus: & in hac aſſertione propriiſſime vtramque vocem & μετανοίας & Euāgelij accipimus.

39 Fateor quidem poenitentiae vocabulum durius eſſe: attamen, quia eo uſa eſt Eccleſia tot ſeculis pro eo quod Græce eſt μετανοία, potius ſenſum vocis, quam originem reſpicere oportet, ne quis etiam ad Iudæ μεταμέλειας, hanc vocem referat: quod plane Sycophanticum iudico.

40 Reſtat tertius uſus Legis, quem ideo Spiritualem appello, quia pertinet ad homines ſpiritu Dei renatos. His præſcribit certā viuendi regulam, iuxta quam viuere cōtendāt, vt Deo ex ſiue Spiritualem cultum præſtent.

41 Hic maximam luctam experiuntur fideles, dum Spiritus in illis condelectatur legi Dei, ſequē ad eius normam componere ſtudet: & caro contra peccatis ſtimulis agitur contra Spiritum, vt non, quod volūt faciant renati, ſed quod nolunt malum, hoc agant. Sub hac iucta ingemiſcentes Sancti, cupiunt liberari de corpore mortis huius, vt tandem libere poſſint Deo præſtare obedientiam iuxta Legem.

42 Tametſi autem non poſſunt renati vel exuere peccatum inhabitans, vel Deo plene iuxta Legem obedire: tamen nulla eſt iam eis metuenda condemnatio: quia ſunt in Chriſto Ieſu, & non ambulant ſecundum carnem, ſed ſecundum Spiritum.

43 Reliquis autem omnibus, qui non ſunt in Chriſto, & qui ambulant ſecundum carnem, manet certa damnatio, donec reſipiſcant.

44 Ex his facile ſoluitur quæſtio, de abrogatione legis Decalogi, quæ nunquam abolebitur, quo ad doctrinam attinet: ſed tantum, quantum ad eius damnatoriam ſententiam pertinet: a qua ſoli ſunt liberi, qui ſunt in Chriſto Ieſu, & ambulant ſecundum Spiritum. Nam Spiritus Dei teſtatur eos filios Dei eſſe.

EVANGELIUM.

² **E**VANGELIUM propriissime definitur
 vniuersalis prædicatio poenitentiae & re-
 missionis peccatorum in nomine Christi.
² Poenitentiae vocabulum hic accipio
 cum veteri interprete pro μετανοία, non
 pro μεταμέλεια, quam eodem poenitentiae nomine ver-
 tit interpres.

3 Verum hoc est perpetuum discrimen apud Euango-
 listas, quod μεταμέλεια, significat displicentiam cum do-
 lore, ob factum commissum; μετανοία vero ipsam con-
 uersionem peccatoris notat, quæ conuersio fit per fidem
 in Christum.

4 Potest autem μεταμέλεια esse sine μετανοία, vt in Iu-
 da fuit. Sed nunquam potest μετανοία habere locum, nisi
 præcedat μεταμέλεια: ex quo factum est vt prima pars
 poenitentiae, id est, conuersionis, habeatur. Ordine enim
 præcedit conuersionem, sicut nouitas vitæ sequitur, quæ
 est iustificationis finis in hac vita Rom. 6.

5 Vt autem doctrinam Euangelij apertius intelliga-
 mus, definitionem positam, in suas retextam partes, ex-
 aminabimus.

6 Partes autem hæ sunt. 1. quidnam offerat Euange-
 lium. 2. quibus offerat. 3. qua cum conditione offerat. 4.
 cuius tandem merito offerat.

7 Quidnam offert Euangelium? Remissionem pec-
 catorum. Quam autem lætum sit hoc nuncium, tum de-
 mum intelligemus, si quid præcedat remissionem pec-
 catorum & quid cum remissione peccatorum coniunctum
 sit, & quid consequatur, attenderimus.

8 Quid remissionem peccatorum præcedit? Pecca-
 tum, reatus, ira Dei, maledictio, tristissima seruitus sub
 Satana, & obligatio ad æternas pœnas. Scriptum est enim:
 Maledictus omnis qui non manserit in omnibus, quæ
 scripta sunt in libro Legis, vt faciat ea.

9 Duni

9 Dum ergo Euangelium prædicat remissionem peccatorum, simul prædicat liberationem a peccato, a reatu, ab ira Dei, a maledictione, a tristissimo seruitute Diaboli, & ab obligatione ad æternas pœnas.

10 Quis vel hominum vel Angelorum satis prædicauerit hoc beneficium? A tantis enim malis liberari, est a sempiterna miseria liberari.

11 Quid est coniunctum cum remissione peccatorum? Iustificatio, regeneratio, adoptio, libertas, liber ad Deum accessus, & arctissima quædam cum Deo coniunctio.

12 Iustificatio est, qua habentibus remissionem peccatorum, imputatur Christi obedientia, vt sit eorum iustitia, qua iusti apparent in conspectu Dei, adeo vt iam non sint sub Lege, sed sub Gratia.

13 Regeneratio est, qua Spiritus sanctus iustificatos regignit, vt sint nouæ creaturæ: in qua motus excitat Spiritus sanctus sibi similes, & congruentes ad Legem & voluntatem Dei.

14 Libertas est, qua manumissi sumus a veteri seruitute, & facti sumus liberi.

15 Adoptio est, quod iustificati iam sint Dei filij, exempti a potestate Diaboli, qui efficax est in filijs cõrumaciz, hoc est, in ijs, qui non habent remissionem peccatorum.

16 Liberum accessum ad Deum habent qui filij adoptione sunt facti. Possunt enim Deum inuocare, & offerre ipsi, sacrificia grata per Christum Iesum.

17 Arctissima cum Deo coniunctio inde est, quod habentes remissionem peccatorum, sint membra Christi, illi Spiritu sancto iuncti, vt palmites viti, & membra corpori.

18 Hinc est quod Ioannes definit Ecclesiam, Sanctam non tantum cum Patre, & cum Filio eius Iesu Christo.

19 Quid consequitur remissionem peccatorum? Immortalitas, gloria sempiterna, fruitio Dei in omnem æternitatem, securitas. Breuiter, constans beatitudo & felicitas.

20 Hæc quanta bona sint æstimare est ex collatione malorum, quæ manent non habentes remissionem peccatorum: quæ sunt, Mors æterna, non carens sensu, sed fruitione Dei, qui vera vita est: Sempiterna miseria, cruciatus corporis, vermis conscientia, societas cum Diabolo & angelis eius in omnem æternitatem.

21 Qui ergo mala quæ præcedunt remissionem peccatorum; & quam dulcis sit remissio peccatorum, & quid cum ea coniunctum sit, & quid eam tandem excipiat in æterna vita, intelligit, cur prædicatio remissionis peccatorum, dicatur Euangelium, hoc est, bonus ac lætus nuncijs, ignorare non potest.

22 Quibus offert Euangelium remissionem peccatorum? Peccatoribus, iisque omnibus absque discriminatione ordinum, conditionum & nationum.

23 Sic enim Veritas dicit: prædicare Euangelium omni creaturæ, intelligens per Omnem creaturam, omnes homines cuiuscunque ordinis, conditionis, & nationis.

24 Idem ait: Oportet prædicari remissionem peccatorum in omnes gentes, hoc est, omnibus gentibus: idque in hunc finem, ut gentes fiant participes bonorum quæ offert Euangelium.

25 Paulus similiter dicit: Certus est sermo, quod Iesus venit in hunc mundum peccatores saluos facere. Item: Deus vult omnes homines saluos fieri. Vnus enim est Deus, & vnus Mediator Dei & hominum.

26 Qui ergo negant gratiam esse vniuersalem, corrumpunt doctrinam Euangelij, & Christo se opponunt: & misere seipsos & alios seducunt, conclusiunculis suis perperam ex Scriptura constructis capti.

27 Quæ cum conditione offert Euangelium remissionem peccatorum omnibus peccatoribus? Cum conditione poenitentia, hoc est, si conuertantur per fidem ad prædicationem Euangelij. Ideo ait: Oportet prædicari poenitentiam.

28 Conditio poenitentia & fidei eadem est. Nam per fidem

fidem sit conuersio. Ideo Dominus mandato de prædicando Euangelio inter omnes gentes addit : Quisquis crediderit, saluus erit: qui vero non crediderit, condemnabitur.

29 Hæc conditio sæpissime inculcatur in Scripturis: Sic Deus dilexit mundum, vt Filius in suum vnigenitum daret, vt omnis qui credit in illum nō pereat, sed habeat vitam æternam. Ergo non credens peribit. Qui enim non credit in Filium, ira Dei manet super eum.

30 Vt autem conditio fidei requiratur, vt applicetur beneficium, hoc est, remissio peccatorum: ita conditio perseuerantiæ necessaria est, vt retineatur acceptum.

31 Ideo autor Epistolæ ad Hebræos dicit: Participes Christi effecti sumus, si tamen initium fiduciæ eius, vsque ad finem, firmum tenuerimus. Item: Qui perseuerauerit vsque ad finem, hic saluus erit.

32 Hæc perseuerantiæ conditio euertit dogma eorum, qui sentiunt hominem, qui semel cœpit credere, non posse amittere fidem: quasi fides esse possit, vastata conscientia, & expulso de corde Spiritu sancto, qui vbi-
cunque sit, efficax est.

33 Porro cum fides sit voluntatis, ceptum est quæri, Quomodo se voluntas habeat in conuersione, seu in apprehensione quæ sit per fidem: passiuene, an actiue?

34 Vt ad hanc quæstionem recte respondeatur conferenda sunt plura Scripturæ testimonia, qualia sunt hæc: Hic est Filius meus dilectus hunc audite. Poenitentiam agite, & credite Euangelio. Deus operatur in nobis & velle & perficere. Spiritus adiuuat infirmitates nostras. Exuscita donum quod in te est. Contendite intrare per angustam portam. Quoties volui filios tuos congregare, & noluisti? Vos semper Spiritui sancto resististis. Nolite contristare Spiritum sanctum Dei.

35 Hæc & similia testimonia vna conferenda sunt, & non vnum aliquod ex illis ita arripiendum est, vt cetera Sophistica eludantur.

36 Mandatum est vt audiamus vocem filij Dei. Huic mandato obtemperare potest hominis voluntas. Verum quia, dum verbum auditur, voluntas per se assentiri nō potest, Spiritus sanctus adest, & mouet voluntatem, vt verbo assentiatur.

37 Hęc voluntas non habet se, vt saxum, quod violenter trahitur: sed vt potest assentiri Spiritui sancto mō uēti: ita sua cōtumacia potest Spiritui sancto reluctari.

38 Deinde, conuersus & regeneritus habet perpetuum opitulatorem Spiritum: vnde potest & debet voluntas pijs exercitijs se magis magisque excitare. Potest etiā Spiritum sanctū contristare, & relabi in priores sordes.

39 Quare vt crebrę Prophetarum exhortationes, lectio, meditatio, Sacrę coenę vsus, alacritati voluntatis excitandę seruiunt: ita comminationes & zrumę pręsentis vitę, voluntatem veluti refrenare debent, ne Spiritum sanctum expellat.

40 Habet ergo voluntas hominis se, cum in conuersione, tum post conuersionem: partim passiue: partim actiue.

41 Abraham accipiens mandatum de mactando filio, omnia, libera voluntate, mandato Dei postposuit. Quod factum cum Deus prędicat, satis ostendit voluntatem Abrahę non se habuisse vt saxum, sed vere elegisse obedientiam erga Dei mandatum.

42 In voluntate siquidem est *inoponibilis*, qua ipsa potest, pluribus monstratis, alia prę alijs eligere.

43 Sequitur quod quarto loco proposuimus, cuiusnam merito Euangelium offerat remissionem peccatorum poenitentibus? Ad quod respondet Dominus, cum addit: In nomine meo.

44 Hęc locutio, In nomine meo, vnum excludit, alterum includit. Excludit meritum hominis poenitentis: & includit meritum Christi passi pro nobis & resuscitati.

45 Porro triplex meritum Christi est, videlicet mortis, obedientię & intercessionis.

45 Meritum

46 Meritum mortis Christi abolet peccatum, iuxta illud: Ecce agnus Dei qui tollit peccatum mundi.

47 Quicumque ergo aliunde, quam a merito mortis Christi, quaerit peccati expiationem: puritatem Evangelij corrumpit, & mortem filij Dei extenuat. Nullum enim vnquam peccatum aboleri potest, nisi virtute sanguinis Christi. Ideo autor Epistolæ ad Hebræos ait: Christus semel oblati est, ad multorum exhaustienda peccata. Item: Sanguis Christi emundat conscientias ab operibus mortuis. Item: Sine effusione Sanguinis nulla sit remissio.


48 Meritum obedientiæ Christi, qua videlicet Legi Dei satisfactum est, nobis confert iustitiam. Nam Christus suam obedientiam nobis imputat, qua iusti appareamus in conspectu Dei.

49 Ita enim Paulus scribit: Christus est finis Legis in iustitiam omni credenti. Item: Quemadmodum vnus inobedientia multi sunt constituti peccatores: ita vnus (Christi) obedientia, multi sunt constituti iusti.

50 Qui ergo in alia quavis re collocant iustitiam, qua iusti sumus coram Deo, quam in obedientia Christi credenti imputata, abolent Euangelium, & Christi beneficium non, vt par est, æstimant.

51 Meritum intercessionis est, quo reconciliamur Deo. Christus enim solus est Mediator Dei & hominũ, & solus intercedit, solusque exauditur.

CONVENIENTIA ET discrimen Legis & Euangelij.

 **M** idem Deus sit autor & Legis & Euangelij, fieri non potest, vt sibi Lex & Euangelium repugnent: modo finis principalis & vltimus vtriusque doctrinæ, recte consideretur.

2 Idem enim plane requirit Deus, & Lege & Euangelio, si finem spectemus vltimum, videlicet, plenam perfectam, & spiritualem iustitiam, quæ est via vitæ æternæ. Nam sine perfecta iustitia, hoc est, integra obedientia erga Legem Dei, nemo vitam ingreditur.

3 Verum si modus quæritur, quo pervenitur ad finem Legi & Euangelio communem, maximum discrimen inter Legem & Euangelium apparebit.

4 Deus siquidem Lege sua requirit, ut homo ipse Legem operibus impleat, quo operibus Legis iustificatus, vitam ingrediatur.

5 Hoc Deum velle sua Lege, promissio benedictionis Legi addita, indicat. Præterea sententia illa: Qui fecerit ea, vivet in eis. Idem confirmatur verbis Domini, dicentis: Si vis ad vitam ingredi, serva mandata.

6 Verum quoniam conditio Legi addita: Si fecerit ea homo, vivet in eis, homini est impossibilis (nemo enim mortalium, iuxta communem nascendi Legem natus, Legi Dei perfectam obedientiam præstare potest) omnes homines sententiæ damnatoriæ Legis primum in Paradiso latæ, deinde hominum mentibus impressæ, & de nouo promulgatæ in monte Sina, subiacent, donec finem Legis, hoc est, perfectam iustitiam consequantur, qua consistere coram tribunali Dei iusti iudicis possint.

7 Cum igitur homo finem Legis suis viribus assequi haud potest: Deus ex mera sua bonitate, Euangelium proponit de Filio suo, qui factus homo, Legem implevit perfecte, adeo ut sententia Legis perfecte iustus iudicatus sit: teste ipsius gloriosa resurrectione.

8 Hanc suam iustitiam, quæ est Legis perfecta obedientia, Filius Dei (cuius omnes actiones & passionες infiniti sunt valoris) omnibus in se credentibus imputat, ut habeant ex imputatione, quod Lex requirit, hoc est, plenam & perfectam iustitiam, quæ est via ad beatitudinem.

9 Hoc

9 Hoc autem ita esse Paulus sæpe ostendit. Rom. 5. Vnius (scilicet Christi) obedientia, iusti constituentur multi 2. Cor. 5. Eum qui non nouit peccatum, fecit peccatum, ut nos fieremus iustitia Dei in eo. Hoc est, ipse factus est reus nostro peccato, & nos facti sumus iusti ipsius iustitia. Quod Augustinus recte intellexit, cum diceret: Nostra delicta sua delicta fecit, ut suam iustitiam nostram iustitiam faceret.

10 Sed quid clarius dicto illo Pauli Rom. 10? Christus est finis Legis in iustitiam omni credenti, hoc est, omnis qui credit, habet quod Lex requirit, nempe iustitiam, non quidem a se factam, sed sibi imputatam, qua perfecte iustus coram tribunali Dei apparet.

11 Huius iustitiæ imputatæ credenti, illustre paradigma Paulus se ipsum statuit Philippen. 3. quum ait: Existimo omnia damnum esse propter eminentiam cognitionis Christi Iesu Domini mei, propter quem omnium iacturam feci, & arbitror, ut *συνάλαμ*, ut Christum lucrificiam, & comperiar in eo non habens meam iustitiam; nempe quæ est ex Lege, sed eam quæ per fidem est Christi, iustitiam, inquam, quæ est ex Deo per fidem.

12 Hic Paulus diserte distinguit inter iustitiam Legis & Euangelij. Legis iustitia est, cum homo ipse Legem præstat. Euangelij iustitia est, cum Deus imputat iustitiã credenti, quæ imputata iustitia, est obedientia Legis a filio Dei præstita, quam ipse imputat, & gratis donat in se credentibus. Promissio enim Euangelij, conditionem fidei requirit.

13 Est ergo hæc iustitia hominis credentis, donum Christi. Nam si homo ipse potuisset iustificari Lege, Christus non mortuus fuisset, ut Paulus docet, Gal. 2.

14 Habemus ergo, & in quo conueniant Lex & Euangelium, si finem respicimus, nempe in eo, quod utraque doctrina requirat iustitiam, viam vitæ eternæ, & in quo discrepent, videlicet in modo obtinendæ istius iustitiæ. Lex enim requirit ab homine propriam hominis

iustitiam, quam ipse facit : Euangelium offert alienam, nempe Christi, fide accipiendam, ut isto pacto legi Dei satisfiat.

15 Papistæ autem, ut hanc dulcissimam doctrinam & mysterium solo verbo Dei Ecclesiæ reuelatum, de modo obtinendæ iustitiæ quam Lex requirit, obruant, clamant nos Deum Tyrannidis accusare, ut quem Legem impossibilem dedisse doceamus. Sed ipsi potius reprehendendi, qui non recte discernunt inter Deum & Tyrannum, qui in Legibus suis, omnibus causis differunt, ita prorsus, ut in nulla conueniant.

16 Nam, si causam efficientem & finalem spectes: in Deo, efficiens est iustitia: finis autem, misericordia. (Matt. 18.) In Tyranno, efficiens malitia est: finis, crudelitas. Si materiam & formam cōsideres: Deus, sancta, iusta & salutaria ex fide facienda in gloriam Dei imperat: Tyrannus contra, profana, iniusta, pernicioſa.

17 Præterea Lex & Euangelium etiam in hoc conueniunt, quod utraque doctrina peccatum arguat, etsi diuersimode. Vtrumque enim recte dicitur. Lex arguit peccatum. Euangelium arguit peccatum: sed illa, per se & proprie: hoc, ex consequenti & per accidens.

18 Lex enim cum dicit. Maledictus omnis, qui non manserit in omnibus quæ scripta sunt in libro Legis, manifeste omnes homines peccati arguit, eosque reos coram tribunali Dei peragit, donec prodeant Christi ornati iustitia. Euangelium autem, quoties Christum nominat panem vitæ æternæ, lucem mundi, saluatorem in se credentium, donatorem vitæ æternæ, agnum Dei tollentem peccata mundi: toties ex consequenti sequitur, omnes argui reos peccati, & damnari, qui ad Christum non confugiunt, & in eum non credunt. Quod Iudæi optime ex concionibus Christi intellexerunt. Ex quo factum est, quod tam rabiose se Christo opposuerint, ut qui eorum peccata eis ob oculos posuerit.

19 Adhuc differunt Lex & Euangelium etiam hoc modo:

mōdo: Lex prędicat iram & maledictionem: Euangelium contra, Gratiam & benedictionem. Lex monstrat culpam & pęnam: Euangelium prędicat remissionem culpę, & absolutionem a pęna. Lex morbum & agrotum: Euangelium medicum & remedium indicat.

20. A Eternę enim maledictioni Legis, Euangelium opponit prędicationem *μετάνοιαν*, id est, pęnitentię, seu, conuersionis, & promissionem vniuersalem & gratuitam de remissione peccatorum, & de acceptatione coram Deo, & vitam æternam propter Filium Dei, Mediatorem.

21. Quia igitur solum Euangelium nouit remedium contra maledictionem Legis, solum etiam prędicat pęnitentiā in nomine Christi: & non Lex, quę nihil plane de remedio contra maledictionem, & mortem æternam nouit.

22. Facientibus quidem Legem, quales nulli sunt, benedictionem promittit Lex: non autem facientibus Legem, quales omnes sumus, nobis relictı maledictionem minatur, neque vltra hos terminos se Lex extendit.

23. Hinc iam intelligi potest, quid sit iustificare, Legis sententię, & quid iuxta Euangelium, iustificare Legis sententię, est Deum defendente Mose, & propria hominis conscientia excusante, hominem Legis obseruatorem, seu, impletozem, innocentem dicere, iustum pronuntiare ac vitę æternę, & benedictum a Deo, adiudicare. Atque hoc pacto solus Christus, Deus & homo, iustificatus est.

24. Iustificare, iuxta Euangelium, est Deum, intercedente Sacerdote Christo, hominem pęnitentem a reatu absoluerę, propter *λύτρον* solutum a Christo, iustum pronuntiare propter iusticiam Christi illi imputatam, ad vitę æternę, vt Filium dilectum in dilecto gratis propter Christum, adiudicare.

25. Quicunque igitur prędicationem pęnitentię, non subiiciunt soli Euangelio, confundunt has diuersas

actiones, tempore & ordine distinctas: Accusare peccatum, & prædicare poenitentiam: nec recte perpendunt discrimen Legis & Evangelij.

26 Poenitentia enim cum pro μετανοία ponitur, vsu veteris interpretis, propriissime est conuersio hominis ad Deum, per fidem in Iesum Christum, quæ, vt sequitur compunctionem ob peccatum: ita causa est nouitatis vitæ. Hoc plurima Scripturæ testimonia convincunt. Luc. 16. πένιτις & μετανοία pro eodem ponuntur. Paulus distinguit dolorem secundum Deum a poenitentia, cum dicit: Dolorem secundum Deum operari μετανοίαν ad salutem. Christus μεταμέλειν præcedere conuersionem affirmat. Baptista, nouitatem vitæ vocat fructum poenitentiae dignum. Petrus μετανοίαν compunctioni subiicit, & ante nouam obedientiam collocat.

27 Hæc testimonia clarissime ponunt ob oculos quid sit poenitentia, seu, μετανοία, nempe, conuersio hominis agnoscens iram Dei propter peccatum, ad Deum, per fidem in Iesum Christum.

28 Verum cum tres nominantur poenitentiae partes, Synecdoche est, cuius hæc est ratio. Cōtritio necessario præcedit conuersionem quæ fit per fidem, & nouitas vitæ necessario comitatur conuersionem. Quare vt omnia complecteretur doctores Ecclesiæ, bono cōsilio tradiderūt tres esse partes poenitentiae, idq. respectu finis, qui est in hac vita seruire Deo in iustitia & fāctitate vera.

29 Harum partium prima, Contritio, (id est dolor cordis, ex agnitione peccati, & sensu iustæ iræ Dei, & iustæ damnationis nostræ conceptus) antecedens pars poenitentiae recte dicitur.

30 Secunda, formalis, videlicet, conuersio per fidem, seu, fides ipsa, (quæ est lætitia cordis ex agnitione misericordiæ Dei, & fiducia remissionis peccatorū propter meritum Christi, per Spiritum sanctum, ad prædicationem Evangelij, excitata) recte appellatur.

31 Tertia, consequens pars dici potest, Noua obedientia,

alientia, quæ est alacritas cordis ad obediendum Deo, a Spiritu adoptionis accensa.

32. Et si autem agnitio peccati ex Lege est: tamen prædicatio poenitentiae non est Legis, sed Euangelij propria. Siquidem agnitio peccati, seu, dolor ob peccatū, non est ipsa poenitentia, seu, conuersio, sed parsceue quædam ad poenitentiam, seu, pars, vt diximus, antecedens, quæ Deo non placet, priusquam fide temperetur. Quod cum sit, sacrificium Deo gratum existit, iuxta illud: Sacrificium Deo spiritus contribulatus. Item: Cor contritum & humiliatum Deus non despicies.

33. Porro cum Papistæ vtrumque, hoc est, Decalogū & Euangelium, Legem operum definiunt, vt illa sit imperfectior, hoc perfectior Lex, vt quæ non tantum manum, verum etiam animum cohibeat: satis declarant se nunquam didicisse quid sit Euangelium.

34. Neque enim ex interpretatione Legis, qua Christus corrigit corruptelas Pharisaicas, efficiunt, quod Christus sit nouus legislator: neque quia ait: Hoc est præceptum meum vt diligatis vos inuicem, definiuisse Euangelium putandus est: sed cum dicit: Oportet prædicari poenitentiam & remissionem peccatorum in nomine meo, in omnes gentes, Euangelium propriissime definit.

35. Discernendū est igitur, inter doctrinam de Christi beneficio proprio quæ est Euangelium de poenitentia & remissione peccatorum, & de officio nostro debito, quod est ex fide præstare Deo nouam obedientiam.

36. Hæc noua obedientia Deo præstanda, cultus Dei Spiritualis est, & sacrificium ipsi gratissimum, cuius quidem materiam Lex: formam vero Euangelium monstrat.

37. Est autem forma veri cultus Dei, opus quodlibet lege Dei præceptum ex fide fieri, in gloriam Dei principaliter: cuius tamen intermediij fines, plures esse possunt, quorum regula, Fides & charitas esse debent.

O B E D I E N T I A N O V A

O B E D I E N T I A proprie est mandati superioris prompta & debita executio.
 Obedientia noua dicitur, quæ est nouorum hominum qui per fidem & Spiritum Dei nati sunt filij Dei, vt Deo seruiant in iustitia & sanctitate vera.

3 Hic ergo duo ante omnia tenenda sunt. Primum, Vbi nullum est mandatum, ibi nulla obedientia. Secundum, vbi non præcedit noua natiuitas, obedientia præstari nequit, nisi seruilis.

4 Duo sunt quæ renatum ad obedientiam Deo præstandam merito flectere debent, Obligatio, & finium excellentia.

5 Obligationis obedientiæ erga Deum quatuor sunt modi.

6 Primus, obligamur vt creatura creatori. Est enim æternum debitum gratitudinis (quæ in obedientia posita est) creaturæ erga creatorem.

7 Secundus, obligamur vt serui Domino. Si Dominus ego sum, vbi timor meus?

8 Tertius, obligamur vt filij patri. Si pater ego sum, vbi honor meus? Cum ergo nos sumus filij Dei, non solum creatione, verumetiam regeneratione: par est, vt Deum tanquam patrem optimū, verā obedientia colamus.

9 Quartus, obligamur vt grati erga benefactorem. Cum ergo Dei beneficia erga nos sunt omnium maxima, debetur illi profecto maxima gratitudo, quæ in mandati ipsius prompta executione cernitur.

10 Gradus obedientiæ erga Deum in genere sunt duo, videlicet, Dilectio Dei, & dilectio proximi. Horum singuli habent gradus inferiores iuxta Decalogi præcepta.

11 Dilectio Dei concipitur ex notitia paterni affectus in Deo erga nos: nascitur ex fiducia Christi: crescit per Spiritum fidei: roboratur cogitatione cumuli beneficiorum

fectorum Dei, corporalium & spiritualium: cernitur in obedientia sub cruce, & in sanctitate vitæ, quæ tametsi perfecta præstari nequit: tamé placet, quia filij sumus.

12 Dilectio proximi habet causas, Mandatum Dei, vinculum naturæ & gratiæ, & necessitatem consequentiz. Qui enim dicit se Deum diligere, & proximū suum odit, mendax est: & charitas Dei in eo non est.

13 Finis obedientiæ est adeo multiplex, utilis & necessarius, vt qui eo non mouetur, ne hominis quidem titulo dignus sit, nedum filij Dei. Distingui autem possunt fines commode hoc modo.

14 Primus, vt fideles sua obedientia testentur se renunciaſſe Satanz hosti Dei, ac Deo se subiecisse ad obediendum ipsi per iustitiam & sanctitatem veram, in ipsius gloriam, iuxta stipulationem in Baptismo factam.

15 Secundus, vt fideles testentur se esse socios castissimorum spirituum in cœlo, qui Deo semper assistunt, vident eius faciem parati ad imperata ipsius exequenda. Ob hanc causam fideles orantes dicunt: Fiat voluntas tua, quemadmodum in cœlo, sic etiam in terra.

16 Tertius, vt fideles testentur se esse socios omnium timentium nomen Dei in terra cum Dauide, qui ait: Socius sum omnium timentium nomen Domini, & custodientium mandata eius, Psal. 119.

17 Quartus, vt fideles, cum fiat templum Dei, offerant in eo holocaustum & thymiama, & ornent cornua Altaris frondibus & floribus obedientiæ.

18 Quintus, vt opera obedientiæ in filiis Dei & fratribus Iesu Christi sint veluti *conſtituta* quædam militia, quibus Christiani testentur se militare sub vexillo Ducis sui Iesu Christi, contra peccatum & Diabolum.

19 Sextus, vt bona opera sint fulcra bonæ conscientiz, quæ fidei quoddam propugnaculum est, ne ipsa patiatur naufragium. Vastata enim conscientia per contumaciam erga Deū, fidei sit naufragium, vt Paulus docet.

20 Septimus, vt alij inuitentur exemplo. Ideo scriptū

est: Sic luceat lux vestra corā hominibus, vt cum videāt vestra bona opera, glorificēt patrē vestrū, q̄ est in cœlis.

21 Octauus, vt obedientes prēmia temporalia & æterna consequantur, iuxta promissionem: quam promissionem non solum licet, verum etiā oportet intueri, & scire Deum non esse vanum in suis promissis.

22 Porro, huic nostræ sententiæ de obedientia erga Deum, tria genera hominum aduersantur. Quidā enim plus tribuunt obedientiæ hominis, quam par est: quidā plus, quam decet, adimunt, quidam plane destruunt.

23 Plus tribuunt obedientiæ hominis Papistę quam par est, cum fingunt opera esse causas iustificationis corā Deo, & merita vitæ æternæ. Vtrumque pugnat cum Paulo, qui docet obedientiam erga Deum, esse finem iustificationis: & vitam æternam, donum Dei per Iesum Christum.

24 Plus adimunt obedientiæ quam par est, qui clamant eam nō cohærere cum fide, nec esse necessariam: cum tamen Christus, & Paulus dicant nos debitores esse: & natura fidei sit: per dilectionē operari: sitq. nota discipulorū Christi, se mutuo, exemplo Christi, diligere.

25 Destruunt rationem veræ obedientiæ Monachi, cum mandata hominum definiunt obedientiam erga Deum, qua Deus colitur, contra Esaiam & Christum, qui testantur Deum non coli mandatis hominum.

26 Ex hoc falso principio extruxerunt Missas, Indulgentias, inuocationes mortuorum, & alias multas superstitiones, quas cultum Dei definiunt: quod probare difficilius ipsis erit, quam Oceanum cribro exhaustire.

27 Præsertim, cum ista omnia pugnent cum obedientia erga Deum, & inobedientiæ seu contumaciæ sint subiicienda.

28 Est enim inobedientia contra Deum, quæ prouolat: videlicet, non facere imperata: facere imperata, sed non debito modo ac ordine: facere contra interdictū: & comminisci cultus, præter mandatum Dei.

CULTVS DEI.

HOMINES ad prædicationē Euangelij (quæ est poenitentiae & remissionis peccatorum in nomine Christi) conuersi & spiritualiter renati, Deo spiritualement quendam cultum debent, quem soli credentes & intelligunt & præstare possunt.

1 Philosophi quidem omnibus ætatibus se torserunt, in tradenda huius cultus ratione: & quidam ex illis, vt Socrates, Plato, Xenophon, &c. multas præclaras gnomas reliquerunt: sed nullus eorum scientiam colendi Deum veram monstrauit.

2 Nam, etsi principia quædam huius cultus naturæ lumine viderunt Philosophi: tamen, priusquam ad rem deuentum est, in horribiles demersi tenebras, & se, & suæ doctrinæ sectatores misere deceperunt: ac a vero Deo aberrantes, creaturas & Dæmonia coluerunt, sicuti cum historia mundi Paulus Apostolus testatur.

3 Verum de tenebris istis suam Ecclesiam educit Dominus, prætensa verbi sui lucerna, sicuti sanctus ille rex Dauid testatur, cum inquit: Lucerna pedibus meis verbum tuum, & lumen semitis meis.

4 Huius lucernæ splendore, quæ ad substantiam huius diuini cultus pertinent, inquirere operæ precium est: nec vel cum Philosophis umbras inanes sectemur: vel de vno errore in alium cum Monachis sprete lucerna coelesti feramur.

5 Sunt autem quatuor, quibus probe ex verbo Dei perceptis, solida cultus Dei scientia haberi potest. 1. Regula, ad quam tanquam ad Lydium lapidem exigendus est cultus Dei. 2. Fundamentum 3. Definitio seu ratio. 4. Cultus Dei in suas quasdam formas sectio.

6 Regula cultus Dei generalis est hæc: Nullus cultus Deo acceptus est, nisi quem ipse Deus proprio suo verbo ordinat, ac homini commendat.

8 Hanc regulam vox Dei apud Esaïam, & Dominus in Euangelio confirmat, cum inquit: Frustra colunt me docentes doctrinas & mandata hominum. Et Paulus clare damnat omnes *ἰδωλοθρησκείας*, hoc est, cultus quos homines, bona, ut dicunt, intentione excogitant. Huc accedit quod Paulus diserte pronunciat, impossibile esse placere Deo sine fide. Et rursus, Quicquid non est ex fide, peccatum est.

9 Hanc ergo regulam teneant pii, & quiduis potius patiantur, quam ut sinant eam sibi vlla Diabolorum, aut hominum tyrannide, hypocrisis & Sophistica eripi. Nam ea amissa, omnis superstitionis & idololatriæ ianua est aperta, & regnum Christi inuaditur.

10 Vfus huius Regulæ est multiplex. Primum enim, ea stabilitur autoritas Legislatoris Dei. Nam ut in Republica, ubi liberum est cuiuslibet condere Leges pro suo arbitrio, autoritatem supremi Domini vilescere necesse est: ita etiam in Ecclesia Dei autoritas contemnitur, quando alij alios cultus Ecclesiæ obtrudunt. Quare cum hanc autoritatem sibi soli vendicat Dominus in primo præcepto: caueat pulvis & cinis, ne sibi honorem diuinæ maiestatis usurpet.

11 Deinde, hæc regula liberat nos ab errore Etânico, Pharisaico & Papistico, ne cum illis, sine modo, superstitiones & *ἰδωλοθρησκείας* cumulemus.

12 Præterea, nos animat hæc regula, ad audacter contemnendas, & detestandas omnes Paparum, ac Monachorum regulas ac leges, quas volunt Ecclesiæ obtrudere, cum infinitis pene cultus generibus, de quibus vox Dei nullum plane verbum habet. Quare ut ut speciosæ sunt humanæ leges, de cultibus, quos ignorat verbum Dei, secure a pijs omnibus contemnantur ac vitentur, non secus atque serpens: qui in Paradiso decepit Euam.

13 Donec enim steterit vox Dei, & regula, quam sequimur: fieri non potest aliud, quam ut omnes cultus, quos non tradit verbum Dei, sint cultus Dæmoniorum, quemad-

quemadmodum & Paulus testatur.

14 Sequitur secundo loco fundamentum cultus Dei, quod in quouis homine, volente Deum rite colere, iustum esse oportet. Huius fundamenti duæ sunt partes: Cognitio Dei, & Cognitio nostri.

15 Cognitionem Dei consequimur duabus rebus, nimirum verbo & testimonio. Hæ enim duæ res coniunguntur, docent nos, quod Deus sit fons omnis virtutis, iustitiz, sapientiz, veritatis, salutis: quod Deus sit ad iuvandum promptus sua natura: quodque illi soli omnis gloria sit tribuenda.

16 Quod autem hæc Dei cognitio sit pars fundamenti cultus Dei, testatur ipse Deus, Esaiæ 19. Cognoscent Aegyptij Dominum in die illo, & facient sacrificia & oblationem, vouebuntque vota Domino, ac reddent.

17 Cognitio nostri, quam dixi alteram partem esse fundamenti cultus Dei, ex trium rerum contemplatione petenda est: nimirum ex fine creationis, ex virium presentium æstimatione: ex facilitate lapsus in peccatum.

18 Finis docet officium, quod est referre imaginem Dei in sincera pietate, & iustitia vera. Vires presentes docent, quod præstare Deo debitam obedientiam minime valeamus. Lapsus frequentes, nos admonent fragilitatis nostræ & infirmitatis.

19 Harum rerum consideratio non hypocritica, facit, ut omnem gloriandi materiam abijciamus, & nos soli diuinæ bonitati committamus, omni fiducia salutis coniecta in Filium Dei Dominum nostrum Iesum Christum. Nam ipse fons ille est, de quo Pater cœlestis vult nos aquas salutis haurire.

20 Tertio loco proposui cultus Dei definitionem certam tenendam esse, qualis est hæc: Cultus Dei est opus mandatum a Deo, factum ex fide, in celebrationem gloriæ Dei principaliter.

21 In hac definitione sunt tria, quæ necessario cōiuncta sunt in vero Dei cultu: Opus præceptum, Fides, Cele-

bratio Dei . Nam si vnum ex his demseris , ratio quantumvis speciosa, non habet rationem cultus Dei.

22 Opus præceptum, est materia cultus Dei, sine qua cultus Dei esse non potest. Verum si quis peregrinam materiam substituat, cultus Dei non erit. Vt inuocatio Sanctorum est opus, Celebrare missam est opus, Rosarium peragere est opus : sed quia a Deo non sunt præcepta, non possunt esse materia cultus Dei, sed impiæ potius superstitionis.

23 Secundum, quod necessario requiritur in ratione cultus Dei, est fides. Nam opus præceptum non est cultus, nisi fides sit eius effectrix . Castus fuit Xenocrates, castus fuit & Ioseph, vtrique castitas erat præcepta: sed quia ille fide vacuus erat, eius castitas non fuit cultus Dei: huius vero, quia fides prælucebat, cultus Deo gratissimus, qui in gloriam Dei in tota Aegypto cessit. Similiter Davidis militia cultus Dei fuit: Scipionis, minime.

24 Quod autem fides necessario requiratur, vt quæ formet opus, multæ sunt rationes. Prima, Nullum opus placet, nisi prius persona placeat: placet autem fide. Secunda, Opus non placet nisi sit iustum. Nunc autem vt persona iustificatur fide: ita opera, quæ facit iustificatus, iusta habentur propter fidem. Tertia, Fides facit, vt voluntarium sit nostrum obsequium, & non veluti coactum minis legalibus, quod in cultu Dei requiritur. Quarta, Fides facit vt opus externum sit spiritualis cultus. Oportet enim omnem Dei cultum spiritualesse. Quinta, differentiam facit fides inter cultum verum Dei, & alias omnes superstitiones. Sexta, Fides tegit defectus operum, & infirmitates multas, quibus alioqui contaminaretur cultus Dei.

25 Proinde omne opus cui nõ prælucebat fides, siue præceptum sit, siue liberum: impurum, superstitiosum, carnale est. Impurum, quia ex impuro corde proficiscitur: Superstitiosum, quia non regitur fide: Carnale, quia spiritu Christi destituitur.

26 Phari-

26 Phariseus in Euangelio liberalis fuit in pauperes, fuit castus, fuit sobrius, ex iuste partis vixit. Hæc, si præceptum tantum consideres, præclara fuerunt omnia: sed quia vacuus erat fide, omnia ista sunt impuritate animi contaminata, atque ideo, abominabilia coram Deo. Contra autem Cornelij aulici eleemosina, castitas, sobrietas, iustitia, placuerunt Deo, vt spiritualis cultus. Nam prælucebat fides.

27 Hinc facile est iudicare, quid sit sentiendum de operibus, quæ Papa vt cultum Dei, Tyrannide, Sophistica, & hypocrisi tuetur: qualia sunt, Monastica vita, vota impuri coelibatus, aqua lustrali aspergi, inungi vnguento pontificio, inuocare Sanctos, peregrinari ad loca longinqua religionis ergo, adorare reliquias Sanctorum, missare pro viuis & mortuis, circumgestare panem, reponere panem intra cancellos vt adoretur, & eius generis pene infinita: quæ omnia sunt apertissimi characteres Antichristi.

28 Huiusmodi itaque Papalia opera qui ponit in cultu Dei, quid sit cultus Dei nunquam didicit. Nam nihil in ijs est, quod ad cultus Dei rationem pertinet. An non aperte contra regulam supra traditam pugnant? An non omnibus partibus destituuntur, quæ requiruntur in veræ cultus Dei ratione? Quare ista relinquamus Satanæ Toparchæ, hoc est, Antichristo: & nos sequamur facem verbi Dei, quæ sola nos veram viam cultus salutaris mōstrat.

29 Tertium definitionis cultus Dei membrum fecimus, vt opus præceptum, ex fide factum, tendat in celebrationem gloriæ Dei. Vt enim a fide proficisci debet omnis cultus Dei: sic tendat in gloriam Dei principaliter necesse est: ita vt gloria Dei sit vltimus finis operis.

30 Hoc confirmatur Esaia dicto: Omnem qui inuocat nomen meum, in gloriam meam creauit eum, formauit eum, feci eum. Et Dominus apud Matth. Sic luceat lux vestra coram hominibus, vt glorificent Patrem vestrum coelestem. Huc & illud Augustini aduersus Iulianum.

num: Noueris itaque non officijs, sed finibus, a vitijs discernendas esse virtutes. Officium autem est, quod faciendum: finis vero, propter quod faciendum est. Cum itaque facit homo aliquid, vbi peccare non videtur, sed non propter hoc facit, propter quod facere debet, peccare conuincitur.

31 Et si autem vltimus & principalis finis cultus Dei, est gloria Dei: tamen nihil prohibet gradus esse mediorum finium, qui vltimo destinantur. David militat, vt defendat ciues: defendit ciues, vt incolumis sit Respublica: vult incolumem rempublicam, vt doctrina religionis conseruetur, & propagetur: idque ideo, vt Deus glorificetur.

32 Postremum quod spectandum in cultu Dei propositum, est eius in suas formas seu potius modos sectio. Hæc sectio ideo obseruanda est diligentius, quia non solum ostendit quam late pateat cultus Dei: verumetiam errorem eorum cõfutat, qui ociosos homines propterea quod non attingant rempublicam, solos Deum in suo ocio colere existimant: quasi non multo melius militi, iudici, marito, &c. pateret via ad colendum Deum, quam ocioso ventri, qui fumos auro commutat.

33 In vniuersum itaque cultus Dei duplex est. Internus & externus, quorum posterior sine priore, cultus rationem non habet. Prior, est animi: posterior est corporis.

34 Vterque Deo iuste debetur. Nam quoad animam, creauit hominem ad imaginem suam, & corpus finxit ex limo terræ, ac omnes vires contulit, ac conseruat. Huc illud Pauli: Glorificate Deum in corpore vestro, & in spiritu vestro, quæ sunt Dei.

35 Vt internus cultus est motus cordis purificati fide, congruens cum Lege Dei: ita externus est actio externa, quæ motu cordis regitur, congruens ad normam voluntatis Dei. Vterque differentias recipit iuxta gradus præceptorum Decalogi, & discrimina vocationum in statibus

statibus a Deo approbatis, hoc est, in Oeconomico, politico, & Ecclesiastico. Hi enim tres status, soli approbantur a Deo, cum omnibus artibus & officijs, quæ faciunt ad eorum incolumitatem conseruandam.

36 Hæc varietas cultus diuini, non euertit quod supra tradidimus, videlicet, quod omnis cultus Dei sit spiritualis. Hæc enim differentia non sumitur a qualitate operis, sed a qualitate animi, qui agitur spiritu Dei. Propter hunc spiritus motum, omne opus factum ex fide in celebrationem Dei, dicitur & est, spiritualis cultus.

37 Solos enim hos cultores requirit Pater cœlestis, teste Filio, qui cum colunt in Spiritu & veritate, hoc est, qui veris motibus Spiritus sancti aguntur ad præstandam Deo obedientiam, cum communem cum omnibus pijs, tum propriam cuiusque in sua vocatione.

BONA OPERA.



NECESS est recte doceri Ecclesiam Christi de bonis operibus, & eorum de necessitate. Nam vbi hic erratur, magnas tenebras in reliquis doctrinæ partibus sequi manifestum est.

1 Sex autem quæstiones sunt, quæ ex verbo Dei recte explicatæ, clare docebunt quid sit pie sentiendum de bonis operibus, & omnes errores, cum veterum, tum recentium aperte refellent.

3 Quæstiones autem hæ sunt. Prima, Quænam opera docenda sint & facienda. Secunda, Quomodo fieri possint. Tertia, Quomodo placeant. Quarta, Quænam sint causæ bonorum operum. Quinta, Cur promissiones additæ sint bonis operibus. Sexta, Quoniam omnes homines habent peccatum, merito etiam quæri potest, quorum hominum obedientia placeat, & quorum non.

DE PRIMA QVAE- stione.

4 Cum quæritur quæ opera docenda & facienda sint, duo imprimis perpendere oportebit : Qui nos sumus, quibus bene agendi incumbit necessitas, & quisnam ille, cui bene operando, placere studebimus.

5 Cum nos intuemur, nostra corruptio nobis in mentem veniet, qua nostra mēs ita obscurata est, vt nec quid Deo placeat, nec quid ipsi displiceat per nos intelligamus. Quare extremæ erit insanix, si nos velimus opera excogitare, quibus nos Deum colere sine eius mandato statuerimus, præsertim cum ipse dicit : Frustra me colunt mandatis hominum.

6 At si Deum intuemur, eius maiestas nobis in mentem veniet, quæ nos merito reuerentiæ erga ipsum ad-monebit, ex quo fiet, vt hoc solum illi placere statuamus, quod ipse suo præscribit nobis verbo.

7 Huc illud Ezechielis: In præceptis patrum vestrorum nolite incedere, nec iudicia eorum custodiat, nec idolis eorum polluamini. Ego Dominus Deus vester, in præceptis meis ambulate, & iudicia mea custodite, & facite ea. Et illud Ieremiæ: Speculatorem dedi te domui Israel: audiens ergo ex ore meo sermonem, annuntiabis eis ex me.

8 Hinc manifeste concluditur, nec alia opera docenda aut facienda esse, quam quæ nobis verbo suo Deus commendat, quorum Epitome est Decalogus.

9 Hæc conclusio euertit omnia Papistarum & hypocritarum deliramenta, qui Ecclesiæ Christi suas obtrudunt traditiones: quarum multæ, manifeste pugnant cū voce Dei, & sunt doctrinæ, vt Paudus loquitur, Dæmoniorum:

DE SECUNDA QVAE- stione.

10 Postquam mens pij hominis edocta est, quænam opera

opera sint facienda, mox in hac humana fragilitate quaerit, Quomodo fieri possint? Hic cum alij aliter respondeant, necesse est id quaerere, in quo mens pia tuto acquiescere potest.

11 Christus dicit discipulis suis: sine me nihil potestis facere. Loquitur enim de salutaribus actionibus, quae dici bona opera possunt. Et Paulus dicit, sine fide impossibile esse placere Deo. Et idem: Qui Spiritu Dei aguntur, hi sunt Filij Dei.

12 Ex hisce testimonijs luce clarius patet, quod haec ordine requirantur, ut bona opera fieri possint. Primum, Christi cognitio. Secundo, Fides, quae est viua in Christum Mediatorem fiducia, qua homo sola iustificatur. Tertio, Viuificatio, quae fit cum Christus, ad praedicationem Euangelij, Spiritum suum in nos effundit: sine quo per similes sumus arido ramo. Cum autem in Christum credimus, nouae vires acquiruntur, iuxta illud: Qui sperant in Dominum, mutabunt fortitudinem, assument pennas sicut aquila, current & non laborabunt, & si laborabunt, non deficient.

13 Sine ergo notitia Christi, fiducia in Christum & viuificatione per Spiritum sanctum, ne inchoari quidem possunt bona opera, nedum fieri aut consummari.

14 Damnandus ergo error eorum est, qui vel a profanis Ethnicis fieri bona opera posse, quae Deo placeant, existimant: vel puris naturalibus, ut loquuntur, & vi liberi arbitrij praestari Deo obedientiam clamitant: vel bona opera hominum in causis iustificationis hominis coram Deo numerant. Nam fieri non posse bona opera, nisi a iustificatis ostendunt dicta quae adduximus. Quare Papistae, qui hominem coram Deo operibus iustificari contendunt, manifeste confundunt ordinem causarum & effectuum.

DE TERTIA QVAESTIONE.

15 Postquam pius edoctus est, quomodo fieri possint

bona opera, proxime quærit, quomodo placeant. Ad quam quidem quæstionem in genere dico, ea placere in conuersis, a quibus solis etiam fieri possint.

16 Vt autem hæc quæstio determinetur distinctius, quatuor ordine sunt spectanda. Primum enim statuendum est de persona, quod ea fide reconciliata & iusta sit propter Christum gratis. Deinde fatendum est, quod persona fide iusta nondum Legi satisfacere possit. Nam hærent etiam in pijs multa interiora peccata. Tercio, persona iustificata cum Paulo & Dauide deplorabit hanc immunditiam: repugnabit malis affectibus qui subinde etiam in sanctissimis suboriuntur: precabitur veris gemitibus cordis, ne Deus sibi sordes, quibus inuoluitur, imputet. Quarto, Etsi has suas sordes agnoscit persona fide iusta: nihilominus statuet, quod & Deus postulet inchoatam obedientiam, & quod placeat hæc inchoata obedientia propter Christum, iuxta illud Petri: Offerre hostias spirituales acceptas Deo propter Christum, qui & propitiator est, & nunc pro nobis interpellat.

17 Hinc proinde & hoc sequitur, quod nostra obedientia non placeat, vel propter dignitatem operis in se, vel ob perfectionem, vel propter ordinem & statum hominis. Non enim magis placet Apostoli Petri opus quam Cornelij aulici. Quare manifestus error Monachorum est, qui putant sanctitate ordinis & status opus commendari.

D E Q V A R T A Q V A E - s t i o n e .

18 Multi non pessimi, cum audiunt hominem coram Deo fide sola iustificari absque operibus (vt Ambrosius loquitur) Moïsis & naturæ, quærunt causas bonorum operum, quibus homines merito ad bene operandum accendi & impelli debent. Ad quâ quæstionē ex scripturis responderi oportet, quæ tres causas grauissimas bonorum

rum operum subinde inculcat, quæ sunt: Necessitas, Dignitas, Præmium. De quibus figillatim quid sentiendum sit, breuiter indicabo.

19 Necessitas quintuplex statui potest. Mandati, debiti, fidei, conuersionis, & vitæ poenarum, quarum quælibet tanta est, vt nos merito ad bene operandum impelleret.

20 Necessitas mandati est, quod necesse sit, vt creatura obtemperet creatori. Cum ergo Deus serio & seuerè obedientiam erga se mandat: quis non videt bonorum operum studium pijs esse necessarium? in præceptis, inquit, meis ambulate: & Paulus: hæc est voluntas Dei, sanctificatio vestra.

21 Necessitas debiti, Rom. 8. indicatur his verbis: Debitorum sumus non carni, sed spiritui: non sumus nostri iuris, sed eius qui redemit nos suo sanguine. 1. Cor. 6.

22 Necessitas fidei, scilicet retinendæ & fouendæ, commendatur pijs a Paulo: Si quis, inquit, suorum, & maxime domesticorum, curam non habet, fidem abnegauit, & est infideli deterior. Item, milita militiam honestam, habes fidem & bonam conscientiam, quam quidam dum repulerunt, circa fidem naufragium passi sunt.

23 Necessitas conuersionis hoc dicto confirmatur: Viuo ego, dicit Dominus, nolo mortem peccatoris, sed vt conuertatur & viuat. Cum igitur fit conuersio, simul viuificatur homo fide, per Spiritum sanctum. Nam conuersioni regeneratio coniuncta est, quæ est incoatio nouæ vitæ, quæ est noua lux, sapientia, & renouatio imaginis Dei in iustificatis.

24 Necessitas vitandi poenas confirmatur Davidis testimonio. Propter iniquitatem, inquit, corripis filios hominum.

25 Dignitas in hoc sita est, quod credentes, sint Filij Dei. Dedit enim omnibus qui credunt, hunc coelestem honorem, vt sint Filij Dei: quod sint templum Spiritus sancti viventis; quod Christus in credentibus habiter:

quod Pater, Filius & Spiritus sanctus ad ipsos veniat, & in ipsis mansionem faciat: quod Christi sint membra.

26 E contrario cogitetur quantum scelus sit, si Filij Dei imaginem hostis Dei referant. Quantum periculum sit, templum Dei Satanz foetore conspurcare: quam immane sit, Spiritum sanctum e suo exturbare hospitio.

27 Filiorum ergo Dei cum sit proprium, patrem imitari coelestem, qui dicit: Sancti estote, quia ego sanctus sum: Et Paulus ait nos ad Sanctitatem vocatos: quis non videt, quod sanctos summum deceat sanctimoniz studium?

28 Præmium præstitæ obedientiz sæpius in Scripturis promittitur pijs: Vnde Moses, in istis molestijs, quas tulit ultra quadraginta annos, respexisse ad remunerationem scribitur.

29 Et si autem fide promissionis sola, se iustum coram Deo statuit Moses: tamen extra iustificationem, etiam ad alias promissiones respexit. Nam cum Deus obedientibus suæ voci promittit præmium: debet pius promissionem fide amplecti, & expectare mercedem promissam.

30 Verum hoc interea cauebit pius, ne cum Agamènone iactet sua opera, & eorum dignitate nitatur: sed potius gratiam promissionis intueatur, statuatque sibi non dari mercedem, propter operis valorem, sed propter promissionem ex gratia.

31 Hæ causæ bonorum operum quas recensuimus, satis ostendunt, quod & bona opera sint necessaria, & quod qui bonorum operum sint expertes, potius porcis Epicuri, quam gregi Christi sint annumerandi.

DE QUINTA QVAES- sione.

32 Cum opera a pijs facta non solum debita sint servorum officia, verum etiam imperfecta & contaminata, quasi merito potest, Cur Deus bonis operibus tam magnificas

gnificas promissiones adiecerit? Quare huius rei causas inquirere operæprecium est: ut ijs cognitis magis ad bene operandum excitemur. Possunt autē causæ quinq. statui.

33 Prima, ut promissiones completæ, sint testimonia prouidentia Dei. Vult enim sciri Deus, & bona corporalia res esse a se creatas, & non casu spargi, sed ab ipso Ecclesiæ dari & conseruari, iuxta dictum: Ipse est vita tua & longitudo dierum tuorum. In diebus famis saturabuntur, diuites esurierunt, timenti autem Dominum non deerit ullum bonum.

34 Secunda, ut sint testimonia quod Deus etiam in hac vita velit seruare Ecclesiam. Huc illud: Pietas habet promissionem præsentis vitæ & futuræ.

35 Tertia, Deus non solum vult necessitatem corporalem esse commonefactionem de fide, inuocatione, spe, gratiarum actione: verumetiam hæc bona vult fide peti & expectari, & in hac petitione & expectatione, fidem, spem, patientiam & cæteras virtutes crescere.

36 Quarta, vult Deus promissiones de necessarijs huius vitæ, esse cōmonefactiones de promissione gratiæ. Nam fidem, qua agnoscit Filium, & accipit, conciliationē, oportet semper præluere in petitione corporaliū rerum: & quidē propter Filiū, cæteræ promissiones æditæ & ratæ sunt. Hæc omnia comprehendetur in dicto: Quicquid petieritis Patrem in nomine meo, dabit vobis.

37 Quinta, vult Deus sciri vtrumque, & Ecclesiam subiectam esse cruci, & tamen inter ipsa pericula mirabiliter seruari in hac vita: ut vniuersa admiranda conseruatio Ecclesiæ, & omnes mirandæ liberationes sint testimonia præsentia Dei in Ecclesia: ut dicitur Num. 14. Ut sciant Aegyptij, quod tu Domine sis in hoc populo. Io. sue 3. Sciatis quod Dominus Deus in medio vestri sit. 1. Reg. 17. Ut sciat omnis terra quod sit Deus in Israel. Esaie 37. Ecce nunc Dominus Deus saluabit nos de manu Zennacherib, ut cognoscant omnia regna terræ, quod tu solus sis Dominus.


DE SEXTA QVÆ- stione.

38 Cum omnes homines habeant peccatum, recte quæritur, quorum obedientia placet & quorum non? Præsertim cum scriptum sit: Deus peccatores non exaudit.

39 Hæc quæstio soluitur, adhibita distinctione duplicis peccati. Est peccatum, quod fit a volente & sciente contra conscientiam, quale in Christianis esse non potest. Est peccatum, quod non fit contra conscientiam. Huius generis sunt vitiosi affectus, peccata ignorantia, omissiones, & suborientes interdum dubitationes, quibus peccatis sancti repugnant, & credunt ea deleri propter Christum.

40 Quicumque peccatis prioris generis indulgent, abijciunt fidem & vastant conscientiam. Quare illorum opera sunt abominationes coram Deo. Verum qui posteriori generi obnoxij sunt, & retinent tamen fidem & bonam conscientiam, illorum obedientia propter Christum, cuius renati sunt Spiritu, placet, & est cultus Deo gratissimus.

OPERA CHARITATIS.

I  VONIAM in proximis nostris assertionibus, de bonis operibus in vniuersum, & eius causis disseruimus: hic libet quoddam certum genus operum, videlicet charitatis erga proximum proponere: quo magis piorum animi permoueantur ad charitatis opera sibi mutuo præstanda.

1 Hic tria mihi expendenda videntur. Primum, quibusnam rationibus impelli & permoueri quisque debeat ad præstandum proximo ex charitate officium, Deinde, quæ genera operum charitatis sint præcipua. Tum quæ regulæ spectentur, ad quas opera proximo præstanda, sunt exigenda.

3 Etsi autem recte obedientie erga Deum quintuplex statuitur necessitas, nempe, Mandati, debiti, fidei, conuersionis & vitiationis poenarum: tamen in hoc certo operum genere, tria vtiliter considerata puto, quorum cogitatio nos ad præstāda proximo charitatis officia impellet, illa autē tria hæc sunt. Efficiens, obiectum, finis.

4 Efficientia tria. Primum, mandatum Dei, cui omnes creaturas parere oportet. Deus enim & Legem dilectionis impressit animis hominum, & serium mandatum edidit. Dilige proximum tuum sicut teipsum. Hæc dilectio si vera est, ex corde sincero manat, ore comprobatur, & opere, cum res postulat, consignatur.

5 Secundum efficiens, est fides. Hæc enim, vt Apostolus testatur efficax est per charitatem. Nam dum credens donatur Spiritu Christi, non potest fieri, quin pro natura istius Spiritus ducatur. Quisquis etenim Spiritu Christi donatus est, Christi quoque affectus quodammodo inducit. Hinc Dominus certam suorum notam tradidit: In hoc cognoscent homines, quod sitis mei discipuli, si vos inuicem dilexeritis.

6 Tertium efficiens est, exemplum Christi. Non enim tantum Spiritu Christi ducuntur fideles, verum etiam inruentur suum ducem Christum, & nihil ducunt pulchrius, quam in omni vita eum, tanquam normā quandam vitæ, sibi proponere. Qualis enim Dominus, talis & seruus esse solet.

7 Huc illud cuiusdam Patris: Omnis Christi actio, nostra est instructio. Quod sane dictum vt verissimum est: ita multa absurda continet, si eidem instructionis generi accommodetur.

8 Vt itaque recte applicari possit ad nostri instructionem, illud obiter declarandum duxi. Actio Christi est triplex, Miraculosa, piacularis, & moralis. Harum quælibet nostra est instructio, sed diuersimode.

9 Miraculosa enim Christi actio instruit nos de veritate verbi Christi, vt eum veracem esse sciamus, non

instruit nos, ut ipsum imitemur agendo. Quis enim potest imperio morbos pellere? Quis potest voce mortuos excitare? Quis sine fame ieiunabit totos quadraginta dies & noctes? Qui proinde hoc genus actionum imitari velit, simia potius, quam discipulus Christi censendus est: præsertim si peculiaris ratio non accesserit, ut in Prophetis & Apostolis.

10 Piacularis actio adeo Christi est propria, ut qui eius vel minimam portionem sibi vendicauerit, in Christum sit contumeliosus. Christus enim solus natus & datus est nobis, ut sua piaculari actione nostrum peccatum expiet. Impius ergo, crudelis & sacrilegus est Papa, qui suos vinctos & rastos, missando & cantillando, peccatum expiare putat.

11 Moralis Christi actio instruit, & imitationem requirit. Vult enim Christus, ut in forinanda vita ipsum imitemur. Hinc illud: Exemplum meum do vobis. Item: Diligite vos inuicem, sicuti ego dilexi vos.

12 Et si autem dilectionis mandatum, si Legem in se spectes natum est cum natura, & postea Lege Moysi promulgatum: tamen propter formam hanc nouam, Sicut Ego dilexi vos, a Christo nouum datum appellatur.

13 Quicumque igitur Christum, ut donum, veneratur: debet etiam ipsum, ut exemplum, imitari. Nam qui contra facit, & dono excidit, & se discipulum Christi mentitur, Et si hæc imitatio non in perfectione, sed in conatu posita est.

14 Obiectum charitatis, est proximus nostro opere & auxilio indigens. Hic corde, lingua & opere iuandus est. Ita enim Lex dicit: Dilige proximum tuum, &c.

15 Christus interrogatus a Phariseo, quisnam suus esset proximus, pulcherrima imagine respondit, & Phariseum (qui tantum inter proximos, numerabat eos, qui vel de se essent benemeriti, vel qui alioqui aliqua singulari necessitudine essent sibi deuincti, nihil minus statuens, quam alienigenas, & nihil de se boni meritos,

pro

pro proximis habendos) deducit eo, vt sponte confiteatur, quod antea non statuit, Affirmat enim Samaritanum, qui Iudæo saucio opem tulit, veri proximi officium præstitisse.

16 Hinc patet omnem hominem proximum nostrum agnoscendum esse, qui nostra ope & auxilio indiget. Etsi societatis seu proximitatis non sunt semper iidem gradus, pro quorum diuersitate variat non parum obligatio.

17 Duplex enim proximitatis ratio est. Vna est naturalis, alia spiritalis. Illa quidem nobis communis est cum omnibus hominibus, non solum pijs, verum etiam Ethnicis, Turcis & Iudæis. Hæc vero filiorum Dei est propria, & magis obligat.

18 Naturalis illa proximitas tribus constat. Primum enim homo homini proximus est ratione creationis. Omnes enim simul in vno Adam creati sumus, quantum quidem ad substantiæ nostræ originem attinet. Deinde, homo homini proximus est ratione similitudinis. Nam omnes & homines sunt, & ad imaginem Dei primū creati. Tum respectu communis vitæ & humanæ societatis, in qua vnus alterius opera indiget. In hac vitæ societate multi sunt particulares gradus, partim ex affinitate & cognatione, partim ex similitudine officiorum, partim ex alia quauis necessitudine.

19 Hæc naturalis hominum inter se copulatio, merito monere nos deberet charitatis mutuæ, id quod etiam Philosophi saniores viderunt. Nam ideo ratione & sermone præditos esse homines docent, vt possit alter alteri, quod rectum bonum esse nouit, sermone explicare: vt ita mutuis officijs inter se coalescant, ac se inuicem iuuent.

20 Spiritalis societas est tantum Christianorum inter se. Huius quadruplex est necessitas. Prima, est regenerationis. Nam ex eodem semine verbi diuini nati sunt filij Dei. Secunda, est mystici corporis, Nam mem-

bra sumus vnius corporis, cuius caput est Filius Dei saluator noster. Tertia, est vocationis communis, qua ad vnitatē Spiritus in vinculo pacis vocati sumus, Ephes. 4. Quarta, est futuræ gloriæ & communis hæreditatis cœlestis, qua vna fruemur in omni æternitate.

21 Hæc Spiritualis copulatio & coniunctio satis arguit, quomodo Christianos erga se inuicem affectos esse deceat. Quid pulchrius, quam Filios Dei se mutuo amore complecti? Quid conuenientius quam membra eiusdem corporis se inuicem charitate fouere? Quid suauius, quam donatos eodem Christi spiritu vnanimes esse ac studere communi commodo? Quid dignius, quam cogitatione futuræ gloriæ & æternæ societatis cum æterno Deo & Sanctis omnibus angelis & hominibus, excitari ad mutuam beneuolentiam?

22 Qui hoc duplici humanæ societatis vinculo, Naturali & Spirituali, non permouetur, ne hominis quidē titulo est dignus, nedum Christianus dicatur.

23 Iam spectentur fines operum charitatis, qui sunt quatuor. Primus, gloria Dei Nam Deus, cum vltro citroque certant beneficijs sui Filij, glorificatur & prædicatur. Secundus, refocillatio mutua membrorum eiusdem corporis. Tertius, ædificatio aliorum. Nam cum alij alios intuentur studiosos esse fraternæ charitatis, incitantur exemplo. Quartus, remuneratio. Deus enim promisit remunerationem ei, qui vel haustum frigidæ aquæ dederit discipulo Christi.

24 Dominus Luc. 6. quatuor genera operum charitatis, quæ perpetuo pijs in conspectu esse debent, suis commendare videtur.

25 Primum est, corde non iudicare perperam de proximo, sed candide potius de ipso sentire, semperque meliora de ipso sperare. Neque tamen hæc eo pertinent, vt fideles prorsus cæcutiant, & nihil discernant inter Paulum & Neronem. Sed tantum affectum charitatis postulant, vt fideles amanter affecti erga se inuicem, se ipsos

se ipsos frenent & non titillentur cupiditate in aliena vita, plus quam requirit pietas inquirendi.

26 Secundum est, ore non condemnare, sed potius benigne de proximo loqui, & sine calumnijs, omnia in meliorem partem interpretari. Hic tamen nec verum testimonium cōtra criminosos ferre, nec fontes ex verbo Dei & Legibus, iuxta vocationis nostræ rationem condemnare, prohibemur.

27 Tertium est peccanti in nos & deprecāti culpam condonare offensam. Ita enim ait Dominus: Remittite & remittetur vobis. Huius dicti sensus est, facturū esse Dominum, vt qui se facilem humanum & æquum præbuerit fratribus, eandem sentiat erga se clementiam aliorum, vt benigne & amice ab ipsis tractetur.

28 Quartum, indigentibus fratribus adesse consilio & opere. Consilio, quoties illis a recta via aberrare cōtingit. Opere, alias egentibus dando largius eleemosynam, alias mutuando hilariter, etiam si simile officium ab ipsis non expectemus.

29 Mutuare enim cum expectatione similis officij, vulgare officium est, etiam inter Ethnicos & peccatores. Quod etsi in se malum non est: tamen aliquid vltra requirit Dominus ab ijs, quos in suam familiam recepit.

30 Regulæ quas in præstandis operibus charitatis intuebuntur fideles, sunt tres: Verbum, Fides, Charitas ipsa. Hæ enim tres regulæ modum continent præstandorum officiorum.

31 Verbum sit hoc, exempli gratia: Bibe aquā de cisternis tuis & fluentia de medio putei tui: fontes tui deriuentur foras, sint tibi soli & non alienis tecum. Hoc Solomonis dictum tria continet præcepta. Primum, de vsu facultatum, videlicet, quod quilibet debeat, suis facultatibus vtī in suum commodum, prout ratio sui status requirit. Secundum, de liberalitate erga indigentes. Nō vult vt solus omnia deuores, sed vt non nihil conferas in vsus aliorum. Tertium, de facultatum possessione.

Non vult vt ita profundas res tuas , vt ipse postea turpi-
ter egeas, ex nimia profusione ad mendicitatē redactus.

32 Fides intuetur & mandatum Dei & promissio-
nem. Mandato quidem vrgetur ad charitatis officia fide-
les. Promissione vero paterna allicitur, vt hilariter præ-
stet officium quod debet.

33 Charitas mutuis afficitur commodis & incom-
modis: gaudet cum gaudentibus: dolet cum dolētibz:
& membrorum *corpore* quadam ad succurrēdum in-
digētibz, & affectis membris, excitatur.

34 Quicumque ergo fide præditus est, & verbū Dei
veneratur, facile ex charitatis fonte scientiam hauriet
communicationis mutuz & officiorum, quæ sibi mutuo
debent eiusedem corporis membra.

VOCATIO.

I T s i omnes pij vnā communem voca-
tionem habent, nimirum, vt sint ciues re-
gni Dei, Deum celebrantes: tamen vt alia
membra eiusedem corporis, alias habent
functiones: ita in Ecclesia quæ est in hoc
mundo, aliam alij habent vocationem.

2 Vocationem autem hic definimus, legitimam fun-
ctionem officij alicuius, certæ personæ propriam, vt est
vocatio ad gubernandum, consulendum, docendum,
iudicandum, discendum, operandum, &c.

3 In huiusmodi functionibus seu vocationibus per-
sonalibus, opus est singulari prudentia, ne vel in dexte-
ram, vel in sinistram nimium deflectamus: quod cum
fit, incidimus in iudicium Dei, & opus Dei facimus frau-
dulenter. Quinque ergo colligam veluti puncta, quo-
quolibet respicere debet in sua vocatione ne aberret.

4 Primum vocatio habeat verbum Dei. Non enim
potest legitimum esse, de quo verbum Dei non extat:
cum

cum ex eo solo scianus, an vocatio nostra seu functio, sit approbanda, nec ne.

5 Vt autem hic non fluctuet conscientia, hæc tenenda est regula: Omne officium faciens ad conseruandos, iuuandos, & ornandos status, a Deo ordinatos, Vt Oeconomicum, Politicum, Ecclesiasticum, primo & quarto Decalogi præcepto mandatur. Atque ideo in se legitimum, licitum & sanctum est. Huc si accesserit iusta & ordinaria vocationis designatio, fit etiam officium legitimum personæ respectu, & præterea cultus Dei in conuersis. Requiritur proinde, vt vocatio sit legitima & ratione officij præstandi, & respectu personæ officio fungentis.

6 Secundum, Sint actionum in vocatione regulæ, Fides & Charitas. Fides quidem Deum respiciat, moneatque ne quis vel officio committat, quo gloriam Dei lædat: vel omittat, quod requirit officij ratio: vel faciat segniter, quod vocatio requirit. Charitas vero proximū intueatur, moneatque ne quis alteri sit iniurius: hoc est, ne vel curiose aliena inquirat, suo neglecto officio: vel inuideat ijs qui fortunatiores & præstantiores videtur: vel contemnat eos, quos se inferiores putat, seu, qui vi-liorem vocationem videntur adepti quam ipse: vel dolo vilo aut fraude circumueniat proximum in officio & vocatione: vel sit *παρανομία*, quouis iustitiæ aut iuris titulo. Sed potius requirit charitas, vt in sua quilibet vocatione maneat quietus, & propria agat, adeoque omnia referat ad vinculum sanctæ societatis.

7 Tertium, Perpetuo respiciatur ad verbum, quo nititur cuiusque vocatio. Hinc enim, si quid aduersi inciderit, consolatio petenda est.

8 Quartum, Vocatio semper ad gloriam Dei, & utilitatē reipublicæ in qua quis viuit, referatur. Hinc enim suauissimus percipitur fructus, videlicet, tranquilla & bona conscientia.

9 Quintum, Felix in vocatione successus tribuatur

soli Deo, & ab eo expetatur. Is enim cum manum applicat, iucundissimus percipitur laboris fructus. Hinc moneatur vnusquisque, vt semper leuatam ad Deum mentem habeat, a quo petat successum.

10 His iactis fundamentis, non solum diligentia in vocatione crescit: verum etiam profana & Ethnica cura abijcitur. Nam cum Deus statuitur *κύριος* noster, facile spes concipitur salutaris euentus.

VOTVM.

1 **S**CRIPURA votum appellat, non quamlibet promissionem quæ cuius sit, sed eam solummodo quæ fit Deo, idque sponte & religiose.

2 Definitur autem recte in hunc modum. Votum est spontanea, Deo facta, obligatio, ad aliquid faciendum, vel omittendum, quod illi grati & acceptum fore constat, vel ex se, vel propter aliud.

3 Huiusmodi votum non vnius generis est. Est enim vnum omnibus illis, qui nomen Christo dederunt commune. Alterum priuatorum est. Illud itaque, commune: hoc, priuatum seu speciale, seu personale vocare licebit.

4 Commune Christianorum votum est promissio illa solennis, qua in vnius Dei, qui est Pater & Filius & Spiritus sanctus, nomen inauguramur, atque illi, renūciato Satana cum operibus suis, omnem pollicemur obedientiam, nosque totos illius fidei ac bonitati committimus.

5 Hoc votum commune nuncupatum, in Baptismo, Confessione, & Coenæ Dominicæ sumptione confirmatur.

6 Purior Ecclesia, secuta Apostolorum tempora, quando Christianorum infantes baptizari cœperunt, hunc morem habuit, vt instituti pueri in Catechesi, produ-
duce-

ducerentur publice in conspectum Episcoporum, ac ibi interrogarentur de articulis fidei, ac votum illorum nomine factum in baptismo, propria voce confirmarent: & illa actio a parte, confirmatio cœpta est appellari.

7 Constabat autem ista actio Examine, Solenni voto in Baptismo nuncupati confirmatione, Precatione Episcopi, & Manuum impositione.

8 Hic mos vtilissimus erat, & faciebat ad retinendam confessionem & concordiam. Neque enim facile quisquam a doctrina, quam solenni voto confirmauerat, discedebat.

9 Verum paulatim actio illa bono consilio instituta in ociosas ceremonias degenerauit. Primum enim omis- sum est examen, quod ante omnia retinendum erat. Deinde additum est Chrisma. Præterea Sacramentum fecerunt ex confirmatione: Adhæc, supersticiosa certorum verborum recitatio adhibebatur lingua plerisque in- cognita. His enim verbis vti fuerunt: Signo te signo crucis: confirmo te chrismate salutis in nomine Patris & Filij, & Spiritus sancti.

10 In nostris Ecclesijs, substantia confirmationis veteris retinetur, abolitis superstitionibus Papisticis. Nam Episcopi in visitationibus publice examinant iuuentutem in articulis fidei, & in doctrina de Sacramentis. Deinde eam, doctrina & exhortationibus confirmant. Idem fit quoque priuatim a pastoribus, antequam admittantur, præsertim rudiores, ad participationem Cœnæ Dominicæ.

11 Iam cum constet, nos in hoc voto communi & solemni renunciaſſe Satanæ ac eius operibus, atq. promiſſiſſe Deo omnem obedientiam: quis non videt, quæ sit necessaria obedientia erga Deum, ad quam præstan- dam, & præcepto, & voto hoc solenni sumus obſtricti?

12 Quicumque ergo oppugnât necessitatem obedi- tiæ, hoc est bonorum operum, quæ Deus a nobis requi- rit, non solum mandatû Dei æternum turpiter contem- nunt;

nunt: verum etiam hoc votum in Baptismo nuncupari foedifrage infringunt, & homines rursus iugo peccati & Satanæ imperio subiiciunt.

13 Quare qui vere pii sunt & gaudent in Domino, perpetuo memores esse debent voti eius, quod in Baptismo voverunt. Quo ut renunciarunt Satanæ: ita Deo per omnem vitam promiserunt obedientiam.

14 Præter hanc voti necessitatem, multiplex cogitur necessitas, videlicet, mandati, debiti, fidei, conversionis, regenerationis & vitæ poenarum: & semper sit in conspectu dictum Ioannis: Qui facit iustitiam, iustus est. Et hoc Pauli: Debitorum sumus non carni, sed Spiritui.

15 Porro votum in Baptismo factum, violatur omni voluntaria inobedientia erga Deum, interiori & exteriori. Ex quo fit, ut homo ita violans votum, excutiat Spiritum sanctum, & fiat reus mortis æternæ: donec rursus per poenitentiam votum renouet.

16 Verum qui vel ignorantia, vel infirmitate labuntur, retinent tamen fidem & bonam conscientiam: illis non imputatur peccatum. De ijs dictum Ioannis intelligi debet: Qui natus est ex Deo, non peccat.

17 Quicumque ergo Christo in Baptismo nomen dederunt, ac illi militare se promiserunt, militent honestam militiam, retinentes fidem & bonam conscientiam: & non se proprijs ratiocinationibus præcipitent in certum interitum.

18 Hæc doctrina non pugnat, ut quidam falso opinantur, cum gratuita iustificatione: sed optime cum ea consentit. Nam ut solus Christus statuitur nobis esse a Deo sapientia, iustitia, sanctificatio, redemptio, quem Christum sola fide apprehendimus: ita Spiritus Christi est, in iustificatis, vitæ novæ autor. Huc illud Pauli: Si quis spiritum Christi non habet, hic non est eius: Item: Quicumque spiritu Dei aguntur, hi sunt filij Dei.

19 Nemo igitur seipsum fallat vanis paralogismis, quasi

quasi Deus nostram obedientiam serio non requireret, ac quam fides esse posset absque suis germanis proprietatibus, & viuus iustitiæ fructibus.

30 Etsi autem fides in alijs est languidior, in alijs robustior: tamen si vera est, & non inanis fidei professio, studio bene operandi prædita est, & spiritu militat aduersus peccatum & Diabolum.

31 Languidior quidem fides sæpe videtur succumbere: quæ tamen prostrata mox se erigit, apprehensa dextera Dei, id est, Domino nostro Iesu Christo, Quare pij indies proficiant in fide, quo magis magisque Spiritus imperium aduersus carnem roboretur ac confirmetur.

32 Priuatum seu personale seu speciale votum est, quod aliquis Deo sua sponte promittit. Vt mater Samuelis voto filium diuino ministerio addixit.

33 In huiusmodi personalibus votis, multa sunt timenda, vt pote, Superstitio, impietas, turpitudine, vanitas. Quare hic singularis adhibenda est cura, ne nobis ipsis struamus laqueos periculosos.

34 Ne igitur temeraria sint nostra vota futura, quatuor in deliberationem venire debent, quorum singula diligenter examinanda sunt, priusquam votum nuncupemus. Horum primum est, Quisnam sit is cui nuncupatur votum. Secundum, Qui nos, qui vouere decreuimus. Tertium, Quæ res, quam vouere statuimus. Quartum, Animus vouentium, seu finis.

35 Cum itaque Deus sit cui votum nuncupatur, diligenter spectandum, an votum sit approbaturus. Primum, hoc ex verbo Dei constat, quod Deus damnet omnes idololatrias. Ita enim ait: frustra me colunt, docentes madata hominû. Hinc petendû est hoc cõsolationis caput, quod nihil omnino vouere liceat, nisi cõscientia prius statuat votû placere Deo. Hoc aliud sciri non potest, quam ex ipsius verbo, quod requirit, vt in præceptis ipsius ambulemus, & non iuxta præcepta hominû.

26 Secunda deliberatio erit de nobis ipsis. Hic diligenter nostram conditionem consideremus, caueamusque ne votum vocationem nostram impediat, atque ita impietatis aduersus Deum arguamur.

27 Tertia deliberatio erit de re voti. Hic tria ordine perpendenda sunt. Primum, An res possibilis sit, & in nostra manu posita. Secundū, An genus voti in communi voto includatur. Tertiū, Anne ingrati videamur, contemnentes creaturas Dei, qui eas nobis contulit vtendas, pro commoditate nostra, cum gratiarum actione.

28 Quarta deliberationis pars est, vt spectetur, quo animo qui votum nuncupet, vt eius verus finis conspiciatur.

29 Omnis autem qui votum facit, aut respiciet ad tempus præteritum, aut ad futurum. Si ad præteritum respicit, votum aut erit exercitium poenitentiae, aut gratiarum actionis testimonium. Si ad futurum, eo pertinebit votum, vt vouentem cautiorem reddat, vtque stimulis quibusdam eum ad pietatis & vocationis officia excitet.

30 Hæ consultationis partes in Papatu negligebantur: vnde factum est, vt multa sint eorum vota, partim supersticiosa, partim impia, partim temeraria ac vana.

31 Monachus vouet religionem, quæ tantum pendet ex humanis traditionibus, idque in hunc finem, vt mereatur obseruantia voti fauorem Dei. Hic aperte cōtra primum & vltimum consultationis caput, delinquit.

32 Carthusianus vouet perpetuam abstinentiam a carnibus. Quare, ita fit multipliciter reus. Primum, contemnit creaturas Dei, quibus Deus mandat nos vti cum gratiarum actione. Deinde, valetudinem propriam lædat, & fit reus violati quinti præcepti. Præterea, hac abstinentia vult mereri remissionem peccatorum: atque ita temerarius deprehenditur: vt qui omnia deliberationis capita neglexerit: ac ob impietatem, reus peragitur conculcati sanguinis Christi.

33 Sacrificulus vouet castitatem perpetuam, quæ donum Dei singulare est, quod Deus donat non omnibus sed valde paucis. Quare tertium deliberationis caput præterit, & se inuoluit laqueo Satanae.

34 De huiusmodi votis, quæ partim superstitiosa, partim impia, partim vana sunt, tenendum est dictum: In malis promissis rescinde fidem. In turpi voto muta decretum. Quod incaute vouisti, ne facias. Impia est enim promissio, quæ cum scelere adimpleretur.

35 Sicut enim recte rescinditur, quod incaute & temerario impetu iuratum est: ita votum temerarium non est seruandum. Nam qui, rectius edoctus, præstat quod incircumspecte promissit, duplicat peccatum.

36 Quare exemplum Davidis imitari par est, qui votum suum, inconsiderate factum, infregit. Votum autem hoc erat: Vere, inquit, frustra seruaui omnia quæ huius erant in deserto. Hæc ergo faciat Dominus inimicis David, & hæc addat, si relinquerò, de omnibus quæ ad Nabal pertinent, usque ad mane mingentem ad parietem. Verum hoc votum non implet, sed infregit, ductus poenitentia temeritatis. Ita enim ait: Benedictus Dominus Deus Israel, qui misit te hodie in occursum meum: & benedicta tu, quæ prohibuisti me, ne hodie irem ad sanguinem, ut vlciscerer me manu mea.

37 Potest igitur Monachus rectius edoctus, superstitionem, quam vouit, rescindere: imo nisi hoc faciat, maiorem damnationem sibi accersit. Nam hæc conditio (quod & Monachi ipsi testantur) intelligitur in omni voto: Hoc Deo promitto me facturum, si illi placet. Proinde Monachus intelligens votum suum displicere Deo, agat poenitentiam, & rescindat votum propter defectum conditionis implicitæ.

38 Similiter Monacha, quæ vel impulsu parentum, vel temeritate, vouit castitatem extra matrimonium, absoluitur a voto, propter defectum conditionis tacitæ. Nam & hæc inter condiciones generales nominat: Si potero.

Si itaque non poterit, victa carnis imbecillitate, quærat honestum coniugium, & non se cietur turpem cum Papistis libidinem.

39 Cum autem Scriptura dicit: Vouete, & reddite: intelligendum est dictum de votis pijs, quæ habent conditiones, quas ratio piorum votorum postulat.

40 Monachi, qui definiunt vota esse opera supererogationis, & nugantur factum cum voto magis meritorium esse, quam sine voto factum, deplorandi sunt potius quam refutandi. Aperte enim sanguinem Christi conculcant.

41 Manifesta siquidem impietas est, quod doceant, voto religionis solui matrimonium. Nam hoc perinde est, ac si dicerent, opera Diaboli esse operibus & ordinationibus Dei præferenda. Quis quæso potest hanc blasphemiam audire?

42 Quare, ut Papistas relinquendos iudico, cum suis impuris votis: ita statuo, fidelibus sufficere illud solenne votum, quod vouerunt in Baptismo.

43 Verum, si contigerit aliquando, priuatæ disciplinæ causa, aliquid vouere: fiat votum cum conditione, nec promittatur in perpetuum: ne nobis laqueus temeritate nostra iniiciamus. Ut, Si honestus adolescens, quo expellat torporem voto se astringat ad certas horas & lectiones: certum voti tempus præfiniat, & claudat votum iustis conditionibus.

B L A S P H E M I A.

1 **D** V P L E X peccatum committitur aduersus Euangelium. Vnum, est contemptus Euangelij, videlicet, cum quis, vel recusat audire & discere Euangelium, vel alioqui segnescit & non facit quotidianos progressus in fide & obedientia Euangelij. Alterum, est abnegatio Euangelij, videlicet, cum quis veritatis Euangelij,

gelij, quam antea complexus erat, & de qua erat certus, confessionem abiicit.

2 Vtrumque damnatur voce Euangelij: Qui non credit in Filium, ira Dei manet super eum. *Αἰτιδι*, enim vtrumque significat, videlicet, non credere, Et se alicui contumaciter opponere.

3 Sub posterioris rationem venit Blasphemia in Spiritum sanctum, quam Christus, Ioannes, & Epistola ad Hebr. irremissibilem esse pronunciant, non quidem substantia sua. Nam gratia superat peccatum, sed circumstantia certa.

4 Definitio huius Blasphemiae, quam Scriptura etiam peccatum in Spiritum sanctum vocat, & peccatum ad mortem, ex collatione Scripturarum inquirenda est & statuenda: vt nullus conscientijs relinquatur dubitandi locus.

5 Cum animum per Scripturas circumfero, quinque se mihi offerunt excutienda, quae ad huius peccati plenam rationem explicandam, pertinere videntur.

6 Primum, occurrit dictum Ioannis, 1. Ioan. 5. Omnis *ἁμαρτία* peccatum est, sed non ad mortem. Hic Ioannes distinguit peccatum ad mortem, quod alias dicitur peccatum in Spiritum sanctum, a transgressionibus Legis diuinæ, siue sint voluntariæ, siue inuoluntariæ, siue multæ, siue plurimæ. Dicit enim distributivè: Omnis *ἁμαρτία*, id est, quælibet Legis transgressio est peccatum, sed non ad mortem.

7 Hinc concludo, peccatum in Spiritum sanctum non esse Legis moralis transgressionem ullam, nec vniuersalem, nec particularem. Atque hæc conclusio in primis tenenda est contra multorum errorem, veterum & recentium Scriptorum, qui multis præbet occasionem desperationis.

8 Secundo, occurrit dictum Domini Matth. 12. Mar. 3. Luc. 12. Dominus enim, in istis locis, obiicit blasphemiam in Spiritum sanctum Iudæis, qui non solum Chri-

stum & eius Euangelium aspernabantur, freti proprijs iustitijs & sacrificijs legalibus: verumetiam dicebant Christum eijcere Dæmonia per Beelzebub, principem Dæmoniorum, & habere spiritum impurum.

9 Hinc concluditur, quod materia seu generica differentia peccati in Spiritum sanctum, sit abnegare Christum & eius sanctum Euangelium ascribere spiritui Satanæ opus, quod est Spiritus sancti proprium: & fidere propriæ iustitiæ, dignitati, sacrificijsque legalibus.

10 Tertio, occurrit Paulus, qui fatetur se blasphemum fuisse in Christum, persecutorem, & violentum: ut qui summa tyrannide & iniuria, oppresserit Christum in suis membris, Vnde a Domino illi obiectum est: Saule, Saule, cur me persequeris? Hac confessione, Paulus complectitur omnia vitia, quæ Christus obiecit Pharisæis.

11 Tribuit enim Paulus opera Christi Diabolo, quod est vere blasphemum esse in Christum. Nam detrahit Christo laudem veritatis, negat eius diuinam potentiam. Qua ratione nomen Christi inter homines supra modum lasit. Præterea plus quam alij Pharisei omnes, persecutus est Christum in suis membris, zelo legis Mosaicæ.

12 Etsi autem Paulus blasphemus fuit in Christum, & Euangelij ipsius persecutor violentus: tamen se consecutum esse misericordiam dicit, quod ignorans hoc fecerit in incredulitate.

13 Significat igitur Paulus, duplicem esse blasphemiam & persecutionem Christi, atque eius sancti Euangelij: quarum vnâ, quæ ex ignorantia proficiscitur, non esse peccatum in Spiritum, clare indicat.

14 Atque ideo ipse Dominus apud Matth. ait: Quisquis locutus fuerit aduersus Filium hominis, remittetur ei: intelligens eum, qui ex ignorantia hoc facit, & postea melius edoctus resipiscit.

15 Quarto,

15 Quarto, occurrit Domini dictum. Matth. 12. Quisquis autem locutus fuerit aduersus Spiritum sanctum, non remittetur ei, neque in hoc seculo neque in futuro.

16 Quomodo autem hoc Domini dictum accipiendum sit, epistola ad Heb. cap. 6. hisce verbis exponit: Impossibile est eos, qui semel fuerunt illuminati, gustaueruntque donum coeleste, & participes facti fuerunt Spiritus sancti, gustaueruntque bonum Dei verbum, & virtutes seculi futuri, si prolabantur, vt denuo renouentur per poenitentiam, rursus sibi crucifigentes filium Dei, & ludibrio habentes.

17 Hoc dictum collatum cum verbis Domini, differentiam specificam peccati in Spiritum sanctum, suppeditabit: & rationem docebit, cur hoc peccatum dicatur precipue contra Spiritum sanctum.

18 Differentia specifica est, a Christo vere agnito, & ab Euangelio, per Spiritum sanctum illuminantem corda, cognito, deficere: Christum negare: eum persequi, & contumelia afficere, sprete ipsius victima.

19 Est ergo ratio appellationis, quod tales, scientes & volentes expellant Spiritum sanctum de cordibus suis: reijciunt eius testimonium, per quem veritas Euangelij in eorum cordibus obsignata erat.

20 Quinto, cum Epistola ad Hebraeos ait: non est alia hostia reliqua pro peccato, circumstantiam, cur hoc peccatum dicatur irremissibile, ponit.

21 Quomodo enim is peccator per poenitentiam renouari poterit, qui poenitentiae fundamentum abiecit, videlicet Christum ipsum? Renouatio enim fieri non potest, nisi per fidem in Iesum Christum.

22 Deinde peccator, qui per Christi hostiam saluari non vult, vbi inueniet aliam hostiam per quam saluabitur? Non enim est alia hostia pro peccato, quam Christi sola.

23 Putabant Pharisei se, suis sacrificijs, posse abolere

peccatum, & sine hostia Christi, se remissionem peccatorum posse consequi. Quod Paulus, consentiente tota Scriptura, dicit esse impossibile.

24 Dicitur proinde hoc peccatum irremissibile, non quod sit potentius, aut maius, quam gratia. Nam certissima est hæc Pauli regula; Gratia superat peccatum. Sed quia non est alia, quam sola Christi, victima pro peccato, quam illi finaliter reiecerunt.

25 Ex his iam concludamus plenam definitionem huius peccati, quod vocant blasphemiam, seu peccatum in Spiritum sanctum.

26 Peccatum in Spiritum sanctum est voluntaria rebellio, aduersus Christum, recte agnitus: defectio ab Euangelio, in corde hominis, per Spiritum sanctum illuminantem, obsignato: persecutio Ecclesiæ, cum fiducia propriæ iustitiæ aut dignitatis, sprete & abiecta finaliter Christi hostia, quæ sola peccati expiatrix existit.

27 Non igitur mirum est Dominum dixisse: Omnia peccata, quæ peccauerint homines, remittentur eis. Sed blasphemia Spiritus, non remittetur eis, nec in præsentem, nec in futuro seculo.

28 Hinc petenda est declaratio dicti ad Heb. Voluntarie peccantibus, post acceptam notitiam veritatis, non relinquitur pro peccato hostia.

29 Nam voluntarie peccantes vocat eos, qui renunciant Christo, quem agnouerunt, atq. eius hostiam abiiciunt, & ludibrio exponunt, vt Iulianus, &c.

30 Nequaquam igitur dictum Apostoli patrocinator Donatistis, qui lapsis negant veniam. Nam inter lapsum in moribus, & lapsum renunciantium Christo vere agnito, eiusque sancto Euangelio, maximum est discrimen.

31 Etiam autem horrendissima peccata, siue ex ignorantia, siue ex infirmitate, siue ex malitia, commissa contra præcepta Decalogi, digna sunt æterna morte: tamen poenitentibus remittuntur. Cuius rei illustra habemus in

in Scripturis testimonia, vt Manassis, Dauidis, & multorum aliorum.

32 Perperam igitur faciunt Donatistæ, qui vnâ vocationem, Voluntarie, vrgent, non solum contra tam clara testimonia, verumetiam contra *scripturas* loci, & Apostolice sententiam.

33 Quanquam autem particulares lapsus, vt ostendimus, non sunt peccatum in Spiritum sanctum: tamen cum sæpe contra conscientiam perpetrantur, merentur desertionem, atque ita homines præparant ad blasphemiam in Spiritum sanctum.

34 Quare magno studio cauendi sunt lapsus voluntarij, & iterationes peccatorum, quæ fiunt vincula, quibus ligantur homines sub peccati imperio, & Diaboli tyrannide, vt postea, cum velint, non possint eluctari.

35 Huc illud Gregorij: Cum culpa in usum venerit, etiam volens animus, vix resistet: quia quot vicibus prauæ frequentationis astringitur, quasi tot vinculis alligatur.

36 Verissimum enim est quod dicit Augustinus: Consuetudine vitia roborata difficulter vincuntur. Item, Consuetudine nimia, peccatum fit quasi naturale. Nam dum consuetudini non resistitur, fit necessitas.

37 Eadem siquid ratio est morbi animi, & morbi corporis: vt de vtroque recte videatur dixisse Poeta: — ferro medicina paratur, Cum mala per longas conualuere moras.

LIBERVM AR- bitrium.



VLT multi disputant de libero arbitrio, & se pluribus quæstionibus inuoluunt sine fructu: cum tamen res per se facilis sit, modo Scripturam sequi velimus.

Scriptura enim manifeste tribuit volûtati

libertatem eligendi. Proposui, inquit, vobis vitam & mortem, benedictionem & maledictionem: elige ergo vitam, vt & tu viuas, & semen tuum. Et Christus dicit: Volui te congregare, & tu noluisti.

3 Cum hoc dicimus, non conuellimus eorum sententiam, qui vel defendunt Liberum arbitrium, vel statuunt Seruum arbitrium, oppugnantes Liberum arbitrium. Nam horum sententiæ simul stare possunt, modo recte disceruantur.

4 Ordiamur ergo a definitione. Liberum arbitrium est voluntatis libertas, ad hoc vel illud inclinandæ, pro arbitrio.

5 Arbitrium autem, est iudicium, quod a ratione, tanquam arbitro, statuitur. Si ergo, arbiter, ratio, recte iudicat: recte eligit voluntas. Si male iudicat, vel corruptus est: male eligit voluntas.

6 Verum, ne hic vlllo errore implicemur, discernemus primum, inter arbitrium rectum, & prauum: deinde, inter *πρωτης*, & executionem.

7 Ante regenerationem & illuminationem mentis per Verbum & Spiritum sanctum, arbitrium, quantum ad spirituales res, quæ sunt salutis, attinet, plane est prauum, quod Scriptura multis locis docet.

8 Vt in illo: Prauum est cor hominis ab initio, scilicet, statim post lapsum primorum Parentum, & Paulus post Dauidem, dicit, non esse, quemquam, qui intelligat. Quid multis? Homo sequitur *φρονημα* carnis, ante illuminationem: & illud *φρονημα* est inimicitia coram Deo.

9 Hinc est, quod homo sponte seruit prauis cupiditatibus, & libere eligit noxia, pro arbitrio, siue errante siue corrupto.

10 Hoc vtrunque hac imagine pingi potest. Vt meretrix, pro arbitrio suo, minime coacta, suis amatoribus se prostituit, qua in re misere & perdit se, etsi volens & libens hoc faciat, ita voluntas, peccati concupiscens misere se submittit illis, volens & non coacta, seruans

seruiens ad omnem turpitudinem perpetranda.

11 Hinc est, quod Lutherus, Seruum arbitriū statuat, hoc est, seruitutem voluntatis pro arbitrio prauo. Qui facit, ait Dominus, peccatum, seruus est peccati.

12 Cum autem Lutherus seruum arbitrium defendit, non tollit Liberum arbitrium, quatenus liberum, coactio opponitur: quod nemo potest facere, nisi simul opus Dei destruat, hoc est voluntatem in homine esse neget. Voluntas enim non fert necessitatem coactionis: sed quatenus liberum, seruo opponitur. Sponte enim homo seruit peccato ante regenerationem.

13 Cur autem Lutherus sic docuerit, habuit causas grauissimas. Antagonistæ Lutheri, non solum, de arbitrio differentes, errabant, cum ex Aristotele dicant: Ratio deprecatur ad optima: verumetiam, executionem cum electione, non sine magno errore, confundebant.

14 Voluit ergo Lutherus docere: & arbitrium prauū esse ante regenerationem, & voluntatem se sponte illi submittere, seruireque prauis desiderijs, & executionem, a iudicio & electione distinguendam esse.

15 Porro, postquam hominis mens est illuminata verbo Dei, & homo Spiritus sancti gratia, per Spiritum sanctum regeneratus est: nouum fit arbitrium, hoc est, nouum, a ratione recte docta & reformata manu Dei, tanquam arbitro, iudicium statuitur, hoc est, rectum, iuxta normam voluntatis Dei.

16 Cum pro hoc arbitrio nouo & recto, voluntas eligit vitam, & mortem auersatur, eligit benedictionem & recusat maledictionem: non amplius seruit peccato, sed iustitiæ, in qua re summa est libertas.

17 Hinc est quod quidam tribuant homini renato liberum arbitrium, quo videlicet, voluntas libere, pro arbitrio recto, voluntati Dei se submittit, eique seruit. Deo enim seruire summa est libertas.

18 Sed semper tenendum est, quod Lutherus propter causas supra enumeratas, Liberum opponit, Seruo, &

non coacto, quemadmodum illi, qui libertatem voluntatis defendunt.

19. Cæterum exacte hic distinguendum est, inter *λογισμὸν* seu electionem, & executionem.

20. *λογισμὸς* enim voluntatis est facultas, qua quod placet, eligit, & quod displicet, respuit. Executio est virium, quibus opus imperatum a voluntate, perficitur, vel non perficitur.

21. Inclusus in carcerem habet *λογισμὸν*, qua vult & eligit liberationem, & qua respuit captiuitatem: vires tamen, quibus exequatur non habet. Aegrotus vult & eligit liberrime sanitatem, & respuit liberrime morbum: sed executio extra electionem posita est.

22. Paulus habet arbitrium rectum, & libertatem voluntatis pro arbitrio, hoc est, habet *λογισμὸν* boni: sed corpus mortis huius est illi impedimento: ne perficiat bonum quod velit.

23. Nam cum ait: Non, quod volo, hoc ago: sed quod odi, hoc facio, His verbis significat, & arbitrium suum rectum esse, & voluntatem liberam: sed executionem impediri.

24. Pij ergo, intelligentes virium præstandi imbecillitatem, ad Deum confugiant, ipsum orent, vt aliquid ipsi gratum faciant.

C O N S C I E N T I A.



MIRANDVM sane opificium Dei in hominibus est conscientia, quam quisque secū circumferens, testē & iudicem suorū factorum præsentem habet. Vnde prouerbialis ille sermo natus est: Conscientia mille testes.

2. De hoc opificio Dei Paulus Rom. 2. in hunc modum scribit: Ostendunt Gentes opus Legis scriptum in cordibus suis, contestante eorum conscientia, & intra se rationibus excusantibus aut etiam accusantibus.

3 In

3 In hoc Pauli dicto quatuor veniunt perpendenda, quæ faciunt ad intelligendum hoc Dei opificium, de quo agimus. Primum enim, cum dicit: Opus Legis scriptum in cordibus Gentium, significat discrimen honestorum & turpium, natura notum esse. Deinde, cum addit, Gentes hoc ipsum opus ostendere, ad experientiam prouocat. Dum enim gentes religiones instituunt, dum puniunt turpia & iniusta racta, vt Deum colendum esse testantur: ita honestatem & iustitiam expetendam esse indicant, ad quæ tanquam ad prima capita, tota Lex Dei reuocatur. Tertio, cum addit: Vna testante eorum conscientia, coram interno testimonio conscientia Gentēs sistit. Quarto, cum inquit: Et inter se rationibus accusantibus aut excusantibus, qualisnam testis sit conscientia definitur. Nam cum dicit: Gentes rationibus se nunc excusare, nunc accusare, aperte significat, conscientiam, naturalem quandam esse Legis intelligentiam, qua, vt honesta facta excusantur & probantur: ita turpia accusantur & improbantur.

4 Cum hac definitione conuenit & poetæ descriptio: Conscia mens vt cuique sua est, ita concipit intra Pectora, pro meritis, spemque metumque, suis.

5 Verum, vt hoc opus diuinum cogitetur cum maiori admiratione, in gloriam Opificis: subtilius, quæ ad huius opificij fabricam pertinere videbuntur, inquiram.

6 Omnium primum hoc tenendum est, quod sedes conscientia sit in præcipua parte hominis, videlicet, in mente ipsa, in qua tres facultates sunt, veluti huius diuini opificij partes.

7 In mente, quæ sedes est conscientia, est primum intelligentia, quam Philosophi vocant contemplantem, a proprio eius officio. Nam in contemplatione occupatur, ac scientiarum omnium principia scrutatur.

8 In hac ergo intelligentia contemplante collocatur *origines* ea, quæ propositiones, hoc est, Maiores, in syllogismis practicis suppeditat, & a Paulo *ius* appellatur.

9 Nam cum hæc synteresis sit custos & conservatrix noticiarum, quæ nobis innatæ sunt, de honestis expetendis & turpibus fugiendis: attendit semper quid expediat. Atque hanc ob causam suppeditare syllogismis practicis propositiones dicitur, quales sunt hæc: Honesta expetenda sunt: Turpia vitanda.

10 Deinde, in mente est intelligentia practica, quæ in actione posita est. In hac parte mentis conscientia collocatur. Atque hæc, assumptiones servientes syllogismis practicis, pro actionum differentia, promit.

11 Adhæc, in mente est facultas iudicatrix de facto, hoc est, τὸ κριτικόν. Hæc facultas de præmio & poena factorum pronunciat, iuxta honeste secus factorum gradus.

12 Syllogismus ita constructus vocatur practicus, propterea quod de actione instituitur, & de actionis præmio & poena iudicat. Hic syllogismus, interdum partis nomen sibi usurpat, & dicitur conscientia.

13 Hunc syllogismum practicum, diuino ordine sequitur aut lætitia, aut trepidatio in corde, pro actionum varietate. Huic affectui haud raro etiam tribuitur conscientie nomen. Non enim inusitatum est, idem nomen toti & partibus tribui.

14 Συρτήριος intelligentiæ in Hectore contemplantis, hanc suppeditat propositionem: Honesta sunt facienda, eaque quæ laude digna sunt. Conscientia, quæ proprie est mentis practice, hanc ponit assumptionem: Defendere patriam, & pro ea fortiter mori (ut ego decreui) est & honestum, & laude dignum, τὸ κριτικόν conclusionem infert: Ergo defendere patriam & pro ea fortiter pugnare, est honestum & laude dignum. Hunc syllogismum in mente Hectoris secuta est lætitia, qua magis animatus est.

15 In Oedipo συρτήριος suppeditat hanc propositionem: Turpissima facta, maxima sunt digna poena. Conscientia apponit assumptionem. Incestus cum propria matre concubitus, est turpissimus. Τὸ κριτικόν concludit:

Igitur

Igitur incestus cum propria matre concubitus, est poena maxima dignus. Hunc syllogismum practicum in mente Oedipi tantus secutus est cruciatus, quod pudore suffectus, ob sceleris turpitudinem, ipse sibi oculos eruerit, ne Solem aspiceret, dixeritque vicinis: Discedite a me, ne ymbra bonis noceat. Huc Oedipum potentem regem, adegit conscientia sola: qui antea Sacerdotem Tyresiam recte admonentem, superbissime contempsit. Esti satis animose, ab eo vicissim contemptus est.

16 Haftenus ex media Philosophia desumimus descriptionem conscientiae: quam descriptionem mens sana in omnibus hominibus, absque controuersia approbat. Nunc autem aliquid adiiciamus, quod ignotum est Philosophiae, & sine quo doctrina de conscientia est imperfecta, & plane desperationis plena.

17 Regula triplex in mente centemplante consideranda est: Vna, Naturalis: Legalis, altera: Tertia, Evangelica. De naturali regula, quam cum Philosophis *syntetica* appellamus, iam dictum est, quare de reliquis duabus est dicendum.

18 Legalem appello regulam, quam lex Dei suppeditat, quoties Deus vel mandat aliquid fieri, vel prohibet, sine id fiat catholice, siue personaliter.

19 Deus mandat Sauli, vt aboleat Amalech cum omnibus suis, vt nihil prorsus de anathemate reseruetur. Hoc mandatum regula erat, suppeditans Sauli maiorem syllogismi practici, ex qua regula, obiurgatus tandem a Samuele, hoc modo ratiocinatur: Mandato Dei inobediens iuste punitur. Ego Saul mandato Dei non obediui, Ergo, iuste punior. Hunc practicum syllogismum in Saule, desperatio consecuta est: vt in Cain, Iuda, & multis alijs.

20 In hoc syllogismo, vox Dei est loco *synteticae*, quae Maiorem constituit: subsumit conscientia Minorem: *syntetica* pronunciat sententiam, quam sequitur poena.

21 Tertia regula est ignota rationi ac Legi, & est vox Euangelij, quæ poenitentiam prædicat, & poenitentibus offert remissionem peccatorum, iuxta illud: Conuerimini, & propitius ero iniquitati vestræ. Et Dominus: Nisi poenitentiam egeritis, omnes similiter peribitis. Ex quo sequitur, non perituros, quotquot egerint poenitentiam.

22 Ex hac regula Dauid hunc syllogismum extruxit: Deus promittit veniam peccatoribus, qui poenitentiam egerint. Ego reus homicidij & adulterij, poenitentiam ago, & confugio serio ad misericordiam. Igitur Deus condonat mihi grauissimum peccatum, quo illum offendi. Hunc syllogismum in corde Dauidis consolatio vera secuta est, & lætitia in Deo, qui peccatum iuxta promissionem remisit. In coniectione Nathan cernitur vnus syllogismus, ex regula Legis: alter, ex regula Euangelij. Vtriusque affectus in corde Dauidis sentitur: quod & voce declarat.

23 Ad eundem modum Manasse, Latro in cruce, Petrus, Paulus, & alij, conscientia scelerum prostrati, contra Legis damnatoriam sententiam Euangelij promissione se erexerunt.

24 Cæterum, ne quis hanc Euangelicam regulam male applicet, sciendum est, quibus veluti fulcris nitatur, ne quis seipsum fallat, & abutatur Euangelij regula in propriam perniciem.

25 Quicunque proinde hac Euangelij regula recte vti velit, hæc quatuor absque hypoëtrisi in se sentiat. Primum est fiducia Christi, qua statuitur esse remissum peccatum, iuxta illud: Beati omnes qui confidunt in eo. Secundum, est pium & sanctum propositum, quo abijcitur propositum peccandi. Qui enim propositum habet peccandi aliquando spiritum Christi non habet: quare nec fidem viam, qualem requirit Euangelium, habere potest. Tertium, est singulare desiderium totam suam vitam Deo approbandi. Huc enim desiderium, veluti flamma quædam ardentis in corde fidei est. Quartum, est sancta cura muneris

muneris sibi de mandati. Qui enim officium negligit, infideli (teste Paulo) est deterior.

26 His quatuor veluti fulcris, conscientia mundata a mortuis operibus per sanguinem Christi, ædificatur, fouetur, conseruatur, comprobatur.

27 Differentiæ conscientiæ, quibus alia dicitur bona, alia mala, ab effectu syllogismi practici sumuntur, hoc est, a sensu iudicii Dei in hominibus, qui sane sensus, haud obscurum iudicium est futuri iudicii. Bona conscientia est, ex honeste actæ vitæ recordatione, lætitia, seu remissi peccati fiducia. In hac duorum affectuum *συζυγία* est, videlicet lætitiæ & spei. Mala conscientia est, ex turpiter actæ vitæ recordatione, trepidatio ac pavor. In hac est etiam duorum affectuum *συζυγία*, videlicet, ægritudinis & metus.

28 Bona conscientia, thesaurus est omnium optimus & preciosissimus, vnde Ausonius: Quænam summa boni: Mens quæ sibi conscia recti. Hanc Plato bonam nutricem senectutis nominat.

29 Mala conscientia, res omnium tristissima est. Quid enim tristius esse potest, quam nocte dieque suum gestare in pectore testem?

30 Cæterum hoc loco nõ inutile fuerit, cum bonæ tñ malæ conscientiæ discrimina recitare, quæ notat Bernardus. Sæpe enim fit, vt vis conscientiæ, non, vt deceret, sentiatur.

31 Conscientia (inquit) alia bona & tranquilla: alia bona & turbata: alia mala & tranquilla: alia mala & turbata.

32 Bona & tranquilla conscientia est, quæ statuit remissum peccatum, & sentit testimonium intus in corde. Bona, sed turbata est, cum homo quidem statuit peccatum remissum, sed vehementius carnis importunitate sollicitatur, vt haud raro videatur succumbere.

33 Mala & tranquilla est qua nihil peius, nihil infelicius. Hæc est, cum homo adeo est immerfus in profundū

peccati, vt de resipiscencia non cogitet: sed tanquam cæcus de vno scelere in aliud feratur. Hanc Paulus cauterio resectam dicit, vnde fit vt non sentiatur, præsertim cum res omnes ex voto succedunt. Significat igitur Paulus quorundam hominum conscientiam ita obduruisse vt callum obduxerit: deinde cancrum illam inuasisse: postremo cauterio amputatam, vt iam plane absque omni sensu esse videatur. Homines qui huiusmodi conscientiam habent, Paulus Epes. 4. vocat ἀναισθητός, vt qui omne συντηρητικὸν iudicium amiserint, & quorum mens reprobata sit facta: quæ mens reprobata Rom. 1. inter pœnas contemti Dei numeratur. Est autem mens reprobata, quæ probat improbanda, & improbat probanda, qualis est hodie in præcipuis mundi hominibus.

34 Mala & turbata conscientia, est qua sentitur peccati grauitas, quaque homo premitur tanquam monte quodam imposito, vt eluctari non possit. Huiusmodi fuit conscientia Cain, Iudæ, Achitophel: & talis fit omnium in hora mortis, qui in hac vita sine pœnitentia vixerint, nisi forte admodum pauci, veluti crura e faucibus lupi eripiantur.

35 Hoc testatus Plato est, etsi Ethnicus, ignarus verbi Dei. Ita enim in primo de republica ait: Quando aliquis vicinus mori videtur, innadit ipsum subito metus quidam, & cura eorum de quibus antea non cogitauit: & sermones qui feruntur de inferis, nempe quod illi quibic alios læserint, illic pœnas luere debeant. Hactenus quidem ridiculi & fabulosi sunt visi: at tunc torquent animum ægrotantis: atque ipse siue ex senectutis infirmitate, siue aliunde inferis vicinior, magis quæ illic aguntur considerat. Suspicionem itaque atque metu plenus, animo versat ac pensitat, si quem læserit: ac si deprehenderit se multa iniuste fecisse in vita ex somnis, tanquam pueri, crebro excitatus, metuit, ac mala cum spe viuit.

36 Verum ne quis desideret quicquam in nostra diuisione, addo & hanc sectionem, Quod conscientia alia sit bona,

Bona, sed falso, alia sit mala, itidem falso. Vtrumque contingit vbi erroneum statuitur principium. Monachus murmuratis suis preculis & celebrata missa, bonam conscientiam habet, sed falso bonam. Alter neglectis preculis & missa, torquetur mala conscientia, sed falso mala. Nam vterque ex malo principio suam conscientiam extruit:

VETVS ET NOVVS

homo.



VM Paulus Apostolus iubeat, vt deponamus veterem hominem & induamus nouum, modo salutis per Christum partem consortes esse velimus: opera precium est diligenter inquirere, quisnam sit ille vetus homo, quem deponi, crucifigi & exui vult Apostolus: & quisnam sit ille nouus, quem in locum veteris succedere postulat.

2 Et si autem rem ipsam facile est ex. 4. cap. ad Eph. intelligere, vbi veterem hominem appellat veterem conuersationem secundum concupiscentias erroris: & Nouum qui secundum Deum creatus est in iustitia & sanctitate vera: tamen ratio appellationis in ista breuitate non satis perspicitur: quare ex alijs Scripturae locis declaratio petenda est.

3 Imprimis autem hoc constat, quod Metonymia Hebraica, nomina substantiarum & subiectorum sapissime pro adjunctis, hoc est, pro qualitatibus in subiectis haerentibus, & pro actionibus qualitatibus ponantur. Id autem fieri in oratione Paulina, vel ex eo manifestum est, quod in eodem subiecto haud raro vetus homo & nouus opponantur. 1. Cor. 15. opponitur terrenus homo & coelestis: vbi nequaquam substantiarum diuersitas, sed qualitatum & actionum notatur differentia.

4 Nemini ergo dubium esse debet, quin hominis appellatione significetur qualitas, & ex qualitate manas actio:

5 Epitheta, veteris & noui, & caussarum respectum indicant, & imitationem seu diuersa studia significant.

6 Nam cum Apostolus veterem hominem a nouo discernit, ad causas huius differentiae respicit. Causa veteris hominis, est primus homo, de terra terrenus: ideoque vetus. Causa noui hominis, est secundus homo, de coelo coelestis: ideoque merito nouus dicitur. 1. Cor. 15.

7 Deinde significatur his epithetis imitatio seu studium, vt vetus sit, quatenus imitatur primum hominem post lapsum; nouus vero quatenus hominem secundum exprimit.

8 Atque hoc est quod Apostolus ait: Qualis terrenus ille, tales & qui terreni sunt: & qualis ille coelestis, tales & qui coelestes sunt, & sicut gestauimus imaginem terreni, gestabimus etiam imaginem coelestis.

9 Est & hoc obseruandum, quod vetus homo & nouus alias opponuntur in diuersis subiectis, alias in iisdem: pro qua diuersitate, modus significandi non parum variat.

10 Cum opponuntur in diuersis subiectis, tunc vt vetus homo vniuersam hominis naturam complectitur, sicuti homo in iniquitate conceptus est, & in hanc lucem editus: ita nouus homo significat regeneratum per fidem, quia homo per fidem Filius Dei nascitur. Ioan. 1. Proinde hac comparatione vetus homo est *ψυχικός* homo, hoc est, non renatus, expers fidei & regnique Christi. Contra vero, nouus homo est qui credit in Christum. Fides ergo hoc pacto separat nouum hominem a veteri.

11 Opponuntur & vetus homo & nouus in iisdem subiectis, qua ratione vetus homo dicitur, quicquid erroris & vitij remanet in regeneratis, quod carnis nomine apud Paulum designatur. Contra, nouus homo, noua iustificationum qualitas est, & motus & actio proficiens ex fide & congruens cum Lege Dei: & dicitur Spiritus a causa & autore. Vt igitur prior comparatio a causis; ita secunda ab effectis, petitur.

12 Vbicunque igitur Spiritus concupiscit & militat aduersus carnem, & caro aduersus spiritum: illic & verus homo, & nouus, vna sunt, sed dispari ratione. Nam donec imperium manet penes spiritum, & caro reprimitur, crucifigitur, mortificatur, vere nouus homo adesse putandus est. Verū cum imperium plenū relinquatur carni, adeo vt homo secundum carnem viuat: nouus homo exulat, & homo sub ira Dei manet. Hoc confirmatur Pauli dicto: Si secundum carnem vixeritis, moriemini. At si Spiritu, actiones corporis mortificaueritis, viuetis. Huius dicti rationem subiicit. Quotquot Spiritu Dei ducuntur, hi sunt Filij Dei.

13 Hactenus in genere ostendimus causas appellationum veteris & noui hominis: differentias monstrauimus, & alterum ab altero cū in diuersis subiectis, tum in iisdem distinximus. Nunc quo melius cognoscatur vterque, hoc est, verus & nouus homo, veluti *ἀντομὴν* quandam vtriusque iustitiam.

14 In veteri igitur homine consideremus. Primum, corpus ipsum. Deinde corporis membra. Præterea, effecta seu opera veteris hominis.

15 Corpus veteris hominis nunc a Paulo corpus peccati, nunc peccatum ipsum dicitur: & est vniuersa natura vitiosa & deprauata. Hoc corpus circumfert secum omnis qui natus est iuxta communem naturæ cursum, ex seminis maris & foeminæ commixtione: nec plene mortificari potest, priusquam hoc mortale nostrum corpus ab anima relictum fuerit.

16 Membra veteris hominis sunt, facultates tum animi, tum corporis, quæ se peccato sistunt ad obediendum ei in desiderijs ipsius. Animi quidem: iuxta Pauli enumerationem, Mens, *διάνοια*, cor: corporis vero, vires corporis, & sensus omnes externi.

17 Mens, id est, τὸ νῦν λογικόν, adeo celebratum a Philosophis est ea facultas, qua homo lumine rationis cernit & iudicat honesta & inhonesta: quam Paulus in

non renatis vanam esse pronunciat.

18 Δύσκολα est facultas illa, per quam ratiocinamur & colligimus aliquid ex ijs, quæ mens sine ratione quiete cernit. Verum hanc in homine veteri excæcatam pronunciat Apostolus.

19 Cor complectitur affectus, voluntatem, concupiscentias. Hoc Paulus obduratum esse affirmat, adeo vt Deo non cedat, nec afficiatur vllis rebus diuinis.

20 Præter has internas facultates seu membra veteris hominis sunt παθήματα τῷ ἁμαρτιῷ. vt Paulus appellat, quæ existunt in membris nostris per Legem, antequam veniamus in communionē gratiæ. Neque tamen Lex hæc affectionum effectrix est per se, sed tantū κατ' ἀφορμὴν, vt Paulus sese interpretatur.

21 Est igitur mens in non renatis, primum veteris hominis membrum, & veluti primus peccati, id est, naturæ nostræ corruptionis administer, cui famulatur intelligentia, ad suggerendum cordi prauos motus. Hi postquam commouerint voluntatem, nascuntur ἐκδυσμίας. Tum verò corpus, ab animo impulsus, huc & illud transuersum rapitur: omnes sensus, adeoque omnia corporis membra tyranni arbitrio se sistunt, ad perpetranda omnia, quæ imperat. Et cum voce Dei peccatum accusatur, eius παθήματα, inde occasione sumpta magis vigent in membris non renatorum.

22 Hinc fructus pessimus profertur, & varius, quemadmodū Paulus Galat. 5. testatur hisce verbis: Manifesta sunt opera carnis, quæ sunt, adulterium, scortatio, impuritas, proteruia, idololatria, veneficiurn, inimicitia, lis, æmulationes, ira, contentiones, dissidia, hæreses, inuidia, cædes, ebrietates, commestationes, & his similia: quæ prædico vobis, sicut prædixi, quod qui talia agunt, regni Dei hæredes non erunt.

23 Habemus quid sit vetus homo, Quæ eius mēbra, Quæ actiones, &, Quis exitus. Verum vt omnia in breviorē summam contraham, vetus homo est peccatum regnans

regnans in mortali nostro corpore, ita vt obediamus peccato in cupiditatibus corporis. Rom. 6.

24 In nouo homine spectentur, natiuitatis causse, modus, partes, noui hominis membra, actiones & signa testantia infallibiliter de hac noua natiuitate, ex quibus, quilibet scire potest, num sit nouus homo in Christo, necne.

25 In noui hominis natiuitate nihil crassum, nihil carnale cogitandum est. Est enim arcana quædam ac spiritualis natiuitas, cuius causse & cognoscendæ sunt, & accurate distinguendæ. Nam cum nunc a Deo nasci, nunc e Spiritu renasci, interdum per verbum, nonnunquam per fidem, rursus per lauacrum aquæ, interdum quoque per ministros Euangelij nasci dicimur: necessariū erit causas has accurate distinguere, ne confusio harum causarum errores pariat.

26 Hoc autem ante omnia tenendum est, quod sicut opus creationis hominis, est totius Trinitatis: ita & recreatio seu regeneratio hominis, Deum autorem habet. Nam hoc mirandum opus a nulla creatura fieri potest.

27 Vt ergo Deus Pater creauit hominem, & Deus Filius creauit hominem, & Deus Spiritus sanctus creauit hominem: ita Deus Pater, Filius, & Spiritus sanctus hominem peccato mortuum regenerant: sed seruata cuiusque personæ proprietate, hoc modo:

28 Vt Deus Pater creauit mundum, per Filium, in Spiritu sancto ita recte dicitur: Deus Pater per Filium, in Spiritu sancto regenerat hominem. Pater enim autor & fons est: Filius medium & meritum: Spiritus sanctus vim suam exerit in hominem, ac eum nouam creaturam efficit & conseruat. Verum quia Deus utitur ad hanc noui hominis regenerationem, sensibilibus instrumentis: sit vt hac natiuitas nunc verbo, nunc fidei, nunc Baptismo, nunc ministris Euangelij tribuatnr: sed diuersimode.

29 Vt Petrus Apostolus semen noui hominis nascendi, verbum Dei statuit: ita Ioannes per fidem nasci Filios.

Dei affirmat. Nam sicuti verbum promissionis est veluti semen Dei, ex quo Filij Dei nascuntur: ita fides, quæ est opus Spiritus sancti, recipit semen: quo recepto hæc diuina peragitur natiuitas. Huc illud: Dedit Deus hunc honorẽ, vt Filij Dei fiant, quotquot credũt in nomẽ eius.

30 Dignatur proinde adoptionis honorẽ Deus eos, qui in Filium credunt, sed quos suo Spiritu iam genuerat. Proinde, quod efficit Spiritus: hoc verbum offert, atque idem fides receptum declarat.

31 Quod autem natiuitas hic tribuatur nunc Baptismo, nunc ministris Euangelij, non pugnat cum superioribus. Vt enim Baptismo tribuitur, tanquam Sacramento: ita ministris Euangelij, tanquam cooperarijs Dei, non tanquam autoribus.

32 Cum autem huius nouæ natiuitatis modum ignoraret Nicodemus, Dominus eum hac similitudine docet. Ventus, inquit, quo vult spirat, & sonum eius audis, sed nescis vnde veniat, aut quo vadat: ita est omnis qui genitus est e Spiritu, hoc est, Quemadmodum ignoratur, vnde veniat, aut quo vadat, ventus, sed tamen eius sonus sentitur, dum spirat: ita modus regenerationis per Spiritum sanctum, est nobis reconditus: sed mox vbi regeneriti sumus, vis & effectus Spiritus sancti in rebus regeneritis, se profert. Nam huius Spiritus motus & status, in cordibus regeneritorum est fides qua sola iustificamur, Timor Dei. Ardens amor, &c.

33 Partes huius nouæ natiuitatis, seu noui hominis, sunt duæ, videlicet, Mortificatio, & Viuificatio: quæ quidem quotidianis incrementis opus habent, quo tandem perficiantur.

34 Vt mortificatio est communio & societas mortis Christi, cuius virtute, verus homo castigatur, crucifigitur, occiditur: ita viuificatio est communio & societas resurrectionis Christi, cuius virtute viuificamur, vt nouã vitã viuamus. Quod enim repugnamus peccato, virtute mortis Christi fit, & quod militamus iustitiæ, virtute resurrectionis

surrectionis Christi sit, quem possidemus fide, cum omnibus suis thesauris & beneficijs.

35 Membra huius noui hominis sunt: mens, sed reformata manu Dei, & noua luce perfusa: intelligentia verbum Dei tanquam regulam, sequens: affectus, sed purgati per Spiritum sanctum, ardentis timore Dei: & voluntas conuersa ad Deum, & concupiscentia Spiritus, quæ pugnat aduersus carnem.

36 Hinc etiam intelligi potest, qualesnam sint actiones noui hominis, seu Spiritus, qui testatur de nostra renascentia. Paulus autem, exempli gratia, has enumerat actiones Spiritus: Fructus Spiritus est charitas, gaudiū, pax, lenitas, benignitas, bonitas, fides, mansuetudo, temperantia. Aduersus eos qui sunt huiusmodi nō est Lex.

37 Porro, Signa testantia de hac spiritali natiuitate, vnumquemque Christianum tenere oportet: ne quis vel seipsum decipiat, vanitate: vel deiiciat, pusillanimitate. Sunt autem præcipua signa quinque.

38 Primum est, vera Christi cognitio: Hæc est, inquit Dominus, vita æterna, vt te cognoscant verum Deum, & Iesum esse Christum, quem misisti. Hæc cognitio in notitia & fiducia Christi est sita.

39 Secundum est, duci spiritu Christi, & non carnis impetu ferri. Ita enim inquit Paulus: Qui ducuntur spiritu Christi, hi sunt eius. Hic Spiritus vt est arrhabo hereditatis promissæ: ita missus est in corda nostra, vt nos ad precandum excitet.

40 Tertium assidua spiritus aduersus carnem lucta, & eiusdem spiritus victoria super carnem. Etsi autem hæc victoria difficulter acquiritur: tamen reuera parta est, quando peccatum in nobis non regnat, vt obediamus ei in cupiditatibus corporis.

41 Quartum est, patientia sub cruce, quæ spei, quæ cum fide coniuncta est, indiuidua comes existit.

42 Quintum, quotidie magis magisque abundare in cognitione & omni sensu. Philip. 1.

SPIRITVS ET litera.



QU¹ ex Pauli dicto: Litera occidit, Spiritus autem viuificat, Grammaticum Scripturæ sensum (quem literalem vocant) occidere, & allegoricum viuificare concludunt, perniciosissime errant.

2 Primum enim ista interpretatio contumelia Deum afficit, vt qui homines obscuris ænigmatibus, in certam ipsorum perniciem, illudat & decipiat.

3 Deinde, eadem omnem doctrinæ coelestis certitudinem euertit. Nam si Grammaticus sensus, quem verba recte intellecta suppeditant, est litera occidens: quæ quæso certitudo esse poterit, præsertim cum alij alias gignunt allegorias?

4 Idem error homines paulatim, a verbo nobis diminitus tradito, ad humana somnia abducit. Vnde fit vt doctrinæ Dæmoniorum & humanæ traditiones in locum coelestis doctrinæ, quæ sola salutaris est, succedant.

5 Breuiter, ista erronea sententia omnem salutis spem & omnem conscientiarum consolationem euertit. Quæ enim spes & quæ consolatio, ex eo verbo esse poterit, quod instar Protei, in mille allegoriarum formas se flectit?

6 Proinde sanis hominibus & pijs, dubium esse non potest, quin afflatu diabolico factum sit, vt genuinus verborum sensus, quem suppeditat grammatica, sit istis doctoribus litera occidens: & contra, somnium hominis sit allegoria, adeoque Spiritus viuificans.

7 Similis prorsus contumelia fuit antiqui Serpentis, qui primos nostros parentes, a sensu verbi Dei genuino, abduxit ad alias cogitationes pugnantes cum voluntate Dei in verbo reuelata. Nam cum Deus sua voce minatur mortem comedentibus de fructu verito, Satan contra dicit: Nequaquam morte moriemini, significans
verba

verba Dei non esse accipienda eo sensu, quem grammatica promebat, sed alio arcano & allegorico.

8 Proinde non minus quam vox Saranæ, qua Eva decepta est, detestandus est error Origenis, qui scripturam totam in allegorias transformat. Et probanda est Epiphaniij sententia, qui affirmat non omnia diuina verba allegorijs indigere, sed accipienda esse prout se habent, hoc est, eo sensu, quem voces recte intellectæ faciunt.

9 Abraham audit a Domino: Vade in locum quem monstraui tibi, atque ibi offer vnigenitum filium tuum Isaac, quem diligis, in holocaustum. Hic, si Abraham præterito grammatico sensu, confugisset ad allegorias, nequaquam filium Isaac, vinculis prius ligatum, mactare in holocaustum properasset.

10 Quapropter in mandatis diuinis, in ordinationibus, in promissionibus, & comminationibus omnibus modis querendus est, & retinendus genuinus verborum sensus: nisi forte ex grammatico sensu aliqua absurditas sequitur, aduersus articulos fidei. Tunc enim adhibenda est theoria, iuxta Epiphaniij consilium, quæ ex scopi consideratione, ex peristasi rerum, & ex collatione plurium sententiarum, eruit (seruata analogia fidei) verum verborum sensum.

11 Et si autem in veteri potissimum testamento, multa sunt typica & mystica: tamen genuinus verborum sensus primum tenendus est. Deinde symbolica ratio, potius quam allegoria, est spectanda: quæ tantisper probanda est, donec cum axiomatis primis Religionis consentiat.

12 Quantum autem ad allegorias attinet, seruari hanc regulam perutile fuerit. Allegoria nulla recipiatur, quantumuis speciosa fuerit, nisi quæ habeat faciem claram verbi diuini præeuntem.

13 Caterum, ne errore Papistico & nos inuoluamur, de Spiritu & Litera: primum quæramus, quid Litera, & quid Spiritus absolute sint. Deinde quid compa-

rate, videlicet, cum Litera tribuatur Legi, & Spiritus Euangelio, quatenus opponuntur.

14 Quid autem sint Spiritus & Litera absolute, ex sequentibus licet colligere testimonijs. Rom. 2. Non circumcisio carnis, circumcisio est: sed circumcisio cordis in Spiritu, & non in Litera. Circumcisio ergo cordis, est Spiritus: & circumcisio, quæ in carne tantum est, est litera. 2. Corinth. 3. opponitur spiritus Dei viui, tabulis lapideis.

15 Hinc primum firmissima demonstratione concludo, Literæ & Spiritus vocabula, nequaquam ad expositionem pertinere, vt volunt cum Origene Papistæ: sed potius ad vim quandam & fructum verbi in hominibus.

16 Hoc comprobatur & his Pauli verbis: Dum palā fit, vos esse epistolam Christi, inscriptam non atramento, sed spiritu Dei viui, non in tabulis lapideis, sed in tabulis cordis carneis.

17 Præterea antithesis literæ & Spiritus recte perpēsa, omnem dubitationem tollit. Nam certum est, literam & spiritum, vt contraria, ab Apostolo opponi. Si itaque constiterit, quid proprie alterutra harum vocum significet: mox ex collatione contrariorum, quid sibi velit reliqua, apparebit.

18 Cum igitur Paulus ipse Spiritui, in corde locum tribuit, atque eum definit esse viuum sensum, & scripturam Spiritus sancti, viuificantis corda hominum: sequitur literam esse quiddam expers viui sensus Spiritus in corde.

19 Proinde vt spiritus est, quod Spiritu Dei viuentis, in cordibus nostris inscriptum est: ita litera erit quicquid legitur, intelligitur, cogitatur, & fit, quantumlibet spirituale sit, cum animo nostro non inhaeret & viuit per Spiritum.

20 Quantum itaq. ad rem attinet, quæ proponitur, intelligitur, cogitatur, non est differentia, inter Literam & Spiritum: sed quoad animi affectus. Si enim animus
spiritu

spiritu Dei viuificantis excitatur ad pios & sanctos motus & actiones: Spiritus est. Sin minus, litera est inefficax ad vitam infundendam, & satis potens ad occidendum; non quidem verbi vitio, sed hominis culpa.

31 Paulus vult hominem abundare in cognitione & sensu simul. Nam cognitio omnis, siue sit Legis, siue Evangelij, siue sensu, litera est occidens. Contra autem, cum sensus viuus in corde accedit, Spiritus est viuificans, & non amplius litera occidens.

32 Legis proinde cognitio, & opus Legis, si spiritu Dei intus viuificante corda destituitur, litera est occidens, vt in Paulo cernimus nondum conuerso. Is enim, etsi inculpate coram oculis hominum vixerat: tamen ad extremum, se a Lege occidi, animaduertit.

33 Evangelij similiter cognitio, confessio, & vsus Sacramentorum, sine Spiritu intus corda renouante, litera est occidens.

34 Contra, Legis cognitio, & opus Legis, quando Spiritus intus cor viuificat, Spiritus est, & non Litera, vt in Paulo est videre, qui conuersus, condelectabatur Legi Dei, secundum interiorem hominem.

35 Euangelium similiter creditum & efficax in corde, Spiritus est. Idem fit de sacrificijs & sacramentis iudicium.

36 Sacrificium Cain, Decimæ Pharisei, quia vitali spiritu in corde destituebantur, litera fuerunt. Contra, Abelis munera, & Cornelij eleemosynæ, quia corda eorum viuificabantur spiritu Dei, Spiritus erant.

37 Sic Paulus, circumcisionem, quæ in carne hæret sine fide in corde, Literam vocat: & contra, eandem, Spiritum nominat, cum suum proprium finem assequitur, hoc est, cum res in corde, signo externo responder.

38 Fine enim præceptorum, signorum, typorum, atque adeo omnium operum sublato, manet sola Litera, quæ per se inutilis est.

39 Ratio locutionis, si quæritur, hæc est, Vt Spiritus

vocabulum per Synecdochen accipitur, Nam & Spiritu sanctum significat, & motus viuos, in corde excitatos, ab eodem Spiritu: ita Literæ vox, per Metalepsin transfertur, & significat, quod nudam Literam, sine motu Spiritus sancti in corde, consequitur.

30 Haftenus perspicue ostendimus, quid absolute sit Spiritus, & quid Litera. Nunc autem declarandum est, quid sibi velint, cum litera Legi, & Spiritus Euangelio, a Paulo tribuantur: quæ sane epitheti vice funguntur, ac si diceres Legem literalem esse, Euangelium autem spirituale.

31 Verba Pauli hæc sunt: Qui fecit, vt idonei essemus ministri noui Testamenti, nō literæ, sed Spiritus. Litera enim occidit: Spiritus autē viuificat. Quod si mortis ministerium, literis informatum in saxis, fuit gloriosum: adeo vt nō possent intueri filij Israel in faciem Moysi, propter gloriam vultus eius, quæ abolenda erat: cui non potius ministerium Spiritus, erigit gloriosum? Nam si ministerium condemnationis, erat gloriosum: multo magis ministerium iustitiæ abundat in gloria.

32 Hic Paulus manifeste legem Moysi, scriptam in tabulis lapideis, vocat literam occidentem: & contra, Euangelium, Spiritum viuificantem.

33 Sed sciendum est, Legem quidem literam, Euangelium vero Spiritum appellari, non simpliciter. Nam vt Euangelium non semper est Spiritus: ita Lex nō semper est litera: sed quatenus vnum alteri opponitur. Tūc enim vere & congruenter dicitur, Legis naturam esse, literaliter docere homines: Euangelij autem, spiritualior: quia gratiæ Christi fit instrumentum.

34 Neque his obstat, quod Euangelium a Paulo alibi dicatur odor mortis ad mortem, & Christus appelletur lapis offensionis, & petra scandali. Nam id Euangelio non competit natura, quia omnibus est salutare: sed hominum vitio, qui instrumentum regenerationis & reconciliationis repudiant.

35 Legis igitur perpetuum & inuiolabile accidens est, (quatenus a Christo separatur) vt occidat. Quoniam, vt alibi dicit Apostolus, Quicumque sub ea manent, maledictioni sunt obnoxij. Contra, Euangelij accidens est, per occasionem occidere. Nam in eo reuelatur iustitia Dei ex fide in fidem: ideoque potentia Dei est, in salutem omni credenti.

36 Breuiter, Lex morbum ostendit, ita vt nullā mōstret spem sanationis: sed potius cum hominem relinquit in seipso, morti eum necessario adiudicat: ideoque merito Litera occidens dicitur. Verum Euangelium desperatis remedium adfert. Quare pœnitentiam prædicat, & ad Christum adducens, vitæ ianuam aperit: ideoque meritissime, Spiritus viuificans, a Paulo dicitur.

37 Discernendum est igitur, inter fortuitum euentū, & perpetuum accidens: inter proprium officium rei, & occasionem. Fortuitus Euangelij euentus est occidere, videlicet, cum auditur, & non creditur. Vnde fit, vt per accidens, sit Litera occidens: cum eius tamen proprium officium sit, viuificare: vnde Spiritus appellatio illi proprie competit.

38 Cæterum cum Paulus se aliosque Euangelij præcones, vocat ministros non Literæ, id est, Legis occidentis, Sed Spiritus, id est, Euangelij viuificantis: non abolet doctrinam Decalogi, sed tantum discernit inter ministerium Moſis proprium, & proprium munus præconum Euangelij.

39 Etsi autem homines ad pœnitentiam seu cōuersionem (ad quam inuitat Euangelium) semper prædicatione Legis præparandi sunt, Nam Legis prædicatio, & ignorantia nostræ medetur, & stuporem excutit, vt vere sentiamus nostrū malum, cuius admonitione adigamur ad Christum, nisi malimus in nostris peccatis perire. Tamen proprium est ministrorum noui Testamenti, vt sint ministri Spiritus: accidentale vero, quod sint Literæ ministri.

40 Verum hoc accidentale ministerium, toties aboletur, quoties prædicationi Legis, succedit Euangelij gratia æterna. Quod quidem fit, quando homines, agnita sua iusta damnatione, & percepto Spiritu seruitutis ad metum, obtemperant Euangelio, agentes poenitentiam. Tum enim donantur Spiritu adoptionis per quem clamant, Abba pater.

41 Quicumque hoc adoptionis Spiritu, ad prædicationem Euangelij, donati fuerint, a maledictione Legis liberi sunt: adeo, vt obedientia, quam præstant Legi Dei, non amplius Litera, sed Spiritus censeatur. Nam non solum credentes ipsi viuificantur: verumetiam opera, quæ faciunt (tametsi Legi non satisfaciunt) viuificantur.

42 Atque hinc est, quod tametsi doctrina Decalogi, quatenus hominem, ad Christum nondum conuersum, condemnat, sit temporaria & abolenda: tamen perpetuo maneat, quatenus est norma iustitiæ diuinæ, & regula obedientiæ, quæ necessario a conuersis requiritur.

43 Quare detestandus est furor non solum Antinomorum, qui Decalogum non prædicandum in Ecclesia mentiuntur: verumetiam eorum, qui prætextu Christianæ libertatis, necessitatē obedientiæ in conuersis tollūt.

44 Nam si necessarius est ordo causarum & effectuum, & Christiani omnes sunt debitores, non carni, sed Spiritui: omnino necessaria est noua obediētia. Adeo, vt qui secūdū carnem vixerit, sit moriturus: & cōtra, qui Spiritu, actiones carnis mortificauerit, sit victurus.

P R A E D E S T I N A T I O.

DE æterna Dei prædestinatione, & electione hominum ad vitam beatam & immortalem recte erudiri Ecclesiam summo opere necessarium est. Nam vt nulla doctrina vberiore cōsolationem pijs conscientijs adferre

adferre solet, quam doctrina prædestinationis recte explicata: ita nihil periculosius est, quam a vera prædestinationis ratione aberrare.

2 Quare ne a modo prædestinationis & electionis, quem nobis commendat Scriptura aberremus, summo studio cauendum est. Nam qui a vero modo deflectit, in præcipitium fertur, unde se recipere non potest.

3 Sunt quidam, quicum audiunt nostram salutem in Dei electione & proposito sitam esse, & modum verum haud obseruant, somnia Stoica & tabulas Parcarum fingunt, quibus & seipsos misere implicant, & alios perniciose seducunt.

4 Nam fieri aliud nequaquam potest quam ut is, qui fatales libros de saluandis & perpendendis imaginatur, vel hypocrisis vana turgeat, vel desperatione perniciose tabelcat.

5 Quidam enim carnalis cuiusdam securitatis ansam arripientes, in quouis scelera licentiose ruunt: sibi quidem ipsis in certâ perniciem: alijs vero, in graue scandalum.

6 Nonnulli in contrarium malum feruntur: qui cum contra verbum Dei, particularem gratiæ promissionem somniant, in desperationis baratrum demerguntur: in quo eos æternum perire, nisi mature dextera Dei erecti resipiscant, necesse est.

7 Quapropter cum audimus verbo Dei nobis prædestinationis mysterium commendari, simul in verbo Dei prædestinationis modum cum sua vera causa queramus: quem si recte tenuerimus, summam consolationis prædestinationis doctrina nobis adferet, & erit non solum veluti calcar quoddam ad omnia pietatis exercitia: verumetiâ ut sacra quædam ancora in mortis articulo.

8 Modus autem prædestinationis verissimus est, quæ Paulus nobis commonstrat, cum ad Ephes. ita scribit: Elegit nos in Christo ante constitutionem mundi, ut simus nos sancti, & inculpati coram ipso in dilectione. Item, prædestinavit nos in adoptionem per Christum

Iesum. Item, Gratos nos fecit in Dilecto : in quo habemus redemptionem per sanguinem eius. Item, Proposuit recolligere omnia in Christo. Item, In quo in sortem asciti sumus, prædestinati secundum propositum eius, qui omnia operatur secundum consilium voluntatis suæ, ut nos simus in laudem gloriæ eius, qui ante sperauimus in Christo. Item, In quo & credentes obsignati estis Spiritu promissionis sancto, qui est Arrhabo hereditatis nostræ.

9 Hic Paulus clarissime modum prædestinationis definit, dum pronunciat Deum prædestinasse nos saluti per Christum, & in Christo. Per Christum quidem, ut mediatorem & *μετρωτήν*. In Christo vero, ut in capite, & cum capite: cuius membra efficimur per fidem, quæ Euangelium promiscue omnibus prædicat.

10 Prædestinavit igitur nos Deus non exarando fatales libros cum Zenonis familia : sed statuendo iuxta consilium voluntatis suæ modum salutis consequendæ per Christum & in Christo.

11 In hoc modo conditio fidei includitur. Nam cum fide inserimur Christo, eius membra efficimur : atque ideo electi, quia membra Christi sumus.

12 Quam autem hæc conditio sit necessaria ex ordinatione diuina, plurima sane declarant testimonia. Paulus Rom. 9. ubi de prædestinatione disputat, hanc conditionem inculcat, inquiens : Quid igitur dicemus? Gentes, quæ non sectabantur iustitiam, apprehenderunt iustitiam, iustitiam inquam, quæ est ex fide. Israel vero sectans Legem iustitiæ, ad Legem iustitiæ non peruenit. Quare? quia non ex fide, sed ex operibus Legis. Hanc conditionem repetit Apostolus in 10. cap. & sæpe alias eam urget. Coloss. 1. Si modo in fide permaneatis fundati. Hebr. 3. Participes facti sumus Christi, si modo incoactam fiduciam usque ad finem firmam teneamus. 1. Tim. 2. Mulier saluabitur, si permanserit in fide.

13 Necessitatem huius conditionis Apostolus ipse de se lo-

se loquens ostendit, cum ait: Vt mihi si non Euangelizem. Item, Castigo corpus meum, & in seruitutem redimam, ne forte cum alijs prædicauero, ipse reprobus efficiar. Si igitur Paulus electum Dei organum, ex fide obedientiam erga Deum non præstitisset, fide excussa, gratia excidisset, reprobus sua culpa effectus. Ieremias idē verbis Domini inculcat: Si, inquit, poenitentiam egerit gens illa a malo, quod locutus sum aduersus eam: agam & ego poenitentiam super malo, quod cogitavi vt facerem ei. Si fecerit malum in oculis meis, vt non audiant vocem meam: poenitentiam agam super bono quod locutus sum vt facerem ei.

14 Hinc manifeste apparet prædestinationem diuinam, per Christum & in Christo, ratam esse & requirere a nobis conditionem fidei, qua Christo inferimur, atque ideo electi censemur.

15 Ex his quæ hætenus diximus hanc prædestinationis extruamus definitionem Prædestinatio est ordinatio Dei, qua ipse ante constitutionem mundi, secundum beneplacitum & consilium voluntatis suæ, per Christum & in Christo, destinauit vitæ æternæ omnes in Christum redemptorem credituros: vt sint sancti & inculpati coram ipso: vtque laudem gloriæ gratiæ ipsius prædicent in omni æternitate.

16 Huic opponitur reprobatio, qua reijciuntur & arcentur ab æterna vita, & mâcipantur æternis poenis, quotquot in Christum credere recusant, & quicumque in fide Christi, ad finem vsque vitæ, non perseverant.

17 Huius reprobationis causa est peccatum hominum, & iustitia Dei iuste punientis transgressores, qui ad propitiatorium hominibus a Deo propositum, non confugiunt.

18 Porro cum conditionem fidei requirimus: simul Pharisaicum taxamus errorem, de Dignitate personarum, de Prærogatiua carnis, de Meritis humanorum operum. Vnde & hoc sequitur, quod nec ex ratione, nec ex

Lege de hoc mysterio iudicandum sit. Nam ut ratio dignitatem & prerogatiuam carnis: ita Lex, merita operum hypocritis electionis causam falso statuere videtur.

19 Non est itaque causa praedestinationis in nobis, ut falso opinantur Monachi, sed in Deo quam causam Paulus *ὑποδείξις* voluntatis Dei vocat: Augustinus misericordissimam Dei voluntatem.

20 De hac voluntate Dei erga homines, ubi certo constiterit: praedestinationis nostri fundamentum habemus immotum. Nam Deus omnia, ut Paulus testatur, secundum consilium huius suae voluntatis operatur.

21 Haec Dei voluntas misericordissima, non est nobis incognita aut tecta: sed tradita est & reuelata nobis. voce Euangelij. Et in quatuor potissimum cernitur: in missione Filij: in promissione: in mandato: & in oblatione gratiae.

22 Missio Filij locupletissimum testimonium patris voluntatis Dei erga nos est, iuxta hanc vocem Filij: Sic Deus dilexit mundum ut Filium suum unigenitum daret, ut omnis qui credit in eum non pereat, sed habeat vitam aeternam. Ro. 5. Commendat Deus charitatem suam erga nos, quod cum adhuc essemus peccatores, Christus pro nobis mortuus est.

23 Huius itaque *ἀντιδοῦν*, sufficiens satisfactio est & expiatio peccatorum totius mundi. Per hunc enim Pater fatetur se placatum esse, & iubet serio ut ipsum audiamus.

24 Neque est quod quisquam existimet missum esse Filium in mundum, ut quosdam selectos tantum de genere humano redimeret: sed potius ut totius mundi peccata tolleretur, iuxta illud: Ecce agnus Dei qui tollit peccata mundi.

25 Nam ut communem nostram naturam assumpsit, & cum natura, nostram causam in se recipit: ita palam ipse de se ait: Filius hominis venit saluare quod perierat.

26 Iam autem non pauci aliquot perierant de genere humano: sed totum genus humanum.

27 Quemadmodum igitur in Adamo omnes lapsi sumus: ita cum Adamo datur omnibus promissio seminis contrituri caput serpentis. Hinc Ioannes: Christus apparuit, ut destruat opera Diaboli. Quapropter, fidelis sermo, ut Paulus ait, & omni approbatione dignus est, quod Christus Iesus venit in hunc mundum peccatores saluos facere.

28 Quod autem euentus (proh dolor) non respondeat voluntati Patris mittentis Filium, & desiderio Filij deriuantis in se poenam peccati: id fit propria hominum malitia, qui a Patre clementissimo ad nuptias filij invitati, venire reculant: quemadmodum Christus ipse conqueritur, cum ait: Multi sunt vocati, pauci vero electi. Hoc est, pauci credunt & fructus poenitentiae edunt, atque ideo expelluntur de domo nuptiarum, ut qui vestem nuptialem non habeant.

29 Promissio gratiae quae vere vniuersalis est, similiter voluntatem misericordissimam Patris coelestis nobis commendat. Huc pertinet plurima dicta, inter quae sunt haec. Haec est voluntas Patris mei, qui misit me, ut omnis qui videt Filium, & credit in eum habeat vitam aeternam. Matth. 18. Sic non est voluntas ante Patrem meum, qui in coelis est, ut pereat vnus de pusillis istis. 1. Timoth. 2. Deus vult omnes homines saluos fieri & ad agnitionem veritatis venire. 2. Pet. 3. Deus longanimis est erga vos, non volens vltos perire, sed omnes ad poenitentiam recipere. Huc & illud Propheticum pertinet. Nolo mortem peccatoris, sed ut conuertatur & viuat.

30 Hinc Diuus Bernhardus: Prodit in lucem ad miseri consolationem magnum consilium, quod ab aeterno latuerat in sinu aeternitatis, quod nolit, videlicet, Deus mortem peccatoris, sed magis ut conuertatur & viuat.

31 Haec promissio gratiae, ut est vniuersalis ita etiam est gratuita, sola fide accipienda. Vtrumque perspicue

docet Paulus ad Rom. 9. 10. 11. vbi excludit aperte omnem praerogatiuam carnis & operum merita: & concludit omnem qui credit non pudesieri. Non est enim (ait) distinctio Iudaei & Graeci. Idem enim Dominus omnium, diues in omnes qui inuocant ipsum.

32 Huc faciunt pulcherrimi illi typi, quos idem Apostolus proponit, cum filios Abrahæ, Ismahelem & Isaac: & filios Isaac, Iacobum & Esau, in medium adducit: qui typi in hunc modum accommodandi sunt: in commodis certis ad hanc vitam spectantibus, non omnes qui nati sunt ex semine Abrahæ & Isaac, habentur illorum filij. Multo minus in rebus spiritualibus censentur filij, qui ab istis sanctis Patribus ortum ducunt. Quocirca, quemadmodum in commodis ad hanc vitam spectantibus, tantum illi reputantur filij, de quibus sancti Patriarchæ habebant promissiones, vt Abraham de Isaaco & non de Ismaele, Isaac de Iacobo & non de Esau. Ita in rebus spiritualibus solum illi sunt Abrahæ filij censendi, qui promissioni gratuite credunt: & non illi, qui praerogatiua carnis tument.

33 Neque aliud vult conclusio Apostoli: Nō est igitur volentis neque currentis, sed miserentis Dei. Nam huius conclusionis hic sensus absque dubio est verissimus. Non est volentis neque currentis, videlicet secundum carnem: quia voluntas carnis & cursus carnis nituntur praerogatiua carnis & meritis operum, atq. ideo aduersantur misericordiae Dei & merito Christi. Sed est volentis & currentis secundum promissionem, hoc est, credentis. Siquidem omnia possibilia sunt credēti. Nam hæc voluntas, & hic cursus, commendant misericordiam Dei: adeoque sola misericordia in Christo promissa nituntur. Quid hinc iam efficitur? Illud quod propositum erat ab Apostolo. Non filios carnis sed filios promissionis esse hæredes.

34 Sunt autem filij promissionis omnes qui credunt promissioni vt Abraham credidit. Nam Apostolus
Rom.

Rom. 4. definit filios promissionis esse eos, qui insistant vestigijs fidei Abraham. Et ad Gal 3. Scitote, inquit, quod qui credunt, hi sunt filij Abraham. Si filij sunt, & hæredes secundum promissionem.

35 Qui hanc vniuersalem gratiam negant (quantum quidem ad voluntatem Dei paternam attinet) præterquam quod Paulo, adeoque consensui totius Scripturæ se opponunt, grauissime impingunt. Primum enim tribuunt Deo *προσωποληψίαν*. Deinde fingunt in Deo contradictorias voluntates.

36 Sed quod apud Deum non sit *προσωποληψία*, multa dicta testantur Deus enim semper bonam causam comprobatur, & semper malam condemnat, iuxta hanc regulam: Fideles custodit Dominus, & retribuet abundanter facienti superbiam.

39 Nihil proinde certius est, quam quod Deus omnes poenitentes recipiat in gratiam, & contra impoenitentes omnes reiiciat, absque omni personarum respectu.

38 Quod autem Deus Lazarum mendicare voluit, & Iosephum principem Ægypti fecit, hoc non constituit in Deo *προσωποληψίαν*. Nam personarum acceptio in iudicijs locum habet, ubi æqualibus inæqualia, aut inæqualibus æqualia tribuuntur. Nunc autem cum Deus tibi hanc iudiciariam regulam statuit, quod velit in Christo omnes credentes saluare, & quod velit omnes cõtemnentes Filium, & perseuerantes in delictis, poenis punire æternis: nequaquam personarum acceptor est.

39 Præterea, quod non sint in Deo contradictoriae voluntates, ex eo manifestum est, quod, ut ipse veracissimus, imo ipsa veritas est: ita duplex cor damnet. Cum igitur scriptum est: Deus vult, omnes homines saluos fieri. Item, Deus non vult vltos perire, sed omnes ad poenitentiam recipere: nequaquam sunt harum propositionum contradictoriae admittendæ, quæ sunt, Deus non omnes vult saluos fieri, Deus vult aliquos perire, & non omnes ad poenitentiam recipere.

40 Quomodo ergo (inquies) damnantur multi, cum omnes saluos fieri Deus velit? Si consilium creationis & missi Filij in mundum respicimus, vere voluntas Dei est vt nullus pereat. Verum si euentum consideramus, voluntas Dei est, vt contumaces & impœnitentes pereant. Pater terrenus vult omnes suos filios hæreditate gaudere. Hæc est enim paterna storga in bono patre. Verum si aliquis filiorum perrexerit esse contumax, vt nec verbis nec flagellis emendari velit, hunc pater hæreditate priuat, & inter filios amplius non numerat.

41 Huius rei typus in Deuteronomio proponitur. Si genuerit (ait Dominus) homo filium rebellem & proteruum, qui non audierit patris aut matris imperium, & coercitus obedire contemserit, apprehendent eum pater eius & mater eius, & ducent eum ad seniores ciuitatis, & ad portam iudicij, dicentque ad eos: Filius noster iste proteruus & rebellis est, monita nostra audire contemnit, lurco & potator est, lapidibus eum obruet populus ciuitatis & morietur. Nonne hic pater vult filium obrui lapidibus, quem naturali storga charissimum habuit? Adeundem plane modû Deus, ex sua paterna bonitate, vult omnes homines hæredes fieri vitæ æternæ. Verum contumaces nihilominus & rebelles perpetuis poenis vult obrui.

42 Discernendum est igitur accurate inter voluntatem Dei paternam, quam Theologi antecedentem vocant, & eam quæ sequitur hominum contumaciam. Quare & consequens dicitur.

43 Mandatum (hoc enim est tertium in quo supra proposuimus voluntatem Dei erga homines conspici) similiter nobis volûtatem Dei vere paternam erga omnes commendat. Fieri enim non potest vt voluntas Dei cum mandato ipsius pugnet. Quapropter cum iubet vt totus mundus Filium suum audiat, vult profecto vt omnes illum audiant: vult vt ex auditu fidem concipiant. Prædicatio enim Euangelij requirit fidem. Vult
denique

denique vt credentes saluentur. Deinde Filius, qui est sapientia Patris, amandat discipulos suos in omnem terram cum hoc mandato: *Ite in mundum vniuersum, & proclamate Euangelium omni creaturæ. Qui crediderit & baptizatus fuerit, saluus erit. Qui vero non crediderit, condemnabitur.* Hoc mandatum cum sit vniuersale, clare testatur Deum velle omnium hominum salutem: sed cum conditione fidei, vt indicat promissio mandato addita. *Mat. 11. clamat Dominus: Venite ad me omnes qui laboratis & onerati estis, & ego reficiam vos.* Hic vtrumque hoc est, mandatum & promissio testantur voluntatem Dei paternam esse, vt omnes veniant ad Christum vocantem, vt omnes in eo consequantur salutem.

44 Firmissime itaque & sine hæsitatione statuendum est mandatum Dei æternum & vniuersale, esse testimonium infallibile voluntatis ipsius erga homines. Cum igitur mandat omnibus vt audiant Filium & credant, vult reuera, vt omnes audiant, credant, iustificentur, sanctificentur, saluentur.

45 Sed obijciat forte aliquis. Fides donum Dei est, & opus Spiritus sancti. Ergo nemo credere potest nisi qui diuinitus fidem acceperit. Item, Nemo venit ad Filium nisi quem Pater traxerit. Hoc verissimum esse fateor. Verum, cum Paulus inquit. Fides ex auditu, auditus autem per verbum Dei: significat ordinarium ad consequendam fidem instrumentum esse prædicationem Euangelij: in qua Deus iuxta suas promissiones vult esse efficax, vult trahere Verbo & Spiritu ad Filium. Sed multi trahenti Patri repugnant, cui poterant obedire. Hoc clare comprobatur querela Christi, in hunc modum peruicaciam Iudæorum desistentis. *Quoties volui te congregare vt gallina congregat pullos suos, & noluisti? Similem contumaciam Stephanus suis Iudæis obijcit. Duri, inquit, ceruice, & incircumcisi corde & auribus, vos semper Spiritui sancto resistitis. Et Dominus apud Esaïam: Tota die expandi manus meas ad populum contumacem & con-*

tradicientem mihi. Hoc ipso testimonio & Paulus rebellionem Iudæorum ostendit, quam rebellionem causam reiectionis eorum fuisse concludit.

46 Hæc etiam facit exemplum quod Augustinus de Nabuchodonosor & Pharaone proponit hisce verbis: Quantum ad naturam, ambo homines erant: Quantum ad dignitatem, ambo reges: Quantum ad causam, ambo populum Dei captiuium possidebant: Quantum ad poenam, ambo flagellis clementer admoniti: Quid ergo fines eorum fecit diuersos? nisi quod vnus manum Dei sentiēns in recordatione propriæ iniquitatis ingemuit: alter libero contra misericordissimam Dei voluntatem pugnavit arbitrio.

47 Verum hic imprimis cauendum est, ne quis peccandi petulantia & longa consuetudine, abusus benignitate Dei inuitantis se ad poenitentiam, accersat sibi ipsi iudicium, vt a Deo permittatur ruere in reprobam mentem. Hoc cum fit, homo ad verbum Dei obsurdescit, & sibi ipsi eam peccandi necessitatem imponit propria voluntate, vt iam aliud quam peccare non possit. Perinde enim illi accidit, ac si quis seipsum de cacumine mōis præcipitē daret, vnde postea casum reuocare nō valeret.

48 Mature igitur vocāti Deo obtemperare oportet, & resipiscere, sollicitèque ambulare (vt Propheta monet) coram Deo suo. Nam qui vocantem Deum per suos ministros audire recusat, in contumaciæ poenam incurrit. Vnde fit vt magis magisque vinculis peccati constrictus donec tandem dedoleat, susque deque ferat omnia salutis media. Hic proinde locum habet vulgo notus verficulus:

Qui non est hodie, cras minus aptus erit.

49 Obsequatio gratiæ (huic enim quartum locum tribui inter ea indicia, quæ nobis ob oculos ponunt quæ sit paterna, voluntas Dei erga omnes homines) clarissime nobis paternam voluntatem Dei commendat. Nam dum iubet baptizari omnes gentes, vt verissime omnibus

bus gentibus suam obsignari gratiam & misericordissimam voluntatem. Nunquam enim gentes omnes invitaret ad Baptismum, nisi omnibus gentibus salutem, quam obsignat Baptismo, impartiri vellet.

50 Quod autem in multis Baptismus est tantum literalis, hoc non fit Dei consilio & voluntate, qui vere suam gratiam Baptismo offert & obsignat: sed hominum culpa, quia pacto cum Deo in Baptismo inito, turpiter discedunt.

51 Nam ut Deus promittit, & promissum obsignat Baptismo: ita par est, ut homo ab altera parte fide respondeat. Siquidem in omni pacto utraque pars pacti conditiones & leges servabit. Atque eam ob causam Petrus Baptismum definit, stipulationem bonae conscientiae cum Deo. Deus enim Baptismum offerens promittit gratiam: conscientia vero fide respondens, in pacto acquiescit freta resurrectione Iesu Christi.

52 Cum itaque ex his demonstrationibus evidentissime nobis constat de voluntate Dei paterna ergo nos, quae voluntas est causa & basis praedestinationis & electionis nostri: firmam teneamus fiduciam salutis, & ad voluntatem Dei paternam in missione Filij, in promissione, in mandato, & in obsignatione gratiae expressam, tanquam ad arcem munitissimam nos recipiamus: nihil morantes decreta Stoica, quantumvis magnos patronos & sapientes habeant.

53 Porro fines praedestinationis & electionis nostri ad salutem, duos Paulus constituit, Ephesijs scribens: quorum proximus est ut simus sancti & irreprehensibiles coram ipso, hoc est, ut studeamus sanctitati & innocentiae, habeamusque semper bonum propositum. Ultimus, ut laudetur gloria ipsius a nobis in omni aeternitate.

54 Restat nunc ut non nihil dicatur de usu huius dulcissimae doctrinae praedestinationis & electionis aeternae: qui duplex ex Pauli epistolis ad Roman. & Ephes. colligi potest. Ad Romanos ideo scribit Paulus de prae-

stinatione, vt ex causa, modo, & conditione praedestinationis concludat, prerogatiuam carnis & humana merita nequaquam esse causam salutis. Euertit igitur Apostolus prerogatiuam carnis, & omnia humana merita tollit, quo fit locus misericordiae Dei in Christo Iesu, & via pateat salutis, omnibus qui in Christum credere non recusauerunt. Ad Ephesios de hoc ipso mysterio agit, vt ostendat Euangelium Christi non esse nouam doctrinam ab Apostolis excogitatam, sed ante mundum conditum in pectore Dei fuisse reconditam, & suo tempore mundo patefactum.

55 Praeter hunc duplicem usum, quorum prior ad confirmationem gratuita iustitiae, & vniuersalis gratiae pertinet: posterior ad commendationem antiquitatis Euangelij refertur, erit & hic usus, (quem Paulus attingit ad Rom. 8.) vt statuatur pij nullam crucem, nullam calamitatem, nullam denique rem aliam posse impedire salutem credentium, quae decreto Dei aeterno nititur.

56 Hinc consolatio ingens oritur in agone mortis, & summa & inenarrabilis letitia nascitur: adeo vt iam moriturus quasi ouans dicat: In Domino confidit anima mea, non timebo: Christus meus victor mortis est, in hoc ego triumphabo.

57 Huc pertinet illud Dauidicum: Viriliter agite & confortetur cor vestrum, omnes qui speratis in Dominum. Custodit enim Dominus omnes diligentes se.

58 Caterum hic usus confirmans nos in cruce, & consolans in agone mortis, tum demum locum habet vbi nos ipsos in Christo esse senserimus, & Christum in nobis.

59 Quare iuxta consilium Pauli instituenda est probatio nostri, qui in hunc modum scribit Corinthijs: Vos ipsos tentate an sitis in fide, vos ipsos probate, an non cognoscitis vos ipsos, quod Iesus Christus sit in vobis.

60 Haec Pauli verba, certissimum probandi modum nobis praescribunt, qui est tentare & explorare an quis
fit

fit in fide, an Christus in se habitet: quæ sane probatio aliunde proficisci non potest, quam ex effectibus Spiritus Christi. Nam qui Spiritu Dei ducuntur, hi sunt eius. Qui autem ducuntur Spiritu Christi, cogitant, amant, prosequuntur quæ sunt Christi, & nihil antiquius habet, quam totam suam vitam Deo approbare. Hinc est illa, in Sanctis, pugna spiritus aduersus carnem.

61 Huc & illud Pauli pertinet; Milita honestam militiam, retinens fidem & bonam conscientiam. Nam hæc certissima sunt inhabitantis Christi testimonia. Vbi enim fides est, illic conscientia purgata est a malis operibus. Quare & bona conscientia, & pium propositum, fidei sinceræ testimonia sunt. Contra autem vbi contaminata est conscientia, & vbi est propositum peccandi, ibi nulla prorsus fides est, nisi forte hypocritica quædam de fide gloriatio, quam vanissimam esse opera ipsa declarant, & diuus Iacobus commonstrat.

ECCLESIA.



VERA Christi Ecclesia (quemadmodum eam definit Symbolum Apostolicum) est societas sanctorum, in cuius tamen externo coetu multi sunt scelerati, hæretici, schismatici & hypocritæ.

Hæc societas spiritualis est, qua, videlicet, per fidem (quæ ex auditu verbi est) homines iustificati, absque suis meritis & operibus antecedentibus, coniunctis, & consequentibus, Christi (cuius sanguine a peccato mundati sunt) membra effecti, inter se mutuo spiritu Christi coalescunt, ut omnes simul participes sint virtutis Christi, ac spiritualium honorum, quæ ad salutem necessaria sunt.

3 Sanctorum autem dicitur hæc societas, ut clara & specifica differentia statuatur, qua & Ecclesia vera Christi, ab alijs in mundo coetibus discernatur, & sua quadam

proprietate signata monstretur.

4 Aliæ enim omnes societates in mundo sunt impuræ & profanæ, ut quæ peccati maculis & reatu inuolutæ, extra familiam Dei, in regno Diaboli versentur.

5 At societas illa, quæ Ecclesia dicitur, est sancta: cum quia corda eorum, qui huius societatis veri ciues sunt, fide purificata sunt, in sanguine Christi: tum quia iam destinati sunt vltui sancto, ut Deo sancto cultum sanctum præstent, in vera sanctitate viuentes.

6 Hinc Paulus Corinthijs scribens definit Ecclesiam Dei esse eos, qui sanctificati in Christo Iesu, vocatique ad sanctitatem, inuocant nomen Christi in quouis loco.

7 Hæc Ecclesia & spiritualis Ierusalem, extructa scribitur nunc super fundamentum Apostolorum, nunc super fundamentum quod est Christus.

8 Verum in primis hic cauendum est, ne cum Papiis, hominum opiniones fundamentum Ecclesiæ esse statuamus.

9 Quare hoc discrimen tenendum est, Ecclesia dicitur extructa super fundamentum Prophetarum & Apostolorum, videlicet, quod attinet ad propagationem, & ministerium & testimonium doctrinæ. Sed est extructa super Christum, quod attinet ad autorē, meritum, doctrinæ fontē, & efficaciam, hoc est, propter Christum electa est Ecclesia, & vocata a principio mundi & propter eum seruetur & saluetur, & per Christum ex sinu Patris reuelatum est Euangelium & Filius est efficax, dat Spiritum sanctum per Euangelium.

10 Hanc ob causam 1. Cor. 3. dicitur: Fundamentum aliud poni non potest, præter id quod positum est, quod est Iesus Christus. Item, Filius, qui est in sinu Patris, ipse reuelabit nobis. Item, Ego sum via, veritas & vita. Item, Non relinquam vos orphanos, sed veniam ad vos. Item, Actor. 2. Ad dexteram igitur Dei exaltatus, promissionē Spiritus sancti accipiens a Patre effudit.

11 Cogitatio huius duplicis fundamenti, quorū illud in

in ministerio, hoc in virtute situm est, confirmabit nos, cum de doctrina Ecclesie, tum de Ecclesie stabilitate.

12 Fundamentum ministeriale est doctrina Prophetica & Apostolica sola. Vnde discamus intrepide cum Paulo pronunciare anathemata, quicumque humanas traditiones obtrudunt Ecclesie, si vel fuerint angeli de celo, nedum pulvis & cinis qualis est Papa & Mahomet. Fundamentum potentie & virtutis, est Christus, Deus & homo: qui sue Ecclesie sacerdos manet in æternū. Quare portæ inferorum non præualebunt aduersus eam.

13 Quicumque est extra hoc fundamentum, frustra gloriatur de Ecclesie titulo. Est enim Ecclesia Christi una, ut quæ super vnum fundamentum extructa sit.

14 Hinc sequitur fieri non posse, ut Mahometistarum conuentus sit Ecclesia, nam ut doctrinam Propheticam & Apostolicam reiiciunt: ita Christum Dominum reiiciunt & persequuntur.

15 Nec colluuiæ Monachorum & sacrificulorum in Papatu est Ecclesia. Nam tametsi non reiiciunt manifeste doctrinam Apostolicam & Propheticam: tamen eius nativam sententiam corrumpunt. Deinde tametsi nobiscum Christum Deum & hominem fatentur: tamen personæ officium negant, cum suis operibus tribuunt, quod Christi solius est.

16 Proinde is coetus solus est vera Ecclesia, eaque visibilis: quæ alligatur ad sceptrum rectum quod Dominus emisit de Sion, hoc est, ad ministerium Euangelij incorruptum, per quod offertur Christus, qui recipit in album ciuium suorum, quotquot iuxta vocem Euangelij in illum crediderint.

17 Quicumque ergo Ecclesie ciuis esse cupit, is se vere huic Ecclesie adiungat viua fide, clara confessione, pia inuocatione, & officijs alijs quæ requirit Euangelium.

18 Quod autem aliqui, ut ideam Platonice, fingunt Ecclesiam inuisibilem esse, manifestus error est. Nam si Ecclesia non est visibilis coetus, quomodo agnoscetur &

ministri Euangelij & auditores : & quæ Ecclesiæ iudicia erunt, de quibus scriptum est: Dic Ecclesiæ? Quomodo discernemus ciues, quorum expetenda & tuenda est societas, ab hostibus qui fugiendi sunt?

19 Sunt autem hæc signa minime fallentia quæ monstrant Ecclesiam : Vox ministerij Euangelij incorrupta: Ritus diuinitus traditi, incurrentes in oculos, vt Baptismus & Coena Domini: & obedientia erga Euangelium, id est, pœnitentia, confessio, inuocatio, &c.

20 Porro tametsi multi sunt coetus in orbe terrarum qui Ecclesiæ dicuntur: tamen vna est sancta & catholica, cuius membra, tametsi spatio separantur: tamen vinculo fidei & Spiritus coniunguntur.

21 Huius typus pulcherrimus proponitur in malo punico, quod mandato Dei tintinnabulo adiectum erat. Nam hoc Symbolo significatur vnitas Ecclesiæ, ex multis gentibus in eundem sonum, hoc est, ad eandem fidem per sonum Euangelij conuenientibus. Sicut enim in malo punico, vno exterius cortice multa interius grana vniuntur, sic innumeros sanctæ Ecclesiæ populos vnitas fidei contegit.

22 Quod autem in externo Ecclesiæ coetu sunt multi scelerati, hæretici, schismatici & hypocritæ, non solum Ecclesia Corinthiaca ostendit, verumetiam parabola Christi de zizanijs aperte docet, vt taceam omnium temporum experientiam.

23 Quandiu enim in hoc mundo peregrinatur Ecclesia, bonis & sinceris in ea permixtos fore malos & hypocritas, monet Dominus: vt se patientia arment Filij Dei, & inter offendicula, quibus turbari possent, retineant infractam fidei constantiam.

24 Sunt proinde duplicia membra visibilis Ecclesiæ: alia enim viua sunt, alia mortua. Viua sunt membra omnes qui ex fide Filij Dei viuunt, retinentes fidem & bonam conscientiam. Mortua vero sunt, qui profitentur quidem nobiscum articulos fidei, sed spiritu Christi carent, hoc est

est, viuunt sine poenitentia, & finunt peccatum in se regnare per concupiscentias corporis.

25 Deinde etsi sanguine suo mundauit Ecclesiam Christus, vt sit absque ruga & macula: adhuc tamen multis vitijs, & residuis carnis infirmitatibus laborat, quibus obnoxij sunt singuli fideles, postquam regeneriti sunt Dei spiritu: adeo, vt opus habeant perpetua hac oratione: Remitte nobis debita nostra. Hac tamé macula nō impedit quo minus credentes sint viua membra Ecclesię.

26 Cum ergo Ecclesia duplici vitio obnoxia est, alieno & proprio, debet perpetuo Deum inuocare, vt has maculas minuat, ac tandem tollat. Præterea sanctam adhibebit disciplinam, quo innocentia in externis seruetur moribus.

27 Etsi autem impios errores, qui fidei puritatem inficiunt, ferre non licet: tamen male faciunt, qui zeli prætextu, vel tumultuose ab Ecclesia discedunt, vel eam importuno rigore turbant.

28 Verum pij videntes has maculas, se consolabuntur promissione Christi, qui venturum diem promittit, quo vt lolium a tritico separabitur, ita manifestum fiet, frustra sceleratos & hypocritas sibi externa Euangelij professione placere.

29 Errant igitur qui eum coetum Ecclesiam esse negant, in quo sunt vlli impij & hypocritæ: cum tamen audiunt in eo verum Euangelium sonare, Sacramenta recte administrari, & a multis veram ministerio præstari obedientiam: quæ tria infallibilia visibiles Christi Ecclesię sunt testimonia, vt supra diximus.

30 Porro cum Papistæ signa Catholicæ Ecclesię fingunt Primatum Papæ, ordinem Episcoporum, successionem ordinariam, & similitudinem rituum, toto cœlo aberrant. Nam ista signa Apostoli & Prophete ignorabant, & Christus ea non monstrauit, qui ait: Oves meæ vocem meam audiunt.

31 Multum præterea errant qui σχῆμα πολιτικόν in Ec-

clesia Christi quærunt. Non enim recte perpendunt discrimen inter regnum Christi & regna mundana.

32 Regnum Christi iuxta Prophetica & Apostolica scripturam in hac vita, est ministerium Euangelij, per quod Christus colligit & viuificat Ecclesiam verbo & dato Spiritu sancto, & protegit eam mirabiliter contra Diabolos & tyrannos, & post hanc vitam resuscitabit eam, & adducet ad æternum Patrem.

33 Ex hac descriptione petendum est Ecclesiæ, seu regni Christi, & Politiarum discrimen, quod sex differentijs distinguitur, videlicet, obiectis beneficijs, forma gubernationis, gloria, præsidij & stabilitate.

34 Primum enim potestas politica coercet externa membra, vt sint in officio. Sed Christi regnum non tantum gubernat externos mores: sed arguit & sanat corda. Ita enim Dominus ipse ait, Vt mederer contritis corde.

35 Secundo, potestatis politicæ summa beneficia sunt, disciplina & pax corporum. At huius regni beneficia, spiritualia & æterna sunt, videlicet, iustitia, & pax conscientiarum coram Deo, &c.

36 Tertio differunt forma gubernationis, Nam reges & principes mundi eligunt ministros idoneos ad gerendam rempublicam, instructos sapientia & eloquentia: Christus vero eligit stulta huius mundi, vt pudefaciat sapientiam sapientum: siue vt Psal. ait. Ex ore infantium & lactantium perficit laudem. Forma executionis in defensione & poenis etiam variat. Nam politica potestas armis defendit subditos, & contumaces punit vi corporali seu gladio: sed Christus per vocem Euangelij dat æterna bona, remissionem peccatorum, Spiritum sanctum & vitam æternam: & punit contumaces non vi corporali, sed verbo & legitima excommunicatione.

37 Quarto differunt gloria. Nam gloria regnorum politicorum est præstantia consilij in togata gubernatione, & in armis fortitudo, & felicitas. At Ecclesiæ Christi gloria

gloria in hac vita, est vera Dei agnitio, inuocatio, professio veræ doctrinæ, conseruatio perpetua Ecclesiæ etiā si in aliqua membra sc̃uitur, magnitudo animorum in vincendis omnibus illecebris & terriculamentis impijs, virtutum multarum decus in quibus præsentia Dei cer-
nitur.

38 Quinto, præsidij differunt. Nam præsidia regni politici sunt exercitus, & opus necessaria ad sumtus domesticæ gubernationis & ad bella gerenda: Ecclesia vero non est munita præsidij visibilibus: sed regitur a Filio Dei, & habet custodes Michael cum suis Angelis, qui perpetuo contra Draconem militant.

39 Postremo differunt stabilitate. Nam omnes politiz habent suam fatalem periodum, finem, & terminum. Sed Ecclesiæ non erit finis: quia Rex est æternus: iuxta illud: Regnum tuum omnium seculorum, & dominatio tua in generationem & in generationem: Et populo suo dat vitam æternam, quæ hic incoatur & post resurrectionem consummabitur.

40 Hoc discrimen politici regni & Ecclesiæ, qui non obseruant, facile cruce Ecclesiæ & scandalis alijs absterrentur a confessione. Quare semper sit nobis in conspectu dictum Domini: Regnum meum non est de hoc mundo.

41 Cuicumque ergo salus & vita æterna curæ est, is det operam, vt cum Dauide sit socius omnium timentium Deum, & custodientium mandata eius, & assidue cum eodem precetur: Legem pone mihi Domine viam statutorum tuorum, vt custodiam ea semper. Item, inclina cor meum ad testimonia tua, & non ad avaritiam.

42 Nam quicumque extra hanc societatem est, is haud dubie mancipium Satanæ est, cum quo & stipendium peccati habebit mortem æternam nisi ante mortem seria poenitentia auertat iram iusti iudicis.

SYMBOLVM.



ARTICVLVS Symboli Apostolici continet summa doctrinæ Christianæ capita, quæ sunt veluti totius Christianæ religionis fundamentum. Vnde fit, vt qui ab vno aliquo horum articulorum aberraret, extra fundamentum esse dicatur: & quia extra fundamentum est, extra gratiam & salutem, in regno tenebrarum sub Satana militat.

2 His proinde articulis optime quadrat Symboli appellatio. Quemadmodum enim milites mundani suo quodam symbolo testantur & cui seruiant, & cuius sint hostes: ita Christiani, hac fidei suæ professione, tanquam Symbolo, testantur se, & Deo (qui est Pater & Filius, & Spiritus sanctus) seruire, & esse hostes Diaboli & membrorum eius.

3 Hoc Christianæ militiæ Symbolum ideo dicitur Apostolicum: vel quia ab Apostolis conscriptum est, & quasi per manus traditum Ecclesiæ: vel quia Apostolica doctrina nititur, & ex Apostolorum concionibus & Scriptis demonstratur.

4 Doctrinæ Symboli Apostolici summa huc redit: quod monstret Deum: quod diuina opera nobis ponat ob oculos: quod veram salutis viam indicet.

5 Diuiditur autem Symbolum hoc vsitate & rectissime in quatuor partes. Quarum prima, est de Deo Patre. Secunda, de Deo Filio. Tertia, de Deo Spiritu sancto. Quarta, de Ecclesia & eius salute.

6 Prima pars hisce verbis continetur: Credo in Deum, Patrem omnipotentem, creatorem cœli & terræ.

7 Hæc Confessio vnitatem diuinæ essentiae habet: distinctionem personarum in vna diuina essentia fateatur: potentiam & opera Dei Patris agnoscit, & fide in hunc vnum Deum recumbit.

8 Cum enim dicit, Credo in Deum, vnum tantum Deum esse statuit: quâ particulam expressit Nicenū Symbolum

bolum hoc modo: Credo in vnum Deum. Dei proinde appellatio admoneat nos, quod sit vnus Deus æternus natura & essentia, qui est fons & autor omnis boni, ex quo fonte liceat haurire omnibus ijs, qui ex fide ipsum inuocant.

9 Cum addit, Patrem, distinctionem personarum incipit, & confitetur Deum Patrem esse primam personam in diuina essentia. Est igitur Pater prima persona diuina, qui ab æterno generat filium sibi *ὁμοούσιον*.

10 Cum subiungit, omnipotentem, tantam potentiam Dei esse fatetur, vt & facere, quicquid voluerit possit: & facile prostrernere omnia, quæ se illi opposuerint, valeat.

11 Hanc potentiam confirmat opus creationis cœli, & terræ. Cœli autem & terræ appellationibus, intelliguntur non solum cœlum & terra, verumetiam omnes creaturæ reliquæ visibiles & inuisibiles, quæ cœli & terræ ambitu continenter. Breuiter, Quicquid est rerum hic vnus Deus creauit. Verû deprauatio, quæ in rebus creatis apparet, non Deum habet autorem, sed Diabolum, qui sua sponte defecit a Deo, qui bonus sed *ἀντιγεννητός* a Deo creatus fuit.

12 Ex creatione recte concluditur omnipotentia, sapientia, iustitia, & bonitas Dei. Omnipotentis enim est ex nihilo omnia condere: Sapientis, ordinata condere: Iusti, gubernare, & prouidentia moderari creata: Boni, communicare rebus creatis sua dona, vt in homine videmus, quem condidit ad suam imaginem.

13 Quartum quod habet hæc confessio, est de fiducia in hunc Deum qui est Pater. Cum enim dicit Symbolû. Credo in Deum, sensus est: Statuo certa fiducia, quod Deus velit meus Deus esse, meus Pater, meus sustentator, meus defensor, quem solum me colere profiteor, renunciatis omnibus idolis.

14 Secunda pars Symboli, est de Deo Filio: qui vt redimeret genus humanum reum & damnatum propter

peccatum, assumpsit naturam humanam in vnionem *vnosaturam* seu personalem. In qua natura humana factus est victima expiatrix peccati totius mundi.

15 Hæc secunda pars sex Articulis absoluitur, iuxta hæc Symboli verba. 1. Et in Iesum Christum Filium eius vnicum Dominum nostrum. 2. Qui conceptus est de Spiritu sancto, & natus ex Maria virgine. 3. Passus sub Pontio Pilato, crucifixus, mortuus & sepultus, descendit ad inferna. 4. Tertia die resurrexit a mortuis. 5. Ascendit ad coelos, sedet ad dexteram Dei Patris omnipotentis. 6. Inde venturus est iudicare viuos & mortuos.

16 Huius secundæ partis primus Articulus: Et in Iesum Christum Filium eius vnicum Dominum nostrum, multa paucis complectitur. Primum enim monstrat secundam Personam in diuinitate, quæ est æterni Patris æternus Filius, qui vt essentia est idem Deus cum Patre & Spiritu sancto: ita proprietate distincta est ab utroque persona. Hoc explicatius Symbolum Athanasij, Ambrosij & Nicenum habent. Deinde cum hunc Filium vocat Iesum, vnionem personalem iudicat: Nam æternus *λογος* & Dei Filius factus est homo, & vocatus est Iesus, propterea quod populum iuum a peccatis esset saluaturus, iuxta promissiones Patribus factas. Hic enim Iesus saluator mundi est, eo quod sit nobis a Deo Christus, hoc est, Propheta, Sacerdos & Rex. Propheta, quidem, qui e sinu Patris prodiens, nobis Patris voluntatem reuelauit. Sacerdos, propter victimam & intercessionem. Nam vt victima sua expiauit peccatum: ita intercessione interpellat Patrem, vt nos propter suam victimam in gratiam recipiat. Rex vero, quia demolitus est potestates, & destruit opera Diaboli, iuxta primam promissionem.

17 Huius articuli fides est huiusmodi: Ego firmiter statuo quod Dei filius sit meus saluator, verus Propheta Dei, vnicus saluator, mediator & rex, adeoque Dominus, qui me sua prouidentia gubernat, me redemit, me aduersus Diabolum defendit, &c.

18 Secundus articulus secundæ partis: Qui conceptus est de Spiritu sancto, natus ex Maria virgine, modum assumptæ humanæ naturæ indicat. Cum enim ait, Conceptus est de Spiritu sancto, excludit vſitatum naturæ modum in generando. Vſitatus enim naturæ modus generationis est, vt foemina concipiat ex virili semine. Sed hic Spiritus sanctus occulta virtute virginem foecundat, & format ex sanguine virginis hominem verum & perfectum, iuxta dictum Angeli ad Virginem: Spiritus sanctus veniet super te, & virtus altissimi obumbrabit tibi, &c. Cum addit, Natus ex Maria virgine, Vt veram Christi humanitatem confitetur: ita inuiolata virginitate virginem perperisse agnoscit.

19 Tertius articulus secundæ partis, Passus sub Pôcio Pilato, crucifixus mortuus & sepultus, descendit ad inferna, modum redemptionis factæ per Iesum Christum fidelibus commendat, videlicet, quod passus sit propter peccata nostra. Est ergo Christi passio nostra redemptio.

20 Huius passionis illustris definitio colligi potest ex Epistola ad Hebræos hoc modo: Passio Domini nostri Iesu Christi, est sacrificium expiatorium & propitiatorium, quo æternus Filius Dei homo factus, seipsum per æternū Spiritum obtulit Patri æterno, vt sua victima & obediētia, & expiaret peccata mundi, & placaret iram Dei: quo omnes credentes in ipsum per eundem sanctificentur ad vitam æternam. Hanc quoque definitionem includunt in se verba Domini Io. 17. Ego pro ijs sanctifico meipsum, vt & ipsi sint sanctificati in æternum.

21 Huius sacrificij applicatio fit Verbo, Fide & Sacramento. Verbo enim quasi manu Dei offertur: Fide veluti manu hominis accipitur: Sacramento utroque obſignatur, cuiusque vis & vſus tanquam in tabula pingitur.

22 De sententia verborum Symboli, Descendit ad inferos, non conuenit inter omnes. Quidam ante mortem intelligunt descensum ad inferos ipsam humiliatio-

nem, qua Christus horribilem sensum iræ Dei aduersus peccata sustinuit. Sed horum sententiam ordo Symboli videtur refellere. Quidam hanc clausulam additam putant contra Valentinianorum hæresin, & volunt hac loquendi formula Mosis & Prophetis vsitata nihil aliud significari, quam quod Christus vere morte prostratus iacuerit, & in sepulchrum inclusus fuerit, vt alij homines vere mortui & sepulti. Quidam hæc verba ad vim & virtutem mortis Christi referunt, & volunt hac phrasi significari quod mors Christi profuerit etiam inferis, id est, mortuis, videlicet in fide Abraham. Quidam existimant Christum reuera descendisse ad tartareas sedes. Sed nec inter hos conuenit. Sunt enim qui animam Christi, iacente corpore in sepulchro eo descendisse dicunt, vt illic pateretur pro animabus hominum. Quorum sententia ex eo refellitur, quod Christi sanguis perfectissima sit peccati totius mundi expiatio. In quem enim finem pateretur anima sanctissima apud inferos, nisi vt suppleret mortis crucis defectum? Sunt etiam qui animam Christi ad inferos quidem descendisse fatentur, sed illic nihil passam esse. In hac sententia est Augustinus ad Dardanum scribens. Sunt & alij, qui contendunt Christum anima & corpore descendisse ad inferos, & in ipso terramotu in momento resurrectionis se viuum inferis exhibuisse, & se declarasse victorem mortis & principis tenebrarum. Sed quid in hac varietate opinionum tuto sequendum? Hoc firma fide teneatur, quod Christus reuera descenderit ad inferos, iuxta Symboli verba, & veteris Ecclesiæ confessionem. De modo, nemo sit sollicitus. Satis est enim tenere Christum victorem Satanæ esse, & deuicto mortis aculeo, aperuisse credentibus regna cœlorum.

23 Quartus articulus secundæ partis: Resurrexit a mortuis, historiam victoriæ Christi, & contriti capitis serpentis continet: atque ita completa est promissio: Semen mulieris conteret caput Serpentis.

24 Quemad-

24 Quemadmodum autem hic articulus requirit firmam fiduciam in Christum victorem mortis, auget spem promissæ hereditatis, excitat nos ad confessionem huius victoris coram mundo & portis inferorum: ita eius usus cum in tota vita, tum in mortis articulo, maximus est. Huius enim articuli seria cogitatio facit, vt nullis fracti calamitatibus, persistamus in fide, donec ad finem omnium calamitatum huius mundi & ad salutis portum peruenerimus.

25 Quintus articulus secundæ partis, Ascendit ad coelos, sedet ad dexteram Dei Patris omnipotentis: spectabile triumphum Christi, & maiestatis gloriam Christi nobis commendat.

26 Ascendit Dominus visibiliter corporali & naturali modo sursum, & nube subuectus est in coelum e conspectu discipulorum, Act. 1. & inde subuectus supra omnes coelos. Ascendit autem, vt ipse de se testatur, vt nobis locum pararet. Ioan. 14. A beo parare vobis locum, & vos ad me assumam. Ascendit vt omnia subiiciat pedibus suis: Ascendit, vt caput Ecclesiæ emineat, & dona det hominibus. Ascendit vt corda nostra ad se trahat. Col. 3. Si resurrexistis cum Christo, quæ sursum sunt sapite: vbi Christus sedet ad dexteram Patris. Huc illud Philipp. 3. Nostrium *πολίτευμα* est in coelis, vnde expectamus saluatorem.

27 Vt enim ascensio personæ fuit iuxta humanam naturam, secundum quam localiter & visibiliter ascendit: ita sessio ad dexteram Patris personæ est, quæ est rex regum, & Dominus dominantium, æqualis Patri gloria & maiestate.

28 Fides proinde articuli hæc est: Quemadmodum Christum triumphatorem mortis, Dominum omnis creaturæ & patronum nostrum apud Patrem agnoscamus, in eum firma fiducia recumbamus, atque ipsum coram omnibus hominibus & inferorū portis confiteamur, ita usus in hoc situs est, vt abnegata omni impietate, & humanis

desiderijs, leuemus corda nostra in cœlum, petentes inde in omnibus calamitatibus nostris auxiliũ, & expectantes vt nos ad se iuxta ipsius promissionem assumat, ac donet promissam hæreditatem.

29 Sextus articulus secundæ partis, Inde venturus est iudicare viuos & mortuos, de futuro per Christum iudicio concionatur. Nam idem ille Iesus Christus qui hic ab iniquis spretus & condemnatus est, veniet in maiestate sua iudicaturus orbem terrarum. Iudicij forma Math. 26. exprimitur. Sistent enim se coram ipso boni & mali, seu pij & impij. Illis paratum regnum tradet: hos iustis supplicijs mancipabit: vt pij cum Christo beata immortalitate in æternum fruantur, & impij tradantur Diabolis cruciandi æternis pœnis.

30 Fides huius articuli hæc est: Quemadmodum firmiter statuere oportet aliquando fore finem præsentij calamitatum: ita solidam consolationem inde percipiamus, quod Iesus Christus, Deus & homo, sit constitutus iudex, qui antea in se credentibus, iureiurando interposito, promiserat vitam æternam. Quare non est quod qui in fide Christi hic discedunt, pertimescant condemnationis sententiam.

31 Tertia pars Symboli est de Deo Spiritu sancto tertia persona in diuinitate: Credo in Spiritum sanctũ. Cultus fidei conuincit Spiritum sanctum verum Deum esse. Ordo Symboli tertiam personam in diuinitate eum esse docet. Appellatio indicat officium, videlicet, quod sit viuificator & sanctificator.

32 Est ergo Spiritus sanctus tertia in diuinitate persona verus & æternus Deus *ὁμοούσιος* Patri & Filio non gignens nec genitus, sed a Patre & Filio procedens, simul cum Patre & Filio creans, conseruans, saluans, sanctificans, qui mittitur in corda electorum, vt ea viuificet & sanctificet, vna cum Patre & Filio adorandus.

33 Quemadmodum igitur credimus in Deũ Patrem creatorem, & in Filium Dei redemptorem: ita etiam credere

dere nos oportet in Spiritum sanctificatorem, cuius templum sumus. Vfus huius fidei est vt renunciata omni impuritate simus sancti spiritu & corpore, caueamusque ne vllis factis contristemus spiritum Dei in nobis habitantem.

34 Quarta pars Symboli quatuor articulis absoluitur, & his verbis continetur. 1. Credo sanctam Ecclesiam Catholicam, sanctorum communionem. 2. Remissionem peccatorum. 3. Carnis resurrectionem. 4. Et vitam æternam.

35 Primus articulus, Ecclesiam Catholicam definit esse sanctorum communionem seu societatem. In Sanctorum autem catalogo, sunt omnes, qui voci Euangelij credunt. Nam hi segregati sunt a profanitate mundi, & applicati Deo per fidem, vt sint hostia illi placens. In horum numero se Dauid esse fatetur, cum ait Psalm. 85 Custodi animam meam quoniam sanctus sum. Et in alio Psalmo: Dixi, confitebor aduersum me iniustitiam meam Domino, & tu remisisti impietatem peccati mei, pro hac (scilicet iniquitate remittenda) orabit ad te omnis sanctus in tempore opportuno.

36 Hinc efficitur quod sanctorum societas in hac vita, non sit illorum qui perfecte sancti sunt, & sine peccato, vt Anabaptistæ & Pelagiani putant. Sed eorum potius, qui agnoscunt sua peccata, credunt remitti peccata, & orant perpetuo pro sua iniquitate remittenda, idque fiducia Mediatoris Iesu Christi.

37 Erit proinde fides huius articuli, firmiter statuere æternum Pontificem Iesum Christum habiturum semper in mundo aliquem sanctorum coetum, contra quem Diabolus & mundus non poterunt præualere: etiam si, vt in exercitu, quædam membra trucidantur.

38 Secundus articulus quartæ partis. Credo remissionem peccatorum, est finalis causa notitiæ historię de Christo. Sic enim agnoscit fides Christum esse Filium Dei, passum & resuscitatũ, &c. vt propter hanc causam

nobis vere donetur remissio peccatorum, vt efficiamur filij Dei, & hæredes vitæ æternæ.

39 Vt autem hic articulus de remissione peccatorum fiat illustrior, quatuor ordine spectanda sunt: Quid sit peccatum, Quid remissio peccati, Quæ fides remissionis peccati, & Quæ fidei remissionis peccatorum coniuncta sint.

40 Peccatum vno verbo definitur a Ioanne, cum dicit, peccatum est *ἀνομία*, hoc est, defectus a Lege (quæ est voluntatis Dei regula) cum obligatione ad æternam mortem & damnationem, iuxta illud: Maledictus omnis qui non manserit in ijs, quæ in libro Legis scripta sunt.

41 Remissio peccati est obligationis ad æternam mortem solutio, & poenæ debitæ condonatio. Hoc confirmatur parabola de debitore. Mat. 18.

42 Vt huius remissionis materia & meritum est víctima filij Dei: ita Deus Pater mira misericordia recipit homines condonato reatu. Etsi autem defectus non integre curatur in hac vita, sed tantum minuitur per mortificationem veteris hominis: tamen reatus adeo aboletur in conuersis ad vocem Euangelij, vt Deus dicat se non recordaturum peccatorum eorum.

43 Fides remissionis peccati, est firma fiducia misericordiæ Dei, iuxta promissionem ipsius, ex prædicatione Euangelij, in qua efficax est Spiritus sanctus, concepta: qua statuit homo, quod Deus velit se vere in gratiam recipere propter victimam Filij, & non amplius sibi peccata imputare.

44 Cum fide remissionis peccatorum duo sunt coniuncta, videlicet gratia, & donum.

45 Gratia est iustificatio ipsa: Gratia ex multis delictis in iustificationem, Rom. 5. Hæc iustificatio est personæ credentis in Christum absolutio a peccato, imputatio iustitiæ Christi, & acceptatio ad vitam æternam gratis propter Christum.

46 Donum

46 Donum est ipsa donatio Spiritus sancti, qua homo sola fide iustificatus regeneratur, id est, mortificatur & viuificatur: vt iam noua creatura fiat, viuaturque porro iuxta voluntatem Dei, quantum quidem id fieri potest per humanam infirmitatem.

47 Quia hæc donatio Spiritus sancti, qua regeneramur, indiuidua comes est fidei remissionis peccatorum, sæpe Scriptura hinc salutis argumentum petit: non tanquã a causã, sed a qualitate credentis personæ. Hinc illud Domini dictum: Nisi quis renatus fuerit ex aqua & Spiritu, non potest introire in regnum cœlorum.

48 Ad eundem modum cum Paulus dicit: Omnis qui inuocauerit nomen Domini saluus erit, ab effectu fidei iustificantis ipsa fides iustificans æstimatur. Omnis enim qui vere inuocat, ex fide inuocat. Quæ inuocatio certissimum indicium est suæ causæ. Est proinde inuocatio, nota iustificati & saluandi: & non causã iustificationis & salutis.

49 Terlius articulus quartæ partis, (Credo) Carnis resurrectionem: est concio de perfectã regeneratione nostri, qua noui homines reddemur animo & corpore, non quidem mutata substantia, sed qualitate tantum. Hac perfectã regeneratione efficiemur conformes Christo Domino, & gestabimus eius imaginem, quantum quidem ad humanam naturam attinet. Ita enim Paulus ait: Qui transfigurabit corpus nostrum humile, vt sit *ἐνμορφω* glorioso corpori ipsius.

50 Quartus articulus quartæ partis (Credo) vitam æternam: est extremus portus ad quem properat fides nostra. Hæc vita æterna, est æterna Dei fruitio, & beata illa felicitas, qua electi fruuntur in omni æternitate.

51 Hoc Symbolum Christiani militis, quicumque corde, ore & vita profitetur, conciuis sanctorum est, & domesticus Dei, ædificatus super fundamento Apostolorum & Prophetarum, ipso summo angulari lapide Iesu

Christo: in quo ædificium congruenter coagmentatum
crescit in templum sanctum Domino.

52 Si quis ergo nobiscum hanc Symboli Christiani
fidem profitetur, eum vt membrum Christi amplecta-
mur & foueamus, etiamsi in quibusdam, quæ funda-
mentum non labefactant, a nobis dissentiat.

53 Multas legimus pugnantis sententias in Scriptis
Patrum, magnum discrimen in Cæremonijs cernimus:
sed donec immotū manet fundamentum, res salua est.

54 Quapropter, cum de Ecclesiæ membris iudican-
dum erit, non ex fumo & stipula petendū est iudicium,
sed ex fundamento, in quo qui manet viuus lapis est, ab
ipso architecto Christo assumptus in ædificium templi
Dei viuentis.

55 Non tamen hinc sequitur permittendum esse in-
quietis ingenijs, vt pro sua libidine ludant opinionibus.
Nam ea res impedit hoc diuinum ædificium, & multos
absterret, quo minus, fundamentum ipsum quærant, &
super eo ædificentur.

56 Laudandum igitur iudico piorum Principum &
Regum consilium, qui lege cauent, ne quis nouis opi-
nionibus Ecclesiæ tranquillitatem turbet, ac præbeat
aduersarijs occasionem calumniandi totum doctrinæ
genus, quod profitemur.

INVOCATIO.

IN OLA Ecclesia Dei cultum inuocationis,
qui cum fide & spe coniunctus est, præstare
potest. Siquidem soli Ecclesiæ aditus patet
ad Patrem per Mediatorem nostrum Ie-
sum Christum.

3 Quia autem proprium Ecclesiæ opus est orare,
maxime necessarium est recte institui homines de vera
orationis ratione. Nam qui hanc non tenet, frustra se
orando fatigat.

3 Consistit

3 Consistit autem precandi ratio in tribus. Primum enim tenendum est quid sit oratio, & quotuplex. Deinde, quæ sint circumstantiæ orationis perpetuæ. Tum, quæ sint precandi formulæ.

4 Quid sit oratio, Symbolis quibusdam in Scripturis indicatur. Primum enim thymiamate perpetuo in populo Israelitico figuratur. Vnde David: Dirigatur oratio mea sicut incensum in conspectu tuo. Deinde gestibus, iuxta illud: Ad te Domine leuaui oculos meos. Adhæc, eleuatione manuum, de qua idem Propheta: Eleuatio manuum mearum sacrificium vespertinum. Et Paulus iubet puras manus leuare. Significant ergo hæc Symbola orationem piam, esse eleuationem animæ hominis ad Deum. Quemadmodum alibi clavis verbis David explicat, cum ait: Ad te Domine leuaui animam meam.

5 Erit igitur Christiana & pia oratio, eleuatio animæ hominis ad Deum, vel aliquid ab eo petentis, vel ei gratias pro collatis beneficijs agentis. Seu, vt quidam ex Patribus Græce definiuit, προσευχή ἐστὶ ἀνάστασις τῆ ψυχῆς πρὸς τὸν θεόν, καὶ αἰτήσεις τῶν προσηκόντων παρ' αὐτοῦ.

6 Orationis quatuor genera Paulus 1. Tim. 2. ponit, quæ sunt δέσεις, deprecatio: προσευχή, adoratio: εὐχαριστία, intercessio: & εὐχαριστία, gratiarum actio. Hæc quatuor genera definitionibus discernantur hoc modo:

7 Deprecatio est supplex eleuatio animæ hominis ad Deum, qua petitur liberatio ab ijs, quæ nobis molesta sunt: vt cum petimus remissionem peccatorum, & liberationem a malis quibuscumlibet.

8 Adoratio, est supplex eleuatio animæ hominis ad Deum, qua petuntur salutaria & vtilia: vt cum petimus regnum Christi aduenire, Sanctificari nomen Dei, Fieri voluntatem Dei, & Panem πρὸς ἡμᾶς nobis dari quotidie.

9 Postulatio, est supplex eleuatio animæ hominis ad Deum, qua vel alij pro alijs, vel omnes pro se inuicem orant, vt Deus largiatur salutaria & vtilia, & auertat noxia.

10 Est autem orandum pro omnibus hominibus, superioribus, inferioribus, ministris verbi, amicis, inimicis, peccatoribus, infidelibus, donec in hac vita nobiscum viuunt.

11 Pro mortuis autem nequaquam est orandum. Nam vt Augustinus ait: In quo quemque inuenerit suus nouissimus dies, in hoc comprehendet mundi nouissimus dies. Quoniam qualis in isto die quisque moritur, talis in die illo iudicabitur.

12 Nec pro hostibus Dei induratis est orandum, sed contra eos potius orare oportet exemplo Sanctorum, Psalmo 5. 59. 134. Ierem. 18. 2. Timoth. 4. Non enim charitas proximi postulat, vt pro hostibus Dei, qui conuerti nolunt, oremus. Siquidem nullum locum habet dilectio proximi vbi cum dilectione Dei pugnat.

13 Sed quid de illis sentiendum, qui vel nobis priuatim sunt inimici, vel Rempublicam in qua viuimus, infestant? Pro illis quidem orandum est, vt ex inimicis fiant amici: pro his vero etsi idem faciendum iudicatum: tamen plura concurrunt perpendenda. Primū enim agnoscenda est iniquitas nostra, propter quam Respublica affligitur: & seria poenitentia, & publica peccatorum remissio, & mitigatio poenae petenda est. Deinde orandus est Deus vt tranquillam habitemus terram nostram. Tum vt magistratui adsit in defendendis subditis. Praeterea, vt auertat sanguinis effusionem, vt conatus & studia hostium infestantium nos impediat. Denique vt tandem vtrinque depositis armis vnum simus, & viuamus in omni pietate stare potest.

14 Gratiarum actio est eleuatio animae hominis ad Deum, qua gratiae Deo aguntur, vel pro beneficijs nobis alijsque collatis (his castigationem paternam subijcio) vel pro malis nobis alijsue sublati.

15 In gratiarum actione spectanda sunt duo, videlicet, quae virtutes necessario in ea concurrant, & quis sit legitimus modus gratiarum actionis. Virtutes coniunctae

coniunctæ in gratiarum actione sunt veritas & iustitia. Ut enim veritas candide & aperte agnoscit benefactorem Deum & excludit hypocrisin & mendacium: ita iustitia grata est benefactori, & excludit superbiam & abusum rerum collatarum, Modus gratiarum actionis a Paulo sæpe indicatur, cum inquit: Gratias ago per Iesum Christum. Cum enim ait, Per Iesum Christum, Vult vt in omni gratiarum actione fides præluceat: vult vt agnoscamus nos per Christum accepisse ea pro quibus gratias agimus: vult vt ad Dei gloriam referamus accepta beneficia: vult vt Deum per Christum prædicemus, propter quem etiam Deo accepta est gratiarum actio.

16 Postquam autem constat, quid sit oratio & quoruplex: Secundo loco tenendæ sunt circumstantiæ Christianæ orationis perpetuæ, quæ sunt quinque præcipuæ. Quarum prima est de affectu orantis. Secunda, de causis orationis seu inuocationis. Tertia, de eo qui inuocandus est. Quarta, de Mediatore: Nam sine Mediatore nemini ad Deum patet aditus. Quinta de rebus petendis.

17 Prima circumstantia est de affectu orantis, quem bene compositum esse oportet, vt per ipsum anima ad Deum eleuetur. Omnium igitur primum exuat animus omnem opinionem propriæ gloriæ, dignitatis & meriti. Deinde non simulate, sed vere sentiat suam inopiam. Tum prostrnat se coram Deo, supplex in vera poenitentia & pio proposito. Adhæc, animus inflammetur viuâ fiducia, qua statuât Deum secundum suas promissiones misericordem esse, & velle exaudire inuocantes, propter Mediatorem vnicum & Sacerdotem nostrum Iesum Christum.

18 Qui hoc modo compositus est ad orandû, is sane in Spiritu & veritate adorat. Siquidem sentiens suam miseriam, & cogitans misericordiam Dei, veris motibus a Spiritu sancto excitatus ad orandum impellitur.

19 Nam qui tument opinione propriæ gloriæ, dignitatis, aut meriti: qui non vere sentiunt suam inopiam:

qui se non prosternunt coram Deo in vera poenitentia, cum pio proposito: qui fiduciam promissionum diuinarum non adferunt: nequaquam orant. Nam illorum anima humi repit, & non eleuatur ad Deum.

20 In horum numero Phariseus ille fuit, cuius meminit Evangelica historia. Is enim more hypocritarum sine intellectu, sine affectu, & cum contradictione orabat; Neque enim voluntatem Dei recte intellexit: nec inter precandum motus spirituales sensit: præterea etiam aliud lingua aliud mente precabatur.

21 Secunda circumstantia est de causis inuocationis, quæ sunt plures. Quarum prima est mandatum Dei, requirentis a nobis cultum inuocationis: quod sane mandatum contemnere nefas est.

22 Secunda, promissio quod Deus velit inuocantes exaudire. Ex his duabus causis patet, quanta sit dignitas & efficacia orationis. Nam cum Deus inenarrabili bonitate & misericordia, non solum præcipiat ut petamus bona, sed etiam addat amplissimas promissiones, quas vult esse ratas & immutabiles: non difficile est cogitare quanta sit orationis dignitas, quanta amplitudo & efficacia.

23 Tertia causa videlicet *ποικιλότητις* est ipsa varietas periculorum, quæ quidem plura & maiora sunt, quam ut oratione comprehendi possint. Semper Ecclesiam hi duo exercitus oppugnant, tyranni & hæretici: quorum dux & incitator est hostis Christi & Ecclesie, Diabolus. Politicæ quanto in periculo versantur? Quam multa stabella sunt Satanz quibus gubernatores Rerum publicarum sæpe inflammantur. Vnde ingentia incēdia Rerum publicarū nascuntur? Quantæ difficultates in domestica gubernatione? Quoties Satan singulos nostrum ex insidijs adoritur? Breuiter, quocunque nos vertimus infinita pericula cernimus: quæ vitare non possumus nisi confugerimus ad asylum Dei, quod est pia & seria inuocatio. Ex hac causa facile videre est, quanta sit Christiana

hanc orationis necessitas, utilitas & efficacia.

14 Quarta causa est, & consuetudine orandi augeatur in nobis fides, excitetur spes & reddamur ardentiores in alijs pietatis exercitijs. Pertinet & hæc causa ad utilitatem.

15 Quinta causa est imitatio sanctorum, quorum præcipuum & summum studium fuit perpetuo orare. Nam in quibus viva fides est, quæ est veluti ignis quo accenditur hoc diuinum thymiana: ibi necesse est fidei germanos fructus esse, inter quos primum locum obtinet inuocatio: a qua nunquam abesse debet gratiarum actio. Has causas omnes ad dignitatem, necessitatem & efficaciam orationis reuocare licet.

16 Tertia circumstantia est de eo ad quem dirigenda est oratio. Est autem dirigenda oratio ad eum in quem credere fas est. Ita enim Paulus dicit: quomodo inuocabunt, in quem non credunt? Si proinde is demum solus est inuocandus, in quem credere fas est: solus certe Deus inuocandus erit, qui est Pater & Filius & Spiritus sanctus. Nam maledictus est qui confidit in creaturam.

17 Vnus proinde Deus & solus est inuocandus, qui est Pater, & Filius, & Spiritus sanctus. Qui ergo adorat Patrem: non excludit Filium, nec Spiritum sanctum. Qui adorat Filium: Patrem & Spiritum sanctum adorat. Qui Spiritum sanctum inuocat: Patrem & Filium honorat. Nam Pater, Filius, & Spiritus sanctus vnus est Deus. Huc & illud responsum Christi (cum Christo diceret Satan, Si procidens adoraueris me) scriptum est: Dominum Deum tuum adorabis, & illum solum coles.

18 Quicumque igitur negat inuocandum esse filium Dei, aut Spiritum sanctum, Arianus est. Nam tollit essentiam, a qua cultus fidei & inuocationis tolli non potest.

19 Ex his enim efficitur quod inuocatio creaturarum sit blasphemum aduersus Deum, & foedissima idolatria,

qui se non prosternunt coram Deo in vera poenitentia, cum pio proposito: qui fiduciam promissionum diuinarum non adferunt: nequaquam orant. Nam illorum anima humi repit, & non eleuatur ad Deum.

20 In horum numero Phariseus ille fuit, cuius meminit Evangelica historia. Is enim more hypocritarum sine intellectu, sine affectu, & cum contradictione orabat; Neque enim voluntatem Dei recte intellexit: nec inter precandum motus spirituales sensit: præterea etiam aliud lingua aliud mente precabatur.

21 Secunda circumstantia est de causis inuocationis, quæ sunt plures. Quarum prima est mandatum Dei, requirentis a nobis cultum inuocationis: quod sane mandatum contemnere nefas est.

22 Secunda, promissio quod Deus velit innocentes exaudire. Ex his duabus causis patet, quanta sit dignitas & efficacia orationis. Nam cum Deus inenarrabili bonitate & misericordia, non solum præcipiat ut petamus bona, sed etiam addat amplissimas promissiones, quas vult esse ratas & immutabiles: non difficile est cogitare quanta sit orationis dignitas, quanta amplitudo & efficacia.

23 Tertia causa videlicet *περὶ τῶν πταιμάτων* est ipsa varietas periculorum, quæ quidem plura & maiora sunt, quam ut oratione comprehendi possint. Semper Ecclesiam hi duo exercitus oppugnant, tyranni & hæretici: quorum dux & incitator est hostis Christi & Ecclesiæ, Diabolus. Politicæ quanto in periculo versantur? Quam multa flabella sunt Satanae quibus gubernatores Rerum publicarum sæpe inflammantur. Vnde ingentia incædia Rerum publicarum nascuntur? Quantæ difficultates in domestica gubernatione? Quoties Satan singulos nostrum ex insidijs adoritur? Breuiter, quocunque nos vertimus infinita pericula cernimus: quæ vitare non possumus nisi confugerimus ad asylum Dei, quod est pia & seria inuocatio. Ex hac causa facile videre est, quanta sit Christiana

hanc orationis necessitas, utilitas & efficacia.

14 Quarta causa est, & consuetudine orandi augeatur in nobis fides, excitetur spes & reddamur ardentiores in alijs pietatis exercitijs. Pertinet & hæc causa ad utilitatem.

15 Quinta causa est imitatio sanctorum, quorum præcipuum & summum studium fuit perpetuo orare. Nam in quibus viva fides est, quæ est veluti ignis quo accenditur hoc diuinum thymiana: ibi necesse est fidei germanos fructus esse, inter quos primum locum obtinet inuocatio: a qua nunquam abesse debet gratiarum actio. Has causas omnes ad dignitatem, necessitatem & efficaciam orationis reuocare licet.

16 Tertia circumstantia est de eo ad quem dirigenda est oratio. Est autem dirigenda oratio ad eum in quem credere fas est. Ita enim Paulus dicit: quomodo inuocabunt, in quem non credunt? Si proinde is demum solus est inuocandus, in quem credere fas est: solus certe Deus inuocandus erit, qui est Pater & Filius & Spiritus sanctus. Nam maledictus est qui confidit in creaturam.

17 Vnus proinde Deus & solus est inuocandus, qui est Pater, & Filius, & Spiritus sanctus. Qui ergo adorat Patrem: non excludit Filium, nec Spiritum sanctum. Qui adorat Filium: Patrem & Spiritum sanctum adorat. Qui Spiritum sanctum inuocat: Patrem & Filium honorat. Nam Pater, Filius, & Spiritus sanctus vnus est Deus. Huc & illud responsum Christi (cum Christo diceret Satan, Si procidens adoraueris me) scriptum est: Dominum Deum tuum adorabis, & illum solum coles.

18 Quicumque igitur negat inuocandum esse filium Dei, aut Spiritum sanctum, Arianus est. Nam tollit essentiam, a qua cultus fidei & inuocationis tolli non potest.

19 Ex his enim efficitur quod inuocatio creaturarum sit blasphemum aduersus Deum, & foedissima idolatria,

contra quam pugnat etiam Epiphanius: pag. 448. ἡ ἐπι-
 τὴν ἡμῶν ἡ ἀρχαία πλάτη, καὶ λιμπάνιον τὸν ζῶντα καὶ προσηνῆ
 ὅν' αὐτοῦ γιγαστά.

30 Papa itaque qui iubet sanctos inuocari, & sup-
 plicio afficit non obedientes impiissimo decreto, Deū
 contemnit, est hostis Ecclesiæ & satelles Satane, qui per
 Papam inuexit inuocationem Sanctorum, propter has
 præcipue causas, ut Deum suo proprio honore spoliet,
 ut ignominia afficiat demortuos sanctos, ut perdat ido-
 lolatras, qui creaturas inuocant, denique ut paulatim
 Christi regno abolito, suum erigat.

31 Huic errori Ethnico & Papistico vicinus est eo-
 rum, qui dicunt quidem se solum Deum inuocare, &
 damnare inuocationem creaturarum. Sed interea cōtra
 Dei prohibitionem volunt Deum adorare, prostrati co-
 ram idolis & imaginibus. Nam nulla alia est causa pro-
 hibitionis idolorum & sculptilium, quam quod Deus
 nolit coram sculptilibus & imaginibus adorari.

32 Quicumque igitur coram lignis & lapidibus reli-
 gionis causa procumbunt, Serpentem adorant, qui ligni
 fructu primos occidit parentes.

33 Neque excusat patronos huius superstitionis, bo-
 na intentio quam prætendunt. Nam bis homines coram
 Deo reos facit bona intentio, quæ verbo Dei non regi-
 tur, videlicet defectionis & temeritatis. Defectionis
 quidem, quod deficiunt a simplicitate verbi & præcepti
 diuini ad suas cogitationes. Temeritatis vero, quod au-
 deant Deo modū præscribere, quo ipsum colere velint.

34 Nec illi audiendi sunt qui ideo se procumbere
 coram imaginibus dicunt, ut contemplatione imaginū
 exciterur animi deuotio. Nam admodum frigida esse
 oportet ea corda, quæ illis flabellis a Satana excogitatis
 opus habent, ut excitentur ad precandum.

35 Quarta circumstantia est de Mediatore. Nam si sine
 Mediatore Deum accedimus, facile reiiciet nos nostræ
 indignitatis & peccatorum cogitatio, præsertim cum
 scriptum

scriptum sit: Deus peccatores non exaudit. Quare Mediatorem nos habere oportet, cuius intercessione, merito & dignitate freti, audeamus Deum accedere.

36 Sed quisnam est iste mediator? Deus & homo Iesus Christus, qui ut vera diuinitate cum Patre vnum est: ita vera humanitate nobis coniunctus est. Quia ratione fit ut Deum & hominem ipse, Deus & homo, optime conciliet & coniungat, idque intercessione, merito & dignitate. Hinc est quod Paulus dicit, Vnus est Mediator Dei & hominum, homo Iesus Christus.

37 Huc pertinet & Christi illa promissio: Quicquid petieris Patrem in nomine meo dabit vobis. Ac si dicat, Nequaquam debetis vestra opera ac dignitatem iactare in conspectu Dei, sed me nominabitis & propter me petetis, videlicet Mediatorem, & datorem vna cum Patre. Ita etiam Cyrillus rectissime explicat promissionem Christi. In nomine meo, inquit, addidit, ut Mediatorem se, & collargitorem ostendat. Non enim tantum pro nobis intercedit, ut Pater det nobis salutaria, verum etiam ipse ut Mediator dat nobis dona, iuxta illud: Ascendit in altum, & dat dona hominibus.

38 Ex hoc sequitur quod Christus, etiam quatenus Mediator est, sit inuocandus. Nam si & impetrat nobis, & donat cum Patre, ut Mediator: certe ut Mediator inuocandus est. Proinde recte orauit Bartimæus cæcus: Fili David miserere mei. Et Stephanus: Iesu suscipe Spiritum meum. Et Paulus pre solet præfari in suis Epistolis: Gratia vobis & pax a Deo Patre & Domino nostro Iesu Christo, &c.

39 Porro ex eo quod alij homines pro alijs orent, non efficitur ut sint plures mediatores. Nam quicumque pro alijs recte orant, freti Mediatore vnico Christo hoc faciunt.

40 Quinta circumstantia reliqua est, videlicet de rebus petendis. Nam quia non solet pater bonus dare alijs petita, si nocent: nec decet probos filios a Patre

petere, quæ patrem dare indignum est: merito hæc etiā circumstantia, de rebus petendis, addenda fuit.

41 In primis hic tenendum est discrimen inter ea, quæ petenda sunt sine conditione, & ea quæ cum conditione peti possunt. Vt enim bona sine quibus salus contingere non potest, atque adeo salus ipsa, sine conditione petenda sunt: ita bona quorum vsus est tantum in præsentī vita, cum conditione peti debent. Et vt mala impediētia salutem animarum, sine conditione precabimur a nobis auerti: ita mala quæ in hac vita nobis molesta sunt, cum conditione non impeditæ gloriæ Dei & nostræ salutis, precibus auertemus.

42 Hinc est quod pij gloriantur in afflictionibus, & habent spem etiam tunc cum interficiuntur a Tyrannis. Discernunt enim inter bona sine conditione & certo promissa, & inter commoda huius vitæ. Hinc est illa vox Iob: Etiam si occiderit me sperabo in eum, & ipse erit saluator meus.

43 Neque cum his pugnat præceptum Iacobi, qui iubet petere sine hæsitacione. Nam aliud est, cum hæsitacione petere: aliud, cum conditione. Nam fidelis non dubitat quin Deus suas preces exaudiat: quoniam si id non dat quod petitur, certe id quod multo melius est largitur. Recte proinde Bernhardus, cum inquit: Vnum e duobus sperare indubitater possumus: quoniā aut dabit quod petimus, aut quod nobis nouerit esse vtilius.

44 Vniuersalis igitur particula in dicto Domini Quicquid petieritis, &c. ad certum genus restringenda est. Quicquid scilicet vobis salutare est, non vestro iudicio, sed benignissimi Patris mei sententia. Sic Ioannes hoc genus restringit, cum inquit: Si quid petieritis secundum voluntatem eius, audiet vos.

45 Restat tertium quod proposuimus, videlicet, de precandi formula. Quidam nimis socratice nolunt quicquam expressis verbis nominare, sed Deo supplicant vt ipse largiatur quæ scit sibi vtilia esse. Sed illi refutantur
& plurimis

& plurimis sanctorum exemplis, & forma precationis nobis a Christo commendata.

46 Et si enim fateor duplicem esse inuocationem, vnam cordis tantum, alteram cordis & oris simul: (nulla enim est oratio oris tantum: quod tamen Monachi impie nocent) tamen recitatio certæ formulæ propter multas causas utilis est.

47 Primum recitatio non solum de multis rebus precantes admonet, verum etiam est confessio quædam, segregans nos ab impijs & profanis sectis. Deinde recitatio pie concepta, excitat pios motus in pectoribus. Nam ideo verba adhibentur, ut pectora inter precandum accendantur: non, ut Deo narremus quæ ignorat. Ita enim ait Augustinus: Quamuis invisibilis voluntas orantis Deo sit nota, nec ullis indigeat indicijs, ut ei animus pandatur humanus, qui locutionem cordis cognoscit: tamen homo vocibus & membris sui corporis utitur, ut sic orando affectus hominis humilior, deuotior, feruentior crescat. Postremo distincta & expressa recitatio, terrorem incutit Diabolis. Nulla enim re magis expauescunt Diaboli, quam audita vera inuocatione Dei. Quæ ob causam Paulus inter arma quibus inuaditur Diabolus, orationem recitat.

48 Quanquam autem multæ sunt precandi formulæ, cum veteres, quales sunt Psalmi Dauidici, & orationes aliorum sanctorum Regum & Prophetarum, tum recætes bene & utiliter conscriptæ: tamen formula, quam nobis Dominus præscripsit, omnibus reliquis anteponenda est, cum propter auctoris maiestatem, tum propter rerum petendarum ordinem & materiam.

49 Ordo autem hic est: Votum omnium primum esse debet piorum, ut firmum & immotum fundamentum cultus Dei iaciatur: quod est vera Dei notitia: idque in hunc finem, & regnum Dei erigatur, stabiliatur, propagetur: & ut ciues in eodem regno Regi cœlesti debitam obedientiam præstent. Ideo Christus iubet primum

peti notitiam Dei. Deinde aduentum regni: Tum obedientiam ciuium in eodem regno, Deinde quia in hac mortali vita regnum Dei incoatur erigiturque, vbiuarijs opus habemus praesidijs: iubet quarto loco vt petamus quicquid ad huius vitae sustentationem facit. Verum quia ea est corruptio naturae humanae, quod facilis sit lapsus in errata & mutuas offensiones: quinto loco docet petendam esse condonationem istorum lapsuum & errorum: ne propter ea a regno Dei excludamur. Postremo, quia sunt duo acerrimi hostes, qui conspirarunt aduersum regnum Dei, caro & Diabolus: docet petendam esse defensionem aduersus eos, idque sexta & septima petitione. Quis quæso ordo aptior esse potuit?

50 Porro, vt coinpellatio orationis Dominicae, fidem excitat, animat orantes: ita confirmatio qua clauditur, veluti exauditionis quædam obsignatio est, & certitudo.

CERTITUDO DOCTRINÆ Ecclesiæ.

DOCTRINA Ecclesiæ Dei non est alia, quam quæ nobis ab ipso Deo commendata est, iuxta dictum Domini apud Esai. Hoc autem pactum meum cum eis, dicit Iehoua, Spiritus meus qui est super te, & verba mea, quæ posui in ore tuo, non recedent de ore tuo, & de ore seminis tui, & de ore seminis seminis tui, dicit Iehoua, ex hoc tempore vsque in sempiternum. Et Christus dicit: Oues meæ vocem meam audiunt.

2 Hoc verbum, & hæc doctrina quæ est Ecclesiæ, in Mose, in Prophetis, in Euangelicis historijs, in Epistolis Apostolorum traditur. Habent Mosen & Prophetas, dicit Abraham, audiant illos. Hos audiunt etiam qui Euangelicas historias & Apostolorum scripta audiunt.

Nam

Nam hæc sunt Moſis & Prophetarum clariores enarrationes.

3 Quoniam autem Mahometiſtæ, & aliæ profanæ gentes, paſſim per orbem opponunt ſe doctrinæ Eccleſiæ, & eam ferro & igni abolere conantur: neceſſe eſt, ut pii, in tanta colluſione malorum, muniant ſuos animos aduerſus ſcandala, & ſæpe cogitent de immota certitudine doctrinæ religionis quam profitentur: præſertim cum maxima pars mundi eam rideat & perſequatur.

4 Philoſophi de ſuæ doctrinæ certitudine gloriantur, iactant, & argumenta, demonstrationes proferunt, experientiâ prædicant. Quæ tamenſi agnoſco eſſe excellentia dona Dei: tamen dico, quod nequaquam philoſophica certitudo poſſit conferri cum firmitate doctrinæ Eccleſiæ.

5 Hæc doctrina Eccleſiæ, etſi ſolo teſtimonio nititur: tamen hoc teſtimonium maius pondus habet, quam ut ei conferri poſſit vlla philoſophica certitudo. De hoc ergo teſtimonio copioſius quædam adferemus.

6 Teſtimonium quo nititur Eccleſiæ doctrina duplex eſt, externum & internum. Illud in ſenſus incurrit, quo doctrina Eccleſiæ confirmatur tanquam ſigillo quodam Dei externo: hoc in mentem cadit, & doctrinam Eccleſiæ in cordibus fidelium obſignat. De utroque ordine dicemus.

7 Externum itaque teſtimonium, ſeu externum ſigillum, quo Deus obſignat doctrinam Eccleſiæ, ſex habet partes præcipuas, quæ ſunt: Patefactio diuina, miraculorum operatio & varietas, Prophetiarum firmitudo, conſenſus veræ Eccleſiæ perpetuus, duratio Eccleſiæ, & cruenta plurimorum martyrum confeſſio.

8 Prima pars externi teſtimonij eſt patefactio diuina, per quam ipſe Deus de ſua arcana ſede procedēs, ſe olim ſanctis Patribus patefecit, quibus ſuum verbum, quo vult Eccleſiam colligi & regi, tradidit & commendavit.

9 Quanquam autem Dominus apparuiſſe ſæpe legitur: tamen paucas eius apparitiones, quas prodeſt ha-

bere in conspectu, recitabo: in quibus summam doctrinæ Ecclesiæ proponit, inculcat, repetit, illustrat.

10 Primum itaque apparuit Adamo post lapsum, Genes. 3. & doctrinam Legis & Euangelij sua voce tradidit: pœnas inflixit propter peccatum. Ab hac doctrina Ecclesia Dei nunquam defecit: sed perpetuo eandem amavit, retinuit, propagavit.

11 Deinde apparuit Noë, & factò confirmavit doctrinam Legis, & Euangelij: dum impœnitentes quidem diluvio perdidit: Noe vero cum sua familia, ex gratia promissionis clementer liberauit, Gen. 6. 7. 9.

12 Post diluvium, ut doctrinam malitia hominum ferè collapsam erigeret, apparuit Abrahamo decies. Genes. 12. 13. 15. 17. 18. 21. 22. Eius filio Isaac bis. Genes. 26. Nepoti Iacob sexies Genes. 28. 31. 32. 35. In his apparitionibus Abrahamo, Isaac, & Iacob factis, eadem doctrina est proposita, & promissionis verbum clarius illustratum est. Iustificationis quoque doctrina in Abrahamo, certissimo typo expressa est apertius. Nam in hoc clare ostendit, quod fide sola absque operibus iustificetur homo: quod fidei sit coniuncta obedientia erga Deum: quod Sacramenta non iustificent, sed obsequantur iusticiam promissionis & fidei.

13 Post hæc in Aegypto Moysi apparuit, eandem doctrinam repetens & confirmans. Exod. 3.

14 Adhæc multis Prophetis idem verbum in visionibus & somnijs apparens commendavit, & prolixis concionibus declaravit, quod primis Patribus tanquam breuibus Aphorismis tradiderat.

15 In nouo testamento Deus idem verbum sonuit de cælo, & proprio ore nobis Christum doctorem commendavit, dicens. Hic est Filius meus dilectus, in quo placatus sum, hunc audite. Ac si dicat, Olim promisi semini mulieris destructurum caput serpentis, & reparatorem generis humani, sublata Legis maledictione: Ecce iam præsto adest, eum audite, in eum credite, quibus vita & salus

salus curæ est, in hoc enim mihi complacuit & reconciliatus sum mundo.

16 Hæ omnes apparitiones cum multis alijs, vna cum angelorum apparitionibus & concionibus, nostræ infirmitati mederi debent, ac confirmare nostros animos, ne credamus imposturis Diaboli, qui cum omnibus Sophistis & Mahometistis profanisque gentibus in hoc totus incumbit, vt nos ab illo verbo, tot apparitionibus diuinis nobis commendato, abstrahat. Atque hoc est, quod prædictum est a Deo. Semen serpentis, mordebit calcaneum seminis mulieris.

17 Secunda pars externi testimonij est operatio miraculorum & varietas, quæ miracula sunt quædam extraordinaria opera Dei, quibus tanquam sigillis firmissimis verbum suum, hoc est Legem & Euangelium, quatuor millibus annorum confirmauit.

18 Sunt autem miracula, quæ vltra virtutem creaturæ, contra consuetudinem aliquid obijciunt sensibus, quod in admirationem diuinæ Maiestatis homines adducit. Huiusmodi sunt plurima cum in veteri, tum in nouo Testamento: ex quibus nonnulla ascribemus.

19 Ante diluuium, duo insignia miracula occurrunt. Primum in sacrificijs Abel & Cain: vbi aperto testimonio Dominus confirmauit Legem & Euangelium. Non respexit Dominus ad Cain. sed ad Abel. Ille enim hypocrita fuit, Lege damnatus: hic pius propter fidem in promissum semen. Quare primum respexit ad Abel: deinde ad munera eius, quæ propter offerentis fidem placuerunt, Genes. 4. Secundum in Enoch, quem Dominus e consortio hominum sustulit in cælum, quo facto doctrinam promissionis confirmauit Dominus de victoria super regno Satanæ. Genes. 5.

20 In diluuiio duo quoque præcipua sunt edita miracula. Vnum, miraculosa poena ob peccatum iuxta Legis comminationem. Alterum, admiranda liberatio credentium iuxta promissionis verbum. Atque ita diluuium

obsignat vtrunque doctrinam, nimirum Legis & Evangelij Gen. 8.

21 Post diluvium primum occurrit confusio linguarum in ædificatione Turris: qua confusione minæ in contumaces confirmantur Gen. 11. Deinde partus aniculæ Saræ sterilis natura & ætate, per Angelum annunciat Gen. 21. Pugna Iacob cum Angelo. Scala extensa in cælum visa ab eodem, promissionis gratiæ certitudini seruiunt, Genes. 28. 32.

22 In Aegypto ardet rubus, sed incolumis manet, Exod. 3. Virga in colubrum vertitur. Exo. 4. Vrgente Moyses mandatum Domini de exitu populi, decem mirabilia signa eduntur, Exod. 7. 8. 9. 10. 11. 12. quæ sane signa testantur Deum iuxta Legis minas, punire contumaces: & rursus iuxta gratiæ promissionem, suos tueri.

23 In exitu de Aegypto, ut miraculosa maris exiccatio, per quam liberati sunt Hebræi, promissæ gratiæ testimonium est, Exo. 12. ita submersio Pharaonis cum suo exercitu Legis diuinæ est sigillum, Exod. 14. Eodem pertinet columna nubis per diem, & columna ignis per noctem, qua suum populum Dominus in itinere direxit, Exod. 14.

24 In monte Sinai doctrina Legis multis confirmatur miraculis, quæ & Symbola fuerunt effectuum Legis in hominibus, & testimonia de doctrina, quod vere a Deo sit profecta. Taceo miraculosum ieiunium Moysis in monte, quod eodem pertinet. Exod. 19.

25 Tempore quadraginta annorum quo populus in deserto fuit plurima sunt miracula edita, quibus vtraque doctrinæ pars confirmata est. Legis doctrina confirmatur miraculosa poena Coræ, Dathan, & Abiron, cum eorum socijs, quos terra absorpsit, Num. 17. Deinde thurificantes contra Legem, igne de cælo absumti sunt. Inobediētes serpentibus percutiuntur, Num. 22. Promissio quoque gratiæ confirmatur miraculosis beneficijs Dei. Aqua de petra manat contra naturam, & comitatur populum quocun-

quocunque proficiscitur. Man de coelo datur, unde tot milia hominum aluntur 40. annis: Aspectus ænei serpentis erecti mandato Domini, quo sanantur percussi a dip-sadibus, Num. 21. Vestimenta ac calcei tot hominum, tanto tempore non teruntur. Deut. 8.

16 Sub Iosua duce primum occurrit transitus per medium Iordanis, stante aqua ab vna parte instar muri, & defluente ab altera, Ios. 3. Ciuitatis Hiericho, septimo circuitu & voce tubarum, iuxta vocem Domini, euersio, Ios. 6. Prolongatus dies pugnantibus Hebræis cōtra Gabaon. Lapides de coelo demissi, quibus hostes populi Dei occisi sunt. His omnibus confirmari vtrumque doctrinæ genus nemo non videt.

17 Sub ducibus etsi plurima contigere miracula: duoramen præ alijs sunt insignia: Vellus Gedeonis, Iudic. 6. Et fortitudo Samsonis, Iud. 14. 15. 16. Vtrumque veritatis doctrinæ sigillum est.

18 Temporibus Regum Elias & Elisæus miraculis plurimis claruerunt, quibus vtramque doctrinam Legis & Euangelij confirmarunt. Elias excitat mortuum. Hostiam perfusam, aqua, impetrato miraculose igne de coelo, accendit, in testimonium doctrinæ suæ. Ad preces eiusdem tribus annis non pluit: rursus petente eo in pluuiam nubes densantur, & pluuiam mittunt. Hic pallio Iordanem diuidit, ficcus transit, & ignito curru in coelum tollitur. Elisæus sanat aquas pessimas & steriles. Ditat mulierem oleo miraculose. Sanat Naaman Syrum a lepra. Alia multa prætermitto, quæ contigere temporibus Regum.

19 Sub captiuitate populi in Chaldæa, hæc sunt præcipua: Miraculosa liberatio triū virorū, qui propter confessionē doctrinæ Ecclesiæ in ardentem fornacē coniecti sunt, Daniel. 3. Miraculosa defensio Danielis cōiecti in lacū vt deuoraretur a leonibus, eo quod noller abijcere doctrinam Ecclesiæ, & idola profana loco veri Dei colere.

30 Miracula sub ducibus vsque ad Christum fuerunt

non pauca: sed præcipuum est, quod Deus populum suum, tot persecutionibus fractum, contra adeo potentes Reges & principes defenderit, ut firmum staret vaticinium Iacob, de expectatione gentium seu aduentu Messiae.

31 Noui Testamenti miracula sunt plurima, quorum præcipua attingam. Primum occurrit sterilis anicula par-tus. Deinde virginis: vterque ab Angelo nunciatus. Sequuntur Angelorum conciones: Magorum stella: facta Christi diuina eaque plurima, ut sanationes ægrotorum, suscitationes mortuorum, apparitiones in monte, resurrectionis Christi. Quibus omnibus accedit veluti Regia quædam obsignatio, visibilis donatio Spiritus sancti, quinquagesimo post resurrectionem Domini die. Eodem pertinent miracula Apostolorum.

32 Quod autem miracula eo pertinebant, ut illis confirmaretur doctrina, testantur hæc dicta, Exod. 13. Erit quasi signum in manu tua, & quasi monumentum in oculis tuis, ut Lex Domini semper sit in ore tuo. Num. 14. Usquequo non credent mihi in cunctis signis quæ feci in medio eorum? 3. Reg. 17. Vidua excitato filio, dixit: Nunc scio quod vir Dei es tu, & verbum Domini in ore tuo verum est. Ioan. 8. Si mihi non creditis, credite operibus meis.

33 Cur non adhuc eduntur miracula? Respondet Augustinus his verbis: Nec miracula illa in nostra tempora durare permissa sunt, ne animus semper visibilis quæreret, & eorum consuetudine frigeret genus humanum, quorum nouitate flagrauit. Nec iam nobis dubium esse debet, ijs esse credendum, qui dum ea prædicarent, quæ pauci assequuntur, se tamen sequendos populis per-suaserint.

34 Tertia pars externi testimonij est Prophetiarum firmitudo & veritas. Nam cum euentus respondet Prophetiæ, testatur Deus quod sit Prophetiæ autor, iuxta illud Ierem. 28. Propheta qui vaticinatus est pacem, cum venerit

venerit verbum eius, tunc scietur Propheta, quem misit Dominus in veritate. Apoc. 19. Testimonium Iesu est spiritus Prophetiae.

35 Iacob praedixit tempus aduentus Christi in carnem. Genes. 49. cui euentus respondit. Prophetia Balaam sub imagine stellae, Num. 21. Vaticinium Esaiæ de virginis partu, Esai. 7. Danielis Prophetia de quatuor Monarchiis, de hebdomadibus, de tempore aduentus Christi, de eius morte æternoque Regno. Prophetarum plurimorum vaticinia de contumacia populi Iudaici, de persecutione Ecclesiae. Pauli praedictio de Antichristo. Hic cum euentus, qui a nulla creatura prospici poterant, vaticinijs Propheticis respondeant, manifestum est a Deo monstratos esse, & vocem Prophetarum diuinam esse.

36 Quarta pars externi testimonij est consensus Moysis, Prophetarum, Christi, Apostolorum, ac Catholicæ totius Ecclesiae in Doctrina, cultu, & vita. Nam hi omnes Legem & promissiones virgent, ac alijs clarius exponunt.

37 Quinta pars externi testimonij, est ipsa duratio Ecclesiae ac doctrinae Legis & Euangelij, contra tot Diabolorum & hominum potentiam, & sophisticationem, qui conspirarunt aduersus Christum, & eius Ecclesiam: quæ tamen hæcenus conseruata est & conseruabitur, vt ut furat & insanat Satan & mundus, quemadmodum Dominus promittit cum ait: Portæ inferorum non præualebunt aduersus eam. Huc quoque Gamalielis dictum pertinet: Si ex hominibus est opus hoc, dissoluetur.

38 Sexta pars externi testimonij est, cruenta confessio tot Martyrum inde vsque ab Abel ad Christum Dominum, & ab ipso in hunc vsque diem. Nam tanta & tam atrocia supplicia nequaquam sustinuisent pro incerta & erronea doctrina.

39 Neque hoc genus testimonij infringitur ex eo, quod multi entusiasmo quodam instigati, pro erroribus suis

confirmandis mortem oppetunt. Nam destituti sunt superioribus testimonijs, quæ semper tanquam regula & norma sunt, vt discernatur inter veros Martyres, & impulsos a Diabolo ad oppugnandam veritatem.

40 Internum testimonium vnicum est, nimirum arrhabo seu pignus Spiritus sancti, quo veritas verbi Dei obsignatur in cordibus fidelium. De hoc interno testimonio loquitur Paulus Corinthijs scribens in hanc sententiam: Qui confirmat nos vobiscum in Christo, & qui vnxit nos Deus est, qui etiam obsignauit nos & dedit arrhabonem Spiritus in corda nostra. Et ad Ephe. In quo Christo & obsignati estis Spiritu promissionis sancto, qui est arrhabo hæreditatis nostræ.

41 Hæc testimonia externa & interna sunt causæ certitudinis in doctrina Ecclesiæ, quæ si conferuntur cæ philosophica certitudine plurimum excellunt.

42 Omnia in philosophia, lumini rationis & sensibus subiiciuntur: at in Theologia nostra, hoc est, in doctrina Ecclesiæ, lumen Deus est, qui suam doctrinam proponit & confirmat.

43 Valeant igitur profani homines qui certitudinem rei Theologicæ post scientiam collocant, & fere cum *inacria* coniungunt.

44 Hic merito quæri potest de doctoribus Ecclesiæ, quo in loco eorum dicta habenda sint. Ad quam quæstionem ita responderi debet. Triplicia sunt dicta Patrum, Quædam demonstrata, Quædam probabilia, Quædam falsa. Demonstrata, vt sint Symbola, Apostolicum, Nicenum, Athanasianum, eiusdem autoritatis sunt cum Scriptura: quia ex ea collecta sunt & in ordinem digesta. Probabilia retineantur donec trahantur in malam consequentiam a Sophistis. Falsa vt vox serpentis fugiêda sunt, iuxta hanc Ambrosij regulam: Nos noua omnia quæ Christus non docuit iure damnamus, quia fidelibus via Christus est. Si igitur Christus non docuit quod docemus, & nos id detestabile iudicemus.

45 Porro præter hæreticos (quorum caput est Papa) qui inter moenia Ecclesiæ delitescunt, hostes doctrinæ sunt Turci, Iudæi, & aliæ gentes barbaræ. Turci, quia libros Propheticos & Apostolicos reiiciunt, plane furunt. Iudæos confutat tempus, quò adesse debuit Christus, & plurimæ prædictiones de illorum reiectione. Gentes barbaræ ab ipso Satana agitantur: adeo ut se omni turpitudini & idololatriæ prostituant.

46 Non ergo debet pios offendere vel Turcorum secta, quæ confusio quædam est ex blasphemijs, latrocinijs, & flagitiosis libidinibus conflata, quæ sunt manifestæ notæ Diaboli. Sed debent pij vaticinium Danielis cogitare, de furoribus Mahometi, qui bellum inferre Sanctis, & prævalere eis, & loqui sermones contra excelsum prædicatur: vel Iudæorum reproba mens, qui a Deo propter suam ingratitude reiecti sunt: vel gentium aliarum barbararum cæca idolomania. Nam longe antea prædictum fuit, ut talis colluies hominum contemnentium Euangelium foret in mundo. Quare euentus prædictionum confirmabit piorum animos contra omnes sectas, quæ persequuntur doctrinam Propheticam & Apostolicam.

47 Quemadmodum igitur abominamur superstitiones Aegyptiorum, qui boues, feles, serpentes tanquam numina colebant, & ut detestamur Corybantum tympana & Baccharum ululatus: Sic Mahometi deliria, Iudæorum somnia, & omnium profanarum gentium sectas, tanquam ludibria Diaboli, excremur ac fugiamus.

48 Retineamus igitur hanc spem, quod sicut vere Christus exhibitus est iuxta Scripturam, & diuinis testimonijs confirmatus est, quod sit Rex & Mediator noster a Deo missus: ita breui aduenturus sit iudicatum vivos & mortuos. Atque tunc futurum est, ut qui hic in fide Christi vixit & perseveravit, non pudeat: cum contra, omnes hostes Christi pudore confundentur, quando videbunt Christum in sua gloria venire abducturum secum

omnes qui in ipsum crediderunt, & in eo mortui sunt, hostibus Dei coniectis in ignem æternum.

49 Cum autem electos suos Christus Dominus ad se receperit, perficietur prophetia David, dicentis: Notas mihi fecisti vias vitæ, adimplens lætitia vultum tuum: Delectationes in dextera tua in perpetuum.

G V B E R N A T I O

Ecclesiæ.

IN gubernatione Ecclesiæ Dei spectentur Verbum, Sacramenta, Disciplina & Cere-
monia. His enim colligitur, fouetur, ful-
citur & conseruatur Ecclesia.

2 Verbum non aliud requiritur quàm quod in Mose, Prophetis, & in Euangelistarum Apostolorum-
que scriptis traditum est. Hoc enim diuinum testimoniū
habet de infallibili certitudine.

3 Diuiditur autem hoc verbum recte, si doctrinam
spectes, in Legem & in promissionem gratiæ seu Euan-
gelium. Lex monstrat normam viuendi & arguit pecca-
tum. Euangelium prædicat gratuitam gratiam poeniten-
tibus. Vtrumque verbum, hoc est, Lex & Euangelium,
verum colendi Deum continet modum. Vt enim Lex
quid Deus requirat: ita Euangelium quomodo fieri &
placere possit, ostendit.

4 Sacramenta Euangelio addita sunt, vt eius signa-
cula. Obfignant enim nobis eam gratiam, quam Euan-
gelium prædicat.

5 Sunt autem duo noui Testamenti Sacramenta com-
munia, videlicet, Baptismus & Cœna Domini, quorum
usus perpetuo pie meditandus est.

6 Sunt enim hæc sacra signa, aspectabiles quædam
conciones, de summis beneficijs Christi erga Ecclesiam.
Nam cum Paulus dicit: Quotquot in Christum baptiza-
ti sunt Christum induerunt, magnas sane res breui ora-
tione

nione complectitur. Testatur enim per Baptisma nos in Ecclesiam recipi, Christo inseri, in Christo regenerari, & a peccatis emundari: idque beneficio corporis Christi, quo induimur, & sanguinis, quo abluimur. Verum quod per Baptismum Christo infiti in eodem alimur, fouemur & sustentamur, id denuo nullo consequimur alio beneficio quam corporis & sanguinis Christi.

7 Quod ergo nobis in Baptismo tegumentum est & emundatio, in Coena cibus & potus est, Atque ut aliud est gigni & renasci, aliud ali & educari: ita aliud est in nouam vitam renasci, & aliud in eadem sustentari & crescere, praecedit enim natiuitas, sequitur educatio.

8 In disciplina Ecclesiae plura considerata concurrunt, ut sunt, Ordo, potestas & autoritas.

9 Ordo est omnium pulcherrimus. Praesidet enim vnus Monarcha Iesus Christus, qui a Patre acceptum regnum suo spiritu verboque gubernat. Hic Monarcha solus est in suo regno *ἀντιστοιχίως*.

10 Hoc regnum, quod est Ecclesia, pulcherrima symmetria cohaeret. Nam constat coetu hominum, qui in Christo Rege suo renati, & de carne & ossibus eius facti, capiti suo sic adherent & inuicem ita sunt coniuncti, coaptati, & coagmentati pro cuiusque fidei mensura, pro donorum Spiritus sancti varietate, pro vocationum connectione, ut vnum corpus constituent, ut eodem omnes Spiritu viuant & agantur, ut singuli suum proprium munus habeant & donum, quo commoda & incrementa vniuersi corporis pro se quisque promoueat.

11 Hanc pulcherrimam harmoniam nequaquam impedit, quod in externo coetu Ecclesiae sint multa mortua membra, quod sint multi hypocritae, multi infirmi, multi nomine tantum Christiani. Nam Catholica Ecclesia non ab ipsis sordibus, sed a sua propria natura & indole aestimanda est.

12 Praeterea cum regnum Christi Monarchae, verbo & Spiritu Christi regitur, duo sunt in eo genera hominum,

videlicet, verbi præcones & eorum auditores, qui non secus atque patres & filij se inuicem venerantur & colunt.

13. Etsi autē horum præconum spiritualis iurisdictio, de qua postea dicemus, eadem est: tamen dispares dignitatis gradus sunt: idque partim iure diuino, partim Ecclesiæ approbatione.

14. Vt enim Christus ascendens in altum dedit dona hominibus, Apostolos, Prophetas, Euangelistas, Doctores & Pastores: ita Ecclesiæ suæ potestatem dedit in ædificationem. Hac potestate Ecclesia ordinat ministros pro commodo suo, vt omnia ordinate fiant ad instaurationem corporis Christi.

15. Hinc Ecclesia purior secuta tempora Apostolorum alios Patriarchas, alios Episcopos, alios Chorepiscopos, quos Iustinus Martyr *πρεσβυτερος* vocat, nos praepositos: alios Pastores & Catechetas instituit.

16. Reformatæ Ecclesiæ post tenebras excussas, quas Papæ inuexit in Ecclesiam, contentæ sunt paucioribus gradibus, ne res paulatim in tyrannidem abeat. Habent Episcopos, Doctores, Pastores & pastoribus inferiores ministros, quos inepto vocabulo sacellanos nominant.

17. Inter hos qui excellit donorum excellentia, laborum magnitudine & vocationis gradu, alijs dignitate præfertur: non quidem vt dominium in alios exerceat, sed vt alios sapientia & consilio regat, modo rationem sui consilij ex verbo Dei & legitima Ecclesiæ ordinatione petitam ostēderit. Nam cum solus Christus in suo regno est *ἀρχιεπίσκοπος*, par est vt qui illi subiecti sunt, rationem suorum factorum reddant.

18. Potestas Ecclesiæ duplex est: vna, clauū seu spiritualis iurisditionis: altera, externæ iurisditionis, quæ a priori tamen pendet.

19. Potestas clauium dicitur, quæ Symbolo clauium designatur, cuius appellationis hæc ratio est: Qui œcono-
nomi

nomi constituuntur in aliqua familia ijs traduntur clau-
es vt omnia aperiant, claudant, administrent pro arbi-
trio Domini sui. Ex quo factum est vt clauium symbolo
primum domus administratio, deinde regni gubernatio,
& tandem Ecclesie potestas significetur.

30 Sed quæ sunt clauæ istæ quibus designatur Eccle-
sie potestas? Verbum & fides. Prædicatio enim verbi
Dei de remissione peccatorum impetranda per Christum
vñica clauis est ad aperiendum regnum cœlorum. Quod
si is qui audit, adiungit prædicationi remissionis pecca-
torum veram fidem, accedit etiam clauis altera.

31 Hoc confirmatur mandato Christi amandantis
suos discipulos in vniuersum mundum. Euntes, inquit,
prædicate Euangelium. Et addit: Qui crediderit saluus
erit, quibus sane verbis expressæ clauæ, quas tradidit
Ecclesie.

32 Nam cum prædicationi remissionis peccatorum
homo credit, absolutus est a peccato, liberatus est ab
obligatione æternæ mortis & condemnationis, atque
adeo ius habet cœlestis hæreditatis.

33 Potestas externæ iurisdictionis maxima ex parte
pendet a potestate clauium, & in tribus potissimum con-
sistit: In cognitione veræ doctrinæ, in improbatione fal-
sæ doctrinæ, & in moribus gubernandis.

34 Cum Christus inuitet ad se omnes vt a se discant,
& Apostoli mittantur vt doceant, manifestum est Deum
requirere ab Ecclesia cognitionem sui verbi, sine qua sa-
lus nemini contingere potest. Quare sacrilegi sunt Papi-
stæ, qui Laicos arcant a lectione Scripturæ.

35 Cum Christus dicit: Cauete a pseudoprophetis.
Item, Cauete a fermento Phariseorum, manifeste pote-
statem suæ Ecclesie facit, improbandi falsam & erro-
neam doctrinam.

36 Gubernatio morum vñitate disciplinæ nomen re-
tinuit, de qua quia antea disputauimus, nolo eam hic
prolixius prosequi.

27 Autoritas Ecclesie cum potestate eiusdem coniuncta est, in qua duo sunt spectanda. Vnum, quarum rerum sit. Alterum, penes quas personas resideat.

28 Duas res subiiciunt Ecclesie auctoritati, Traditiones nimirum, & ius interpretandi Scripturam.

29 Traditiones sunt instituta quæ absque Scriptura traduntur vel ab Apostolis vel a Patribus. Huius generis sunt baptisma infantium, observatio diei Dominicæ, sumptio cœnæ a ieiuniis, &c. De huiusmodi traditionibus quid sit sentiendum copiose Philippus explicat in suis locis.

30 Ius interpretandi Scripturam non est alicui hominum ordini peculiariter alligatum, sed est peculiare donum Dei, datum ad instaurationem Ecclesie.

31 Epiphanius in interpretatione Scripturæ quatuor requirit, *αἰσθησις, θεωρία ἀλληγορίαν, παράδοσιν.*

32 *Αἰσθησις* est cum contenti sumus sententia quam primum voces offerunt. Ut enim sensus visus hæret in obiecto: ita animus in sensu quem verba offerunt, ut cum dicitur: Non moechaberis. Hic animus in verborum propria significatione acquiescet.

33 *Θεωρία* speculatio est, cum ad loci alicuius veram explicationem non sufficit sensus, sed requiritur contemplatio, qua eruuntur definitiones, diuisiones, qua fiunt collationes plurium locorum, ex quorum collatione sententia verè eruitur, ut cum dicitur: Oraturus intra in conclaue, &c. Pauci sunt electi: Maledictus qui non fecerit Legem. Hic non sufficit sensus. Sed requiritur etiam contemplatio, qua conferuntur plures loci, sine qua sententia vera deprehendi non potest. Huius contemplationis contemptus plurimas hæreses in Ecclesia peperit.

34 *Ἀλληγορία* adhibetur quando in simplici verborum sensu est absurditas contra verbum Dei & apertam ordinationem, ut cum dicitur: Si oculus tuus dexter te offenderit, erue eum. Item: Beati qui se castrauerunt pro regno Dei.

35 *Παράδοσις* traditio, est cum aliorum iudicium qui

de aliquo pronunciarunt adhibetur, ut cum quaeritur, quid sit λόγος, Ioan. 1.

36 Alterum quod spectandum diximus in autoritate Ecclesiae est penes quas personas resideat. Etsi autem haec autoritas est totius & vniuersae Ecclesiae: tamen non cosìmiliter. Nam maior est eorum in Ecclesia autoritas, qui ex veris fructibus spiritus, declarant se spiritum Christi habere: amplior adhuc penes pios Doctores longo tempore exercitatos: grandior adhuc penes piorum consilia, ubi ex fructibus, spiritus Christi adesse cognoscitur. Nam iuxta Pauli consilium probandi sunt spiritus, an a Deo sint.

37 Restant ceremoniae, hoc est, humanae ordinationes ad regendam Ecclesiasticam politiam institutae. In his requiritur Decorum & Ordo.

38 Decorum partes sunt duae. Prior, ut excitemur ad pietatem illis adminiculis. Posterior, ut modestia & grauitas in pietatis tractatione eluceat. Quare nec arrogantes, nec histrionicae esse debent, quales sunt pleraque in Papatu.

39 Ordinis partes tres sunt. Prima ut praesidentes habeant certam agendi regulam. Secunda, ut auditores assuefiant ad obedientiam & disciplinam. Tertia, ut bene composito Ecclesiae statu, paci & tranquillitati consulatur.

SACRAMENTVM.

DEVS semper, & antequam homo lapsus est ab innocentiae statu, & post lapsum hominis, consuevit suam voluntatem homini patefacere duabus rebus: nempe, verbo & signo externo.

1 Verbo voluntatem suam expressit: signo eandem confirmavit: ut id quod mens ex verbo perciperet, quodammodo per signum sensibus praesentaretur.

3 Hoc enim modo optime consultum erat ruditati &

tarditati hominis. Et tamen si Deus sapientissimus & optimus ita res omnes visibiles condidit, vt homines quasi manu duceret in rerum coelestium & spiritualium contemplationem, tamen hoc potissimum in ijs signis cernitur, quæ Ecclesia vſitate Sacramenta nominat.

4. Huc pertinet dictū Augustini: Si Sacramenta quandam similitudinem earum rerum, quarum Sacramenta sunt, non haberent, omnino Sacramenta non essent.

5. Atque ex hoc est, quod signa sæpe accipiant nomina rerum, quarum sunt signa: sicuti Augustinus superioribus verbis annectit, cum ait: Ex hac autem similitudine plerumque etiam ipsarum rerum nomina accipiunt, scilicet Sacramenta.

6. Quod sane factum est vtilissimo consilio: nimirum, ne hominis obliti rerum hærent in externis ritibus sine fructu, vt Ethnici fecerunt.

7. Foede itaque errant, qui cum audiant res prædicari de signis, putant mutari rerum naturas, & desinere esse quod antea erant. Vnde Thomas horribiles & detestandos errores in Ecclesiam inuexit.

8. Quare firmissime cum in tota doctrina Ecclesie, tum in doctrina Sacramentorum tenenda est hæc regula: nomina rerum diuersissimarum sæpe propter analogiam quandam & comparisonem effectuum, cum docendi, tum admonendi causa permutantur, & de se mutuo prædicantur.

9. Christus & vitis, diuersarum rerum sunt nomina. Sed Christus se vitem nominat propter comparisonem effectuum. Nam vt vitis ministrat palmis in se manentibus succum: ita Christus suum spiritum infundit in eos, qui in se manent per fidem, atque ita de alijs infinitis.

10. Panis & corpus, item vinum & sanguis, rerum diuersissimarum nomina sunt: sed tamen, propter comparisonem effectuum, panis in Coena Domini dicitur corpus Domini, & vinum dicitur sanguis eius.

11 Nam vt panis confortat corpus hominis, & vinū recreat: ita corpus & sanguis Christi fide hausta, vt Patres loquuntur, animam confortant, & recreant spiritaliter. Huiusmodi analogia in omnibus Sacramentis prudenter considerata est.

12 His ita constitutis accedamus ad Sacramenta noui Testamenti, & videamus quid in ijs potissimum sit spectandum.

13 Augustinus definit Sacramentum in genere, cum ait: Sacramentum est signum gratiæ. Testantur enim Sacramenta de fauore Dei erga eos qui illis rite vtuntur.

14 Neque dicuntur signa gratiæ tantum, quia pingunt & significant res promissas in Euangelio: Sed potissimum quia credentibus res promissas obsignant. Quare non simpliciter signa, sed *opagēdis* a Paulo dicuntur, id est, oblationes.

15 In omni ergo Sacramento sciatur, quod *opagēdis*, hoc est, signaculum, sit genus quo proprius finis indicatur, Quod genus cum applicatur singulis, melius & certius eorum vsus conspicitur. Circumcisio est pactū. Hic si addis genus, Circumcisio est *opagēdis*, id est, signaculum pacti. An non clarius iam intelligitur, quid velit Circumcisio? Atque ita de alijs.

16 Ratio appellationis hæc est: Quemadmodum militare Sacramentum, est obligatio militum, per solenne iuramentum: ita Sacramentum Ecclesiæ, est Symbolum obligationis mutuæ inter Deum & hominem credentem.

17 Extra vsum diuinitus institutum nihil habet rationē Sacramenti: hoc est, nec accipiuntur beneficia in Euangelio oblata: nec accepta obsignantur.

18 Confirmant siquidem hominem Sacramenta ex pacto legitimi vsus. Is vero est cum vsurpantur a credentibus Euangelio. Sine enim fide Sacramenta cedunt vtentibus in iudicium: sicuti & verbum, cum sine fide auditur.

19 Porro cum Augustinus ait: accedit verbum ad elementum & fit Sacramentum, non intelligit verbum recitatum super externa signa esse consecrationem quandam signorum, vt Papistæ putant. Sed intelligit verbum Dei instituentis, promittentis, & requirentis fidem promissionis. Hoc verbum cum accedit ad elementum, fit ex elemento Sacramentum.

20 Ex ijs quæ iam dicta sunt, tria colligere promptum est. Primum, Quot in quolibet Sacramento concurrunt? Secundum, Quid sit Sacramentum noui Testamenti? Tertium, Quæ nam sint, & quot noui Testamenti Sacramenta?

21 In quolibet noui Testamenti Sacramento (vt ex dictis colligitur) concurrunt quatuor. Primum, Verbum seu mandatum Dei. Nullus enim hominis autoritate Sacramenta institui possunt. Secundum, Signum externum & analogicum, vnde Græcis Symbolum dicitur. Est enim Symbolum proprie non quodlibet signum: sed quod habet quandam analogiam cum re signata. Tertium, Res promissa in Euangelio, quæ est gratia & fauor Dei gratuitus propter Christum. Quartum, Fides promissioni respondens. Fide enim res Sacramenti accipitur, retinetur, possidetur.

22 Similiter ex dictis colligitur, quod Sacramentum noui Testamenti sit signum visibile mandatum & institutum a Deo: quo signo vt Deus suam testatur promissionem homini factam: ita homo vicissim suam erga Deum fidem profitetur.

23 Hac stante definitione quæ plena est, ita vt nec redundet quid, nec desideretur: sequitur duo tantum Sacramenta Ecclesiæ noui Testamenti esse: quæ sunt Baptismus & Sacra Christi coena.

24 Nam in his solis cernimus & verbum & elementum. In illis solis quæ adducunt Papistæ, nihil est quod plenam rationem habeat Sacramenti. Quare relinquantur Antichristo cum alijs infinitis superstitionibus.

15 Etsi autem principalis finis Sacramentorum est vt sint signacula Dei, quibus fides legitime vtentium Sacramentis confirmatur: tamé alij fines non sunt prætereundi, qui cum primo coniuncti sunt: vt sunt, distinctio Ecclesiæ ab alijs sectis, conseruatio & propagatio doctrinæ, obligatio ad fidem & bonam conscientiam, vinculum dilectionis.

16 Hi ergo quinque fines generales sunt, & in omnibus Sacramentis, præter quos, singula seorsum suos habent peculiare fines & proprios, vt ostendemus suis locis.

BAPTISMVS.

1 **B**APTISMVS Sacramentum initiale est in nouo Testamento: & vt omne Sacramentum est signum gratiæ: ita & Baptismus. Testatur enim de gratia & fauore Dei erga eum qui iuxta institutionem baptizatur.

2 Nam cum Marcus dicit: Fuit in deserto Ioannes baptizans & prædicans Baptismum poenitentis in remissionem peccatorum: definit Baptismum esse testimonium & signaculum, quod poenitentibus Deus peccata remittat.

3 Poenitentes vocat eos, qui ad prædicationem Euangelij resipiscunt, & conuertuntur per fidem in Iesum Christum.

4 Analogia signi ad rem signatam, hæc est. Vt corpus hominis externe abluitur aqua, & purgatur a sordibus: ita conscientia hominis a mortuis peccatis sanguine Christi abluitur interne & purgatur. Vt ad generationem naturalem requiritur aqueus humor: ita ad spiritualem generationem, qua homo nascitur Filius Dei, requiritur Spiritus sanctus.

5 Habet enim aqua comparisonem, & ad sanguinem Christi, & ad Spiritum sanctum, per quem homo regeneratur.

6 In Christi Baptismo pulchre pingitur, & pactum Dei cum homine qui baptizatur, & actio Christi, & Spiritus sancti operatio.

7 Nam cum pater super Filium baptizatum hanc vocem sonat: Hic est Filius meus dilectus in quo mihi complacui: testatur quod & Christus sit in suo favore & gratia: & significat eos qui baptizantur iuxta institutionem, & Christum per Baptismum induunt, placere Deo propter Christum, cui per Baptismum inseruntur.

8 Huc Paulus respexit cum ait: Nos sumus dilecti in dilecto. Et Pater ipse: In hoc mihi complacui.

9 Apparitio Spiritus sancti super Christum baptizatum, in specie columbæ, est testimonium quod Dominus interne baptizat Spiritu sancto, quando minister foris aqua baptizat.

10 Ideo Baptista ait: Ego baptizo aqua, in medio autem vestri stat, (Christum intelligit) qui baptizat Spiritu sancto & igni.

11 Quoniam autem in Baptismo fit mutua pactio Dei & hominis qui baptizatur, Vt & Petrus testatur cum ait, Baptismus est stipulatio bonæ conscientie cum Deo per resurrectionem Iesu Christi: Christus iussit baptizare in nomen Patris & Filij & Spiritus sancti.

12 Nam cum minister dicit, Ego baptizo te in nomine Patris & Filij & Spiritus sancti, & actus baptizandi, & finis in quo pactio mutua exprimitur, significatur.

13 Actus est baptizare, id est, immergere, intingere, abluere, vel aqua aspergere: quorum postremum optime congruit propter significationem. Petrus enim vocat *πᾶντο*, id est, asperisionem sanguinis Christi, quæ significatur externo Baptismo.

14 Fines in quo pactio mutua intelligitur, est baptizare in (sic enim finem notat) nomen Patris & Filij & Spiritus sancti.

15 Baptizo te in nomen, id est, vt agnoscas, inuoces, colas, timeas, celebres (renunciato hoste Dei Satana) hunc

hunc vnum Deum, qui est Pater qui dedit Filium in mortem, pro te mortuus est, qui abluit te suo sanguine a peccato, qui te vestit sua iustitia, qui te membrum sui corporis facit: & Spiritus sanctus qui te regenerat & sanctificat ad vitam æternam: vt Deo iunctus in omni æternitate beatus sis.

16 Hinc clarissime patet quale pactum sit Baptismus inter Deum & hominem. Deus testatur se hominem recipere in gratiam, tanquam membrum Filij: & homo submittit se Deo vt ipsum colat, timeat, & veneretur, renunciato Satana & operibus eius.

17 Sanctificamur ergo in Baptismo, id est, consecramur Deo tanquam hostiæ. Deus enim nos purgat in verbo: quam purgationem testatur visibili signo, & separat nos a profanis hominibus, qui impuro spiritui se subiecerunt, eique seruiunt.

18 Etsi autem Baptismus est signum gratiæ videlicet quod Deus remittat resipiscenti peccata: tamen qui semel baptizatus est, & relabitur in peccatum, & resipiscit denuo, non est iterum baptizandus, vt Anabaptistæ sentiunt. Nam baptizatus quodcumque credit Baptismo semel facto, confirmatur quod sit in gratia.

19 Infantibus Christianorum ideo Baptismus conferendus est, quia sunt foederis initi cum Abrahamo & eius semine participes, hoc est, sunt filij Dei ex virtute foederis: etsi natura sunt filij iræ.

20 Neque cogitandum est, infantes ideo esse filios Dei, quia baptizantur: sed ideo baptizari, quia sunt filij Dei: & vt se esse filios Dei, reddantur certiores.

21 Etsi autem infantes nati a Christianis, participes sunt foederis, vt diximus: tamen quia Deus vult omnes, quos in coetu vocatorum vult haberi, ab Ecclesia recipi, & ab alijs sectis discerni, necesse est infantes baptizari.

22 Ideo Matth. 19. dicitur: Sinite paruulos ad me venire, & ne prohibite illos: Talium est enim regnum

coelorum. Et. 1. Cor. 7. Liberi vestri sancti sunt; hoc est, pertinent ad Ecclesiam visibilem.

23. Ceterum etsi ad omnem legitimi Baptismi usum concurrat rerum signatarum exhibitio: nulla tamen aquæ & sanguinis vel Spiritus Christi mutatio; aut coniunctio physica cum Papistis fingenda est.

24. Signum enim seu ablutio externa, est actio corporalis ministri, qui sua manu conspergit aqua corpus baptizandi, & pronunciat eum recipi a Deo.

25. Signatum vero res spiritualis est, & actio solius Dei, videlicet, ablui sanguine Christi & Spiritu sancto regenerari, quod non est corporaliter siue visibiliter, siue inuisibiliter conspergi sanguine Christi: sed recipi in gratiam a Deo propter fusum sanguinem, id est, totam obedientiam Filij, & insertos ipsius corpori, ab ipso viuificari, effuso in nos Spiritu sancto.

26. Etsi autem nec lauantur sanguine Christi qui lauantur aqua a ministro, nisi in usu legitimo Baptismi: idque non merito, aut propria vi humanæ actionis, vel aquæ indita potentia, sed libera Dei ordinatione, & Spiritus sancti efficacia, propter signi tamen & rei convenientiam, & sacramentalem copulationem, nomina & proprietates permutantur, propter causas a nobis in superiori disputatione assignatas.

27. Veræ igitur sunt hæc locutiones sacramentaliter: Baptismus est lauacrum regenerationis: Baptismus nos saluos facit: Asperio aquæ est asperio sanguinis Christi, & donatio Spiritus sancti: aqua est sanguis Christi, &c.

28. Qui hic fingit vel mutationem aliquam, vel copulationem physicam, mutat genus prædicationis Sacramentalis, in proprium, contra totius scripturæ consensum, & Sacramentorum rationem.

29. Cum autem Sacramentaliter accipiuntur istæ locutiones, significatur quod Baptismus externus interioris sit signum & arrhabo, id est, non tantum huius imago, sed etiâ ob veritatis diuinæ cōstantiâ, certissimum testimonium

monium baptizatos, quodocunque credunt, mundari sanguine Christi, & regenerari a Spiritu sancto.

30 Et si ea quæ hæcenus in genere de Baptismo diximus, sufficere videntur ad cognoscendum finem Baptismi: tamen quia multa cum fine coniuncta sunt quæ cuius non sunt obuia, huc adiiciemus, tanquam in tabula, quæ simul in Baptismo considerata veniunt: quorum usus in tota vita est pernecessarius.

31 Significationes Baptismi sunt plures, quas tribus veluti limitibus claudimus. Est enim Baptismus, & testimonium gratiæ & Symbolum rerum arcanarum spiritualiumque, & nota externa Christianismi.

32 Et si autem de prima significatione videtur satis supra dictum esse: tamen hic quo omnia tanquam sub vnum conspectum veniant breuiter repetenda sunt.

33 Primo loco diximus Baptismum esse testimonium gratiæ: quod ita accipiendum est: Baptismus est testimonium gratiæ, cum exhibitæ tum applicatæ.

34 Exhibitæ quidem, quia vt circumcisio figurabat Iudæis Christum venturum: ita Baptismus eundem venisse nobis testatur: Applicatæ vero, quia Baptismus est *opus*, quæ Deus obsignat gratiam ei, qui iuxta Christi institutionem lauacro Baptismatis abluitur.

35 Cum igitur Christus sit fons gratiæ, iuxta illud: Lex per Moysen data est, gratia autem & veritas per Iesum Christum quem aduenisse testatur Baptismus: & Paulus dicat: Quotquot baptizati sunt, Christum induerunt: merito Baptismus testimonium gratiæ dicitur, cum exhibitæ tum applicatæ.

36 Secundo, proposuimus Baptismum esse Symbolum rerum arcanarum & spiritualium. Symbolum dicimus propter comparisonem rerum visibilium & signatarum. Est etenim Baptismus Symbolum quatuor rerum maximarum, videlicet, historiæ, gratiæ, doni & conformitatis. Sed hæc clarius repetenda sunt.

37 Baptismus est Symbolum historiæ, videlicet

Christi. Pingitur enim in eo mors, sepultura & resurrectio Christi. Nam merfio in aquam, mortem figurat: mora sub aquis, sepulturam adumbrat: Extractio de aquis, resurrectionem representat: sicuti Paulus Rom. 6. clarissime docet.

38 Baptismus est Symbolum gratiæ, vt qui testetur eos qui baptizantur, virtute mortis, sepulturæ & resurrectionis Christi ablui a peccato, inseri Christo, regenerari & in communionem corporis Christi recipi.

39 Nani quod per Baptismum mundemur a peccatis, inferamur Christo, & recipiamur in communionem corporis Christi, hoc est Ecclesiæ: fit beneficio corporis Christi quo induimur, & sanguinis quo abluimur.

40 Siquidem Christus in Baptismo fit baptizatis emundatio, tegumentum & caput, quam ob causam ipse baptizari voluit, vt significaret baptizatos illi inferi, sanguine eius ablui, & omnes baptizatos vnum corpus mysticum vnius capitis Christi fieri iuxta illud: per vnū Spiritū nos omnes in vnū corpus baptizati sumus.

41 Est præterea Baptismus Symbolum Domini. Nam testatur de virtute mortis, sepulturæ, & resurrectionis Domini in nobis.

42 Quod enim morimur peccato, virtute mortis Christi fit: quod reluctamur peccato, vt quiescat, & Spiritus imperiū non excutiat, efficacia sepulturæ Christi fit. Quod autem de peccati sepulchro in nouam vitam resurgimus, id quoque in efficacitate resurrectionis Christi in nobis.

43 Hoc clare Paulus docet cum ait Rom. 6. An nescitis quod quicumque baptizati sumus in Christum Iesum, in mortem eius baptizati sumus? Consepulti ergo sumus per Baptismum in mortem, vt quemadmodum excitatus est Christus ex mortuis per gloriam Patris: ita & nos in nouitate vitæ ambulemus. Nam si infiti sumus similitudini mortis eius, etiam resurrectionis erimus, &c.

44 Est præterea vt proposuimus Baptismus Symbolum conformitatis. Testatur enim nos debere conformes fieri imagini filij Dei, cum in morte & sepultura, tum etiam in resurrectione.

45 Admonebit igitur nos Baptismus crucis ferendæ in hac vita cum Christo, item, mortis corporalis & resurrectionis.

46 Nam si Christus qui caput est, per mortem introiit in gloriam: nos profecto qui eius membra sumus, non poterimus alia via ad gloriam beatitudinis peruenire.

47 Quotiescunque ergo premimur cruce, reuocemus in memoriam Baptismum nostrum, qui nos cruci subiectos fore significat: non ita tamen vt sub cruce perpetuo prostrati iaceamus, sed vt cum Christo tandem ad gloriam beatitudinis perueniamus, iuxta illud: Compatiemur, vt vna cum eo regnemus.

48 Postremo, proposuimus Baptismum esse externam tesseram, hoc est notam professionis Christianismi, & veluti *cuſidæ* quoddam militare, quo Christi milites a Satanz mancipijs discernantur: modo Baptismum nõ destituatur sua spiritali significatione.

49 Hinc clarissime colligitur vsus Baptismi & eius salutaris meditatio: de quo Petrus 1. Pet. 3. sic scribit: Baptismus est bonæ conscientiæ stipulatio cum Deo per resurrectionem Iesu Christi.

50 His verbis significat Petrus Baptismum esse mutuam pactionem Dei & conscientiæ hominis. Dei quidẽ promittentis & offerentis gratuitam salutem propter Filium: conscientiæ verbò respondentis, id est, accipientis fide, promissam & oblatam gratiam.

51 Verum in hac mutua pactione plura concurrunt. Nam vt ex parte Dei paciscentis, doctrinam & consolationem habemus: ita ex parte nostri, admonitionem capiemus.

52 Ex pacto Dei colligit fides, 1. quod Deus placatus

fit per Filium. 2. quod Christi beneficia & merita donentur rite baptizatis. 3. quod baptizati in filios sint adoptati. 4. quod Pater velit nos suo Spiritu regere. 5. quod velit nos eripere e morte æterna, & donare vita æterna.

3. Pactione hominis admonemur de obligatione, de spe, de glorificatione, de pœnitentia, mortificatione & cruce, & de resurrectione ad æternam vitam & gloriam immortalem.

C O E N A D O M I N I.

COENA Domini (alterum signum gratiæ in nouo Testamento) in qua panis & vinum Symbola corporis & sanguinis Domini distribuuntur, est Sacramentum nostræ per victimam Christi redemptionis.

2. Seu, Cœna Domini est obsignaculum promissionis Euangelij, videlicet quo Deus obsignat credentibus omnia beneficia, quæ Filius ipse meruit nobis obedientia sua, traditione corporis & effusione sanguinis sui. Ideo dicitur in institutione: Hoc est corpus meum, quod traditur pro vobis: Hic est sanguis meus, qui effunditur pro multis, &c. Hic calix est nouum Testamentum in sanguine meo.

3. Promissio ergo quæ obsignatur credentibus hoc Sacramento, non est particularis alicuius gratiæ, sed omnium beneficiorum Christi.

4. Distinguendum est autem accurate vt in omnibus Sacramentis: ita etiam in hoc, inter ceremoniam seu ritum externum cui Sacramenti nomen tribuitur, & rem promissam in Euangelio, quæ hoc Sacramento obsignatur legitime vtentibus.

5. Ritus ipse seu externum signum sentitur, significatur, obsignatur, signatur, hoc est, promissio creditur, significatur, obsignatur.

6. Promissio ipsa id est, res signata sæpissime in Scripturis

pturis alia atque alia verborum forma proponitur. Semen mulieris conteret caput Serpentis: Benedicentur in semine tuo omnes cognationes terræ: Beati qui confidunt in eo: Qui credit in Filium, habet vitam æternam: Christus est natus a Deo sapientia, iustitia, sanctificatio & redemptio, &c. Omnes huiusmodi sententiæ ubicunque leguntur, de re signata loquuntur.

7 Ioannis 6. Manducatione carnis Christi, & potatione sanguinis ipsius pingitur summa promissionis Euangelij: vt qualis sit fides, qua percipimus promissa bona, & quæ sit eius vis in corde, ad erigendū hominem luctantem cum peccato, mundo, Diabolo intelligatur.

8 Atque sane eandem ob causam Christus Sacramentum promissionis Euangelij sub signis panis & vini instituit: videlicet vt ex comparatione effectuum, vis fidei sentiretur, qua promissa bona apprehendimus, retinemus, possidemus.

9 Vt enim panis & vinum hominem fame quodam modo prostratum, & de vita periclitantem rursus erigunt, fouent, confortant, viuificant, atque adeo refectū exhilarant: ita fiducia Christi tradentis corpus suum, & effudentis sanguinem suum pro nobis in remissionem peccatorum, nos prostratos a Diabolo, ac veluti mortuos in peccatis, rursus erigit, a morte liberat, fouet, confortat, viuificat, non ad caducam, sed ad æternam vitam: vnde cor supramodum in tanti boni fruitione exhilaratur. Hinc intelligi potest, cur apud Ioannem comedere carnem Christi bibereque eius sanguinem, & in Christū credere, pro eodem ponantur: & cur Augustinus dicat: Crede & manducaſti.

10 Atque ex hoc est, quod Patres sæpe, cum agunt de cœna Domini, proferāt dicta ex sexto capite Ioannis: non quod existiment Dominū illic locutū esse de Cœna: sed quia in legitimo vsu Cœnæ, fides rei promissæ, sub manducationis & potationis nominibus, illic a Domino exprimitur: cuius promissionis Cœna pignus est.

11 Est autem semper tenenda regula: omnis promissio fide accipitur. Vt ergo sensu signum sumitur: ita promissio fide accipitur, retinetur, possidetur.

12 Iam tenemus proprium finem Coenae Domini: qui est obsequium promissionis Euangelij, qua fides confirmatur. Verum ut meditatio & usus huius Coenae nobis dulcior euadat, altius repetemus, & distinctius de usu legitimo & fine institutionis dicemus.

13 Primum ergo, Coena Domini est Sacramentum institutum, in memoriâ corporis Christi traditi pro nobis, & sanguinis ipsius effusi pro multis in remissionem peccatorum: iuxta dictum Domini: Hoc est corpus meum traditum pro vobis: Hic est sanguis meus, qui effunditur pro multis in remissionem peccatorum.

14 Secundo, Coena Domini est Sacramentum incorporationis nostri in corpus Christi. Ita enim Paulus ait: Panis quem frangimus, nonne communicatio corporis Christi est? Calix cui benedicimus, nonne communicatio sanguinis Christi est? Atque hoc est quod habet promissio, Ioan. 6. Qui manducat carnem meam in me manet, & ego in eo.

15 Ad hanc incorporationem & mansionem in corpore Christi, non requiritur applicatio corporum physica, sed spiritualis copulatio per fidem: ut Christus exponit, & ratio Sacramentalis postulat.

16 Tertio, Coena Domini est Sacramentum educationis nostri spiritualis in corpore Christi. Vt enim per Baptismum abluimur sanguine Christi: ita in Coena abluti & regenerati, corpore & sanguine Domini alimur.

17 Hic rursus cauendum, ne carnaliter sapiamus cum Capernaitis. Distinguantur ergo manducationis modi. Est enim alia manducatio Sacramentalis tantum, alia spiritualis tantum, alia spiritualis & Sacramentalis simul, quam requirit institutio Christi, hoc est, legitimus Coenae usus.

18 Sacramentalis manducatio & potatio est externa
& sensibilis

& sensibilis manducatio panis, & potatio vini: cui ex ordinatione diuina, spiritualis manducatio & potatio quæ sola fide fit, respondet. Nā illa huius Symbolum est.

19 Verum vt externa illa ceremonialis, potest esse sine spirituali: ita spiritualis, sine externa: quemadmodū perspicue docet Augustinus, de ciuitate Dei, lib. 21. cap. 25.

20 Carnalem manducationem, qualem somniauerunt Capernaitæ & quidam cum illis, ipse Dominus Ioannis 6. duobus refutat argumentis: Quorum prius, a signo: posterius, ab usu petitur.

21 A signo: Quid si videritis filium hominis ascendere vbi erat prius? significans (vt Athanasius recte intellegit) ascensionem, & carnalem manducationem carnis Christi, non posse simul consistere.

22 Ab usu: Spiritus viuificat, caro non prodest quicquam, hoc est (vt ipse contextus conuincit) manducatio carnalis est inutilis: Spiritualis autem viuificat.

23 Quid? Adestne ergo corpus Domini pro nobis traditum, & sanguis ipsius pro nobis effusus, vere & substantialiter in Coena? Adest quidem, non ratione loci. Nā si locū spectes, corpus Christi in cœlo est *παριστατον*: sed ratione fidei hominis legitime vtentis sacra Christi Coena. Hæc enim fides coniungens nos cum filio Dei, facit vt multo arctius carni & sanguini Christi mediante *Αδω* iungamur, quā iungimur pani quem comedimus, & vino quod bibimus. Ea est enim vis fidei, vt iungat remotissima: idque arctissime. Vbi autem fides nō adest, nulla fit coniunctio nisi Sacramentalis tantum, quæ cedit vtenti in iudicium.

24 Nec cum his pugnat, quod Paulus affirmat reos fieri corporis & sanguinis Domini, qui indigne manducant hunc panem, & bibunt hunc calicem.

25 Nam eadem est ratio de indigne audientibus verbum, & indigne sumentibus Baptismum. Qui enim audit verbum Dei indigne, reus fit verbi Dei. Siquidem, Qui non crediderit, condemnabitur.

26 De Baptismo hæc sunt Augustini verba: Sicut qui manducat corpus & bibit sanguinem Domini indigne, iudicium sibi manducat & bibit: Sic qui accipit indigne Baptisma, iudicium accipit non salutem. Cum Augustinus hic nominat corpus & sanguinem Domini, loquitur Sacramentaliter, tribuens signo nomen rei.

27 Quarto, Coena Domini est Sacramentū & pignus noui Testamenti, id est, promissionis remissionis peccatorum, videlicet quod Deus hoc Sacramento tanquam sigillo obsignet, quod velit propitius esse, & remittere peccata credentibus. Ideo in verbis institutionis dicitur: Hic calix est nouum Testamentum in meo sanguine, id est, hic calix est pignus & sigillum promissionis de remissione peccatorum.

28 Quinto, Coena Domini est Sacramentum coniunctionis communicantium inter se, tanquam membrorum eiusdem corporis, cuius caput est Christus. Sicut vnus panis, ita multi vnum corpus sumus. Hinc mutua dilectio manat.

29 Sexto, Coena Domini est pignus & testificatio de resurrectione nostri per virtutem resuscitati Christi, cuius membra sumus.

30 Nam ad hunc scopū omnia superiora pertinent. Ideo Dominus ait: Qui manducat carnem meā & bibit sanguinem meum, ego suscitabo eum in nouissimo die.

31 Porro, quoniam Paulus requirit probationem eius qui velit Dominica Coena vti: modum probationis inquiramus.

32 Paulus 2. Cor. 13. de probatione sic ait: Vos ipsos tentate, an sitis in fide, an nō cognoscitis vos ipsos, quod Iesus Christus in vobis est, nisi sicubi reprobi estis?

33 Hæc antithesis, qua reprobi & probati opponuntur, illustris est. Vt enim probatos dicit eos, qui in fide sunt, & Christum habitantem in se sentiunt: ita reprobos eos statuit, qui fide carent, & Christum in se habitantem non sentiunt.

34 Quare iusta probatio & examen in hoc consistit, ut vere sentiat fides, & Christi presentia in nobis: idque ex virtute spiritus eius, nos ad pietatis studium excitantis.

35 Quicumque ergo hanc sacram Coenam digne vult percipere, exploret apud sese, an vera poenitentia sentiat: experiatur, an statuat victimam Christi satisfactionem esse pro peccatis totius mundi: examinet se, an in hunc satisfactorem viva fiducia recumbat, excutiat, num sentiat Christum in se habitantem & ostendentem suam presentiam, ex spiritus sua efficacia: videat, an firmum propositum habeat peccatum posthac vitandi, ac Deo totam suam vitam approbandi.

36 Vanum est figmentum Papistarum: qui, tanquam necessariam ad hanc probationem, requirunt confessionem quam vocant auricularem.

37 Nam si ea necessario requireretur ad probationem, quæ usum Coenæ præcedit, Paulus non diceret: Probet se ipsum homo: sed potius, Probetur per alium: nec Apostoli & eorum successores, multis annis eam neglexissent.

38 Neque tamen repudio paedagogicam illam confessionem, quæ in nostris Ecclesijs est vilitata: præsertim cum habeat suum usum in rudioribus informandis.

39 De vera autem confessione & necessaria ex verbo Dei sic sentiendum est. Si adest poenitentia & vera fides, non opus est alio confessionis genere, quam quo sancti homines Dei, Patriarchæ, Prophetæ, Reges, Abraham, David, Daniel, &c. veniam de maximis sceleribus impetrarunt a Deo, qui solus peccata condonare & delere potest.

40 Quantum autem ad publicam confessionem attinet, quæ fit ab ijs, qui Ecclesiam aliquo scandalo offenderunt, regulam a Domino præscriptam, & exemplum Pauli, congruens cum regula, sequi oportet.

41 Verum hoc diligenter & prudenter moderatores disciplinæ cogitent, ut faciat ad ædificationem, non ad destructionem.

APPENDIX

de Cœna.

I VONIAM alibi a nobis & sæpe de sacra Christi Cœna scriptum est, nolo hic prolixior esse : sed solummodo dicam de Christi consilio, instituentis hanc Cœnam, & de legitimo Cœnæ usu.

3 Christus veteribus Sacramentis, quibus præter obsignationem gratiæ, ipsius aduentus in carnē & mors adumbratur, finem imponens, noua instituit Sacramenta, quibus præter obsignationem gratiæ, ipse exhibitus esse significatur. Atque hoc discrimen in vniuersum tenendum est, inter Sacramenta vetera & noua.

3 Sunt autem Sacramenta exhibiti Christi, Baptismus & Cœna Domini. Illo inauguramur corpori Christi & regeneramur : hac alimur, noui homines effecti. Verūque signum gratiæ est, & signaculum fauoris Dei erga legitime vtentes.

4 Verum si de modo prædicandi quæritur, ex scriptura discendus est. Externo signo, quod Sacramentum dicitur, tribuit Scriptura nomen rei quæ Sacramento significatur & obsignatur : idque eo consilio, vt finis & vltus instituti Sacramenti intelligatur.

5 Circumcisio Gen. 17. dicitur fœdus. Verum ne quis hic hæreret in re externa, seu in opere operato (vt loquuntur) tanquam res externa, seu opus operatum per se fœdus esset, mox Dominus in eodem capite se interpretatur, & dicit circumcisiōnem signem fœderis esse.

6 Quoties ergo res diuinitus ordinata dicitur fœdus, sciendum est, quod perinde sit ac si diceretur, est signum fœderis.

7 Verum quia signorum non eadem est ratio, Paulus ad Rom. 4. *operis* interpretatur, hoc est signum obsignans rem promissam, seu signaculum quo res promissa ex pacto mutuo inter Deum & hominem obsignatur. Vt Circum-

Circumcisio est *σφραγίς* iustitiæ fidei, Hoc est, Circumcisio est obsignaculum Dei, videlicet quo Deus obsignat credenti iustitiam.

8 Hinc catholica regula sumenda est: Omne Sacramentum est *σφραγίς*, id est, signaculū Dei, quo res promissa legitime Sacramento videnti obsignatur.

9 Cum ergo dicitur: Baptismus est lauacrum regenerationis, sensus est, Baptismus est *σφραγίς*, id est, obsignaculum, quo Deus testatur legitime videntem Baptismo regenerari, eique regenerationis gratiam obsignari.

10 Similiter cum dicitur: Panis est corpus Christi, vinum est sanguis Christi, sensus est, Panis est obsignaculum corporis Christi traditi pro nobis, Vinum est obsignaculum sanguinis Christi effusi pro multis.

11 Hoc expressius dicitur cum Dominus ait: Hic calix est nouum Testamentum in meo sanguine, hoc est, Deo ipso interprete, hoc vinum est signum & *σφραγίς* noui Testamenti, videlicet, quo Deus obsignat legitime videnti suum foedus de remissione peccatorum, propter meritum effusi sanguinis.

12 Et Paulus 1. Corinth. 10. dicit panem esse *κοινωνία* corporis Christi, & calicem esse *κοινωνία* sanguinis Christi, hoc est, vt ipse contextus conuincit: Panis est signum & obsignaculum, quod legitime videntes sacra Christi Coena iungantur toti Christo: idque pane quidem sacramentaliter, spiritu vero Christi efficaciter: quo spiritu sanctissimæ Christi humanitati iungimur.

13 Quod autem hæc coniunctio sit spiritualis, quæ figuratur ceremoniali manducatione & potatione, modus ipse copulationis ostendit.

14 Nam vt Christo capiti iungimur non nisi Christi spiritu: ita etiam inter nos *κοινωνοι* efficimur eodem Spiritu, cuius consociationis vnus panis ex multis granis constans, Symbolum est & testimonium.

15 Verum quia prima & principalis copula fit cum Christo capite, recte fit in nostris Ecclesijs, quod etiam

singulis ægrotantibus & petentibus porrigatur sacra Christi Coena, vt morituris obsignetur vita æterna in Christo promissa. Hæc plana & vera sunt, extructa ex solido verbo Dei.

16 Hinc iam extruamus claram & perspicuam definitionem Sacramenti Cœnæ Dominicæ, quæ faciat ad ædificationem conscientiarum.

17 Cœna Domini est *σφραγίς*, id est, obsignaculum, quo Filius Dei legitime vtentibus hac Cœna, obsignat omnia beneficia, quæ nobis meruit sua obedientia, traditione corporis in mortem, & effusione sanguinis sui.

18 Legitime vtentes sunt, qui fidem in promissionem afferunt. Sine enim fide promissio nec accipitur nec obsignatur, iuxta regulam: Omnis promissio fide accipitur.

19 Hinc sequitur pactionem duplicem in sacre Cœnæ usu requiri. Vnam, a parte Filij Dei. Alteram, a parte hominis legitime vtentis Sacramento. Filius Dei promittit remissionem peccatorum legitime vtenti, cum qua remissione omnia beneficia Euangelij coniuncta sunt. Homo vicissim fide in promissionem recumbit, obligat se ad perseuerantiam, in fide & bona conscientia.

20 Huius mutue pactionis & dulcissimi fœderis, *σφραγίς*, hoc est, obsignaculum, est sacra Christi Cœna, de qua Coena, regula in omni Sacramento obseruanda, tenenda est. Nihil habet rationem Sacramenti extra usum diuinitus ordinatum, qui vsus in actione legitima cernitur.

21 Porro vsus requirit cogitationem & meditationem: videlicet, cur Christus sit pro nobis mortuus, cur effuderit sanguinem, & quid requiratur ab vtentibus.

22 In hac enim cogitatione sentitur vis fidei, & intelligitur cur promissio Euangelij & fides, qua promissio accipitur, manducatio carnis Christi, & potatio sanguinis ipsius, dicuntur.

23 Nam ut homo fame corporali & siti corporali pressus, mortis periculo proximus est, sed recreatur rursus, colligit vires & exhilaratur esu panis & potu vini: ita hominis anima prostrata & victa fame spirituali, & siti spirituali, ut mortis æternæ periculo subiaceat, erigatur rursus, roboratur & exhilaratur fiducia Christi, qui tradidit corpus suum, & effudit sanguinem suum pro nobis, in remissionem peccatorum.


24 Hæc fides usu Cœnæ confirmatur. Ideo ab Augu-
stino recte dictum est: Crede & manducasti.

25 Ceremonialis enim manducatio, Spiritualis est obsecratio, in legitime utentibus ceremonia.

26 Cum hoc principali fine, qui est obsecratio gratiæ (quæ obsecratione fides confirmatur) plures sunt coniuncti, ut Inscriptio legitime utentis in corpus Christi: Conlocatio spiritualis communicantium simul: Obligatio utentis legitime ad fidem & bonam conscientiam: Testimonium confessionis publicum: Testificatio confessionis in tota doctrinæ & cultu: Tesseræ sciunctionis a castris Satanz, & ab omnibus sectis alienis a Christi veræ agnitione.

27 Hac brevi explicatione contenti simus, maneamus in Christo, ut in nobis maneat, abstineamus ab inutilibus disputationibus, quibus hominum animi auocantur a vero Cœnæ usu, atque ita dulcissimi huius fœderis non solum fructum amittunt, verumetiam sibi accersunt iudicium, propter abusum tanti Sacramenti.

MISSA PAPISTICA.

 N idolo Papistico, quod missam vocant, plurimæ & horrendæ sunt abominationes, quæ superant omnium temporum idolomanias. Quare qui pius esse vult, nō minus istud idolum fugiet, quam antiquū serpentem, qui primos nostros parentes seduxit.

2 Sunt enim in missa Papistica, præter multa alia, Vanitas, Superstitio, Turpis quæstus, Sacrilegium, Magica incantatio, Blasphemia, Idololatria, Seductio, Fucus meretricius.

3 Vanitas est, quod fingunt missam cultum Dei, eamque præcipuum in Ecclesia, contra manifestam Scripturam: Frustra colunt me mandatis hominum.

4 In omni cultu Dei, necessario tria concurrunt, videlicet opus mandatum, fides agentis, & finis proprius, quæ omnia in missa Papistica desiderantur.

5 Nam nec mandatum Dei, quod omnis divini cultus fundamentum est, proferre possunt, nec fides ibi esse potest. Est enim ex verbo. Quare cum verbum non habent, nec fides adest, quæ sola directrix operis est in proprium cultus Dei finem, qui est gloria Dei.

6 Superstitio est in gesticulationibus, saltationibus, histrionicis vestibus, expansione brachiorum, incurvationibus, & in multis alijs nugis, quas omnes recitare longum foret.

7 Turpis quæstus est, quod prostituant suam missam tanquam meretricem, pro pecunia, & promittunt entoribus quicquid postulant, nautis felicem navigationem, virginibus maritos, meretricibus amatores, militibus victoriam, parturientibus partum facilem. Brevis, nihil est quod non promittant Papales sacrifici, pecuniam numerantibus, adeo ut ex hoc quæstu, infinitos thesauros, fundos, possessiones, regna collegerint. Quare non mirum est quod Papa suum istud idolum, gladio & igni tueri conatur, fidelissimus toparcha Satane.

8 Sacrilegium est, quod Papistæ coenam, quam Dominus voluit perpetuum suæ voluntatis testimonium esse, & testamentum inuiolabile, mutilent, sublato vñ sacri calicis.

9 Quid dico de calice sublato? imo totam Coenam aboleuerunt, abolita communicatione. Nam cum unus seorsum suum epulū habeat, quid aliud est quam Coenā
in aliam

in aliam formam conuertere? Quid quæso hoc aliud est, quam si quis seipsum Baptismate subinde ablueret? quo profecto nullum foedius cogitari potest sacrilegium.

10 Magica incantatio est, quod Papistæ se gloriantur quinque verbis posse Christum de coelo deducere. Nam verba quæ vocant consecrationis, quinque dicunt esse, videlicet: Hoc est enim corpus meum. Enim addunt, vt sit numerus impar, & hoc pronunciat sacrificus inflando crucem in panem, vt magia sit efficacior.

11 An non ista magis conueniant nefandis gentium sacris, quam Christi instituto? Iustinus Martyr refert similem ritum seruatum fuisse olim, in sacris Solis (quem ~~magis~~ sacerdotes ipsius vocarunt) in quibus vsus panis & aque fuit, sed nulla vox a spectatoribus audiebatur nisi hæc ~~in istis uerbis~~ *in istis uerbis* ~~magis~~ *magis* ~~magis~~ *magis*. An non ab his Solis Sacerdotibus videntur Papistæ suum missandi ritum didicisse?

12 Blasphemia horrenda in Filium Dei est, quod fingant missam suam sacrificium esse, quo illorum peccata expiantur, qui missas illas pro se celebrari curauerint.

13 An non hoc est conculcare pedibus sanguinem Christi? An non hoc est miserum Sacrificum in locum Christi, imo supra Christum extollere? Quid est profanare personam Christi, si hoc non est?

14 Hoc suum sacrificium non tantum valere pro uiuorum peccatis expiandis contendunt, verum etiam pro mortuorum. Hinc illa magnifica palatia Papistarum, hinc coenobia splendore superantia aulas Imperatorum, hinc firmitas regni pontificij. Quæris certio rem notam Antichristi?

15 Huic blasphemo errori refragatur tota Scriptura. Nam si verum est, Christum esse semen mulieris, contrens caput serpentis: Si verum est, Christum esse agnum tollentem peccatum mundi: Si verum est, Christum, vna oblatione semel tantum facta, consummasse in æternum sanctificandos: Breuiter si verum est, Christum esse vnicum Mediatorem inter Deum & homines, profecto dia-

bolicum mendacium est quod Papistæ fingunt, suam missam esse sacrificium pro viuis & mortuis.

16 Iam vero quia Scriptura solui non potest, non habet micam veritatis Euangelicæ in se, qui istud Papisticum figmentum non vidit continere detestandam, in Christum vnicum Mediatorem nostrum, blasphemiam.

17 Idololatria horrenda admiscetur in isto sacro potificio. Nam ne quid impietatis præterisse videantur, non solum Sanctos inuocant, verumetiam ipsum panem, postquam illum magica incantatione intoxicauerunt, adorandum prostituunt. Leuant enim ipsum in altum, vt circumstantes illum vt Deum adorent.

18 Non hac idolomania plusquam ethnica sunt contenti, sed reponunt panem intra cancellos, accendunt coram eo candelas, iubent eum adorari, circumferunt sæpe in monstrantijs, vt vocant, vt adoretur.

19 Si hæc non est idololatria detestanda, nulla vquam fuit in mundo. Nam hæc facile superat alias impietate, & omnis generis abominatione.

20 Seductio est maxima & nocentissima, quod ista missa Papistica, ad miseros homines carnali fiducia inebriandos aptetur: adeo vt miseri homines hoc amuleto putent se expellere omnes noxas, idque sine fide & poenitentia. Quinetiam ter stulti homines auditu missæ, seu potius inspectione histrionicæ saltationis, armari se putant, & aduersus Deum, tanquã tuto præsidio muniti, multo licentius peccare audent, & obstinatiores redduntur.

21 Fucus meretricius est, quo pingunt suam missam, ne appareat eius turpitudine. Adhibent sacras lectiones, preces Græcas, exhortationes Hebræas, gratiarum actiones Latinas, quæ omnia per se sunt bona.

22 Verum res ipsa aliter se non habet quam cū Thaide, quæ vt amatores habeat, facië pingit fuco, collū auro ornat, vestibus splendidis se induit: nihilominus tamen est foedissima meretrix, pernicies eorum qui ipsius amplexus amauerint.

ADIAPHORA.

QUAE BASILIUS τὰ ἐν ἰσότητι καὶ μέτρῳ, Nazianzenus τὰ ἐν μέτρῳ καὶ μέτρῳ, ea Chrysostomus scribens in Epistolam ad Romanos ἀδύφ ζ, ἀδιὰφορα nominat, quo nomine nunc Doctores Ecclesiae vtuntur in certo operum & actionum genere.

1 Et vocant ἀδιὰφορον tertium genus operum. Nam cū tria sunt operum genera, videlicet mandata, prohibita, & quæ nec mandata nec prohibita sunt. Huic tertio generi nomen ἀδιὰφορον tribuerunt.

2 Est ergo ἀδιὰφορον opus, seu res, seu actio, quæ nec mandatur, nec prohibetur, neque expresse, neque implicite vlllo verbo Dei.

3 De adiaphoris sequentes distinctiones tenendæ sunt, ne quis error in eorum vſu committatur.

4 Genus operis in specie non expresse præcepti vel prohibiti, aut est præceptum aut prohibitum. Si genus præceptum est, opus ἀδιὰφορον censetur: at si genus prohibitum est, nequaquam opus medium & indifferens dicetur.

5 Vetitum est in genere, ne quis colat Deum mandatis hominum: ergo missa quæ sub vetito genere continetur, non est in adiaphoris ponenda. Nam in genere est prohibita.

6 Hoc genus: Decorum in Ecclesia seruandum est, mandatur: Sed circumstantiæ loci, temporis, vestitus, sunt liberæ & indifferentes.

7 Discernendum est inter libertatem & vſum adiaphorum Ecclesia. Natura & per se liberum est sine pallio sacro Coenam celebrare. Sed propter ordinationem Ecclesiae non est vſus liber.

8 Qui enim violat Ecclesiasticam politiā peccat multis modis. Primum enim reus fit violati ordinis in Ecclesia. Deinde auctoritatem magistratus contemnit. Tum

infirmorum conscientias vulnerat. Postremo nocet exemplo, & charitatem erga fratres violat.

10 Quantum ad rerum indifferentium usum privari attinet, Paulus discernit inter fidem & factum. Fidem probat Paulus; Exempli causa, ut si quis credit sibi licere vesci quolibet cibo. Factum improbat, si fiat cum offendiculo infirmorum. Omnia, inquit, munda mundi, sed malum est homini, qui per offendiculum vescitur.

11 Præterea adiaphora consideranda sunt dupliciter. Primum in se ut sunt res medix. Deinde ex ratione personarum, quæ illis utuntur.

12 Si per se considerantur, neque placent, neque displicent Deo: ut cantare in choro, aut quodlibet aliud opus medium facere: ut ieiunare, &c.

13 Verum si ex qualitate personarum considerantur, magnum est discrimen.

14 Si personæ utentes adiaphoris sunt fideles, placet usus adiaphororum Deo, non ut cultus per se, sed propter alium.

15 At si utentes adiaphoris sunt infideles, quoniam illorum mens & conscientia est polluta, non potest adiaphororum usus Deo placere.

16 Breuiter, fides & charitas solæ moderantur usum rerum indifferentium. Nam ut fides nouit, quid liceat: ita charitas spectat, quid proficit.

17 Has regulas si cogitarent quidam, minus turbaret infirmos inutilibus disputationibus, & magis studerent concordix & ædificationi mutux.

VETVS ET NOVVM Testamentum.



N T E omnia firmissime tenendum est, quod omnibus temporibus inde usque a lapsu primorum parentum eadem fuerit & sit ratio consequendæ salutis & vitæ æternæ, videlicet per vnicum Christum, cuius iustitiæ

iustitiæ efficiuntur participes, quotquot in ipsum credunt.

2 Quare quantum ad expiationem peccati attinet, vnum est foedus seu Testamentum Dei perpetuum, quo Deus se obligat ad remittendum peccata omnibus, qui ad Christum confugiunt.

3 Etsi autem huius foederis, si verbum hoc spectes, nulla facta est mentio, antequam Dominus hoc foedus cum Abrahamo iniit: tamen res ipsæ quæ ad substantiam huius foederis pertinent, semper Patribus, etiam ante diluvium, notissimæ erant.

4 Res voco promissionem reparationis per Christum, & fidem huius promissionis. Nam promissio in Deo, & fides in homine, sunt huius foederis partes, vt ita dicam, substantiales.

5 Pactio inter Deum & Abrahamum hæc fuit: Statuam, ait Dominus, pactum meum inter me & te, interque semen tuum post te in generationibus suis, foedere sempiterno, vt sim scilicet tibi in Deum, & semini tuo post te.

6 Hic primum consideranda est materia siue fundamentum huius foederis, quod est promissum semen. Nam quicquid Deus promittit salutare, ratum est in Filio qui nos cum Patre reconciliat.

7 Deinde cogitanda est bonitas & φιλανθρωπία Dei, qui tantam rationem humanæ fragilitatis habeat, quod se velit etiam foedere obstringere, vt sciamus immobile ipsius consilium esse, de fauore ipsius erga nos.

8 Adhæc, perpendenda est amplitudo promissionis factæ Abrahamo, videlicet, quod ad semen Abraham se extendat, idque in sempiternum. Verum autem Abraham semen definit Paulus, Rom. 4. Gal. 3. esse omnes qui insistant vestigijs fidei Abraham, hoc est, qui credunt promissioni gratiæ, sicuti Abraham fecit.

9 Præterea cum hoc foedus sempiternum dicitur, significatur quod Deus immortalitatem det suis cōfoede-

ratis. Nam si periremus per mortem, nullo modo constaret perpetuitas fœderis, cum Deus sit Deus vivorum, hoc est, non solum creator & sustentator, sed etiam salvator & donator æternæ vitæ.

10 Quoties igitur huius fœderis fit mentio, toties prædicatur immortalitas confœderatorum Dei. Primum enim spiritu, Deinde corpore & spiritu æternum vivent.

11 Huic pacto respondet fides Abrahamæ & seminis eius. Nam cum Deus se nobis fœdere obstringit ad dandam salutem, simul nos obligat ad fidem & novam obedientiam ex fide præstandam. Ideo dicit Abrahamo; Ambula coram me & esto perfectus.

12 Ut hoc æternum fœdus Dei cum Ecclesia haberet fundamentum & materiam, semen promissum: ita varijs typis olim adumbratum, tandem Christi adventu in mundum completum est, & per eiusdem sanguinem confirmatum.

13 His ita constitutis, iure quaeritur, cur duorum testamentorum Scripturâ meminerit, quorum alterum vetus, alterum novum nominat: præsertim cum sit extra omne dubium, vnum tantum perpetuum fœdus esse, quoad expiationem peccati & æternam hæreditatem attinget.

14 Dominus apud Ieremiam ita loquitur, Ecce dies venient, dicit Iehouah, & feriam cum domo Israel & cum domo Iuda pactum novum, non secundum fœdus quod pepigi cum patribus eorum, in die qua apprehendi manum eorû, & educerem eos de terra Aegypti, &c. Sed istud est fœdus meum quod feriam cum domo Israel post dies illos: dicit Iehouah. Dabo Legem meâ in medio eorum, & in corde eorum inscribam eam, & ero eis in Deum & ipsi erunt mihi in populum, nec docebunt ultra unusquisque proximum suum, & unusquisque fratrem suum, dicendo: Cognoscite Iehouah. Omnes enim cognoscent me a minimo eorum usque ad maximum eorum,

rum,

rum, dixit Iehouah. Quia propitiabor iniquitati eorum, & peccati eorum non recordabor amplius.

15 His Prophetarum verbis subiungit Epistola ad Hebræos: dum nouum dicit, antiquatur prius, Quod autem antiquatur ac senescit, prope interitum est.

16 Paulus Gal. 4. docet Agarem seruam, montis Sini, & Saram liberam, figuram fuisse cœlestis Ierusalem, a qua fluxit Euangelium, additque his notari duo Testamenta: Vnum quidem in seruitutem generans: Alterum vero in libertatem generans: Vt enim vetus Testamentum Agari generanti in seruitutem: ita nouum Sara generanti in libertatem, comparatur.

17 Nonum caput ad Hebræos longam collationem instituit veteris & noui Testamenti. Et summa rerum huc redit, quod vetus fuerit umbra noui, quod vt confirmatum est morte & sanguine Christi: ita duraturum est in perpetuum abolito veteri.

18 Ex his Scripturarum testimonijs concluditur, quod vt vetus Testamentum sit promissio certæ sedis & regni politici, cum conditione Legis & ceremoniarum, ad hunc finem ordinata, vt in hoc certo populo nasceretur Messias, & conseruaretur ibi memoria promissionis gratiæ, vsque ad aduentum Messie: ita nouum Testamentum est promissio remissionis peccatorum, iustitiæ, Spiritus sancti, vitæ æternæ, propter Christum æternum Sacerdotem cū conditione fidei & obedientiæ ex fide præstandæ.

19 Vetus igitur Testamentum subseruit nouo, ipsumque adumbrat: quare vt illud *σκιὰ*, ita hoc *τύπος* ab Apostolo nominatur. Omnia enim veteris Testamenti sunt veluti quædam *σκιὴ τοῦ νοῦ* noui Testamenti.

20 Cum ita propriissime, Apostolica & Prophetica phrasi, accipitur vetus Testamentum: nequaquam completur promissiones gratiæ, quæ ad nouum Testamentum, sicuti recte testatur Augustinus, referendæ sunt.

21 Porro cum politia Moysis perierit, cum Aaronicum Sacerdotium cum omnibus suis ceremonijs, purgationi-

bus & sacrificijs defierit, breuiter cum vetus Testamentum per Christi aduentum sublatum, aut potius completum sit: iure quæritur de Decalogo, quæ pars Legis Mosaicæ fuit, num is quoque sit sublatus? Ad hanc questionem ita respondeo: Quatenus Decalogus est pars Legis Mosaicæ nos nequaquam obligat, sed quatenus æternam normam voluntatis Dei continet, perpetuo durat, sicuti etiam multa alia, quæ in Mose sunt naturalia.

22 Verum in eo, hoc est, in Decalogo, spectandus est duplex vsus, iuxta rationem duplicis status hominis. Næ si tempus hominis ante reuelationem Christi in homine, hoc est, ante iustificationem hominis per fidem Christi respicis, vt ipse homo vetus dicitur: ita Decalogus analogia quadam veteri Testamento subijci potest. Nam paedagogia quædam est ad Christum, hominem accusans & damnans, quod non habeat iustitiam quam requirit Lex. Vnde homo impellitur ad quærendum Christum, qui est finis Legis in iustitiam omni credenti. Hoc sensu Paulus Legem moralem nouo Testamento opponit 2. Corinth. 3. At si tempus hominis post reuelationem Christi in homine attendis, vt ipse homo nouus est effectus: ita Decalogus norma vitæ noui hominis est, quæ nunquam aboleretur.

23 Ex his luce clarius apparet discrimen veteris & noui Testamenti. Nam si tempus respicis, vetus Testamentum præcedit reuelationem noui. Si subiectum attendis, eadem plane ratio est. Si Mediatores, illud per Moysen famulum, hoc per Dominum ipsum administratum est. Si dispensationis modum, illud vmbatile fuit, hoc ipsam rerum imaginem continet.

24 Vmbra fuit liberatio Israelis ex seruitute Aegypti, oppresso tyranno Pharaone: Veritas est liberatio populi ex seruitute peccati victo Diabolo. Vmbra fuit introductio Israelis carnalis in terram Canaan, & eiusdem occupatio: Veritas est introductio Israelis spiritalis in cælum, eiusque hæreditaria possessio. Vmbra fuit Legis
lao

latio in monte Sina per Mosen: Veritas est verbum, quod prodijt de Sion per Christum. Umbra fuit Lex in tabulis lapideis scripta: Veritas est Lex Dei scripta in cordibus hominum digito Dei: Hoc est, non notitia ociosa, sed fiducia efficax, qua statuimus & sentimus Deum nobis esse propitium remissis peccatis, quaque excitantur in nobis motus congruentes Legi Dei. Atque hæc est inchoatio Decalogi. Umbra fuit ministerium mortis: Veritas est ministerium Spiritus & vitæ. Breuiter, umbræ sunt Mosaica omnia Politia, Sacerdotium, purgationes, sacrificia, &c. Veritas est Iesus Christus cum suis beneficijs.

35 Horum attenta consideratio seruit imbecillitati nostræ, & ostendit vnā fuisse semper salutis consequendæ rationem, videlicet, per fidem gratuita promissionis in Iesu Christo.

36 Quare detestandi sunt furores illorum, qui falso imaginati sunt triplicem salutis viam videlicet, per Legem Naturæ, per Legem Moïsis, & per Legem Christi, ac tria fuissent fœdera Dei substantia diuersa.

CHRISTIANA LIBERTAS.

DOCTRINA de libertate Christiana recte explicata vberriam consolationem continet: quare eius explicatio grata debet esse pijs mentibus.

3 Vt autem non, quasi in limine, impingamus, procul seiungamus oportet somnia Iudæorum de regno Meisæ terreno, entusiasmos Anabaptistarum de imperio Sanctorum in mundo ante extremum diem, & furores Libertinorum, qui libertatis prætextu se omni turpitudini prostituunt.

3 Nam Epitheton Christiana, differentiam facit, qua

hæc libertas, & a civili libertate, & ab aliarum sæcularum ficta libertate, discernitur.

4 Deinde cum de Christiana libertate agimus, est etiam accurate discernendum inter libertatem personæ, & libertatem voluntatis. Vt enim huius distinctionis observatio, multum lucis adfert huic doctrinæ: ita eiusdæ confusio, multos errores gignit, & disputationes infinitas parit. Quare de utraque, hoc est, personæ & voluntatis libertate, ordine & distincte dicemus.

5 De libertate personæ Christus loquitur, cum ait: Si Filius vos liberauerit, vere liberi eritis.

6 Hoc dictum Christi manifeste docet, quod nemo sit vere liber sine Christo, vnde sequitur hanc libertatem non esse civilem aut politicam, sed multo augustiorem, nec esse carnalem, sed spirituale.

7 Qualis autem hæc libertas personæ sit, partim ex collatione seruitutis spiritualis cui opponitur, partim ex manifestis oraculis Scripturæ intelligi potest.

8 Adam peccans factus est reus coram Deo, incurrit in iram Dei, obnoxius factus est morti æternæ, & amisso spiritu libertatis, tristissimo seruitutis iugo est pressus, an postea tales genuit filios, qualis fuit ipse pater, hoc est, seruos.

9 Est igitur spiritualis seruitus, propter peccatum esse reum iræ Dei, esse maledictum a Deo, esse obnoxium morti æternæ, & iugo seruitutis premi, adeoque servum peccati esse.

10 Huic seruituti cum libertas spiritualis opponitur: necesse est vt sit liberatio a peccato, ab ira Dei, a maledictione, a morte æterna, & a spiritu seruitutis.

11 Nam vt Adam peccans coniecit nos in istam tristissimam seruitutem: ita Christus iustus nos in libertatem vindicauit, modo nos in eius fidem coniecerimus.

12 Si causa huius liberationis quæritur, rectissime respondetur quod merito & efficacia Christi perficiatur.

13 Primum enim merito nos a peccato liberat Christus

Qui factus est *ἀντὶ* pro nobis, & Ioannes dicit: Sanguis Christi purgat nos ab omni peccato. Merito nos liberat ab ira Dei, quia iram Dei pro nobis sustinuit, iuxta illud: Erat Deus in Christo mundum sibi reconcilians. Item, Hic est Filius meus *ἡ ᾧ ὑποτάξαται*. Item, Merito nos a maledictione liberat, iuxta illud: Christus redemit nos a maledictione Legis, factus pro nobis maledictum. Et merito nos a morte æterna vindicat, iuxta illud: Qui credit in ipsum non peribit, sed habebit vitam æternam: vel, ut breuius dicam, merito obedientiæ crucis expiat peccatum: merito obedientiæ Legis imputat iustitiam suam omni credenti. Hæc beneficia sæpe vno gratiæ vocabulo intelliguntur.

15 Deinde efficacia nos idem Christus a Spiritu seruitutis liberat. Nam credentes donat Spiritu sancto, qui libertatem adoptionis obsignat fidelium cordibus, & in eis accendit nouam lucem, & inchoat nouam obedientiam. Hoc Christi liberatoris beneficium, Donum per gratiam ab Apostolo nominatur.

15 Cum his duobus libertatis gradibus, quorum prior gratiæ vocabulo, posterior doni appellatione signatur, coniunctus est tertius gradus post Christum exhibitum, Liberatio a ritibus Mosaicis, quemadmodum docet Paulus in multis locis. Non enim Christianus obnoxius est ritibus & ceremonijs Mosaicis. Nam illi ut vmbra finem habuerunt adueniente Christo, & peracto *ἀντὶ* pro nobis.

16 Quartum libertatis gradum Paulus addit, Liberationem a traditionibus humanis, ne videlicet vllas traditiones humanas putemus ad salutem necessarias esse, ut debitum cultum. Quas tamen ordinis & *ὑποταξίας* gratia seruare, si sint pie oportet.

17 Hanc libertatem offert Euangelium omnibus qui conuertuntur, cum prædicat poenitentiam & remissionem peccatorum, in nomine Christi.

18 Ex his quæ hæcenus exposuimus, plenā definitio-

nem libertatis Christianæ, quæ inchoatur in hac vita, ex-
truamus. Libertas Christiana est manumissio spiritualis
parta per Christum, quam offert Euangelium in nomine
Christi, qui ut merito suo credentes liberat a peccato,
ira Dei, damnatione Legis, morte æterna, ritibus Mosai-
cis & humanis traditionibus, adeoque sua iustitia ornat:
ita efficacia eosdem donat Spiritu sancto, qui & obli-
gnat in ipsis libertatem adoptionis, & flectens eorum
corda ad nouam obedientiam, inchoat in eis vitam æ-
ternam.

19. Hæc inchoata libertas personæ locum habet in
hac vita per quam fit transitus ad plenam libertatem,
qualis futura est post iudicium, quando deleta peccato,
placata ira Dei, abolita morte, & sublati omnibus cala-
mitatibus donabimur æterna iustitia, & erimus confor-
mes Deo in omni æternitate.

20. Hinc æstimari potest, quantus thesaurus Ecclesie
Christi sit libertas Christiana, de qua frustra gloriatur,
qui viuunt sine poenitentia, & contra conscientiam pec-
catorum cæno se misere inuoluunt. Hi enim miserrimi
serui sunt, iuxta dictum Christi: Qui facit peccatum,
seruus est peccati.

21. Contra vero, qui retinent fidem & bonam con-
scientiam, militantes honestam militiam, iuste gloriari
possunt se liberos esse. Nam ut Paulus ait: Nulla con-
demnatio est ijs qui sunt in Christo Iesu, & non secundū
carnem ambulant, sed secundū Spiritum. Nā lex Spiritus
vitæ in Christo liberauit me a Lege peccatis & mortis.

22. Hæc recte expensa confutant errores Iudæorum,
Papistarum, Anabaptistarum, Libertinorum & aliarum
sectarum omnium, quæ secus docent de libertate, quam
offert Messias.

23. Iudæi dum somniant mundanum imperium Mes-
sæ, contra dictum Christi, Regnū meum non est de hoc
mundo, de libertate Spiritus plane nihil intelligunt.

24. Papistæ etsi libertatē spiritualem agnoscunt: tamē

ab eius possessione homines abducunt, dum alia merita, & aliam satisfactionem pro peccato, quam solius Christi, hominibus obtrudunt.

25 Anabaptistæ nihilo meliores Iudæis sunt. Nam & illi fingunt libertatem externam, excusso civilis magistratus iugo, & somniant Christianos debere dominium in mundo obtinere, mille annos ante iudicium. Horum delirium paulatim sponte sua collabitur.

26 Libertini nostræ ætatis, prorsus a Diabolo demerati, frenū laxant cuius carnis lasciuia, ut sine ullo scrupulo, unusquisque viuat suo arbitratu. Christianam libertatem definientes licentiam quiduis faciendi, sine omni honestatis & turpitudinis discrimine.

27 Hos beluinos foetores qui non extreme odit, eum porcum esse, imo Diabolum potius quam hominem dixerō.

28 His ergo erroribus de Christiana libertate profligatis, veram sententiam quam proposui amemus, ac caueamus ne vllis Satanæ imposturis circumuenti, Libertate quam in Christo habemus, excidamus, ac rursus in laqueos seruitutis incurramus, in certissimum animarum & corporum interitum.

29 Libertas voluntatis variat tempore. Nam alia est eius ratio ante conuersionem personæ, alia in cōuersione, alia post conuersionem, præsertim in actionibus salutaribus.

30 Ante conuersionem voluntas hominis sponte sua serua est, quantum ad actiones salutares attinet. Nā & iudicio aberrat & electione decipitur, & conatu succumbit, ut non queat nisi pro qualitate sua male velle, Rom. 3.

31 In conuersione Spiritus sanctus in verbo est efficax, & non solum mouet voluntatem, sed mouēdo immutat, non pertinaciter se opponentem Spiritui sancto. Hoc ita esse & Scriptura attestatur, & Sanctorum experientia comprobatur.

32 Post conuersionem in renatis voluntas est libera, non ex natura, sed ex gratia. Nam & mens illuminata est verbo & Spiritu, & voluntas est conuersa ad Deum, & conatus iuuatur.

33 Verum quia magna in natura adhuc imbecillitas reliqua est, non potest hæc libertas perfectissima esse, sed habet sua incrementa, prout fides in corde crescit.

34 Cum Scholastici Doctores distinguunt inter liberum arbitrium naturale, & gratuitum, rectissime faciunt. Nam & liberum arbitrium naturale est rerum naturalium, quæ sunt hominum iudicio & electioni expositæ: ita liberum arbitrium gratuitum est, cum Deus in nobis operatur salutaria, ut cognoscere, velle & facere. Hoc habent soli renati, non natura, sed dono.

35 Ut gratuitum hoc liberum arbitrium est præstantius & perfectius naturali tantum (quale est in non renatis:) ita gratuito renatorum præstantius est, & perfectius liberum arbitrium (etsi naturale est) Angelorum: & omnium præstantissimum & perfectissimum liberum arbitrium in Deo est. Nam huius natura perfectissima, & vis cognoscendi præstantissima cōiunctæ sunt cum omnipotentia & liberrima voluntate.

SCANDALVM.



1 **C**VM Christus dicit: Necesse est venire scandala: &, vñ homini per quem venit scandalum, non solum significat magna pericula fore Ecclesiæ a scandalis, sed etiam denunciat grauissimas poenas scandalorum autoribus.

2 Verum quia non omnia scandala sunt vnius generis, nec omnia æquali reatu obstringunt, operæ precium est recte scandalorum genera distinguere & explicare.

3 Scriptura has voces usurpat *σκανδαλον*, *πρόσκομμα* & *ἔγκλημα*. Scandalum propriissime significat regillum in instru-

instrumentis, quibus capiuntur mures, vulpes, lupi, &c. Vnde Ecclesia nomen transtulit ad infidias seu tendiculas, quibus capiuntur homines veluti bestiarum tendiculis. *Ἰσχυροῦς* proprie est, cum in via aliquid obijcitur pedibus, in quod incurrens impingit aut cadit, vnde mala exempla veluti saxa quædam sunt in quæ incurrentes impingunt. *Ἐγχοπῆ* ipsa offensio est seu impactio.

4 Eritigitur scandalum generatim, quicquid alicui vel causa vel occasio offensionis est. Hoc est, quicquid impedit quo minus inoffenso cursu pergamus in Lege Domini. Nam quæ ita offendunt, sunt veluti tendiculae seu obices quibus in via Domini ad casum impellimur.

5 Bernhardus duplex scandalum facit, videlicet interius & exterius. Interius vocat, cum vetus homo offendiculum præbet nouo homini. De quo interpretatur dictum Domini, Matth. 5. Si oculus tuus dexter scandalizat te, erue illum, &c. Vbi per oculum, manum, & pedem, intelligit concupiscentias prauas, quæ sæpe nouum hominem molestant, vt inoffenso cursu non pergat in via Domini. Exterius definit quod foris accedit, & præbet vel causam vel occasionem ruinæ.

6 Hoc exterius scandalum de quo potissimum Theologi disputant est duplex, videlicet datum & acceptum. In utroque duo spectanda sunt, scilicet materiale, hoc est, factum ipsum, & formale, hoc est, imitationis seu offensionis occasio, vnde scandali nomen est.

7 Datum scandalum est, cum aliquis efficacem causam lapsus alicui dat seu præbet. Hoc, si materiale spectes, aut oritur ex facto per se malo, hoc est diserte prohibito Lege Dei: aut ex facto in se adiaphoro, sed intempestiue vel facto vel omisso, contra charitatis regulam. In illo, duplex peccatum: in hoc, simplex est.

8 De priori genere loquitur Christus ad Petrum: Vade post me Satana, scandalo es mihi. Etsi enim Christus non impegit: tamen dictum Petri reuera offendebar, & potuit infirmis occasio esse ruinæ. Fuit ergo dictum

Petri actuum & datum scandalum, etsi passivè Christus non impiegit.

9 Hoc scandaligenus datum malo exemplo, hoc est actionibus vel omissionibus pugnantibus cum Lege Dei, omnes quibus salus curæ est, non secus quam internum ipsum cauere debent.

10 Hoc, est illud scandalum quod tam multis præbet occasionem præcipitij in æternam mortem. Huic omnes hæreses, omnia flagitia. Breuiter, quicquid aduersatur dilectioni Dei & dilectioni proximi, subiicitur.

11 Autoribus huius scandali Christus ⁹~~ἐπετίμησεν~~ illud
ἐπιφθύγμα vx accinit: & addit melius esse homini illi, vx
alligata mola asinaria collo eius, submergatur in profun-
dum maris.

12 Variat & hoc genus scandalī pro personarū differe-
rentijs. Nam si datur a persona quæ versatur in mun-
dano theatro, & in aliqua dignitate est constituta, magis to-
cet exemplum, & pluribus ruinam adfert, quam si pri-
vata vitam ageret, aut alioqui obscura esset persona.
Vt enim quo ingentius fuerit saxum cadens ab altari-
pe, eo plura fragmenta facit: ita quo dignior fuerit per-
sona, & in sublimiori dignitatis culmine constituta, eo
plures in lapsum secum trahit cum cadit: quare & ma-
iorem poenam meretur. Vt David ob adulterium gra-
uius punitur, quam obscurus ciuis.

13 De posteriori genere loquitur Paulus, cum inquit: Si esca scandalizat fratrem meum, non vescar carnibus in æternum, ne fratrem meum scandalizem. Non enim vult Paulus cum offensione proximi, vel vti rebus adaphoris, vel abstinere ab earum usu.

14 Verum hic triplex hominum genus considera-
dum est. Quidam enim sunt docti Christianam libera-
tem: ideo firmi habentur: his non est scandalo factum
adiaphorun: sed potius gaudio & consolationi. Nam ex
mutua firmitudine in negotijs pietatis non parum gau-
dent vere pij. Quidam sunt obstinati & indociles, quales
fuerunt

fuere Pharifzi, de quibus regula Chrifti notanda eft: Si-
nite eos quia cæci funt & duces cæcorum. Quidam funt
infirmi & veluti pufilli in fchola Chrifti. Horum ratio
habenda eft in vlu Adia phorum. Nam qui cum scan-
dalo taliuna, hoc eft, infirmorum vtitur rebus adia pho-
ris, charitatis legem violat, & fidem Chrifti abijcit.

15 Bernhardus hoc etiam comprobât: Non omnium
(inquit) scandala æqua lance funt pendenda. Aliter
namque accipienda funt pufillorum, aliter Pharifæorum
scandala. Illorum quippe scandalum de ignorantia: ho-
rum vero de malitia descendit. Illi scandalizantur quia
veritatem nesciunt: hi quia veritatem oderunt.

16 Apostolus duo confiderari vult in rebus & actio-
nibus medijs, videlicet factum & fidem. Factum liberū
vult eſſe, ſi caret ſcandalo: alioqui non. Fidem ſemper
approbat.

17 Acceptum ſcandalum eſt, quod homines ſibi ac-
cipiunt, vel ex aliorum recte factis, vel ex alijs rebus
quibuscunque.

18 Sed hoc variat. Nam aliud eſt hominum ſapientū
extra Eccleſiam, aliud hypocritarum in exterro cœtu
Eccleſiæ: aliud piorum, ſed infirmorum, in Eccleſia.

19 Mundi ſapientes offenduntur. Primum infirma
ſpecie Chrifti. Deinde abſurditate doctrinæ, quam tra-
dit Eccleſia. Nos (inquit Paulus) prædicamus Chriſtum
erucifixum, Iudæis quidem ſcandalum, Græcis vero
ſtultitiam. Tum mole ærumnarum, quæ comitâtur pro-
feſſionem Euangelij. Præterea dilatione promiſſionis
aduentus Domini.

20 Horum ſcandalum contemnendum eſt forti & in-
uiſto animo, & ſequenda eſt regula Hieronymi, qui ita
ait: Dimittendum eſt propter ſcandalum, omne quod
poſſeſt prætermitti ſalua triplici veritate, ſcilicet vitæ, iu-
ſtitiz, & doctrinæ, & Bernhardus pie dicit: Melius eſt vt
ſcandalum oriatur, quam vt veritas relinquatur.

21 Hypocritæ, mortua Eccleſiæ membra, quia operi-

bus suis nituntur, doctrina iustitiæ offenduntur, & vitæ piorum contemnentium hypocrisin: horum scandalum vt abominatio spernendum est.

22. Infirmi in Ecclesia accipiunt scandalum a florenti impiorum fortuna, & prospero rerum successu. Vnde Dauid Psal. 73. Mei pene moti sunt pedes, pene effusi sunt gressus mei, quia zelo ardebam super iniquos, pacem impiorum videns, in miseria hominum non sum, & cum hominibus non affliguntur. Ideo tenuit eos superbia: operti sunt violètia tanquam veste, &c. Et paulo post subiungit: Ergo frustra mundaui cor meum, & laui in innocentia manus meas.

23. Sed quid hic infirmi facient? Hoc Dauid præclare docet in eodem Psalmo, cum inquit: Cogitabam, inquit, vt scirem hoc, sed difficile erat in oculis meis, donec veni in sanctuarium Dei, & animaduerteterem in nouissima eorum.

24. Hic Dauid duo requirit in infirmis, qui offenduntur prosperitate impiorum. Primum vult nos introire in sanctuarium Dei. Deinde iubet nos in nouissima impiorum animaduertere.

25. Sanctuarium Dei est Ecclesia, cui commendata est sapientia illa arcana, de consilio & voluntate Dei. Hæc sapientia, nos ita erudire potest, modo dociles nos præbuerimus, vt facile, contempta prosperitate impiorum, credamus inuisibilia, speremus promissa, amemus Deum, atque illi adhærentes, dicamus cum Psalmista: Mihi adhærere Deo bonum est, posui in Deo Domino spem meam, vt annunciem omnia opera eius.

26. Animaduertere nouissima impiorum est cōferre finem tristissimum impiorum, cum lætissima catastrophe piorum. Vt enim impij mortē hanc vitam commutantes, rapiuntur ad æternum exitium: ita pij in media mortē sentientes præsentiam Dei, ducatu angelorum, ex præsentis vitæ miserijs migrant in æternam vitam.

27. Hæc cū pij cogitant, desinunt æmulari in malignitibus,

tibus, inuidereque iniquitatem facientibus: & sperant in Domino, & faciunt bonum, scientes hereditatem suam in cœlis repositam esse.

28 Hoc cum sanctus Iob cogitaret, fortuna impiorum contempta, in medijs ærumnis in hanc vocem erupit: Scio quod redemptor meus uiuat, & in nouissimo die resurrecturus sim.

29 Hinc exitum piorum & impiorum commendat nobis Dominus, propositis exemplis purpurati Epulonis & vlcerati Lazari: quorum illum luctus excepit sempiternus: hunc angelorum chorus in cœlum subuexit, ubi æternum beatus uiuet.

30 Finis omnium quæ hætenus a nobis proposita sunt, est, ut animis nostris verbo Dei confirmatis, & moribus nostris ad normam Legis diuinæ compositis, simus synceri & ἀγαθοί in diem Christi, pleni fructibus iustitiæ, qui fiunt per Christum Iesum in gloriam & laudem Dei.

C R V X.

I VONIAM Ecclesia Dei semper subiecta est cruci in hac vita, necessarium est recte institui pios de cruce: ne fracti crucis scâdalo, abijciant confessionem: id quod, proh dolor! multis accidisse certum est.

1 Nominamus autem crucem, quamuis afflictionem, qua vel tota Ecclesia premitur: vel singula eius membra, vel castigantur vel probantur: siue id in corpore, siue in animo fiat.

3 Ut autem distinctius de hac re dicamus, quatuor ordine exponemus. Primum causas crucis recitabimus. Deinde discrimina crucis piorum & supplicij impiorum, colligemus. Tum quo animo pijs crux sit ferenda, indicabimus. Postremo vnde consolationes sub cruce petendæ sint, aperiemus.

4 Causæ crucis, cum in nobis ipsis, tum extra nos quærendæ sunt.

5 In nobis ipsis tres causæ crucis sunt manifestæ, quorum prima est peccatum in nobis habitans. Secunda, concupiscentia quævis inde pullulans. Tertia, quotidianus lapsus, quem peccatum inhabitans, per suas concupiscentias, gignit & producit in conspectum.

6 Hæ tres causæ sub genere culpæ ponuntur, quæ culpa quia violat Legem Dei, iuste cruce reprimitur & castigatur.

7 Extra nos causæ crucis sunt quatuor. Nunc enim Satanas Ecclesiam molestat: Nunc membra Diaboli eandem cruciant: Nunc benignissimus Pater castigat: Nunc obiecta in cuiusque vocatione perplexitas & difficultas, peturbat.

8 Diabolus hostis humani generis & præcipue Ecclesiæ, circumiens ut Leo rugiens, quærit quem deuoret, hoc est, molitur Ecclesiæ interitum, mendacio & homicidio. Id quod & primi parentes experti sunt, & tota posteritas eorum omnibus temporibus experta est, & experietur usque ad extremum diem.

9 Membra Satanz, ut sunt Sycophantæ, tyranni, hypocritæ & flagitiosi, non parum molestant Ecclesiam.

10 Sycophantæ sunt qui de sapientia sua glorientes doctrinæ Ecclesiæ insidiantur. Hi sunt vel extra visibilē Ecclesiam, & manifeste totam Ecclesiæ doctrinam abijciunt, & derident ut stultam, quales sunt Mahometistæ, Iudæi indurati, & aliæ profanz gentes, quæ Christi nomen aduersantur: vel in Ecclesia sunt visibili & volunt Christiani appellari. Hi non totam doctrinam, sed nunc hanc partem nunc illam, vel deprauant, vel prorsus abijciunt. Hos hæreticos appellamus.

11 Tyranni a Sycophantis & Sophistis excitati, bella Ecclesiæ Dei mouent, & violenta manu conantur Ecclesiam opprimere. Sed non eodem modo. Quidam enim aperte nomen Christi detestantur, atque ideo pios perse-

persequuntur, vt Turca, Saraceni, & alia profana gētes. Quidam Christi nomen se magnificare simulant, sed tamen sanguine Sanctorum, cursum Euangelij ocludere moluntur, quorum antesignanus est Papa, hoc est, Antichristus ille, de quo prædictum est ab Apostolo, 2. Thess. 2. Huic militant multi principes, quidam errore, quidam malitia.

11 Hypocritæ ficta religione sua, non paruum molestim Ecclesiæ inferunt. In horum numero sunt Monachi, Moniales, Canonici, Vicarij, Sacrificuli, non quidem omnes, sed eos tantū intelligo, qui Papæ castra sequuntur, & abdomini suo potius quam Domino seruiunt.

12 Flagitiosi sunt, quos Græci αἰσχροὶ vocant. Horum causa, præsertim cum in castris Ecclesiæ tanquam ciues Ecclesiæ delitescunt, multum affligitur Ecclesia, vt historiæ & experientia docet. Vnius Achan scelere, etarsit ira Dei in populum. Facinus Roboam, multis fuit exitio. Stuprum vxoris Leuitæ, plurimis, etiam pijs, cessit in perniciem corporum & fortunarum.

14 Quod autem innocentes sæpe affligantur propter paucorum flagitia, etiam homines sapientes extra Ecclesiam, norunt. Sophocles refert propter Oedipi incestum, Thebanum regnum fuisse peste vexatum. Homerus propter abreptam sacerdotis filiam, magnam Græci exercitus partem deletam esse, testatur. Hesiodus interdum vnus ob noxam totam Rempublicam affligi affirmat.

15 Inter causas crucis externas, tertium locum tribuimus benignissimo cœlestis patris consilio & paternæ voluntati. Hic enim sæpe alienum opus facit, vt faciat suum, hoc est, occidit & mortificat, vt viuificet & saluet.

16 Est ergo vtrumque spectandum diligenter, quando Deus cruce castigat Ecclesiam, videlicet iudicium & misericordia. Iudicium est, quod propter peccata nostra punimur. Ideo Dominus ait: Noli peccare, ne quid dete-

rius tibi accidat. Misericordia est, quod punit vt cōuertat, iuxta illud Pauli 1. Cor. 11. Cum iudicamur, a Domino corripimur, ne cum hoc mundo damnemur.

17 Cum his congruit Augustini dictum Psal. 98 Cum blandiris, pater es, cum cædis pater es: blandiris ne desiciam, cædis ne peream.

18 Vt ergo Mirrha acris & amara est, & tamen sanax vulnera: ita Crux, etsi carni insuavis est: tamen temperata fide nequaquam exitialis, sed salutaris existit.

19 Quarto loco inter externas causas crucis, sequitur difficultas quæ in cuiusque vocatione obijcitur. Nulla enim est vocatio tam exigua, quin habeat suam molestiam adiunctam, modo quis non fraudulenter faciat opus Domini.

20 Hoc quam verum sit conspicitur in regimine domestico: In gubernatione politica: In administratione Ecclesiastica, vt taceam de omnibus alijs vocationis generibus.

21 Secundum quod proposui, fuit de discrimine crucis piorum, & supplicij impiorum.

22 Est autem hoc discrimen potissimum colligendum ex his quinque, videlicet, ex causis efficientibus, finibus, effectibus, tempore & loco.

23 Si causas efficientes respicis, quas vocant *vapores*, Deus pios paterna virga ex paterno amore castigar. Impios vero & inemendabiles, flagello iræ & furoris sui premit. Illos igitur, vt pater: hos, vt iudex punit.

24 Si fines respicis, pios punit Deus in ipsorum bonum; impios qui emendari & conuerti nolunt, in interitum eorum: hoc est, pios quidem punit, vt cruce probentur: impios vero, vt vel cruce resipiscant, vel dignis supplicijs coerceantur.

25 Effectus quoque variant. Pij, vt Iob, Dominum benedicunt sub cruce: Impij fremunt aduersus Deum & tristantur: Pij erudiuntur, Impij confunduntur: Pij probantur,

lantur, Impij perturbantur: Pij patientia sub cruce discant & inuocant, Impij impatientia victi desperant.

26 In tempore quoque permagnum est discriminē. Pij ad breue tempus, vt postea cum Christo glorificentur: Impij perpetuo malo inuoluuntur, quorum præsens afflictio præludium est suppliciorum æternorum.

27 In loco quoque differunt crux piorum, & impiorum poena. Nam pij in hoc mundo tantum erudiuntur. Impiorum ignis nunquam exstinguetur.

28 Tertium membrum nostræ partitionis fuit, quoniam animo pijs ferenda sit crux: id quod paucissimis verbis exponi potest.

29 Pij hominis animus sub cruce in hunc modum erit compositus. Primum omnium renunciabit veteri homini & eius concupiscentijs, vt tanquam noua creatura in Christo, non amplius iuxta carnis, sed iuxta Spiritus & noui hominis imperium viuat. Secundo, fides vera præluce debet in omnibus ærumnis, videlicet probris & cruciatibus. Hæc fides quia nititur merito & intercessionē Christi, facile victrix euadet. Tertio, quicquid iam mali euenerit, accipiendum est, tanquam ex manu optimi patris. Quarto, præsentī cruce vtendum tāquam auxiliari pharmaco contra omnes animi morbos, superbiam, phylautiam, petulantiam carnis, &c. Quinto, Cruce excitabitur pius, ad strenue currendum in proposito salutis stadio, per prædicationem Dei, inuocationem & alia pietatis exercitia.

30 Etsi autem ex his quartum quod in principio proposuimus, colligi potest, videlicet, vnde pius consolationes sub cruce petat: tamen prodest ad hæc capita consolationis respicere. Primum cogitet pius in se peccatum puniri, vnde excitetur ad pœnitentiam. Secundo, finis intueatur, cur Deus vult Ecclesiam sub cruce esse. Tertio, historia piorum, qui cruce probati sunt, cogitetur: & præcipue Filij Dei. Quarto, cogitetur necessitas obedientie. Quinto, præsentia Dei erigatur animus, qui

dicit: Sum tecum in tribulatione. Sexto, concipiatur fiducia promissæ liberationis gloriosæ. Septimo, Consideratur presens afflictio cum futura gloria. Octauo, Dignitas crucis attendatur. Nam hac ratione olim glorificandi filij Dei, declarantur conformes imaginis filij Dei vnigeniti.

MAGISTRATVS.



Quia & Solomon dicit absque Magistratu ruere populum, ibique salutem esse. Multa sunt consilia: & experientia docet fieri non posse vt incolumis sit humana societas sine Magistratu: decet profecto omnes, quibus pietas est cordi, recte de Magistratu sentire, ne cum profanis hominibus, in contemptum ordinationis diuinæ obripiantur, in contumeliam Dei, & in propriam corporum & animarum perniciem.

2 Vt autem hanc de Magistratu doctrinam distinctius explicemus, quinque nobis excutienda videntur: quorum primum est, vnde & quid sit Magistratus. Secundum, quænam sint cōditiones legitimi Magistratus. Tertium, quod officium, quique fines administrationis politicæ. Quartum, quodnam ius Magistratus in subditos, & in illorum bona. Quintum, quidnam Magistratui debeant subditi.

3 Tota Scriptura docet, & Paulus disertis verbis affirmat Magistratum a Deo esse. Non est, inquit, potestas nisi a Deo. Quæ vero sunt potestates, a Deo sunt ordinatæ.

4 Hæc diui Pauli assertio, quæ cum tota Scriptura consentit, de imperio ipso Magistratusque dignitate intelligenda est, non autem de confusione, quæ sæpe in Imperijs propter scelera hominum exoritur.

5 Etsi igitur Deus, Neronis imperium constituit: tamen eius scelera abominatur & punit.

6. Cum scitur quod Magistratus sit a Deo, definitio quoque Apostolica est tenenda: videlicet, quod Magistratus sit ordinatio Dei, subditis in bonum, hoc est, ut honorentur boni, & puniantur mali, pro delictorum ratione: idque in hunc finem, ut quiesca sit & tranquilla humana societas, Deo seruiens.

7. Secundum partitionis nostræ membrum, est de conditionibus legitimi Magistratus, quæ Exod. 18. quatuor recensentur: quæ sunt, Pietas, Sapientia, Veracitas, & Odium auaritiæ. Vbi enim hæ conditiones in magistratu inueniuntur, salutaris est gubernatio. Contra, vbi reliquæ desiderantur, molesta & infelix est administratio.

8. Impia igitur vox fuit profani Tyranni: Sanctitas, Pietas, Fides, priuata bona sunt, quæ inuat Reges eant.

9. Pietas quæ requiritur in Magistratu, caput est felicis gubernationis. Monet enim ut magistratus in omnibus causis ad Deum respiciat, caueatque ne quid committat, quo illum offendar.

10. Hinc est quod Ieremias de Iosia loquens, dixerit ipsum pauperis causam iudicasse, eo quod Dominum cognouerit.

11. Sapientia in pio principe gubernat actiones, ne superflua visitata in iudicijs circumuentus, peruertat iudicium, ac iniustitiæ iudicij larvam induat. Præterea etiam Sapientia efficit, ut iudex flectat legem ad causam, non causam ad legem.

12. Veracitas efficit ne Magistratus iudicaturus, falsas legum interpretationes admittat, quæ postea in prauis iudicijs raptæ, paulatim omnem æquitatem pervertunt.

13. Odium auaritiæ sinceritatem in iudicando confirmat. Vbi enim iudices sunt nummarij, actum est de æquitate. Nam si personæ acceptio corruptio est iudicij, ut nulli sit æquitati locus: profecto auaritia efficit, ut iudex potius personam, quam causam intueatur.

14. Vbicunque itaq. hæ quatuor conditiones in gubernatori-

natoribus incorrupte adsunt, administratur regnum in sanctitate, ut Sapiens loquitur.

13 Tertium membrum, quod in partitione proposuimus, est de officio Magistratus. Hoc Magistratus officium in genere, est ut sit custos Legis utriusque videlicet, diuinæ & humanæ.

16 Legis diuinæ custos est. Primum, quando exemplo Dauidis, Iosif, Ezechie, Theodosij, Ioannis Fridrici ducis Saxonie, Christiani III Regis Danie, &c. tollit idolatriam & idolatriæ occasiones. Secundo, quando veram religionem proponit, conseruat, & propagat. Tertio, quando Scholas erigit, docentes & discentes fouet. Quarto, cum alijs ipse pietatis norma est. Recte enim a Claudiano dictum est: Regis ad exemplum, totus componitur orbis. Quinto, cum religiosa disciplina cauet, ne quis pateat aditus ad corrumpendam doctrinam, & ad inficiendos mores.

17 Custos legis humanæ est, quando iudicia diligenter exercet, disciplinam grauiter ruetur, populi utilitatibus consulit, Statuum omnium & ordinum iustam harmoniam conseruat, & foris foris depellit hostes.

18 Etsi autem arduum opus est, custodem esse utriusque legis, Diuinæ & humanæ, tamen cum fides preuocet, & verus affectus sentitur erga omnia Reipublicæ membra, difficultas non erit maxima.

19 Nam ut fides recta ad Deum oculos conuertit in omni necessitate, unde omnis felicitas in gubernatione dependet, ita verus affectus erga Rempublicam facit, ut quæ grauissima per se sunt, facilia æstimantur.

20 Qualis autem affectus esse debeat principis erga suos, monet Homerus, cum principem appellat *πατριάρχην*. Et Xenophon in Hierone particulatim idem explicat, hisce verbis: *Νόμιζε τὸν μὲν πατρίδα οἶκον τῆςδε παλαιοῦς ὁταίρους τῆςδε φίλους τέκνα σκλάβους, τῆςδε παλαιοῦς ἄντας τῆςδε ψυχῆς καὶ τοῦτους πάντα μετὰ δικαίῳ ἐν ποίῳ.*

21 Quartum partitionis nostræ membrum querit de Iure

de Iure Magistratus, cum in subditos ipsos, tum in subditorum bona. Nam hic etiam frequenter grauia errata incidunt.

22 Quid autem de hoc iure sentiendum sit sine errore, & vitiata adulatione τῶν κερκόπων ex regula Xenophōris sciri potest: Μίτρος δ' αὐτῶν οὐχ ἡ ψυχὴ, ἀλλ' εἰκόμος ἐστίν.

23 Ex hac regula concludo tantum Iuris Magistratū habere in subditos & subditorum bona, quatum Leges consentientes Decalogo & legi naturæ, illi tribuunt.

24 Quantum igitur ad subditos attinet, ius Magistratus est iuxta quarrum Decalogi præceptum, imperare subditis necessaria officia, cum ad publicam incolumitatem, tum ad singulorum commoda facientia.

25 Cum itaque publica incolumitas conseruari non potest, sine defensione ab externis hostibus, habet Magistratus ius vocandi subditos ad bella, vt armis tranquillitas paretur, & defendatur.

26 Et quia corpus integrum nequaquam consistere potest, nisi singula membra suum munus fideliter obeāt: Magistratus ius habet cogendi quemlibet in suo ordine & statu, vt officium faciat, & puniendi eos qui contumaces inueniuntur.

27 Quantum autem ad bona subditorum attinet, Magistratus non habet ius simpliciter inuolandi nec in publica, nec in Ecclesiastica, nec in priuata bona.

28 Si ad publica bona respicis, nefas est vt vnus ad se rapiat, quod est commune multis. Si ad Ecclesiastica, sacrilegium est transferre ad pompam & voluptates, quod destinatum est pietati, hoc est, docentibus, discipulis, pijs pauperibus, structuræ templorum & aliarum domorum spectantium ad Ecclesiasticam Rempub. Si ad priuata, manifestum latrocinium est, & rapina, quæ non erit inulta: sicuti clare docet historia Achab & Naboth.

29 Etsi autem ius in bona subditorum non habet Magistratus simpliciter: tamen ius habet exigendi tributa:

ordinaria quidem, semper: extraordinaria vero, quando hoc postulat ingruens aliqua necessitas.

30 Saepe enim accidit ut propter maiora pericula deuitanda, propter hostes externos arcendos, & alias quascunque necessitates, extraordinarijs tributis indigeat Magistratus: quæ ut ipse exigendi ius habet ita diuino mandato obligantur subditi, ad soluendum.

31 Reliquum est postremum nostræ partitionis membrum, de analogo officio subditorum erga Magistratum: quod sane vna voce honoris in Decalogo signatur.

32 Quia autem hic honor non debet pugnare cum præceptis Dei, recte dicit Polycarpus: Magistratui honor tribuendus est, qui non est religioni contrarius.

33 Porro partes legitimi honoris Magistratui debiti sunt plures, quarum prima est statuere statum Superiorum, diuinam ordinationem esse, quam Deus vult nos magnificare. Secunda, libenter se subijcere potestati maiorum iuxta regulam. Tertia, vera storga Superiores complecti. Quarta, reuereri eos tanquam vicarios Dei, ipsius imaginem gestantes. Quinta, obedire in honestis & licitis, hoc est, in omnibus quæ non faciunt subditos impios. Ut si Magistratus iuberet te auream statuam adorare. Tum enim exemplum Danielis sequi deberes. Idem est de similibus iudicium. Sexta, gratitudinem & benevolentiam omni officiorum genere declarare. Septima, errata maiorum, vel pia iustitiam regere vel prudenti dissimulatione præterire, vel moderatis consilijs & admonitionibus corrigere. Octaua, ex consilio Pauli pro ipso orare.

LEGE ET IUDICIA



MAGNAE sunt laudes legum ciuiliū etiam apud Philosophos & Oratores. Ut corpora nostra (ait Cicero) sine mente: sic ciuitas sine lege suis partibus, ut nervis, sanguine, & membris, uti non potest.

2 Fieri enim nequit, ut societas humana incolumis conseruetur, nisi sint gubernatores & rectores disciplinæ politicæ. Hæc autem disciplina ut exerceatur iuxta certas legum regulas, necesse est.

3 Vt enim nulla familia salua esse potest, sine Oeconomica disciplina: ita politica societas prorsus collabitur, sine imperandi & prohibendi autoritate, quæ honestarum Legum executrix est.

4 Vt autem Leges recte & sine errore constituentur, duo in ipsis requiruntur, videlicet, Ratio & Autoritas.

5 Ratio hæc, aliunde peti non debet, quam ex duobus, videlicet, ex naturæ Lege (cuius Epitome est Decalogus) & ex fine Legis.

6 In natura ipsa, sunt semina quædam iusti & honesti, præterea iudicium, quo iusta & honesta iniustis & turpibus præferantur. Hæc semina & hoc iudicium confirmantur voce Dei, hoc est, Decalogo.

7 Finis Legis esse debet, ut iustitiæ norma homines retineantur in officio, & inter se iustitiæ peruis veluti colligantur: Vt & incolumis sit societas, & Deus in societate sancta & iusta colatur. Atque hoc est quod Cicero ait: Salus populi suprema Lex esto.

8 Nam tum demum est Respublica, & bona hominū inter se societas, cum bene ac iuste geritur. Geritur autem bene & iuste, cum iuxta iustitiæ normas, hoc est, Leges vivitur, quarum ultimus scopus est salus populi & gloria Dei.

9 Autoritas, quam in Legum sanctione requiro, etiam in duobus consistit, videlicet, ut Lex feratur a legitimo Magistratu, ac publico approbetur consensu.

10 Cum Leges hoc pacto extruuntur e Lege naturæ, & feruntur a legitimo Magistratu, & approbantur publico consensu, obligant conscientias subditorum, vel ad obedientiam vel ad poenam: idque non solum apud homines, sed etiam coram Dei tribunali.

11 Verum si Leges aberrant a ratione, & non ordi-

nantur ad verum finem, vim Legum non habent, sed vincula potius Tyrannica sunt censenda.

12 Sunt autem huiusmodi Tyrannica vincula duplicia: Aut enim sunt onera iniusta, quibus premuntur subditi immodice: Aut sunt decreta impia quibus mandatur aliquid fieri contra honestatem naturæ & Deum. In illis obedientiam debemus, in his minime. Nam hic autoritas superioris Magistratus, videlicet Dei, excusat. Opponet enim magis Deo obedire quam hominibus. Quæ admodum Socrates ex Philosophia, & Petrus ex verbo Dei, recte responderunt.

13 Vt autem honestæ Leges legitime latæ, sint salutes Reipublicæ & diuturnæ futuræ, requiruntur duo, videlicet, ut ipsi Legumlatores & principes sint veluti viæ quædam Leges, ut qui vita exprimant, quod Legibus statuerunt. Nam ut cupiditatibus principum & vitijs infici solet ciuitas: sic emendari & corrigi continentia. Vt & Claudianus testatur cum ait: Regis ad exemplum totus componitur orbis. Deinde requiritur ut sint νομοφύλακες, qui facta hominum obseruant & ad Leges reuocant, ut boni honorentur & mali puniantur.

14 Lycurgus ideo recte affirmat, non satis esse Leges esse bonas, & esse iudices ordinatos, nisi etiam sint qui hominum facta ad Leges reuocant, ut nocentes iuxta Leges plectantur, & alij sint incolumes.

15 Apud Græcos igitur hoc officium fuit νομοφύλακας, ut Leges quæ per νομοδίτας positæ erant, conseruarent disciplina iusta.

16 Nam vbi Legum non sit executio, veniunt & Legumlatores in contemptum, & Leges vilescunt, & scelera augentur. iuxta illud Solomonis: Quia non cito sunt iudicia contra malefacta, æstuant hominum corda ad scelerate faciendum.

17 Atque ideo recte dictum est a Zaleuco Locrensi Legislatore: Leges esse similes araneorum telis, vbi cura seruandarum legum deest, in quibus musca & culex hæreat,

reat, sed vespa, dissipata tela, anolet.

18 Porro in hac *ισοφύλαξι* æqualitas, æquitas, maturitas, spectentur.

19 AEqualitas facit ne det veniam coruo & vexet censure columbum. Hæc enim æqualitas postulat ut sit proportio poenæ & commissi contra Leges, eaque Arithmetica sine respectu personarum.

20 Porro hæc æqualitas partim in facti qualitate, partim in personæ conditione posita est. Fraus a plebeio homine, & a persona constituta in dignitate, fungentique præclaro munere, commissæ. Si qualitatem facti respicis, similis ratio est. Verum quia conditio personarum est diversa, quæ vel extenuat vel exaggerat scelus, æqualitas postulat, ut plebeius mitius: in dignitate constitutus, gravius puniatur.

21 Neque tamen hic personarum fit respectus simpliciter: sed gravitatis causæ ratio habetur, quam prudens iudex perspicit.

22 AEquitas, quam Græci *ἐπιείκεια* vocant, est cum propter certas circumstantias a rigore Legis, & non a sententia Legislatoris disceditur.

23 Est autem hæc æquitas duplex, videlicet civilis, quam ius appellant: & naturalis, quæ ingenita est a naturæ animis bene sentientium & iudicantium: qua nihil cum sit melius, idcirco bonum nominatur.

24 Ut autem iudex non intempestive utatur *ἐπιείκεια* prodest, ut ad hæc tria respiciat, Legem, Sontem, & Populum.

25 Cum Legem respicit, primum cauebit, ne indulgentia intempestiva, Legis autoritas minuatur, eleuetur & vilescat. Deinde prudenter inquiret Legis extremam voluntatem, quæ sane non vult perniciem civium, sed emendationem potius, cum conservatione totius corporis.

26 In Sonte considerandum est, qualis sit ipse, qualeque delictum perpetratum, & an nocere possit exemplum.

27 In Populo duo cauenda sunt. Primum, ne lenitatis exemplum pariat peccato patrociniū. Deinde, ne cum damno & periculo societatis humanæ parcatur reo. Nam tum melius est vt pereat vnus, quam vnitas.

28 Ex his concluditur hæc de æquitate regula. Quando Legis voluntas admittit *irmitatem*, & reus emendari sine duriori pœna potest, & populus non redditur deterior exemplo: potest Magistratus clementiori sententia vtī, ac reo supplici emendationis spe parcere.

29 Maturitas, & opportunitatem quatit, & moram frangit. Illa facit ne quid intempestiue & non debito modo fiat. Hæc occurrit initijs, ne vnus flagitium serius punitum multis sit occasio petulantis contumaciæ aduersus Leges & iudices.

30 Impunitas enim scelerum multos inuitat ad peccandum. Peccantium multitudo, pabulum est omnis generis flagitiorum.

31 Cæterum, quia Anabaptistæ ex nonnullis Scripturæ dictis perperam intellectis, conantur tollere actiones forenses, atque adeo ipsas Leges & iudices: sciendum est quid pius animus tuto sequi possit.

32 Solomon, Prouerb. 25. ait: Age causam, de qua est controuersia inter te & proximum tuum, & arcanum alterius noli reuelare, ne contumelia afficiat te auditor, & infamia nunquam a te recedat.

33 Hoc dictum Sapientis ostendit litigationem forensem licitam esse, imo præceptum. Verum quid sit ab ea excludendum monet. Vult vt partes inter se disceptent de causa controuersa, sed amotis præiugijs Sophismatum, & Sycophantiarum. Vult frenari cupiditatem & proprium dolorem.

34 Nam qui omissa causa, in aduersarium fertur, limites iusti actoris excedit, ac sibi ipsi infamiam inurit. Si quidem affectibus indulgens, sæpe male agendo, bonam causam corrumpit.

35 Cum hac Solomonis sententia non pugnat Paulus,

lus, cum vult pios potius sustinere iniuriam, quam eam persequi in iudicio. Nam cum addit, Coram incredulis, significat non malum per se esse persequi suam causam, sed propter scandalum: neque Christus cum prohibet vindictam. Nam damnat tantum ultionis cupiditatem, quæ tendit in malum eius, de quo petitur vindicta.

36 Nam qui eo affectu petit vindictam, ut is qui priuatim offendit pereat, accersit sibi ipsi diuinam vindictam, iuxta dictum Syracidæ: Cupidum vindictæ ultio manet a Domino, & peccata eius sedulo conseruabit.


37 Distinguat igitur diligenter & recte, inter vindictam licitam, & non licitam.

38 Qui patitur iniuriam, licite petit defensionem a Magistratu, tantum hoc spectans ut quiete sibi viuere liceat. Verum Magistratus qui exercet iudicium Dei, & non hominis, debet iuxta leges coercere petulantiam eius qui iniuriam facit, & hæc vindicta dicitur publica, & Dei vindicta.

39 Sine hac publica vindicta, actum est de Legibus & tranquillitate societatis humanæ. Quare Paulus Magistratui gladium datum esse dicit, ut sit terrori malis operibus, & vindex ad iram.

40 Verum si exacerbato animo queris non tam defensionem tui, quam oppressionem aduersarij, aut etiam si sine legitima cognitione, tuus ipse iudex & vindex velis esse, tua vindicta illicita est & damnanda.

CONIUGALE IM- perium.

 **V**M omnis Oeconomica administratio cernatur in ijs qui imperant, & in ijs qui parent, necesse est ut hinc petatur differentia oeconomicæ societatis & administrationis.

1 Nunc autem, vel maritus imperat & vxor parat, vel

pater imperat & liberi parent, vel herus imperat & serui parent.

3 Hinc concluditur Oeconomicum imperium esse triplex, videlicet Coniugale, Patrium & Herile.

4 Neque his obstat, quod primogenitorum ius quoddam & autoritas fuerit olim in reliquos fratres eiusdem familiae: & procuratorum seu τῶν ἐπιτρόπων sit potestas in reliquos eiusdem familiae seruos.

5 Nam nos hic loquimur de ea oeconomica administratione, quae οἰκονομικὴ a Platone dicitur & non continetur sub alia, vt pars eius.

6 Prima harum societatum, coniugalis, est imperium οἰκονομικόν, quo maritus imperat, & vxor paret iuxta rectam rationem, Leges ciuiles & diuinas.

7 Hæc societas coniugalis, omnibus statibus hominū concessa, vniūsq; viri & foeminæ legitima copulatio, conseruatur recta imperandi scientia, legitima parendi alacritate, & promptitudine, vtrinque reddendi τὰ ἴσα seu τὰ αὐτὰ, vt Paulus loquitur, hoc est, si analoga officia sibi mutue præstiterint maritus & vxor.

8 Porro recta imperandi scientia in marito, posita est in timore Dei, in cogitatione iugi communis, in affectione mariti erga vxorem, iuxta voluntatem Dei, in recta officiorum partitione, in noticia finium coniugalis societatis.

9 Timorem Dei ideo primo loco requiro, non solum quia est ἀπείχουτος, verum etiam quia vt solus nos in obseruantia mandatorum Dei, & in omni sancta vocatione, continet: ita nisi quis se in timore Domini studiose continuerit, cito euertitur domus eius. Debet ergo summa & prima & regula in Oeconomica administratione timor Dei esse.

10 Secundo, cogitetur commune iugum, videlicet, quod vir & foemina eodem quasi iugo iuncti sunt, ex quo hæc societas dicitur coniugium, & ipse maritus & vxor coniuges.

11 Huius

11 Huius iugi vinculum est, quo coniuges per benevolentiam & fidem ad omne vitę consortium, diuinique & humani iuris communionem consociantur atque constringuntur.

12 Hoc qui serio cogitat, non imperat vxori vt belug, sed vt compari seu *עוז וזיו*: idque in timore Dei, qui auctor est huius iugi.

13 Affectio mariti erga vxorem indicatur in coniugij primi institutione, in Sanctorum exemplis, & passim in Prophetis & Apostolicis scriptis: vt taceam pulcherri-
ma dicta sapientum, extracta ex Lege naturę.

14 Alia animalia fecit Deus duplicia, scilicet masculum & fœminam: hominem autem fecit vnum, & ex illo sunt omnes & singuli procreati, vt scilicet, vnitatem pacis & concordię commendaret in homine: idque maxime in coniugio.

15 Cum Adę parenti nostro non inueniretur adiutor coram eo, immisit Deus soporem in Adam, cumque obdormiisset, tulit vnā de costis eius, & repleuit carnem pro ea, & adduxit eam ad Adam, dixitque Adam, hæc vere os de ossibus meis & caro de carne mea, hæc vocabitur ischa, quoniam de viro sumpta est: quam obrem relinquet homo patrem & matrem suam, & adhærebit vxori suę, & erunt duo in carnem vnā.

16 Hęc institutio docet qualis affectus debeat esse mariti erga vxorem. Maritus & vxor sunt vna caro, hoc est vnus homo, non quidem substantia, sed affectu. Quare par est, vt maritus sit affectus erga vxorem suam tanquam erga seipsum, & eam foueat ac diligat, tanquam proprium corpus.

17 Sanctorum exempla plurima sunt quę nobis hunc dilectionis affectum mariti erga vxorem commendāt, vt Abrahę, Tobię, Davidis & plurimorum aliorum, quę decet maritos pios imitari.

18 Dicta Scripturę multa commendant maritis dilectionem erga vxores. Ephe. 6. Mariti diligite vxores

propriam, ut Christus dilexit Ecclesiam. Item, Sic debent diligere proprias uxores mariti, tanquam propria corpora. Qui diligit uxorem suam, seipsum diligit. Col. 3. Mariti diligite uxores, & ne sitis amari erga ipsas.

19 Sapientum, ut Philosophorum & Poetarum, dictum prætereo, quale est illud Homeri: Qui bonus & prudens est, is & diligit & magnificat propriam coniugem. Et illud Phocylidis: Dilige uxorem tuam. Quid enim suavius? quid melius?

20 Hæc dilectio, quam in maritis requiro erga uxores, excludit acerbiteriam, tegit incidentia errata, non violentia & rumpentia coniugij foedus, multa iniuria mitigat, sub iugo communi subleuat.

21 Recta officiorum partitio etiam pars est scientiæ coniugalis. Mariti enim est iusto labore victum & sibi & uxori querere, tueri uxorem, non imperare uxori labores isti sexui non convenientes.

22 Fines coniugij plures sunt. Clemens Alexandrinus duos ponit, ad quos reliqui referri possunt: dicit foeminam viro datam esse, ut sit *ἡ ἀνδρὸς ὡς ἡ ἐκκλησία* & *ὡς ἡ οἰκουμένη*.

23 Ex Scripturis hi fines colligi possunt. 1. procreatio & educatio iobolis. 2. societas vitæ domestica & mutuū auxilium. 3. Ecclesia domestica. 4. castitas, qua vitatur omnis impuritas contra sextum præceptum. 5. conservatio Ecclesiæ, politiæ, & familiæ, per successionem liberorum in locum parentum, quem finem & Plato, etiam Ethnicus, agnouit.

24 Si quis huc addit sextum finem, videlicet, quod coniugium institutum est, ut sit quoddam mysterium arcana copulæ & amoris Christi & Ecclesiæ, non repugno, modo inde non faciat Sacramentum noui Testamenti.

25 Deinde conservatur coniugalis societas legitima parendi alacritate, videlicet cum uxores maritis ex dilectione subiectæ sunt, & ea quæ requirit officij ratio præstant:

26 Est enim ordo naturalis in hominibus, ut seruiant
feminae viris. Nam natura postulat, ut maiori seruiat
minor.

27 Hæc parendi ratio in duobus potissimum videtur
sua videlicet in ornatu & φιλαργία.

28 De ornatu Syracides ait: Vxor verecunda & fide-
lis grata est, duplici cōmendatione cumulata. Hæc enim
duo sunt maxima mulieris ornamenta, verecundia &
fides: quarum illa cauet omnem in dictis & factis tur-
pitudinem, in primis autem mariti offensionem: hæc, in
rebus commissis creditisque versatur.

29 Paulus commendat in pijs matronis tria orna-
menta, Decentem amictum, verecundiam & temperan-
tiam.

30 Amictum decentem seu conuenientem requirit
Vt enim non vult foeminam sordidatam esse: ita nec
meretricio cultu, sed eo habitu, qui animum optime
compositum testetur.

31 Verecundia est, qua omne turpe & dictu & factu
fugit, ne maritum vlla turpitudine offendat.

32 Temperantia, σωφροσύνη, modestiam, castitatem,
sobrietatem, & pudicitiam continet.

33 Φιλαργία seu industria diligentiam adiunctam ha-
bet, laboremque facile suscipit.

34 Hæc industria grata est propter oportunitatem
rerum domesticarum, in quibus acquirendis, conseruan-
dis, augendis, mulier industria diligens & laboriosa,
plurimum potest.

35 Adhæc confirmatur societas coniugalis, promti-
tudine utrinque reddendi τὰ ἴσα, hoc est, si maritus &
vxor rite sibi inuicem præstiterint analoga officia.

36 Hæc officia tum demum præstari possunt, quando
animi vero timore Dei, & mutuo amore deuincti sunt
& copulati.

PATRIVM IMPERIVM

I ECVNDVM Imperium oeconomicum est patrium, videlicet cum parentes imperant & liberi parent.

S In hoc imperio spectandum est quid parentes liberis, & quid vicissim liberi debeant parentibus. Nam mutuis officijs conservatur hæc parentum & liberorum societas.

3 Paulus Ephes. 6. paucis indicat officia parentum erga liberos, cum inquit: Vos parentes nolite prouocare ad iram filios vestros, sed educate eos in disciplina & admonitione Domini.

4 Hoc præceptum Apostoli docet & quid parentes vitare in patrio imperio, & quid suis liberis præstare debeant, modo rite velint suo fungi officio.

5 Primum enim cauendum inonet, ne nimis severe & aspere tractent suos liberos. Durior enim tractatio, in qua nulla relucet paterna storga, plurima habet incommoda. Nam & liberos reddit pusillanimos & stupidos, & paulatim odium instillat teneris mentibus aduersus parentes. Vnde contumacia & rebellio nascitur, ut ubi tandem velis lenior esse, frustra labores.

6 At ubi paternum imperium exercetur recte, ibi auctoritas quidem in timore & obsequendi studio, *in obsequio* vero in amore & alacritate placendi parentibus, pueros retinet.

7 Recte quidem dicit Siracides: Qui suum diligit filium, crebro ei admouet flagella, ut in postremis vitæ sue diebus gaudeat. Sed vult hanc castigationem dilectionis temperatam esse.

8 Vtenim blanda patrum segnes facit indulgentia natos: ita prudens educatio & iustum imperium dilectione temperatum, liberos frugi efficit.

9 Quid autem liberis suis debeant præstare parentes, breuiter monet Apostolus, cum ait: Educate illos in disciplina

ciplina & admonitione Domini. Hic tria requirit Apostolus a pijs parentibus, quæ præstabunt suis liberis, videlicet, educationem, disciplinam & admonitionem.

10 Ad educationem liberorum obligantur parentes, Lege naturæ, mandato Dei, omnium hominum iure communi, & legibus ciuilibus.

11 Deinde requirit disciplinam, qua vt instituntur aut in rerum piarum & honestarum cognitione ita humani & comes redduntur: quo ipsorum prudens conuersatio & parëtibz ipsis sit honori, & reipublicæ utilis.

12 Tertio loco requirit Apostolus admonitionem Domini, qua pueris veluti in animum ponunt, & ingerunt quid factu opus sit. Vult enim Apostolus, vt illa teneris mentibus aliduis monitionibus, instillentur quæ Domini sunt, hoc est, quæ ad veram pietatem & timorē Domini faciunt. Deinde etiam, vt adhibeantur artibus discendis, ad quas natura videantur maxime idonei: idque vt & sibi victum honeste quærant, & sint utiles suo loco in Ecclesia & politica.

13 Parentes qui hæc officia negligunt, in naturam peccant, Deum horribiliter offendunt, (cuius vice funguntur in educandis liberis) liberos proprios perdunt, & in Ecclesiam & politiam sunt crudeles. Quare & maledicti iuxta illud Prophetæ: Maledictus qui facit opus Domini fraudulenter.

14 Quid vicissim liberi debeant parentibus, idem Paulus docet repetens Legem Dei: Honora patrem & matrem tuam, vt bene sit tibi, & sis longæuius in terra.

15 Syracides 3. ait: Tam factis, quam dictis, patrem matremque honora, vt ab hominibus ad te benedictio perueniat. Vult Sapiens orationis reuerentiam cum cæteris vitæ officijs necessarijs atque honorificis coniunctam esse, vt liberi ea tum dicant tum faciant, in quibus ipsorum reuerentia erga parentes reluceat.

16 Verum liberi qui hunc honorem non tribuunt parentibus, in naturam & in Deum horribiliter peccant.

Huc illud Siracidæ: Quam infamis est desertor patris, & maledictus a Domino, qui mouet indignationem matri suæ.

HERILE IMPERIUM

IERTIVM Imperium œconomicum, est herile, in quo herus imperat, & serui parent.

2 Scientiam imperandi seruis tradit Paulus Ephes. 6. hisce verbis: Et vos Domini eadem facite seruis, remittentes minas, scientes quod & vester ipsorum Dominus est in cœlis, & personarum acceptio apud Deum non est. Col. 4. Domini quod iusti est & æqualitatem seruis præbete.

3 Hæc Pauli testimonia quinque continent spectanda in herili imperio. Horum primum est, quod licet homini Christiano vti seruorum operibus. Secundum, quod domini Christiani debeant oculis fidei intueri suos seruos, & cogitare se & ipsos esse conseruos Dei. Tercium ex secundo sequitur, quod debeant placide illos tractare, non aspere, aut Tyrannice. Quartum, vt reddant tamen illis seu iustum & æqualitatem, hoc est iure analogo compensent mercede & beneficentia illorum labores. Quintum, cum dicit apud Deum personarum acceptionem non esse, monet dominos de pœnis in quas incurrent, si tyrannice seruos suos tractauerint.

4 Idem Apostolus seruis hanc regulam præscribit. Ephes. 6. Serui obedite dominis vestris carnalibus cum timore & tremore, & in simplicitate cordis vestri, tanquam Domino, non ad oculum seruientes, quasi hominibus placentes, sed tanquam serui Christi, facientes voluntatem Dei cum beneuolentia seruientes Domino, & non hominibus. Col. 3. Serui obedite per omnia dominis carnalibus, non ad oculum seruientes quasi hominibus placet, sed in simplicitate cordis timetis. Quodcunque

cumque facitis ex animo operamini tanquam Domino.

5 Hæc Pauli dicta præscribunt servis iustam parendi dominis suis rationem. Primo loco requirit in servis timorem Dei, sine quo nullum officium recte præstari potest, nec a dominis nec a servis. Secundo, requirit in servis simplicitatem: qua nequitia *παρανομία* servilis, contumax rebellio & respoñatrix audacia expellitur. Tertio, requirit obediendi alacritatem in servilibus officiis. Quarto regulam obedientiæ tradit cum iubet servos obedire Dominis tanquam Christo, Quare vult ut Christiani servi in omnibus actionibus suis ad mandatum Dei respiciant. Postremo magnifice servorum obedientiam ornat, cum ipsa Deo præstari pronunciat.

6 Verum servi qui hanc suam parendi regulam negligunt, plerumque puniuntur ægestate in senectute, ut taceam maledictionem in quam sua contumacia iuste incurrunt.

DIVITIÆ.

IN primis Monachorum error detestandus est, qui perfectionem Christianam posuerunt in mendicitate, & diuites omnes extra perfectionis statum esse falso statuerunt.

1 Nam neque diuitiæ, neque paupertas, per se, aliquem meliorem aut deteriore faciunt. Quare recte ille apud Terentium, diuitias neque in bonis neque in malis numerat, sed tales dicit esse, quales sunt ij, qui illis utuntur. Idem plane iudicium est de paupertate seu mendicitate.

3 Si quis ergo bene utitur diuitijs, bonæ censentur: Contra vero, si male, malæ culpa utentis sunt.

4 Hinc recte Plato diuitias cæcas esse pronunciat sine prudentia: acutum autem cernere, cum prudentiam sequuntur. Et sapiens: Diuitiæ sunt bonæ ei, in quo non est peccatum, & paupertas mala in ore impij. Et Ber-

nhardus. Crimen non est in rebus, sed in usu agentis. Item, nec diuiti obsunt opes, si eis bene utatur: nec pauperem ægestas commendabilem facit, si inter inopiam sordes peccati non caueat.

5 Proinde constanter teneatur hæc regula, Quod neque diuitiæ, (loquor autem de terrenis diuitijs) neque paupertas seu mendicitas, per se, hominem coram Deo commendabilem reddant.

6 Cum igitur diuitiæ a Domino dicantur spinæ, & ab Apostolo laqueus, non ad rerum naturam, sed ad abusum referendum est. Nam multi diuites, suis diuitijs male utuntur, & inde fiunt petulantes, & superbi ac pugnaces, atque ita in alios contumeliosi & iniurij, iuxta dictum Græcorum, πλετοε υβρις τικτει.

7 Ne ergo pijs diuitiæ fiant vel spinæ, vel laqueus, sed instrumenta potius multarum virtutum, in gloriam Dei, & multorum vtilitatem: tria sunt in diuitijs spectanda, videlicet iusta acquisitio, pia possessio, ac prudens administratio. De his tribus ordine dicemus.

8 Quantum itaque ad iustam acquisitionem diuitiarum attinet, sex sequentes regulæ teneantur.

9 Prima, Summa cura & præcipua, in tota vita, & omni actione nostra, sit salutis animæ nostræ, iuxta Domini dictum: Quærite primum regnum Dei & iustitiam eius.

10 Secunda, Quia hæc vita opus habet adminiculis, iuxta ordinationem Dei, quæri possunt facultates, licetque ijs quæ ad victum cultumque necessaria sunt querendis operam dare. Hæc regula confirmatur non solum promissione diuina. Deus enim pie laborantibus benedictionem promittit: verum etiam multorum Sanctorum exemplis, qui amplissimis sua industria partis diuitijs, abundarunt.

11 Tertia, Sit labor noster in legitima vocatione legitimus, ut bona conscientia gloriari possimus, nos in ullius fraudem nihil egisse.

12 Quarta

12 Quarta, Absint malæ artes, quibus facultates aliorum ad nos auare trahamus : absint fallaciæ & fraudes in contractibus.

13 Quinta, Omnibus contractibus, approbatis a gubernatoribus sapientibus, libere vtamur.

14 Sexta, Lucrum, quod proficiscitur, nobis laborantibus, ex benedictione Dei, capiamus tanquam ex manu Dei, fructumque laboris nostri tanquam iustam mercedem, percipiamus cum gratiarum actione.

15 Partas his vijs diuitias, vt pie possideamus summa cura adhibenda est. Nam nisi pie possideris, quod iuste acquisitum est, tibi ipsi laqueum ad interitum parasti.

16 Hic proinde regula Davidis obseruetur : Si diuitiæ affluant, nolite cor apponere, hoc est, nolite fiduciam collocare in diuitijs, sunt enim incertæ.

17 Hæc regula Davidis vult, vt animus noster non sit affixus diuitijs : vult vt non metiamur felicitatem fallaci diuitiarum mensura : vult vt non efferamur superbe aduersus tenuiores.

18 Quicumque ergo pius esse velit, abijciat fiduciam diuitiarum : ne sibi in laqueos vertantur : ne sibi intercludant aditum regni coelorum. Sit spes firma in solo Deo, siue augeantur, siue minuantur, siue auferantur diuitiæ. Retineatur verus thesaurus Iesus Christus. Qui enim hunc habet, vere diues est, etiamsi cum Lazaro mendicet panem.

19 Hic affectus in Paulo Apostolo fuit, qui ita de se ait : noui & humilis esse, & abundare, hoc est, paupertate, contemptu, & ærumnis pressus, non frangor animo, sed submitto me voluntati Dei, & constanter persevero aduersus fortunæ seuitiam. In felici rerum iucessu minime superbio, sed in timore Dei, cum gratiarum actione, presentibus bonis vtor.

20 Hoc suum exemplum vult omnibus pijs commendatum Apostolus. Nam summa ars piorum est, nec aduersis frangi, nec prosperis efferri.

nhardus. Crimen non est in rebus, sed in usu agentis. Item, nec diuiti obsunt opes, si eis bene utatur: nec pauperem agestas commendabilem facit, si inter inopum sordes peccati non caueat.

5 Proinde constanter teneatur hæc regula, Quod neque diuitiæ, (loquor autem de terrenis diuitijs) neque paupertas seu mendicitas, per se, hominem coram Deo commendabilem reddant.

6 Cum igitur diuitiæ a Domino dicantur spinæ, & ab Apostolo laqueus, non ad rerum naturam, sed ad abusum referendum est. Nam multi diuites, suis diuitijs male utuntur, & inde fiunt petulantes, & superbi ac pugnaces, atque ita in alios contumeliosi & iniurij, iuxta dictum Græcorum, *πλετος υβρις τικται*.

7 Ne ergo pijs diuitiæ fiant vel spinæ, vel laqueus, sed instrumenta potius multarum virtutum, in gloriam Dei, & multorum vtilitatem: tria sunt in diuitijs spectanda, videlicet iusta acquisitio, pia possessio, ac prudens administratio. De his tribus ordine dicemus.

8 Quantum itaque ad iustam acquisitionem diuitiarum attinet, sex sequentes regulæ teneantur.

9 Prima, Summa cura & præcipua, in tota vita, & omni actione nostra, sit salutis animæ nostræ, iuxta Domini dictum: Quærite primum regnum Dei & iusticiam eius.

10 Secunda, Quia hæc vita opus habet adminiculis, iuxta ordinationem Dei, quæri possunt facultates, licetque ijs quæ ad victum cultumque necessaria sunt querendis operam dare. Hæc regula confirmatur non solum promissione diuina. Deus enim pie laborantibus benedictionem promittit: verumetiam multorum Sanctorum exemplis, qui amplissimis sua industria partis diuitijs, abundarunt.

11 Tertia, Sit labor noster in legitima vocatione legitimus, ut bona conscientia gloriari possimus, nos in ullius fraudem nihil egisse.

13 Quarta, Absint malæ artes, quibus facultates aliorum ad nos auare trahamus : absint fallaciæ & fraudes in contractibus.

13 Quinta, Omnibus contractibus, approbatis a gubernatoribus sapientibus, libere vtamur.

14 Sexta, Lucrum, quod proficiscitur, nobis laborantibus, ex benedictione Dei, capiamus tanquam ex manu Dei, fructumque laboris nostri tanquam iustam mercedem, percipiamus cum gratiarum actione.

15 Partas his vijs diuitias, vt pie possideamus summa cura adhibenda est. Nam nisi pie possideris, quod iuste acquisitum est, tibi ipsi laqueum ad interitum parasti.

16 Hic proinde regula Davidis obseruetur : Si diuitiæ affluant, nolite cor apponere, hoc est, nolite fiduciam collocare in diuitijs, sunt enim incertæ.

17 Hæc regula Davidis vult, vt animus noster non sit affixus diuitijs : vult vt non metiamur felicitatem fallaci diuitiarum mensura : vult vt non efferamur superbe aduersus tenuiores.

18 Quicumque ergo pius esse velit, abijciat fiduciam diuitiarum : ne sibi in laqueos vertantur : ne sibi intercludant aditum regni cœlorum. Sit spes firma in solo Deo, siue augeantur, siue minuantur, siue auferantur diuitiæ. Retineatur verus thesaurus Iesus Christus. Qui enim huic habet, vere diues est, etiamsi cum Lazaro mendicet panem.

19 Hic affectus in Paulo Apostolo fuit, qui ita de se ait : noui & humilis esse, & abundare, hoc est, paupertate, contemptu, & ærumnis pressus, non frangor animo, sed submitto me voluntati Dei, & constanter perfero aduersæ fortunæ seuitiam. In felici rerum iucessu minime superbio, sed in timore Dei, cum gratiarum actione, presentibus bonis vtor.

20 Hoc suum exemplum vult omnibus pijs commendatum Apostolus. Nam summa ars piorum est, nec aduersis frangi, nec prosperis efferri.

21 Verum huius artis principia duo sunt, videlicet, *viua fides*, & *verus timor Dei*. Fides enim facit, ne in *aduersis succumbamus*. Timor Dei nos reprimat, ne in *prosperis efferamur*. Vtrumque principium inuocatione Dei fulcitur & conseruatur.

22 Cum in hunc modum animus diuitis compositus est, debet de prudenti administratione suarum diuitiarum cogitare, vt rectus & legitimus sit diuitiarum vsus.

23 Etsi autem laudanda est sententia Xenophontis, qui vsus diuitiarum triplicem facit: (Primam partem cultui diuino tribuit. Secundam amicis indigentibus. Tertiam conseruationi & ornamento Reipublicæ, in qua quis viuit) tamen nos verbo Dei edocti, distinctius paulo & clarius ostēdemus pium & verum diuitiarum vsus, qui in quatuor positus est.

24 Primus ergo & principalis diuitiarum vsus esse debet, vt seruiant conseruandæ religioni, & propagandæ gloriæ Dei.

25 Hic vsus confirmatur, ex fine hominis. Homo enim primum conditus, & deinde reinitus est per spiritum sanctum, vt Deum glorificet. Proinde quicquid bonorum habet homo, ad istum suæ creationis & reparationis finem referre debet.

26 Hic multi, misere inescati cupiditate habendi, horribiliter peccant. Sunt enim diuites, qui nihil prorsus conferunt ad conseruandum verbi ministerium. Sunt qui rapiunt scelerate, quæ diuino cultui a maioribus nostris destinata sunt. Sunt qui diuitijs suis augment potentiam Tyrannorum ad opprimendam Ecclesiam, & abolendam religionem, quibus præstaret si nunquam nati fuissent. Nam illorum portio, tandem erit cum Diabolo cuius satellites sunt.

27 Pius ergo cui contingere facultates in hoc mundo, intueatur finem creationis & regenerationis suæ: & partem suarum facultatum conferat in hunc vsus, vt Dei gloriam ornet, ac verâ religionē suis opibus promoueat.

28 Pro-

28 Proponat sibi pius piorum hominum, ut Dauidis, Iosif, Ezechiz, Constantini, Theodosij, item multorum honestorum nobilium & civium, aliorumque exempla, quorum hæc præcipua cura fuit, pro ratione facultatum ornare gloriam Dei, iuvare docentes & discentes religionem, conservare Scholas, & honesta Scholarum privilegia, defendere Doctores pietatis, contra sævitiam & iniuriam Tyrannorum, quibus nihil dulcius est, quam varias artes & vias excogitare, quibus opprimere possunt docentes & discentes. Horum Tyrannorum vicem toto pectore doleo. Nam reproba sua mente magis magisque se immergunt in gehennam.

29 Secundus usus diuitiarum verus & legitimus esse debet, ut eas respub. in quibus vivimus, iuvemus & ornemus pro nostrarum facultatum modulo.

30 Hanc ob causam tributa imponuntur, ut illis tanquam nervis contineatur respublica, hoc est, ut sint ornamenta pacis, subsidia belli legitimi, & premia eorum, qui Reipublicæ præsunt.

31 Hic non parum peccant duo hominum genera. Sunt enim quidam, qui tametsi abundant facultatibus: tamen cum aliquid erogandum est in usum Reipublicæ, hoc vane reiiciunt in miseram plebeculam, quæ ultra vires & facultates conferre quæ petuntur, cogitur. Qui autem hoc faciunt, suo reservantur iudicio.

32 Sunt etiam forte, qui non contenti ordinarijs redditibus, novas exactiones subditis imponunt, qui non tam furti, quam sacrilegii rei, coram Dei tribunali, fiuntur.

33 Verum hoc intelligi cupio prudenter. Nam hic discerno inter tempora pacis, & belli. Tempore pacis sit contentus Magistratus ordinarijs redditibus, ne in Deum peccet. Tempore belli, corpora & facultates, subditi suo magistratui, debent. Verum hic piam prudentiam moderatricem esse oportet.

34 Tertius usus rectus & legitimus diuitiarum est, ut

quilibet pro ratione suæ personæ statum suum tueatur, honeste viuat, ac suam familiam alat atque defendat.

35 Verum hic cauenda sunt duo vitia, sordes & prodigalitas. Sordes sunt indignæ pio homine. Prodigalitas effundit temere facultates: sæpe in splendorem, statim minime conuenientem.

36 Pius nobilis tueatur suum statum, relinquat principibus suam magnificentiam. Honestus ciuis relinquat nobilibus suum splendorem. Doctor pietatis in Scholis & templis, modeste tueatur suum statum, sine thraſonico fastu. Breuiter, quilibet, quod suæ personæ cōueniat, cogitet.

37 Quartus & postremus vsus rectus & legitimus diuitiarum sit, vt diuites afficiantur egenorum calamitate, eosque subleuent suis facultatibus.

38 Nam hoc consilio Deus absque omni dubio vult in medio nostri esse pauperes & egenos, vt exploret, & qua simus erga ipsius mandatum obediendi promittidine, & quo simus affectu erga filij Dei membra.

39 Quare non sine causâ in extremo die prouocabit Dominus ad opera misericordiæ, tanquam ad testes fidei & timoris Dei. Esuriui, inquit, & dedistis mihi cibū, sitiui, & dedistis mihi potum, hospes eram, & collegistis me.

40 Cur autem tanti faciat opera misericordiæ Dominus, ostendit cum ait: Amen dico vobis, quatenus fecistis vni ex istis fratribus meis, mihi fecistis, & quatenus non fecistis vni ex istis minimis, nec mihi fecistis.

41 Huiusmodi verum & rectum diuitiarum vsus, duo præter spiritualia præmia, consequuntur: stabilitas bonorū, & illustris beneficiorum cōmemoratio in cœtu piorum, quæ est summa gloria. Ita enim Sapiens ait: Itaque eius bona constabificentur, eiusque beneficia in cœtu Sanctorum commemorabuntur. Et Psalmus: Dispersit, dedit pauperibus, iustitia eius manet in seculum seculi. Hoc est, perpetuo in hominum memoria durat.

4^a At quanta mala concomitantur iniustam acquisitionem, & profanum abulum diuitiarum, nemo oratione explicare poterit. Summa tamen huc redit, quod conscientia scelerum, & metu iudicij diuini tandē prostrati miserrime suas opes sint relicturi, vel hæredibus suis in laqueum, vel alienis, & plerunque hostibus. Atque ita tandem, suo magno malo, discunt vanam fuisse spem, quā collocarunt in diuitijs, vero & viuo Dei posthabito. Nam fieri non potest, vt simul & Mammonæ & Deo vero seruias.

C V R A.



T nulla maior pestis est veri cultus Dei, quam ethnica & profana cura & sollicitudo: ita summus cultus Dei est, cum vnusquisque sollicitè ambulat coram Deo in vocatione sua.

1 Est itaque operæ precium, vt pij recte instituantur, nenimium vel in dexteram partem deflectant, omnem curam abijcientes: vel in sinistram, ethnica & profana cura tabescentes.

3 Est autem triplex cura. Quædam enim est necessaria & sancta. Quædam ethnica & profana. Quædam ex vtroque genere mixta.

4 Necessaria & sancta sollicitudo est pars officij Christiani hominis, quæ nobis & mandato Dei, & multis illustribus exemplis commendatur.

5 Paulus enim Rom. 12. ait: Qui præest, in sollicitudine præsit. 1. Timoth. 5. Si quis suorum, & maxime domesticorum, curam non habet, fidem abnegauit, & est infideli deterior.

6 Exempli huius sanctæ curæ, Sacra historia plurima suppeditat, vt Noe, Abraham, Isaac, Iacob, Ioseph, Moyses, Iudicum, Regum, Ducum, Prophetarum, Sacerdotum, &c.

7 Breuiter, vera pietas consistere nequit, nisi hæc sancta cura adsit, cum in communi piorum omnium, tum in singulorum vocatione & officio.

8 Pius proinde rex, pro suo regno & subditis, pius paterfamilias, pro sua domo, vxore & liberis, pius Euangelij minister, pro commissa sibi Ecclesia, & quilibet pro seipso, sanctam sollicitudinem habere debet.

9 Vt autem sancta hæc cura certis limitibus claudatur, in ea spectanda sunt quatuor, videlicet, mandatum Dei, fides, finis, & modus.

10 Mandatum Dei est quo præcipitur hæc sancta cura. Hoc mandatum iubet, vt Deum, proximum, & nos ipsos intueamur. Vult enim Deus, vt coram se solícite ambulemus, Vult vt proximos pia cura foueamus, Vult vt nostræ salutis & vocationis rationem habeamus.

11 Fides ideo requiritur, quia nihil sine fide recte fieri aut Deo placere potest. Deinde fides est veluti regula huius sanctæ curæ. Nam nisi ad hanc regulam modermur curam nostram, sancta esse non potest.

12 Finis principalis debet esse gloria Dei, cui alij plures subordinentur, vt status cuiusque incolumitas, Conseruatio oeconomiarum & Politiarû, Ecclesiæ ædificatio. Hi omnes gloriæ Dei destinentur.

13 Modus sanctæ curæ hic esse debet, vt pius in omnibus actionibus se voluntati Dei subijciat, a quo nõ solum successus petendus est, verum etiam, si parum labor noster votis responderit, ipsius tamen beneplacito nos submittamus.

14 Quod autem Deus non semper sinat, vt votis nostris omnia respondeant (sæpe enim frustra videmur vel summam curam adhibuisse, sæpe preces nostræ videntur contemni) in caussa est dilectio Dei erga nos. Ea est enim nostra imbecillitas, vt in rebus prosperis facile vincamur a vana gloria, partem saltem nostri successus nobis ipsis ascribentes: sicut scribitur de Iosia, qui cum roboratus esset, cor ipsius in interitum eleuatum est.

est. Et Ezechias in afflictione iustus fuit: in prosperitate, a vana gloria est victus.

15 Episcopi Romani in paupertate & persecutione sanctissimi fuere: at successores in diuitijs, splendore, & prospero rerum successu, obliui sunt Dei, & ex pastorebus versi sunt in lupos.

16 Ecclesia sub tyrannis sancta erat: postea ex fauore Imperatorum facta est remissior. Verissimum est enim dictum Prophetæ: Afflictio dabit illis intellectum.

17 Quapropter singulari arte opus est, ne rerum prosperitate abutamur in nostram ipsorum perniciem. Atque ob eam causam, Deus paterno consilio, & singulari dilectione facit, vt nos interdum asperioribus flagellis cohibeat, ne ferociores facti, iugum obedientiæ abijciamus. Nescit enim mens hominis seruare modum, rebus sublata secundis.

18 Mala & profana sollicitudo, quæ & ethnica dicitur, & Matth. 13. suffocans: Sollicitudo, inquit, seculi huius, & seductio diuitiarum, suffocat sermonem, vt non ferat fructum.

19 Nascitur autem hæc profana sollicitudo ex diffidentia & ignorantia prouidentiae diuinæ, & prohibetur sæpe verbo Dei. Matth. 6. Nolite solliciti esse in crastinum, 1. Petr. 6. Omnem curam proijcientes in illum.

20 Hæc profana cura, in causa, in fine, & in modo, longissime aberrat a sancta & pia sollicitudine. In causa: quia oritur a diffidentia & ignorantia. In fine: quia præsentis vitæ securitatem & tranquillitatem tantum spectat. In modo: dum iustum modum & mensuram transgreditur, mundana coelestibus, peritura æternis, salutem animæ tranquillitatem corporis, præponens. Non enim se subijcit voluntati Dei: sed potius fremit aduersus Deum, irascitur Deo, quando omnia ex voto non succedunt.

21 Mixta sollicitudo est, qua curamus quidem, quæ officij nostri sunt: sed modum non seruamus. Sæpe

enim propter innatam in nobis inemperantiam, in officium Dei sacrilege irrumpimus. Vt cum Paterfamilias, recte quidem secundum mandatum instituit familiam, liberos curat, querit victum, &c. sed non recte laborem & curam patitur. Labor quidē, cum sancta cura in vocatione requiritur: sed euentus Deo commendandus est, cauendumque ne trepidatio aut nimia anxietas ad impatientiam & profanitatem impellat.

22 Quare hic opus est precatione, aduersus solitudinis tentationem, qua nostra vota Deo commedemus, vt ipse nos laborantes adiuuet & euentum gubernet.

P E R F E C T I O C H R I - stiana.

I Vm tota Scriptura, teste Apostolo, eo pertinet, vt perfectus sit homo Dei, ad omne opus bonum instructus: huc nonnulla de perfectione Christiana, ad quam omnia quæ hactenus disputauimus, tanquam ad finem seu scopum referenda sunt, adijciam.

1 Omnium primum statuendum est discrimen inter perfectionem duplicem piorum. Nam alia est perfectio piorum in præsentī vita: alia erit in futura.

3 Perfectio piorum in præsentī vita, non æstimanda est ex perfectione seu impletionē Legis: sed ex imputatione diuina, cordis rectitudine, & alacritate obediendi Deo, qualis in omnibus vere pijs existit.

4 Monachi insulse definiunt perfectionem Christianam esse, abdicare diuitias, & paupertatem spontaneā amplecti.

5 Etsi autem Dominus Matth. 19. iuueni, a quo interrogatus erat de modo consequendi vitam æternam, dicit: Si vis perfectus esse, vade, vende tuas possessiones & da pauperibus, & habebis thesaurum in cœlis, & veni & sequere me: tamen non recte ex personali mandato, constituunt

constituunt generalem regulam, & ex singulari facto vniuersalem definitionem: præsertim cum exceptiones sint manifestæ.

6 Nam Noe, Abraham, Dauid, & multi alij, perfecti in Scriptura dicuntur: qui tamen suas facultates non abiecerunt, sed eis, vt plurimarum virtutum instrumentis, recte vti sunt.

7 Non ergo dictum Domini ad iuuenem, accommodandum est in specie ad generalem definitionem: sed in genere tantum. Nam si iuuenis iste secutus fuisset Christum, & anteposuiſſet obedientiam erga ipsum suis diuitijs, vere fuisset perfectus. Proinde omnis, qui ex fide Christi anteposit obedientiam erga ipsum omnibus rebus charissimis in hac vita, perfectus recte dicitur.

8 Abraham iustus fide promissionis, iubetur a Domino, filium suum vnigenitum, quem diligebat, Isaac mactare in holocaustum. Hic quia Abraham anteposit obedientiam erga Deum filio, quo nihil erat illi dulcius in vita, nihil carius, pronuntiatur perfectus.

9 Hoc Abrahami exemplum duo docet. Primum, quæ sit perfectio personæ. Deinde, quæ sit perfectio operis.

10 Perfectio personæ est ex fide Christi obedientiam erga Deum præferre omnibus rebus mundi. Perfectio operis est, cum opus perfectum est, non quidem opere operato, vt loquuntur, seu operis consummatione, sed proposito operantis & acceptione diuina.

11 Abraham enim non perfecit opus mandatum: sed quia propositum fuit rectum, & voluntas prompta, Deus acceptauit opus.

12 Porro partes Christianæ perfectionis sunt, reſtitutio mentis, puritas affectuum, & morum integritas.

13 Reſtitutio mentis est recte sentire de Deo, iuxta ipsius verbum. Puritas affectuum agnitione nostræ infirmitatis, fiducia Mediatoris, & voto pietatis continuandæ estimatur. Morum integritas in pietate erga Deum,

sanctimonia vitæ, dilectione erga homines, & sancta, in vocatione cura.

14 Vel vt omnia breuius dicamus, Perfectio Christiana est retinere fidem & bonam conscientiam.

15 Neque perfectionis vox in hoc loco, imperfecto gradibus: sed fucato & mendaci, hoc est, hypocrisis, opponitur.

16 Breuiter, Perfectio Christiana in hac vita, in veritate, & non fucata consistit.

17 Est siquidem pietas vera, fundamētum, principiu, dux, & gubernatrix omnium virtutum.

18 Fundamentum, quia super ea extruuntur veræ virtutes. Principium, quia ab ea manant, vt a fonte riuuli. Dux, quia regit eas, & continet intra verbi Dei limites. Gubernatrix, quia dirigit eas, vt recta ad finem veram ferantur, videlicet, ad gloriam Dei, ædificationem Ecclesiæ, & vtilitatem proximi.

19 Perfectio Christiana in futura vita constabit perfecta regeneratione corporum & animarum, & conformatate nostri cum Deo, qua erimus Deo iuncti perfecto amore in omnem æternitatem.

20 In hac coniunctione nostri cum Deo summo bono, positus est finis bonorum hominis, & vera hominis beatitudo & salus. Hanc donet nobis Pater cœlestis in Christo vnico Mediatore.

STATVS ANIMÆ

post mortem corporis

QVI fingunt animas post mortem corporum vel interire, vel dormire, seu nihil sentire, siue boni, siue mali, contra Scripturam sentiunt: quæ & vitam & sensum tribuit animabus, postquam discesserunt a corporibus, id quod Scripturis confirmamus.

1 Primum

1. Primum enim filius Dei dicit, Ioan. 11. Qui credit in me, etiam si mortuus fuerit, uiuet: hoc est, etiam si moriatur ad tempus, quoad corpus attinet: tamen anima uiuet, quæ est ita creata ut sit immortalis.

3. Significat ergo Dominus duo; Primum, quod anima morietur in fide Christi, sit post mortem victura beata. Alterum, quod anima non credentis, sit victura misera.

4. Secundo, Orta dissensione inter Phariseos & Sadduceos de anima post mortem, uiuatne an moriatur: quorum illi & animam uiuere post mortem, & corpora aliquando uiua proditura ex sepulchris, recte statuerunt: hi autem neutrum crediderunt. Horum ergo falsam opinionem Dominus hoc argumento euertit. Deus est Deus uiuorum. Deus est Deus Abraham, Isaac & Iacob. Ergo Abraham, & Isaac, & Iacob uiuunt. Non autem nunc corporibus. Igitur animabus: quæ aliquando redibunt ad corpora, ut & ipsa uiuant.

5. Tertio, Dominus dicit discipulis suis, Mat. 19. Nolite timere eos qui corpus occidunt, & animam non possunt occidere. Sed timete eum potius, qui & animam & corpus potest perdere in gehenna. Quid potest clarius dici de vita animæ post mortem corporis?

6. Quarto, Solomon clari testatur verbis, quid illi futurum sit, qui moritur in timore Dei. Puluis, inquit, (id est corpus hominis) redibit ad terram, unde sumtus est. Spiritus autem, (id est, anima hominis) redibit ad Deum, qui dedit illum.

7. Quinto, Sap. 3. ita scriptum est: Iustorum animæ sunt in manu Dei, & non tangit illas tormentum. An non hoc dictum congruit cum Christi & Solomonis dictis, de vita animæ post mortem corporis?

8. Sexto, Christus proponens historiam de diuite & impio Epulone, & de paupere & pio Lazaro, an non aperte affirmat utriusque animam post mortem corporis uiuere? Illius quidem, in pœnis miseram: huius vero, in sinu Abraham beatam? Quid? An non est hoc animam

post mortem corporis viuere & sentire? miseram esse vel beatam?

9 Septimo, Petrus Apostolus claris affirmat verbis, eorum animas detineri in carcere, qui Christi spiritui sonanti in Noe, & inuitanti ad poenitentiam non crediderunt. Quare necesse est fateri impiorum animas post mortem corporum, & supereffe, & viuere, & sentire poenas.

10 Octauo, Sanctus Ioannes, in sua reuelatione, dicit Sanctorum Martyrum animas clamare in coelo, & expectare vindictam eorum, qui sua corpora occiderunt. Si ergo Sanctorum animae in coelo sunt beatæ cum Deo: vanus est, qui eas vel interiisse, vel ita sopitas, vt nihil sentiant, statuit.

11 Nono, Quid audit Latro qui pependit in cruce, & dixit: Domine memento mei dum veneris in regnum tuum? An non ei respondit Dominus. Hodie eris mecum in Paradiso, hoc est, in loco coelesti & beato? Quod sane non de corpore latronis intelligi potest. Quare necesse est vt de anima accipiat, quæ nunc beata viuit in coelo, cum Christo, & multis Sanctorum animabus, & castissimis Dei angelis.

12 Decimo, Christus moriturus in ara crucis pro peccatis nostris clamauit & dixit: In manus tuas Domine commendo spiritum meum. Iam autem ipse dicit: Vbi ego sum, illic & minister meus erit. Quare vt anima Christi recepta est in coelum in manus Dei: ita omnium eorum animæ recipiuntur, qui Christo per fidem inseruntur. Quod enim in capite præcessit, sequetur in membris.

13 Vndecimo, Cum Iudæi Stephanum propter Christi confessionem obruerent lapidibus, vidit Stephanus coelum apertum, & filium Dei stantem ad dexteram Patris, quem moriturus inuocat & ait: O Domine, accipe Spiritum meum.

14 Hic videmus Iudæos habuisse potestatem in corpus Stephani, sed non in animam, quam filius Dei in coelum

celum ad se recepit, vt illic beata viuat. Nec aliter sentendum, de aliorum piorum animabus.

15 Duodecimo, Paulus post multas molestias in Apostolico munere, tandem ait: Cupio dissolui & esse cum Christo. Dissolutio hæc, fuit animæ a corpore separatio, quam animam post mortem non dubitabat mansuram cum Christo, corpore in terra condito.

16 Decimotertio, Ioannes dicit: Beati mortui qui in Domino moriuntur: requiescunt a laboribus suis, & opera eorum sequuntur eos.

17 Si mortui sunt beati: certe beati sunt respectu animarum. Nam corpora ante resurrectionem cōmunem, nec bonum nec malum sentiunt. Si iam animæ sunt beatæ: certe sunt, viuunt, gaudent in cœlo cum angelis Dei.

18 Omitto Platonis, Ciceronis, Macrobij, Lucretij, Xenophontis, Senecz, & aliorum plurimorum Philosophorum sententias, de animarū immortalitate, quæ et si veræ & præclaræ sunt: tamen, quia quærimus immotam certitudinem, maneamus apud tredecim illas demonstrationes, quas ex verbo Dei infallibili adduximus.

19 Ex demonstrationibus adductis, hæc ordine, & absque omni dubio, concludamus.


20 Primum, quod hominum animæ vere supersunt, viuunt & sentiunt, mortuis & in puluerem reductis corporibus.

21 Secundum, quod omnium impiorum animæ sint in summis doloribus, & tormentis nunquam finiendis.

22 Tertium, quod omnium eorum, qui in Domino mortui sunt, animæ sint beatæ, absque omni dolore & tormento: sint apud Deum, sint cum Christo: expectent corporum gloriosam resurrectionem, & extremum iudicium, quando redibunt animæ in corpora viua, ac vna viuant in omnem æternitatem beati. Amen.

RESURRECTIO

mortuorum.

I  VONIAM fides resurrectionis mortuorū, in qua boni donabuntur vita æterna, & mali supplicijs nunquam finiendis subijciuntur, excedit omnem sensus nostri & rationis mensuram: necesse est, ut firmis fundamētis nostram fidē cōfirmemus: ne cū Epicureis & maxima colluie generis humani, vel de hoc articulo dubitemus, vel prorsus fidē eius abijciamus.

2 Duo ergo hic faciemus. Primum, iaciemus solida fidei nostrę fundamenta, quo sit immota fides nostra, de hoc articulo. Ut enim quod facilius sculpsitur facilius aboletur: ita citius venit in dubium, quod velocius fuerit persuasum. Non ergo leuia, sed solidissima argumenta proferemus, quibus fides huius articuli nitatur. Deinde reddemus rationem, cur filius Dei non dicat credentes, sed eos qui bona fecerunt, prodituros in resurrectionem vitæ: qui vero mala fecerunt, in resurrectionem iudicij.

3 Cogitantes itaque de hoc articulo, primum omnīū veniet nobis in mentem, qua certitudine nitatur vniuersa Scriptura Prophetica & Apostolica, quam cum constiterit esse infallibilem & immotam, animus nō amplius de vlla promissione Dei dubitabit, quantumuis illi videantur sensus & ratio, adeoque tota natura cōtraria esse. Nam ut ratio & sensus non se extendunt ultra naturæ limites: ita fides promissionum diuinarum prorumpit cœlum, non dubitans de vlla promissione Dei. Nam Deum potentem, iustum, veracem, statuit.

4 Deinde regnum Messię, quod habet perpetuum Scripturæ consensum de perpetuitate, intueamur. Hoc regnum Christi, quod est vitæ æternæ, opponitur regno mortis & tenebrarum, quod Diabolo tribuitur. Semen, inquit Scriptura, mulieris, conteret caput Serpentis, hoc est,

est, destruet opera Diaboli, id est, peccatum & peccati
 mortui. Necesse est igitur ut resurgant
 mortui. Siquidem Rex noster Christus mortuus & sepul-
 crus est, & nostram carnem tanquam primitias, cum e se-
 pulchro prodiret, e terra reduxit, ut sciamus nos virtute
 opus in lucem prodituros.

5 Pendet ergo resurrectio nostri a resurrectione Chri-
 sti regis nostri. Is primo dierum surrexit: nos in nouissi-
 mo die resurgemus. Ideo Paulus Christum primitijs cō-
 fert: nos vero maturæ messi. Est enim, ut ipse Dominus
 testatur, consummatio seculi tempus messis. Cum ergo
 scimus Christum resurrexisse, sciamus & nos eius virtu-
 te resurrecturos.

6 Secundo, Patres ante Moysen cum nondum Pro-
 phetica & Apostolica extarent scripta, quinque futuræ
 resurrectionis post mortem habuere argumenta.

7 Primum a forma hominis erecta. Est enim hæc for-
 ma Symbolum naturæ hominis, videlicet, quod sit com-
 posita ex terrestri & coelesti natura. Siquidem homo cō-
 ditus est ex limo terræ, & spiraculo Dei. Dicere autem
 hanc tam nobilem naturam & singulare Dei opificium
 conditum esse ad certum interitum, nimis absurdum
 fuerit. Hinc coniecturam duxerunt Patres de corporum
 resurrectione.

8 Secundum ab imagine Dei, ex qua & finis hominis
 intelligitur, & vitæ perpetuitas significatur. Nā ut ima-
 go Cæsaris in nummo, monet quid debeat Cæsari: ita
 imago Dei in homine, docet quid homo debeat Deo, vi-
 delicet, perpetuum cultum, ad quem præstandum per-
 petuitas vitæ requiritur. Præterea absurdum est cogitare
 Deum velle suam imaginem perpetuo interitu obscura-
 ri & opprimi.

9 Tertium a loco, in quo, homo creatus, collocatus
 est. Ideo enim Deus hominem conditum in Paradiso
 collocavit, ut significaret statum hominis foelicem fore,

RESURRECTIO

modo obediret. Iam autem cum sit sapientis, non frustratur, hominem aliquando suo pristino statui restitutum iri. Quod fieri non potest sine resurrectione mortuorum.

10 Quartum a semine promisso, quod omnium evidentissimum & maximum resurrectionis futuræ argumentum est. Sciuerunt enim Patres, Semē mulieris promissum esse, ut contereret caput Serpentis, hoc est, ut destrueret opera Diaboli, seu regnum Satanæ, quod est peccati & mortis. Hinc Patres absque omni dubitatione, fidem resurrectionis extruxerunt.

11 Quintum, a perpetuitate fœderis. Inijt Deus pactum sempiternum cum Abrahamo, videlicet, quod velit esse Deus ipsius & seminis eius post eum in sempiternum. Hoc fœdus non potest esse ratum, nisi homines a morte resurgant, postea perpetuo victuri. Alioqui Deus ipsorum Deus dici non posset: cum Deus non sit mortuorum, sed viuorum. Atque ita Patres a forma hominis, naturam: ab imagine Dei, finem: a loco, statum: a semine, reparationem post lapsum: a fœderis qualitate, perpetuitatem reparationis: & ab his simul, resurrectionem hominis a morte, ratiocinabantur.

12 Tercio, Demonstratio resurrectionis firma sumitur a iustitia Dei. Nam cum Deus iustus sit: necesse est ut virtuti præmium, & vitio supplicium reddat, Quod cum non sit in hac vita: (Nam ideo hoc differt Deus ut extet testimonium futuræ resurrectionis) necesse est homines boni & mali resurgant: & unusquisque reportet mercedem, secundum ea, quæ gessit in corpore.

13 Neque enim hic satis erit dicere, animabus præmia & supplicia rependi pro factis in hac vita. Nam cum omnis vitæ nostræ vsus, in corporis animæque consortio est: necesse est præmia virtutum & supplicia scelorum non corpori seorsim, nec animæ seorsim, sed homini cōstanti ex corpore & anima deberi. Proinde animas redituras

redituras esse in eadem corpora, vt homines resurgant, necesse est.

14. Interea vt corpora mortuorum, cum bonorum tum malorum, vermibus hic obnoxia sunt: ita animar, piorum quidem, cum gaudio, expectant resurrectionis diem: Impiorum vero vermibus & igni conscientie torquentur, metués iram in die resurrectionis, in quo tradentur, cum corporibus, in quæ redierint, æternis cruciatibus.

15. Quarto, clara Scripturæ testimonia de hoc articulo colligenda sunt, qualia sunt hæc inter multa, Esaie 36. Vident mortui tui, & interfecti tui resurgent. Ezech. 37. Ecce ego aperiam tumulos vestros, & educam de sepulchris vos, popule meus: & dabo vobis spiritum & viuētis. Hic Propheta liberationem populi Israelitici a captiuitate Babylonica, figuram esse futuræ resurrectionis mortuorum, significat. Atque ita Prophetico spiritu vtriusque videt & complectitur, videlicet liberationem populi a captiuitate, & resurrectionem mortuorum vniuersalem, cum qua illam confert. Iob. 19. Et ego scio quod redemptor meus viuit, & in nouissimo (scilicet die) stabit super terram, (scilicet iudicaturus) & postquam cum pelle mea excauerint (scilicet vermes) hoc, (scilicet corpus meum) etiam in carne mea videbo Deum, quem visurus sum ego ipse, & oculi mei conspecturi suut, non alienus. Hoc est, ego ipse proprietate personæ & vtriusque substantiæ veritate, resurgam.

16. Daniel. 12. Multi qui dormiunt, euigilabunt: alij, ad vitam æternam: alij, ad opprobria & contemptum sempiternum.

17. In nouo Testamento Christus contra Sadducæos probat resurrectionem mortuorum, Matth. 22. Item, Matth. 25. resurrectionem & iudicium simul prædicat Dominus.

18. Christus ait: Veniet hora, in qua omnes, qui in monumentis sunt, audient vocem eius, & prodibunt qui

bona fecerunt in resurrectionem vitæ, qui vero mala egerunt, in resurrectionem iudicij.

19 Omnes præterea Apostoli resurrectionis futuræ testes sunt. Quid enim aliud est prædicatio Euangelij, quam testimonium resurrectionis? iuxta illud: Qui crediderit & baptizatus fuerit, saluus erit: Qui vero non crediderit, condemnabitur. Hæc manifeste vniuersalem hominum resurrectionem concludunt. Paulus Apostolus potissimum hisce rationibus articulū resurrectionis fulsit, videlicet, Prædicatione Euangelij. Exemplo Christi resurgentis, 1. Thessal. 4. Potentia Christi saluatoris, Philip. 3. Arrhabone Spiritus sancti, ad Ephe. 1. Signis in natura impressis. 1. Cor. 15. & Perpetuitate regni Christi, 1. Cor. 15.

20 Quinto, Baptismus & Coena Domini resurrectionis futuræ visibilia sunt testimonia. Sicut enim verbum mētis: ita hæc sensibus de resurrectione futura testantur. Vt igitur Baptismus duplicis resurrectionis nostri est Symbolum, videlicet animæ a peccato, & corporis ex terra: ita Coena Domini, perpetuæ in Christo obtinentæ vitæ, indicium certissimum est.

21 Sexto, Signa in natura expressa futuram resurrectionem adumbrant. Ieronymus, Ambrosius & Augustinus dicunt resurrectionem futuram in Phœnice aue signatam esse, de qua scribitur, quod cum in cineres redacta fuerit, mox post irrigationem viua prodeat.

22 Præterea, experientia docet, multas auiculas, vt Vpupas, Sturnos, Hirundines, tempore hyberno in profundis paludibus, tanquam sepultas mortuasque delitescere: quæ verno tempore rursus viuæ prodeunt.

23 Granum coniectum in terram & mortuum, & postea renatum, etiam resurrectionis futuræ, teste Apostolo, symbolum quoddam est.

24 Est quoque vnusquisque dies imago vitæ, cui succedit nox & somnus, qui nihil mortis est similis. Itaque reducti a somno ad vigiliam, veluti a morte reuocamur

ad vitā: quæ res resurrectionis futuræ quotidiana est admonitio. Prætereo Lunam quæ post defectum & veluti mortem quandam, noua prodit.

15 Septimo, Præmonitiones considerentur in veteri populo. Enoch ante diluuium, viuus translatus est. Ita enim scribitur, Genes. 5. Ambulauit Enoch cum Deo, & non comparuit: quia tulit eum Deus. Hoc facto Deus voluit (abolita iam pene doctrina de victoria super Serpente) proponere communem omnibus doctrinam, videlicet, quod pii aliquando plenam super serpente consequerentur victoriam, ne spem suam huius mortalis vitæ finibus inclusam haberent.

16 De Elia scribitur, quod cum iam maxima pars adhaereret Baaliticis sacerdotibus, oppressa vera doctrina, sit in coelum receptus: vt Deus isto facto rursus doctrinam de æterna vita commendaret hominibus. Ita enim textus habet: Aquis Iordanis diuisis, Ecce currus igneus & equi ignei diuiserunt vtrumque, scilicet Eliam & Elisæum: & ascendit Elias per turbinem in coelum. Hoc facto voluit Deus hominibus istius seculi, commendare spem futuræ resurrectionis, in qua pii ab omnibus malis & persecutionibus liberentur, oppressis eorum hostibus igne gehennæ.

17 Etsi autem Enoch & Elias in coelum subuecti sunt, in testimonium victoriæ futuræ super Serpente: tamen in gloriam illam coelestem & plenam, quæ est constituta electis & percipienda in extremo die, non sunt recepti, sed tantum miseris huius vitæ soluti, expectant plenam gloriam cum toto Christi corpore.

18 Octauo, Symbola futuræ resurrectionis in nouo Testamento sunt, suscitationes mortuorum, vt filiz principis, Matth. 9. Filij viduæ, Luc. 7. & Lazari, Ioan. 11. Nā vti hæ suscitationes a morte corporis fuere externa symbola suscitationis animarum eorum, qui credunt Euangelio: ita etiam haud obscure figurabant plenam liberationem, quæ fiet in extremo die resuscitatis corporibus.

29 Nono, Chirographum Dei in cordibus hominum de præmijs bonorum & pœnis malorum evidens testimonium est resurrectionis futuræ. præsertim, cum imminente iam morte, magis sentitur cōscientiæ morsus, magisque torquetur animus cogitatione male transactæ vitæ: idque in ijs qui ad Deum per fidē non sunt conuersi. Nam alij, hoc est, pij vehemēter in spiritu exultant, quod tandem in portum optatum & tranquillum, postquam varijs calamitatum & miseriarum in hoc mundo iactati sunt procellis, perueniant. Siquidem Spiritum sanctum promissæ hæreditatis arrhabonem in pectoribus inclusum habent, qui facit vt minus mortem perhorrescant.

30 Decimo & ultimo, Conscientia Sanctorum omnium temporum suffragia, fidem futuræ resurrectionis comprobant, quæ quia plura sunt quam numerari possint, ea omitto.

31 Martyres præterea infiniti, omnibus pene temporibus, nunquam tam forti animo grauissima sustinuerunt supplicia, nisi suæ confessionis præmia in futura vita, resuscitatis corporibus, sperassent.

32 Hisce testimonijs, quorum alia infallibiliter probant, alia probabiliter confirmant, alia venuste pingunt resurrectionis futuræ mysterium, contenti simus.

33 Neque moremur Epicureorum voces, siue ioco siue serio dicuntur. Infidelitas, ait Ambrosius, non potest claram fidem resurrectionis habere. Quia sicut carbo cinere suo coopertus obcæcatur: ita hi perfidia sua erroris tenebris circumdati, luce carebunt.

34 Postquam ergo constat nobis, de veritate immota, sciamus hanc vnam satis refutare Sadducæorum & similibus vanitatem, qui ignorantes sapientiam potentiamque Dei, & Scripturas de voluntate ipsius, ex mensura sensus humani, & ex rationis regula suum extruxerunt, & extruunt, errorem.

35 Sed nos ab illis quæramus, Cur putent mortuos non resurrecturos? Nam si, vt illi dicunt, mortui non resur-

furgent: necesse est vt id fiat: vel, quia Deus non potest: ~~vel omnia resuscitare~~. Si non potest: vel ignorat modum suscitandi mortuos, vel, si noster imbecillior est, quam vt valeat. Nunc autem, quia sapientissimus est, ignorare non potest: & quia potentissimus, (vt patet ex creatione rerum ex nihilo, & earundem perpetua gubernatione) non potest imbecillior dici, quam vt valeat. Huc illud Augustini: Absit vt ad resuscitanda corpora vitæque reddenda, non possit omnipotentia Creatoris omnia reuocare, quæ vel bestia, vel ignis absumsit, vel in puluerem cineremve collapsum, vel in humorem solutum, vel in auras est exhalatum: Absit vt finis vllus secretumque naturæ, ita recipiat aliquid subtractum sensibus nostris, vt omnium Creatoris aut lateat cognitionem, aut effugiat potestatem.

36 His Augustini verbis, Viues addit hanc similitudinem: Diligenti & acuto patrifamilias in promptu est, & velut ad manum, ac ante oculos, vbi quidque, in quamlibet amplis suis ædibus, sit reconditum: & Deum aliquid putabimus in hoc mundo latere, cuius infinita sapientia minor est hic totus mundus, quam cuiusuis nostrum angustissima & minima capsula.

37 Quod autem velit Deus suscitare mortuos, iam multis immotis rationibus demonstratum est: adeo vt de voluntate Dei nemo sanus dubitare possit. Hanc proinde immotam veritatem opponamus omnibus, quæ huic veritati opponi possunt. Et hoc Pauli dictum, tanquam clypeum, opponamus & nostræ rationi atque sensibus, & aliorum argutijs: *Qui promissit, potest etiam præstare*: In hoc dicto acquiescamus, expectemusque e cœlis venturum esse Saluatorem, qui transformabit nostra contempta corpora vt fiant conformia suo glorioso corpori: idque ea potentia, qua potest sibi omnia subijcere.

38 Quantum autem ad qualitatem corporum resuscitandorum attinet, sciendum est quid habeant commune corpora iustorum & iniustorum, & quid peculiare per se.

39 Corpora utrorumque, hoc est, iustorum & peccatorum, tria habent communia, videlicet, eandem carnis naturam cum personalibus proprietatibus, absque mole crassa, superflua & inutili: Incorruptibilitatem, qua sit, ut corrumpi & in nihilum redigi, aut in auras resolui non possint: & Immortalitatem, qua perpetuo supererunt sine victu & alijs praesidijs, quorum usus erat ipsis sustentandis in hac vita mortali, necessarius. Huius rei causam exponit Ieronymus cum ait: Erit corpus quod resurget incorruptibile & immortale, non solum iustorum: sed etiam peccatorum. Iustorum quidem, ut semper possint permanere cum Christo: Peccatorum vero, ut absque interitione sua, debitas luant poenas.

40 Discrimina autem inter corpora iustorum & peccatorum haec erunt praecipua, corpora iustorum erunt in gloria, in compensationem ignominiae, quam hic sustinuerunt: Peccatorum vero in confusione, quae erit contumaciae poena. Iustorum corpora, perpetuis delectationibus in Deo oblectabuntur, pro momentanea huius vitae afflictione: Peccatorum nunquam finiendis tormentis subijcientur, cum propter transgressionem Legis divinae, tum propter contemptum Filij. Iustorum corpora, in coelo erunt conformia Christi corpori glorioso, cui in hac vita sub cruce erant similia: Peccatorum autem, in inferno, opprobrio sempiterno obruentur. Iustorum corpora lumine diuino, tanquam pallio vestientur: Peccatorum autem tenebris infernalibus oppressa, a fruitione vultus Dei excludentur. Atque haec exclusio a fruitione vultus Dei, aeterna mors dicitur: sicuti contra aeterna vita est, in omnem aeternitatem iucundissimo Dei aspectu frui.

41 Sed Paulum Apostolum de Sanctorum corporibus differentem audiamus, 1. Corinth. 15. Sunt corpora, inquit, coelestia, & sunt corpora terrestria. Sed alia quidem coelestium gloria: alia, terrestrium: alia gloria Solis: & alia Lunae: & alia gloria Stellarum. Stella siquidem a stella differt in gloria: ita & erit resurrectio mortuorum.

His

His verbis Paulus significat, quanta futura sit corporum iustorum subtilitas post resurrectionem, nimirum, quod sint futura purissima, defecatissima, subtilissima.

42 Huius rei admonebit nos claritas corporum cœlestium, quæ Paulus hic proponit tanquam symbola gloriæ corporum nostrorum post resurrectionem.

43 Hinc facile est intelligere, quod supra dixi, videlicet quod corpora iustorum, sunt purgata ab omni mole crassa, obscura, ponderosa & inutili, clarificatis spiritibus & carne, ut proxime accedant ad spirituales naturam. Vnde sequitur in Paulo: Seminatur corpus corruptibile, suscitatur incorruptum: seminatur ignominiosum, suscitatur gloriosum: seminatur infirmum, suscitatur potens: seminatur corpus animale, suscitatur corpus spirituale. Et paulo post: Sicut gestauius imaginem terreni: (id est Adam in hac vita, in quo dominabatur anima vivens, unde animalis dicebatur) ita gestabimus imaginem cœlestis, hoc est Christi resurgentis, ut in nobis spiritu dominetur, unde corpora nostra spiritualia dicuntur.

44 Eisdem Apostolus ad Philippen. 3. affirmat Christum transfiguraturum nostra contempta corpora, ut sint futura conformia ipsius glorioso corpori, idque per eam potentiam, qua potest sibi omnia subijcere.

45 Horum, quæ iam dicta sunt, de gloria corporum iustorum, usus est, ut nos inde consolationem petamus, dum corpora nostra in hac vita, varijs morbis, contemptu, & morte affliguntur: ut Sanctorum corpora habeamus in honore: ut ea honorifice sepeliamus: ut munda servemus ea loca, in quibus Sanctorum corpora sepeliuntur, & quasi consopita delitescunt, donec tuba archangeli excitabuntur.

46 Sed cur dicit Dominus eos, qui bona fecerunt, perdituros in resurrectionem vitæ: qui vero mala fecerunt, in resurrectionem iudicii? Num ergo bona opera, ut Patristæ hinc colligunt, merentur vitam, ut mala condemnationem? Nequaquam. Firma enim sunt hæc veritatis

testimonia. Stipendum peccati mors, donum autem Dei est vita æterna per Iesum Christum, Rom. 6. Si est donum, gratis datur. Si gratis datur, non redditur pro merito. Gratia enim, ut ait Augustinus, est nullo modo, quæ nõ est gratuita omni modo. Deinde solus Christus est, qui remittit peccatum, qui iustificat, qui sanctificat, qui homines Patri reconciliat. Ergo solus Christus meretur suis, id est, in se credentibus, vitam æternam.

47 Cur igitur hic Dominus affirmat eos, qui bona fecere, prodituros in resurrectionem vitæ, videlicet, ut resuscitati viuant beatam & immortalem vitam: & qui mala fecerunt, prodituros in resurrectionem iudicii, hoc est, ut suscitati æternam mortem luant? Ut ex signo perspicuo discernat inter hæredes vitæ æternæ, & damnandos: ut omnes creaturæ, & potissimum sancti angeli, filios Dei ex qualitatibus proprijs agnoscant: ut nemo se spectro fidei & hypocrisis fallat. Non ergo hic opera, vitæ æternæ merita facit Christus, quod esset seipsum mediatoris gloria spoliare: sed indicia fidei non fucatæ.

48 Ut enim vera & viua fides efficax est per charitatem, & cernitur in operibus charitatis: ita spectrum fidei, vanitate & hypocrisis delectatur.

49 Vere ergo Bernhardus sentit cum ait: Bona opera non sunt causa regnandi, sed via regni. Cuius autem generis hæc opera potissimum esse oporteat, docet Christus, Lucæ 16. Facite vobis amicos de mammona iniquitatis, ut cum defeceritis, recipiant vos in æterna tabernacula. Et Matth. 25. Esuriui & dedistis mihi cibum, sitiui & dedistis mihi potum, peregrinus eram & collegistis me, nudus eram & cooperuistis me, infirmus eram & visitastis me, in carcere eram & venistis ad me. Et Mat. 5. Christus pauperes spiritu, mites, lugentes, esurientes & sitientes iustitiam, pacificos, mundos corde, patientes persecutionem, pronunciat beatos, hoc est, liberos ab æterna miseria, quã ipsi suis peccatis meruerat, & hæredes vitæ æternæ, quam ex dono Dei per Christum habent.

50 Ex his locis promptum est colligere, Primum, quod non loquatur Dominus nisi de ijs, qui Filij Dei per fidem sunt facti. Deinde, quod ea opera, quæ sunt germani fidei fructus intelligat: qualia sunt mortificatio carnis, patientia studium benefaciendi hominibus, misericordia erga afflictos, facultatibus iuuare egenos. Huiusmodi operibus, tanquam hostijs quibusdam, delectatur Deus: & sunt propriæ filiorum Dei notæ, & veræ fidei germani fructus, qui non magis a fide, affectu saltem, separari possunt, quam calor ab igni.

51 Secundo quaeritur, Cum multa genera sint bonorum operum, quæ Dominus sua Lege requirit: cur vnus certæ generis tantum Dominus, Matth. 25. in sententia iudiciaria meminit? Meminit autem solius beneficentiæ erga proximos, neque erga quosuis proximos, sed erga proximos misere afflictos, videlicet, Esurientes, sitientes, nudos, vagos, incarceratos. Huius rei duas esse causas sciendum est.

52 Vnam, quia in hoc genere operum magis cernitur charitas erga proximum carere omni furo, quæ sane charitas, sancti timoris Dei, & viuæ cordis fiduciæ certissimum & infallibile est indicium. Est proinde hoc genus bonorum operum, luculentum testimonium filiorum Dei, qui hæredes vitæ æternæ scripti sunt.

53 Alteram, quod in hoc genere operum manifestior est imitatio Filij Dei, cuius membra sunt hæredes vitæ æternæ. Nam cum Filium Dei, hoc operum genere proxime imitantur homines, haud obscure testantur, se vere Filios Dei esse per Christum, cuius Spiritu mouentur ad beneficentiam misere afflictis præstandam. Cum igitur & adoptionis nostri in Christo, & viuæ fidei, timorisque Dei, testimonium sit perspicuum hoc genus operum, non mirum est, Christum eius potissimum meminisse in sententia, quam ipse iustus iudex pronunciabit in die iudicii.

54 His tertiam causam non inepte addiderimus. Do-

minus ipse misericordiam anteponebat sacrificio, & ceremoniali cultui. Proinde hoc genus operum præcipue requirit, ut sciamus cum eo reliqua placere, & sine eo nihil, si non præstetur, modo possit. Nam deficiente facultate præstandi, Deus affectum pium & promptam voluntatem loco facti reputat.

55 Tertio, quaritur de illis qui maximam ætatis suæ partem transegerunt in sordibus suis, sine vera poenitentia, & tandem vel in mortis articulo conuertuntur. Respondetur, Peccata eorum qui conuertuntur in obliuionem venire apud Deum, qui apud Esaiam ait: Ego sum, Ego sum ipse, qui deleo iniquitates tuas propter me, & peccatorum tuorum non recordabor. Qui enim in Filio est per fidem, habet remissionem peccatorum, habet iustitiam Christi, qua apparebit iustus in die iudicii, & habet propositum benefaciendi, quod Deo pro facto est, quando negatur præstandi facultas.

56 Præterea de horum conuersione & inuocatione, qua in mortis articulo se committunt fidei Filij Dei, testabuntur angeli eorum in die iudicii. Sed rem illustremus exemplis.

57 Lazarus fuit Filius Dei, & hæres vitæ æternæ, sic & Latro in cruce, & Cornelius aulicus, de quo Lucas in Actis. Lazarus & Latro affectu hæc opera habuere, non externo facto. Ille enim paupertate: hic temporis breuitate post conuersionem impediabatur quo minus affectus sui æterna testimonia ederet. At Cornelius qui a conuersione diutius vixit, testimonia suæ fidei, & pii affectus luculenta edidit: adeo quod ipsius Eleemosinæ & preces cælum penetrasse a Luca commemorantur.

58 Hæc quæ diximus & necessitatem benefaciendi concludunt, & beneficium Mediatoris esse gratuitum ostendunt, & inter olim iudicandos clarissime discernunt.

ASSERTIONES

QVIBVS LEGES DECALOGI
EXPLICANTVR, PROPO-
sita & disputata in Academia Hafniensi,
ab anno Domini 1567. vsque
ad annum 1574.

Autore

NICOLAO HEMMINGIO.

PROOEMIUM DECALOGI.

*Locutusque est Deus cunctos sermones hos. Ego sum.
Dominus Deus tuus, qui eduxi te de terra Aegypti,
de domo seruitutis.*

DUPLEX Prooemium Legi Dei præfigi-
tur, Exo. 20. Vnum Moſis, quo populum
excitat & præparat ad audiendas Leges
diuinas. Alterû Dei, quo populus docetur
quis ſit Deus, & quid ſit a Deo expectandû.

1 Moſis autem hoc eſt prooemium: *Es locutus eſt Deus
omnia hæc Verba.*

3 Hoc prooemium merito omnium hominum animis
infixum eſſe deberet, vt eius nunquam caperentur obli-
uione.

4 Eſt enim vnum ex illis principijs, quæ immota tene-
re oportet omnes eos, qui in ſchola Chriſti proficere in
ſalutem cupiunt.

5 Sunt autem quatuor hæc principia tenenda Chriſti
discipulis. Primum, quod vnus ſit Deus, conditor om-
nium rerum & conſeruator. Secundum, quod hic verus
Deus certo verbo hominibus ſuam voluntatem pateſe-

cerit. Tertium, quod hoc verbum sit comprehensum in Prophetiis & Apostolicis scriptis, in quibus ipse Deus loquitur. Quartum, quod ut quicquid est præter hoc verbum nõ sit ad salutem necessarium: ita quicquid pugnat cum hoc verbo, sit tanquam venenũ Diaboli fugiendum.

6 Inter hæc, tertium est quod Moses hic nobis commendat, cum ait: Et locutus est Deus omnia verba hæc.

7 Mens enim pia cupiens se Deo approbare, ac iuxta ipsius voluntatem & credere & viuere, certa non est priusquam intelligat ea quæ audit hoc niti principio.

8 Hinc est quod Prophetæ hanc vocem toties repetant: Hæc dicit Dominus: Os Domini locutum est: Hæc dicit Dominus Sebaoth. Hinc est quod ipse Filius Dei sermonem Patris se loqui testatur. Et Paulus eandem ob causam titulum Apostolatus sui aduersarijs obijcit.

9 Hoc verbum Dei infallibile in se, Deus propter humanam ignorantiam & multiplicem cæcitatem, varijs modis, suum esse, & non alicuius creaturæ testatus est.

10 Et quoniam mensura rationis, hoc est demonstratione, capi non potest, testimonia addidit admodum congruentia.

11 Ut igitur quæ lumine mentis percipi possunt demonstrationibus innotescunt: ita quæ aciem humanæ mentis excedunt, coelestibus & diuinis testimonijs confirmantur.

12 Huius generis testimonia sunt & externa & interna. Externa, ut patefactiones diuinæ, miracula, prophetiæ, consensus Moïsi, Prophetarum, Christi & Apostolorum, duratio & conseruatio Ecclesiæ, & cruenta confessio infinitorum Martyrum omnibus seculis. Interna sunt Spiritus sancti obsignationes in cordibus fidelium.

13 Huius verbi diuini vera & non fluctuans persuasio & fides, fundamentum est omniæ fiduciæ pietatis & virtutis, quibus Deo coniungimur, & assequimur finem nostræ creationis.

14 Quod enim radix est arbori, quod oculus corpori, quodque telis contexendis ipsa sunt stamina, ut recte ait Theodoretus, hoc perficiendis animis est veritatis cognitio stabilisque rerum diuinarum fides.

15 Admoneamur igitur hoc Mosaico prooemio, de certissimo & indubitato principio & Theologiae verae, quod est ipsum verbum Domini, in libris Prophetis & Apostolicis comprehensum, & quod omnia quae pugnant cum hoc verbo, sint venena Diaboli insidiantis salutis humani generis.

16 Alterum prooemium est ipsius Dei: *Ego sum Iehoua Deus tuus, qui eduxi te de terra Aegypti, &c.*

17 Pauca sunt quidem haec verba; sed quae nulla sapientia humana exauriri possunt.

18 Omnium primum prooemium hoc Domini proponit modum cognoscendi Deum, videlicet, Verbum & Testimonium verbo additum.

19 Tametsi autem Paulus dicit: *Τὸ γνωστὸν τῷ Θεῷ* fuisse hominibus manifestum ex rerum creatione & conseruatione: tamen cognitio haec non fuit eis salutaris, imo perniciofa magis idque ipsorum culpa.

20 Nam quo magis quae fuerunt Deum naturali lumine, eo magis vanitate mens, tenebris intelligentia, & cor obduratione oppressa sunt:

21 Siquidem nihil ex illa notitia concluderunt, quam horrendas idololatrias, quas infinita scelera, ut Paulus testatur, secuta sunt.

22 Salutaris proinde cognitio Dei, ex verbo & testimonio simul petenda est.

23 Quare ut nihil praeter & contra verbum de Deo sentiendum & cogitandum est, vel loquendum, sed illud solum de Deo credendum, quod ipse de se testatur, iuxta dictum: Esse Deum credas, quod de se praedicat ipse: ita testimonia verbo addita, ipsius bonitatem nobis commendant, & fidem & inuocationem accendunt, quibus nos coniungimus ab omnibus alijs coetibus in mundo;

& adhæremus Ecclesiæ Dei, quæ est societas Sanctorum.

24 Secundo, etsi obscurius docemur hoc proœmio de essentia Dei & personis in vna diuina natura: tamen vnitas essentia diuinæ, & pluralitas personarum in vna essentia hic indicantur.

25 Prima enim vox Iehouah singularis numeri, significat essentiam illam diuinam, simplicissimam & vnicam esse, hoc est, quod vnus sit Deus in essentia.

26 Secunda vox Hebræis est pluralis numeri, qua significatur pluralitas personarum subsistentium in vna diuina natura.

28 Hoc mysterium primum propositum est in Libro creationis, vbi dicitur: In principio creauit Elohim cælum & terram, vbi plurali numero, propter personarum distinctionem vtitur Moses, cui adiungit singulare verbum, propter essentia & naturæ vnitatem.

28 Hoc ipsum deinde in Prophetis repetitum est, & postea clarius in nouo Testamento patefactum, vbi & patefecerunt se tres personæ in diuinitate, & nominantur, Pater, *Λόγος* seu Filius, & Spiritus sanctus.

29 De hoc arcano ita loquitur Bernhardus: Sacramentum hoc magnum est & quidem venerandum, non scrutandum, quo pluralitas in vnitatem, ac ipsa vnitas sit in pluralitate. Scrutari hoc temeritas est, credere pietas est, nosse vero vita est æterna.

30 Tertio, cum dicitur, *Deus tuus*, significatur bonitas Dei, *φιλανθρωπία* erga homines, & requiritur fides in hominibus, qua hanc bonitatem sibi applicant, quod fieri non potest sine Mediatoris notitia.

31 Hanc vocem cum audiret populus Israel, non omnes fundamentum bonitatis Dei erga homines cogitarunt, nec veram fidem adhibuerunt huic verbo.

32 Qui pij inter eos fuerunt, vt Moses, Caleb & quidam alij, vt serio cogitarunt suam indignitatem: ita ardenti fide in promissum mulieris semen recubuerunt.

33 Reliqui, vt hypocritæ, sua dignitate putabant se hunc honorem adeptos, quod Deus ipsos suum populū vocauerit, & segregauerit ab alijs omnibus nationibus.

34 Moyses ergo & qui cum illo erant pij, hac sola fide, & iustificati sunt, & placuerunt Deo, per obedientiam Legis, etsi eam perfecte non præstiterint. Cæteri autem Legis damnatoria sententia oppressi, in suis peccatis perierunt.

35 Atque ita hoc procœmium concio fuit Euangelij, Nam Deus se nemini communicat nisi per prædicationem, qua offertur fauor & gratia Dei in Christo Iesu, omnibus credentibus.

36 Et tamen Mediatoris mentio non fit expresse: tamen includitur in promissionis verbo, *Deus tuus*, ex eoque intelligitur, vt ab effectu causa.

37 Nam cum certissimum sit neminem placere Deo, nisi per Christum & in Christo, consequitur hanc bonitatis & misericordiae promissionem fundari in illo dicto: Semen mulieris conteret caput Serpentis.

38 Quarto, continet hoc Domini procœmium confirmationem autoritatis Legis diuinæ, eamque triplicem.

39 Prima sumitur a potestate, qua sibi Dominus ius imperij vendicat, cum dicit: *Ego sum Iehovah*. Est enim hoc nomen Dei proprium, quo essentia, potentia & maiestas ipsius significatur. Potentia enim & maiestas tamen diuinæ necessario coniunctæ sunt.

40 Secunda, sumitur a promissione diuina, cum inquit: *Deus tuus & Dominus tuus*.

41 Tertia sumitur a beneficio, cum inquit: *Qui eduxi te ex terra Aegypti*. Quo admonet populum totius Historie educationis de Aegypto, in qua cum præcipuum sit liberatio, per asperionem sanguinis in postes domorum, fides requirebatur in agnum Dei Iesum Christum, cuius sanguinem adumbrabat sanguis agni aspersus.

42 Pij proinde cum hoc dictū audiuerunt, reuocarūt

in memoriam promissionem agni illius immaculati, qui tolleret peccata mundi.

43 Quinto, cum dicit: *Ego sum Iehonah Deus tuus*, significat se & creatorem esse omnium, & conseruatorē, atque adeo suæ prouidentix omnia subijcere.

44 Non enim vt faber, relicta naue a se extructa, discedit: sed vt Pater, prouidentia omnia vel minima dirigit atque gubernat, prout maxime suæ gloriæ expedire videtur.

45 Detestandi igitur sunt furores Græcorum, qui tollunt prouidentiam, & negant Deum vel posse, vel velle rerum a se conditarum curam habere.

46 Sexto, inuitat nos hoc procemium & ad gratitudinem erga Deum, a quo tanta bona habemus, ab ipso conditi & creati: & ad studium obediendi ipsius præceptis.

47 Est proinde hoc procemium, veluti fundamentum & causa Legum, quas Dominus humano generi imposuit, non quidem sui causa, qui nostra obedientia non indiget, sed nostri, quibus obedientibus, vt Pater benignissimus, proponit præmia maxima.

48 Natura enim hanc Legem omnibus posuit, vt sint grati erga benemeritos, & maxime erga optime meritos.

49 Si igitur parentibus debemus gratiam, qui nos genuerunt & aluerunt, multo magis gratos nos esse oportet Deo, a quo parentes habemus, in quo sumus, viuimus & mouemur, & tanta prouidentia conseruamur, vt tandem optatam beatitudinem, ad quam conditi sumus, consequamur.

50 Dolendum est proinde vehementer, quod tantus veternus occupet humanas mentes, vt non immensa bonitate moti, gloriam quam debent Deo reddant.

CAPITA PRIMA

Decalogi.

DE C E M Legis Moralis præcepta Dominus ad duas theses reuocat, tanquam ad summa capita seu fontes, ex quibus dependent & manant.

Harum theseon prior est: *Diliges Dominum Deum tuum, ex toto corde tuo, ex tota anima tua, ex tota mente tua, & ex tota fortitudine tua.* Posterior, *Diliges proximum tuum sicut teipsum.*

Harum *Secundæ* ratio quidem est. Deus summum bonum est, & autor omnis boni in natura. Finis vero, ut Deo coniuncti, in eo tanquam summo bono acquiescamus, quod sane summa felicitas est, adeoque finis hominis proprius & vltimus, si statum hominis perfectissimum spectemus.

Quoniam autem omne bonum naturaliter amatur, & ipsa boni ratio, modum amoris imponit, necesse est, ut Deus cum sit summum bonum, præ omnibus, ante omnia, & supra omnia diligatur.

Et quia dilectionis vocabulo omnis noticia dilectione necessario antecedens, omnis affectus dilectioni necessario coniunctus, atque omnis actio dilectionem necessario consequens, intelligitur. Lex in Mose sapientissime ista tria coniungit, cum ait: *Diliges Dominum Deum tuum ex toto corde tuo, ex tota anima tua, & ex tota virtute tua*, ut in corde, id est, mente, sit vera lux, seu noticia de Deo (quæ dilectionem Dei necessario antecedit (In anima, purissimi affectus, fides, timor Dei, spes, &c. (Qui cum dilectione Dei quasi quodam naturæ pacto connexi sunt) In virtute, conatus sufficiens ad agendum ea quæ Deus imperat, qui sane conatus necessario dilectionem Dei comitatur.

In hac enim re consistit rectitudo hominis, ut cor-

pus animæ, anima menti, & mens Deo pareat & obsequatur, atque ita ei fide iungatur, atque amore veluti vnum cum eo fiat.

7 Etsi autem Moses tria tantum requirit, nempe totum Cor, siue mentem plenam noticia Dei, totam animam purissimis affectibus ornatam, & totam virtutem, quæ perfectissimum præstatur obsequium: tamen ab eo non discrepant Euangelistæ Marcus & Lucas, qui quatuor, nempe cor, animam, *διανοιαν* & *ισχυς* ponunt. Nam quod Moses sub genere virtutis seu validitatis, vt ita dicam, intelligit, Euangelistæ per species explicant, vt sciamus & mentis virtutem, quæ est *διανοια* & corporis robur, quod est *ισχυς*, ad præstandum Deo obsequium, requiri.

8 Cum hanc Legem, qua nos obligat, vel ad obedientiam perfectam, vel ad pœnas æternas, intuemur sine Christo, deprehendimus eam in se quidem esse iustam & sanctam, sed nobis fieri ministerium mortis, vt qui eam non præstemus.

9 Nam cum sententiam Legis audimus: Maledictus omnis qui non manserit in omnibus quæ sunt scripta in libro Legis, sistimur veluti coram tribunali Dei, nos damnantis propter Legis transgressionem, quam damnationem conscientia nostra agnoscit iustissimam esse. Siquidem nemo est mortalium, qui non longissime abest a Legis huius perfectione.

10 Idem omnino sentiendum esse de secundo Legis capite, indicat Dominus, cum ait: *Secundum est simile primo*. Hoc enim dicto vult Dominus corrigere errorem Pharisaicum. Pharisei enim non putarunt ita difficilem esse obedientiam secundi præcepti atque primi, præsertim cum scriptum sit: Odio habebis inimicium tuum, Nec obedientiam secundi tam necessariam, nec pœnam violati tam grauē, nec impediri posse primi obseruationem, etiam si quis in secundo fuerit negligentior. Hunc errorem vt taxat Dominus, ait: *Secundum simile est primo*. Nam siue facultatem præstandi respicis, vtrumque per-

perque difficile est: siue debitum, ad vtrumque obligamur mandato: siue obligationem ad poenam transgressionis; vtrumque ad poenas æternas obligat: siue denique ad connexionem obedientiæ, vtriusque obedientia connexa est, ita vt altera sine altera stare nequeat. Qui enim Deum diligit, diligit & proximum, & qui proximum, multo magis Deum. Hanc rationem postremam similitudinis primi & secundi, vidit Theophylactus.

11 Quid ergo hic faciendum est? Damnatoria Legis sententia, vel te ad desperationem adiget, vel ad quærendum Christum te compellet, vt in eo inuenias, quod ipse non habes, videlicet obedientiam Legis.

12 Nam si in Christum credideris, obedientia quæ propria est Christi, sit tua ex imputatione, vt Lex non amplius habeat quod in te condemnet. Christus enim est finis Legis, in iustitiam omni credenti, hoc est, omnis qui credit, habet quod Lex vt vltimum requirit, nempe iustitiam. Si iustitiam, & vitam, adeoque salutem & felicitatem, quæ est finis hominis. Hinc illa gloriatio Apostoli: Christus est qui iustificat, quis est qui condemnet?

13 Cum ergo iustificati sumus fide, & habemus pacem cum Deo, per Dominum nostrum Iesum Christum, non sumus amplius sub Lege, sed sub Gratia.

14 Sed quid contra hæc ignari scientiæ salutis & remissionis peccatorum, per viscera misericordiæ Dei nostri? Nonne idem nobis obijciunt, quod præconi fidei, Paulo, magno illi Theologo, obiecerunt Romani? Quid, inquit, peccabimus, quia non sumus sub Lege, sed sub Gratia?

15 Hæc obiectio necesse est vt proficiatur, vel a crassissima ignorantia Euangelij, vel ab improba libidine deformandi Euangelium.

16 Tantum enim abest, vt valeat hæc consequentia, Iustificamur gratis fide absque operibus, Ergo bonis operibus incumbere non est necesse, vt nihil validius concludi possit, quam contrarium eius quod illi volunt,

hoc modo. Iustificamur, id est, absoluihur a peccatis, & donamur iustitia Christi ex fide absque operibus. Igitur nunc summo studio bonis operibus inuigilandum est.
 17 Nam Paulus opera bona & necessarium fructum iustitiæ esse scribit, & iustificationis finem proximum facit, & obsequium Deo debitum prædicat, & ex efficacia mortis & resurrectionis Christi in nobis fieri contendit.

18 Accurate proinde distinguendum est, primum inter beneficium Dei gratuitum, & hominis iustificati debitum obsequium. Beneficium Dei est gratia in iustificationem, hoc est, iustificatio hominis gratuita, quæ non ex operibus est: sed ex fide; qua sola gratia iustificans apprehenditur. Obsequium debitum hominis iustificati est, ut homo ea sequatur & faciat, quæ Deo placitura ex regula voluntatis ipsius nouit. Nam iustificati fide, debitores sumus Deo, ut membra nostra præbeamus arma iustitiæ.

19 Deinde distinguendū est inter Legis officium in non conuersis, & in conuersis. In non conuersis est ministerium mortis. Nam illi sunt sub Lege. In conuersis non est ministerium mortis, sed norma vitæ iustissima. Hi enim sunt sub Gratia, rigore Legis vindicati.

20 Ut ergo Lex hæc, de dilectione Dei & proximi, obligat non conuersos ad poenas æternas, cum ab ijs requirit perfectam & perpetuam obedientiam, quam præstare non possunt: ita conuersis, & absolutis a iure Legis, est regula vitæ, ad quam conabuntur vitam suam componere, quod quia non faciunt hypocritæ, sunt fide vacui.

21 Tertio, Præterea distinguendum est inter obedientiam Legis in non renatis & iustificatis. In illis non placet, quia est impura, imo nulla potius. In his placet etsi imperfecta, inchoata tamen. Nam ut iustificati fide placent propter iustitiam Christi, quæ illis imputata est: ita etiam conatus illorum, donec retinent fidem & bo-

nam

nam conscientiam, propter Christum acceptus est, & est Deo gratum sacrificium.

22 His iactis veluti fundamentis, videamus quomodo hæc Lex dilectionis inchoari possit a nobis. Nam dilectio vt summe necessaria obedientia a nobis requiritur, sine qua cætera nihil, vt Paulus testatur.

23 Cum Paulus dicit: Finis Legis est dilectio, ex corde puro, conscientia bona, & fide non ficta, monstrat & vnde manat dilectio Dei atque hominis, & quod nemo possit eam præstare sine notitia Euangelij, & fiducia viva in Christum.

24 Nam vt puritas cordis & conscientie bonitas sūt ex fide vera & viva, cuius fundamentum est notitia Euangelij: (Fides enim ex cognito verbo Dei concipitur) ita dilectio Dei est affectus cordis purus, ex fide per spiritum Christi creatus: ex quo fit, vt nihil cognitione Dei & erga ipsum obediencie anteponamus, vtque præ omnibus, ante omnia, & supra omnia ipsum amemus, adeo vt cupiamus illi iungi, vnumque cum eo fieri.

25 Hic dilectionis affectus erga Deum, tanquam flabellis quibusdam spiritualibus, cogitatione dilectionis Dei, qua nos prius dilexit, meditatione beneficiorum Christi erga nos, fiducia & spe promissorum bonorum, atque ardenti Dei inuocatione, excitandus est, ne fonte impuro carnis obrutus, extinguatur.

26 Ex hac dilectione Dei manat dilectio proximi, qui gestat imaginem Dei. Quare & ipsum propter Deum diligere debemus. Vnde Augustinus: Dilectio est rectissima animi affectio, qua diligitur Deus propter se, & proximus propter Deum.

27 Forma & modus dilectionis proximi additur in Lege, cum dicitur: *Diliges proximum tuum sicut te ipsum.* Proinde amor quo nos ipsos amamus, debet esse regula, ad quam diligendus est proximus.

28 Verum vt hoc recte accipiatur, duo obseruanda sunt. Primum discernendum est inter duplicem amorē

nostri, videlicet vitiosum & laudabilem. Deinde canendum est, ne vitia cum subiectis eorum confundamus.

29 Duplex est amor sui. Vnus qui sequitur sensum carnis, cæcus, inconsultus, ferus & perniciosus sibi & alijs. Hic cum vitiosus sit, non debet esse regula puri amoris, quo diligendus est proximus. Alter est laudabilis, qui sequitur Spiritus impetum, quo cupit animus in illis rebus occupari, quæ Deo sunt gratæ & sibi salutares. Hic amor sui, quia est purus & sanctus, debet esse mensura dilectionis proximi: vnde fit vt cupiamus proximo omnia, quæ ad ipsius incolumitatem & salutem facere videbuntur. Ac simul consilio, opere, precatione, ipsius commoda procuremus atque adiuuemus, & amoliamur ab eo pro nostris viribus, quicquid ipsi vere noxium esse deprehenderimus.

30 Christus Dominus nouam dilectionis proximi formam nobis commendat, cum ait: Diligite vos inuicem, sicuti ego dilexi vos, propter quam causam nouum etiam mandatum vocat. Sicut igitur Christus dilexit nos intime: ita & nos ipsius exemplo, nos inuicem diligere debemus.

31 Alterum, quod obseruandum est in dilectione proximi, est vt caueamus ne vitia cum subiectis confundamus. Vnde Augustinus: Vnusquisque iniquus homo, in quantum iniquus est, odio habendus est, in quantum autem homo est, diligendus est, vt illud quod in eo recte odimus, arguamus, id est, vitium, quo possit illud quod in eo recte diligimus, id est, humana natura, ipso emendato vitio, liberari.

32 Etsi autem neutra dilectio, nec Dei, nec proximi perfecta esse poterit in hac vita, sed tantum inchoatur & crescit pro mensura fidei: tamen cum non sit simulata, sed ex viua fide, conscientia bona, & puro corde proficiatur, placet Deo, & hæc inchoata dilectio est testimonium plenæ regenerationis nostri, quam expectamus, quaque perficietur dilectio & Dei & proximi.

PRIMA LEX

Decalogi.

Non habebis Deos alienos coram me.



V proœmium Decalogi modum notitiæ Dei monstrat, videlicet, per verbum, & testimonium verbo additum: ita Decalogus ipse, quo cultu Deus coli velit, ostendit.

1 Tamen si autē obediētia Decalogi ne inchoari quidem potest, sine notitia Euangelij: tamen Deus iustissimus iuste requirit ab homine, quod sibi iure debetur: & talem Legem præscribit, cui obedientia integra præstari potuisset, si homo in ea integritate perstitisset, in qua creatus fuit.

3 Atque ideo hoc facit Deus, ut agnito morbo, quæramus medicum, hoc est, ut agnito iusto iudicio Dei in nos, confugiamus ad Christum, qui est consummatio Legis, in iustitiam omni credenti. Atque ita demū obedientiam erga Legem inchoemus in hac vita, quæ perficitur in beata illa vita, quam ex fide expectamus.

4 Debemus proinde Legem considerare quadruplīter. Primum, ut sumus creati in Adamo in perfectionis statu. Secundo, ut sumus post creationem lapsi. Tertio, quatenus sumus de nouo creati, & per Christum erecti. Quarto & ultimo, in beatitudinis statu, resuscitatis mortuis.

5 His ita iactis fundamentis, primum præceptū perpendamus, a quo & reliqua pendent omnia, & sine quo nulla erga alia obedientia præstari potest.

6 Est autem hoc primum præceptum: *Non habebis Deos alienos coram me.* Hoc est, Me solum Deum tuum habebis, & non alienos Deos.

7 Ut huius Legis ratio est, quod Deus conditor rerum, solus sit omnium bonorum fons, id quod significa-

tur cum dicitur: Ego sum Dominus Deus tuus: ita finis Legis est, ut omni idololatria & impietate abiecta, solus habeatur Deus noster, & solus a nobis colatur, & non alius.

8 Ut hæc Lex prima requirit cultum vnius Dei, agniti per verbum & testimonium: ita docet non licere vllum cultum Dei instituere, sine mandato Dei. Est enim solius Dei opus cultum ordinare, iuxta dictum, Psalm. 25. Dirigeme in veritate tua, & doce me, quia tu es Deus meus.

9 Porro, habere Deum, est Deum mente, affectu, voluntate, adeoque omnibus viribus complecti, seu ut ipse Deus se interpretatur, Diligere Deum ex tota mente, ex tota anima, & ex totis viribus.

10 Mente habetur Deus, quando vera notitia Dei in mente lucet: videlicet, quod sit vnus æternus & verus Deus, Pater, & Λόγος, & Spiritus sanctus: quod hic Deus sit creator & conseruator rerum omnium: quod sit fons omnis boni: quod suas creaturas amet, gubernet, cõseruet: quod ad se confugientes iuuet, & contra contumaces puniat.

11 Hæc in genere est vera Dei notitia, quæ in duas formas diuiditur: Vt alia sit notitia Dei Legalis, alia Euangelica.

12 Affectu habetur Deus, quando ex vera Dei notitia concipitur vera dilectio, verus timor, constans fiducia, & spes minime vacillans.

13 Voluntate habetur Deus, cum ex mentis recto iudicio, & puro animi affectu, nascitur voluntatis alacritas, ad imperandum omnibus viribus, ut Deo perfectam & perpetuam obedientiam præstent.

14 Viribus omnibus habetur Deus, cum ipsæ vires, interiores & exteriores, voluntati alacriter imperanti, quæ mens recte iudicat, & affectus pure suadent, obsequuntur & imperata faciunt.

15 Contra vero alienos Deos habet, quicumque mente, affectu,

re, affectu, voluntate & viribus, vllam rem creatam vel factam complectitur, sine vero timore Dei, vt ab ea pendat, auxilium speret contra ordinationem diuinam. Hinc Scriptura diuitias, cum illis fiditur, inter alienos Deos numerat. Et Paulus auaritiam idololatriam esse pronunciat.

16 Et his promptum erit colligere opera primi præcepti, quæ sunt. 1. Amor verbi Dei, & consideratio creature totius. 2. Notitia Dei ex verbo & creatura. 3. Dilectio quæ ipsam notitiam excipit. 4. Timor verus. 5. Fides. 6. Alacris voluntas. 7. Conatus omnium virium ad obediendum Deo, 8. Spes, ex qua patientia.

17 Hæc opera in hoc præcepto requiruntur perfecta & perpetua, qualia Adam & Eua præstitissent, si in sua integritate mansissent, qua conditi erant ad imaginem Dei. Post lapsum primorum parentum nullus fuit, neque erit, præter vnum Iesum Christum, qui hanc Legem impleuit.

18 Porro fides, quam requirit per se primum præceptum, versatur circa promissionem additam primo præcepto: videlicet, *Faciam misericordiam in millia iis, qui diligunt me* (scilicet ex toto corde, tota anima, & totis viribus) & *custodiunt præcepta mea.*

19 Et tametsi homo non potest hanc obedientiam præstare: tamen Deus iustissime illam requirit vt debitum, ad quod soluendum obligatus est omnis homo, in primo parente Adam.

20 Quare autem hoc debitum requirat Deus, exponit Christus, Matth. 18. Vbi proponit parabolam de homine rege, & seruo qui debebat decem millia talêta. Sicut enim ille seruus, intellecta debiti magnitudine, confugit ad misericordiâ regis sui, & impetrauit totius debiti condonationem: ita Lex Dei requirit perfectâ obedientiam, vt homo in sese descendens, & agnoscens suû peccatum, iustamque Legis sententiam, ad promissionem quæ Decalogi præcepta præcedit, redeat, videlicet,

Ego sum Dominus Deus tuus. Quæ promissio est pars fœderis initi cum Abrahamo & semine eius, de gratuita iustificatione, & pendet ex prima promissione: Semen mulieris conteret caput Serpentis.

21 Ut autem fide huius promissionis iustificatus est Abraham: ita omnis qui credit, iustificatur, imputata sibi perfecta Legis iustitia, quam Christus præstitit, & homini credenti imputat.

22 Nam quoniam Christus Legi Dei perfectam obedientiam præstitit, iustus est ex Lege, & quia sub Lege factus est, ut eos qui sub Lege erant redimeret, iustitia ipsius credentibus imputatur, ut iusti sint & vivant.

23 Quoniam autem Christus non solum est homo, sed etiam verus & æternus Deus, fit ut eius iustitia, quæ præstitit in sua sanctissima humanitate, sit infinita, ut sufficiat omni credenti in iustitiam. Atque hoc est quod Paulus ait: Christus est consummatio Legis in iustitiam omni credenti.

24 Hinc proinde cum huius primi præcepti, tum aliorum sequentium, usus erit, ut examines conscientiam tuam ad normam Legis, & sententiam Legis recolās hoc ordine.

25 Primum in hoc conscientiaæ examine ad regulam Legis, cum deprehēdis te lege Dei non satisfacisse, agnosce te Legis diuinæ transgressorem esse, agnosce magnitudinem & turpitudinem peccati tui. Secundo, agnosce sententiam Legis, aduersus te latam, iustam esse. Tertio, expauesce ad iram Dei, & dole quod Deum tuo peccato offenderis. Quarto, confugito ad promissionem Fœderis noni, & viua fide recumbe in Christū expiatorē peccati, & ardenter pete remissionem peccatorum, donec responsum Spiritus in corde tuo acceperis, de impetrata Gratia, & imputata Christi iustitia. Quinto, nactus remissionē peccatorum, fide Christi, qui nostra delicta sua delicta fecit, ut suam iustitiā nostrā iustitiā faceret, redi ad Legē, & iuxta illam vitā tuam, quantū quidē id fieri potest, componito.

16 Et tamen si adhuc hærent reliquæ peccati in natura (Vnde sit vt obedientia nostra sit imperfecta) tamen placeat propter Christum, quia non sumus sub Lege, sed sub Gratia.

17 Atque ita Notitia Dei, Amor Dei, Fiducia, Spes & aliæ virtutes, quas requirit Lex, fiunt sacrificium Deo longè gratissimum & acceptissimum.

18 Porro peccata pugnantia cum primo præcepto, ex antithesi facile intelliguntur. Cum vero Deo pugnant alieni Dij, quorum nomine intelligitur, quicquid loco veri Dei haberi hominibus profanis solet. Cum amore verbi, pugnat odium verbi. Cum notitia Dei, pugnat ignoratio Dei, & omnis falsa persuasio de Deo. Cum timore, pugnat profana securitas. Cum fide, diffidentia. Cum spe, desperatio & impatientia. Cum alacritate voluntatis, pugnat auersio voluntatis. Cum virium promptitudine ad obediendum, ignauia & torpor, & quæ Græcis dicitur ἀνείκη.

19 Præmia huius Legis inchoatæ a fidelibus sunt multiplicia, spiritualia & corporalia: vt fauor & misericordia, &c. iuxta promissionem Legi additam.

30 Hæc promissio plane irrita est sine Christo, quare Christum intuetur, qui vt Legi satisfecit: ita huius promissionis est particeps, idque in mille generationes eorum qui ex se per fidem & Spiritum sanctum nascuntur.

31 Si ergo in Christo es per fidem, statue te in fauore Dei & misericordia esse, iuxta Legis promissionem. Nam vt Christus est finis Legis, in iustitiam omni credenti: ita etiam omni credenti benedictionem Legis confert, & promissionem Legis in eo complet.

32 Poenæ violatæ huius Legis in non conuersis est, maledictio & damnatio, & visitatio iniquitatis in tertiâ & quartam generationem.

33 Hoseas 4. cap. meminit specialis cuiusdam poenæ violati huius præcepti, cum ait: Quia oblitus es Legis Dei tui, obliuiscar & ego filiorum tuorum.

SECVNDA LEX

Decalogi.

Non facies tibi sculprile, &c.

I Ex Domini, Exo. 20. hæc est: *Non facies tibi sculprile, neq. omnem similitudinem, quæ est in celo desuper, & quæ est in terra desum, nec e-r-ũ quæ sunt in aquis sub terra. Non adorabis ea. Ego sũ enim Dominus Deus tuus.*

2 Tria hac Lege prohibentur. Primum, ne Deum vili effigie exprimere tentemus. Effigies enim Dei manu hominis expressa, cedit in contumeliam diuinæ maiestatis. Nam cum Deus sit expers corporis, inuisibilis & infinitus: & effigies omnis ex materia corporea sit visibilis, & terminis clausa: fieri non potest sine contumelia Dei, effigiem Dei manu exprimere.

3 Secundum, quod prohibetur est, ne incuruemus nos coram vlllo idolo religionis causa. Nam cum ex duplici natura compositi sumus, anima & corpore, vtrumque debemus Deo videlicet cultum interiorem animæ, & exteriorem corporis.

4 Qui ergo corpore prostermit se coram idolis, religionis ergo, inuertit naturæ ordinem, subiiciens se infra creaturas. Deinde sacrilegium committit, tribuens creaturæ cultum, qui soli creatori debetur.

5 Tertium, quod hac Lege prohibetur, est, ne animo singas tibi Deum, qui non est Deus, & ne animo neques esse Deum, qui reuera est Deus. Id quod & Ethnici fecerunt, qui multitudinem Deorum introduxerunt, & hæretici, qui siue circa diuinitatis essentiam, siue circa personarum distinctionem, siue circa voluntatem diuinæ maiestatis errauerunt.

6 Cur autem Diabolus inuexerit idola in mundum, & quæ fuerit eorum prima occasio, Sapien. 14. exponitur. Ita enim ait Sapiens:

7 In opificio Dei, ad abominationem sunt deformati simulachra, ad offensionem animis hominum, ad laqueum pedibus insipientum iniiciendum.

8 Initium enim scortationis, (id est idololatriæ) exagitatio simulachrorum est, atque eorundem inuétio, vix corruptela. Neque enim ab initio erant, neque in æternum erunt. Quippe hominum ambitione in mundum sunt introducta.

9 Cum his consentiunt multæ Prophetarum concinnationes, quæ abominationem idolorum extreme damnant, et quæ homines paulatim a vero Deo abducant.

10 Quid dico de Prophetis? Imo & Ethnici saniores simulachra Deorum abominati sunt.

11 Numa (vt Plutarchus refert) prohibuit Romanos colmare imaginem Dei aut hominis speciem, aut animalis habere formam: propterea nefas esse putabat deo-rioribus meliora assimulare, nec aliter posse Deum percipi quam intelligentia.

12 Varro acutissimus atque doctissimus autor (teste Aug.) dicit antiquos Romanos plusquã annos 170. Deos sine simulachro coluisse. Quod si adhuc, inquit, mansisset, cultus Dii obseruarentur. Cuius sententiæ suæ adhibet inter cætera gentem Iudæam. Nec dubitat eum locum concludere, vt dicat. Qui primi simulachra Deorum populis posuerunt, eos ciuitatibus suis & metum demeruisse, & errorem addidisse.

13 Ante annum Domini 427. Sancti Patres qui doctrinam sine Pontificijs corruptelis retinuerunt, nullam hanc simulachra in templis Christianorum esse permiserunt. Sciuerunt quanti damni occasionem olim præbuisse simulachra.

14 Verum posterior ætas, paulatim deficiens a puritate doctrinæ, imagines & simulachra inuexit in Ecclesiam, non sine magna, & Imperiorum ruina, & veræ religionis iactura.

15 Essi autem consilium eorum, qui primum pinxerunt

imagines in templis Christianorum nō fuit pessimum: tamē procedente tempore, error auctus est, & idololatria, per Romanos pōtīfices, contra Græcos est defensa.

16 Et tandem eo perducta est res, quod præcipua pars cultus diuini, collocata fuerit in cultura simulachrorum. Id quod in regno Antichristi videre est.

17 Porro, ne quis artem pingendi & sculpendi, prohibitione imaginum & idolorum damnari existimet, conferat Legem prohibitionis cum alijs præceptis & exemplis Scripturæ, quibus aliquæ imagines & simulachra approbantur.

18 Mandatum Dei est, Exod. 25. Duos Cherubim æreos facies ex utraque parte propiciatorij. Fuerunt autem Cherubim alatae imagines, in quibus hominis species præualebat. Hos postea Solomon in suo templo curauit fieri, ad exemplar eorum qui fuerunt in tabernaculo.

19 Solomon in fabrica templi boues sculpi mandauerat. Ita enim legimus, 2. Paralip. 4. Similitudo quoque bouum erat subter illud. Item: Duo ordines erant bouum fusorum.

20 Ex hoc mandato Dei & exemplo Solomonis efficitur, quod imagines & simulachra non prohibeantur simpliciter, sed secundum quid, ut loquuntur in scholis.

21 Prohibentur ergo tribus de causis. Prima, cum rem non tantum non repræsentant, sed eius maiestatem lædunt. Ut cum Deus pater pingitur, cana barba, in capite gerens triplicatam coronam, more Paparum. Secunda, cum prostituuntur cultus ac venerationis causa, ut in Papatu, quem usum Prophetæ passim damnant. Tertia, ne sint idololatriæ occasiones, obscurata temporis doctrina, quemadmodum fieri consuevit.

22 Porro, cum ex ijs quæ dicta sunt manifestum sit, non simpliciter prohiberi & damnari simulachra, quaeritur, an possit aliquis esse non impius simulachrorum usus

23 Triplex est in vniuersum imaginū & simulachrorum vsus, videlicet, superstitiosus, typicus & politicus.

24 Superstitiosus, vt contumeliosus in Deum & eius creaturas, solus damnatur verbo Dei.

25 Typicus vsus in veteri Testamento fuit, vt rem aliquam diuinam, sub imagine rei incurrentis in oculos, adumbraret. Veluti æneus serpens suspensus in deserto, adumbrabat Christum, Ioan 3. Hic vsus tantisper fuit licitus, donec populus Ægyptio more eum adorare cœpit. Quod cum videret Ezechias rex pius (haud dubie admonitus a sanctis Dei Prophetis, quorum officium erat voce damnare istam idolomaniam,) illum confregit, relinquens omnibus regibus & principibus exemplum, vt & ipsi tollant instrumenta idololatriæ, ne impediatur verus Dei cultus, & caueant, ne posteris instrumenta relinquant impietatis.

26 Politicus vsus imaginum & simulachrorum est, cum sine superstitione pinguntur imagines, aut fiunt simulachra alicuius vtilitatis gratia.

27 Est autem hic politicus vsus triplex, videlicet, historicus, symbolicus, & ornatus causa inuentus. Hi donec manserint intra suos limites, nullo iure damnari possunt.

28 Historicus vsus est, qui historijs seruit, hoc est, qui ad intelligendas rectius rerum descriptiones, & ad memoriam rerum conseruandam facit. Hic vsus & in libris & alibi licitus est.

29 Symbolicus vsus est, qui de re alia, quæ significatur imagine, tanquam Symbolo intuentes admonet. Vt imago in moneta Cæsaris, admonebat Iudæos, quod Cæsari essent subiecti. Vnde Christus infert: Date ergo, quæ sunt Cæsaris, Cæsari. Est & hic vsus licitus, si non contaminatur aliunde.

30 Ornatus causa inuentus vsus est, qui ornandi gratia sine superstitione adhibetur. Hic etiam concessus est, dummodo nulla superstitio accesserit.

LEX TERTIA

Decalogi.

Non assumes nomen Domini Dei tui in vanum.



1 Ratio huius Legis est: Deus conditor rerum, solus omnium bonorum fons est & dator: ita finis est, ut maiestas nominis Dei inter homines habeatur sacrosancta.

2 Huc pertinent verba Psalmi 71. Benedictus Dominus Deus Israel, qui fecit mirabilia solus. Benedictum nomen maiestatis eius in seculum, repletur maiestate eius vniuersa terra.

3 Huius maiestatis fundamentum est ipsa diuina essentia simplicissima, personarum Trinitas, potentia immensa, summa bonitas, sapientia infinita, misericordia ineffabilis, missio Filij, ut homo fieret & victima pro peccato, amplitudo imperij, cum alijs virtutibus Deo dignis.

4 Terminus est, A creatura rationali, id est, ab hominibus & angelis, sentiri, agnosci & prædicari, cum summa subiectione, reuerentia & cultu.

5 Reciprocus respectus fundamenti & termini est ipsa maiestas, summusque honor, qui Deo, sapientissimo, potentissimo, iustissimo, & misericordissimo debetur.

6 Est quoque sciendū, quod Maiestatis vox, interdum pro solo fundamento ponitur, ut in illo: Scrutator Maiestatis opprimetur a gloria: interdum pro termino, ut in Psal. Replebitur Maiestate eius vniuersa terra.

7 Est proinde Maiestas, magnificus ille splendor gloriæ, qui comitatur honorem summum & reuerentiam, quæ præstantur Deo optimo, potentissimo ob summa beneficia, merita & virtutes.

8 Hinc iam promptum est colligere, quid per nomen Dei significetur in hac Lege: *Non assumes nomen Dei*

videlicet, quod nomen Dei sit, cum ipse Deus, tum quicquid de eo digne dici potest, utpote omne quod in eius notitiam, famam & gloriam vergat.

9 Hoc Dei nomen legitime usurpat, qui cum summa subiectione illud sacrosanctum habet, cauereque, ut nec sentiat nec dicat quod vel minimum Maiestati ipsius deroget.

10 Ut ergo opera omnia in hac Lege præcipiuntur, quæ ad nomen Dei illustrandum & prædicandum inter homines facere videntur: ita ea omnia prohibentur, quæ præceptis operibus quouis modo aduersantur.

11 Nos autem exempli gratia quædam ὑπερβαλλόντως recipimus, ad quæ reliqua non difficile referri poterunt.

12 Primum locum inuocationi vnius Dei tribuamus, quæ inuocatio est eleuatio mentis ad Deum aliquid ab eo petentis vel deprecantis. Huic opponuntur omnia quæ pugnant cum vera inuocatione Dei, ut inuocatio Sanctorum, battologia, magicæ preces, exorcismi creaturarum, sine fide inuocare, &c.

13 Secundum opus huius Legis sit, prædicatio operû Dei, potentia, sapientia, iustitia, misericordia, veritas, &c. Huic opponitur quicquid detrahit aliquid, vel potentia, vel sapientia, vel iustitia, vel misericordia, vel veritati Dei.

14 Tertium opus sit gratiarum actio, qua & agnoscimus Dei beneficia, & ea cum summa reuerentia prædicamus, gratias pro omnibus agentes per Iesum Christum. Huic opponitur hypocrisis, cum ore sine mente Deo agimus gratias, ut Phariseus fecit, & qui in templis Psalmos decantant pro mercede. Hi enim potius suo ventri quam Deo seruiunt.

15 Quartum opus sit, glorificatio Dei, videlicet, mente recte de Deo sentimus, ore prædicamus, vita & moribus, quod recte sentimus, exprimimus. Huic opponitur omnis hæresis, scandala, schismata, cōtentiones inutiles,

LEX TERTIA

Decalogi.

Non assumes nomen Domini Dei tui in vanum.



1 **V**eritas ratio huius Legis est : Deus conditor rerum , solus omnium bonorum iors est & dator : ita finis est , vt maiestas nominis Dei inter homines habeatur sacrosancta.
2 Huc pertinent verba Psalmi 72. Benedictus Dominus Deus Israel , qui fecit mirabilia solus. Benedictum nomen maiestatis eius in seculum , replebitur maiestate eius vniuersa terra.

3 Huius maiestatis fundamentum est ipsa diuina essentia simplicissima , personarum Trinitas , potentia immensa , summa bonitas , sapientia infinita , misericordia ineffabilis , missio Filij , vt homo fieret & victima pro peccato , amplitudo imperij , cum alijs virtutibus Deo dignis.

4 Terminus est , A creatura rationali , id est , ab hominibus & angelis , sentiri , agnosci & prædicari , cum summa subiectione , reuerentia & cultu.

5 Reciprocus respectus fundamenti & termini est ipsa maiestas , summusque honor , qui Deo , sapientissimo , potentissimo , iustissimo , & misericordissimo debetur.

6 Est quoque sciendū , quod Maiestatis vox , interdum pro solo fundamento ponitur , vt in illo : Scrutator Maiestatis opprimetur a gloria : interdum pro termino , vt in Psal. Replebitur Maiestate eius vniuersa terra.

7 Est proinde Maiestas , magnificus ille splendor gloriæ , qui comitatur honorem summum & reuerentiam , quæ præstantur Deo optimo , potentissimo ob summa beneficia , merita & virtutes.

8 Hinc iam promptum est colligere , quid per nomen Dei significetur in hac Lege : *Non assumes nomen Dei*

qui in Vanum, videlicet, quod nomen Dei sit, cum ipse Deus, tum quicquid de eo digne dici potest, utpote omne quod in eius notitiam, famam & gloriam vergat.

9 Hoc Dei nomen legitime usurpat, qui cum summa subiectione illud sacrosanctum habet, cauereque, ut nec sentiat nec dicat quod vel minimum Maiestati ipsius deroget.

10 Ut ergo opera omnia in hac Lege præcipiuntur, quæ ad nomen Dei illustrandum & prædicandum inter homines facere videntur: ita ea omnia prohibentur, quæ præceptis operibus quouis modo aduersantur.

11 Nos autem exempli gratia quædam ὑπερβλήως recitabimus, ad quæ reliqua non difficile referri poterunt.

12 Primum locum inuocationi vnius Dei tribuamus, quæ inuocatio est eleuatio mentis ad Deum aliquid ab eo petentis vel deprecantis. Huic opponuntur omnia quæ pugnant cum vera inuocatione Dei, ut inuocatio Sanctorum, battologiæ, magicæ preces, exorcismi creaturarum, sine fide inuocare, &c.

13 Secundum opus huius Legis sit, prædicatio operum Dei, potentia, sapientia, iustitia, misericordia, veritatis, &c. Huic opponitur quicquid detrahit aliquid, vel potentia, vel sapientia, vel iustitia, vel misericordia, vel veritati Dei.

14 Tertium opus sit gratiarum actio, qua & agnoscimus Dei beneficia, & ea cum summa reuerentia prædicamus, gratias pro omnibus agentes per Iesum Christum. Huic opponitur hypocrisis, cum ore sine mente Deo agimus gratias, ut Phariseus fecit, & qui in templis Psalmos decantant pro mercede. Hi enim potius suo ventri quam Deo seruiunt.

15 Quartum opus sit, glorificatio Dei, videlicet, mente recte de Deo sentimus, ore prædicamus, vita & moribus, quod recte sentimus, exprimimus. Huic opponitur omnis hæresis, scandala, schismata, cōtentiones inutiles,

iurationes temerariæ, flagitiosi mores, quibus nomen Dei apud hostes religionis blasphematur.

16 Quintum huius Legis opus sit, confessio veræ religionis publica & priuata. Publica cernitur in coetu piorum, quando cum alijs pijs conuenimus, cum iis simul precamur, & Sacramentis communicamus. Priuata consistit in fortitudine animi inuicta, cū interrogati ab hostibus, palam testamur fidem nostram. Nam vt corde creditur ad iustitiam: ita ore fit confessio ad salutem. Huic opponitur abnegatio Dei, quæ fit vel voce, vel signo, vel moribus.

17 Sextum opus sit huius Legis, cultus iurifurandi, cui opponuntur peierationes, execrationes, temeraria iuramenta, de quibus alias.

IURAMENTVM.



1 **V**alde necessarium est, pios recte institui de iurifurandi religione, ne vel cum Manichæis & Anabaptistis omnia iuramenta impie aboleant: vel cum promiscua hominum multitudine, temere iuramentis assuescant.

2 Vtrumque sane valde est perniciosum. Nam vt religione iuramentorum sublata, sublata & fides est iustitiæ fundamentum, & sine qua omnis vitæ humanæ ratio periclitatur: ita temerarijs friuolisque iuramentis & periurijs polluitur nomē Dei. Vnde horrendæ poenæ & in familijs & in rebus publicis sæpe conspiciuntur.

3 Non enim frustra hæc comminatio Legi addita est: *Non habebit Deum in fontem, qui assumsit nomen Dei sui in Vanum.* Et Sapiens ait: Vir multum iurans, replebitur iniquitate, & non discedet plaga de domo eius.

4 Taceo Papistarum commentum, qui tametsi fatentur quædam iuramenta Christianis licita esse: tamē persectis, quos fingunt, omnem iurifurandi vsum adimunt.

5 Vt

5 Vt autem ordine iusto procedamus: Primum, quid sit iuramentum dicemus notatis præcipuis generibus. Deinde, quæ in legitimo iuramento requiruntur, expendemos. Tum, regulas colligemus, quibus regi conuenit iuramenta. Postremo, illicitorum iuramentorum, & di-rarum, execrationum & deuotionum, abominationem & poenam, indicabimus.

6 Iuramentum itaque proprie est inuocatio & attestatio Dei, super re, sub conditione poenæ, si fallimus. Vltimo autem sic: Iuramentum est affirmatio vel negatio, factæ rei attestatione firmata. Sed prior definitio, ex verbo Dei: posterior, ex consuetudine iurantium desumpta est.

7 Est autem duplex iuramentum. Simplex, vt inter priuatos. Solenne seu publicum: vt inter populos diuersarum nationum: vt inter principem & populum. Vtrumque est aut assertorium de re præsentis vel præteritæ: aut promissorium, quum promittitur aliquid, Sacramento iurisiurandi interposito.

8 Iurans autem duo petit. Primum, vt Deus sit testis eorum, quæ iuramento affirmantur vel negantur. Alterum, vt sit ultor si fefellerit. Cum ergo quis dicit: Testis est mihi Deus: vel, iuro per Deum, sensus est: Deum, quem inuoco, in testem voco, & ab eo peto, vt si fallam, me puniat iuxta comminationem: Non habebit Deus in-sontem, quisquis vane usurpauerit nomen eius.

9 Vt itaque iurans sit cautior, cogitet ordine hæc quinque: Præsentiam Dei, omniscientiam, veritatem, iustitiam & potentiam,

10 Præsentia Dei cogitatio, accendet in iurante timorem Dei, & reuerentiam erga diuinam Maiestatem, vnde fiet, vt coram tanta Maiestate nihil temere effutiat, asseueret, aut promittat.

11 Cogitatio omniscientiæ, tribuet Deo hanc laudē, quod, vt omnia nouit, vel occultissima: ita omniū, quæ dicuntur & fiunt, locupletissimus testis esse possit.

12 Veritatis præterea laudē Deo tribuet, quasi ipse mē-

dacia, tanquā Diaboli hostis sui signa, auersatur & odit
& ea quæ vera sunt, tanquam sua tuetur & amat.

13 Cogitatio iustitiæ Diuinæ monet, quod Deus & pium iuramenti vsum præmijs ornare, & contra, periu-
ros horrendi poenis punire velit.

14 Ne autem quis putet, vel præmijs cariturum, si pie
& sancte iurauerit: vel poenas euasurum, si vane nomen
Dei sumserit: potentia Dei cogitanda est, qua potest om-
nia quæ vult, & vult omnia quæ Verbo suo promissit.

15 Iam, vt secundo loco proposuimus, expendamus
quæ ad legitimum & necessarium iuramentum requi-
runtur. Ieremias tria ponit, cum inquit: Iurabis in veri-
tate, & in iudicio & in iustitia.

16 Veritas est, non fluctuans opinio, sed firma & so-
lida notitia eius rei, super qua iuratio fiet. Nam qui in-
certus est aut dubius, & nihilominus iurat: is & Deum
contemnit, & se vanitatis periculo apud homines ex-
ponit.

17 Iudicium est deliberatio & consultatio in mente
iurantis, quo vt Deum, quem testem adhibet, in con-
spectu habet: ita cauet, ne tempestate affectuum, aut in-
cogitantia abripiatur, ad iurandum id, cuius postea ip-
sum poenitebit.

18 Hoc ergo, iudicium, quod timore Dei regitur, fa-
cit vt nec in re falsa quis iuret. Nam hoc esset Deum mē-
dacem testem producere: nec in re leui, quod esset Deū
contemnere, & ipsius sanctum nomen paruifacere: nec
in re, cui facile fides adhiberi possit, vel sui euidentia,
vel grauitate & autoritate dicentis. Nam hoc esset plane
superuacaneum: nec in re, quæ humano testimonio con-
firmari sine iurisiurandi religione possit. Nam hoc esset
repudiare testimonium diuinitus oblatum: nec in re
turpi, impia, iniusta, impossibili, si promissorium iura-
mentum petitur. Nam hoc manifeste contra legem natu-
ræ, & contra mandata Dei esset.

19 Iustitia, causas iurationis iustas esse vult. Vt enim,
Iudi-

Iudicium, incautum: Veritas, falsum: ita iustitia, illicitum iuramentum repudiat.

10 Isocrates duas causas iustas numerat, in quibus iuramentum delatum suscipere possumus, videlicet, cum aut de nostra fama & existimatione agitur, aut de salute amicorum, videlicet, ut aut liberemus nos ipsos turpi crimine, aut amicos periculo. Non vult honestos, probos & modestos, iusiurandum postulare: ne in aliquam auaritiæ, aut privati commodi suspensionem veniant.

11 Hæc Isocratis hominis Ethnici sententia, monet quanta religio iurifiurandi olim fuerit, etiam apud homines ignaros Euangelij: quæ profecto res merito multos, qui Christiani dici volunt, extremæ vanitatis accusat, qui sola leuitate adducti, singula fere verba, singulis iuramentis, in contumeliam Dei polluant.

12 Etsi autem Isocratis sententiam, ut in Ethnico, probò: tamen clarius explicandum iudico, quænam iustæ causæ sint iurationis apud Christianos.

13 Quatuor proinde causas necessarias & pias liciti iuramenti, in exemplis approbatis inuenio. Quarum prima est, cum agitur de gloria Dei. Secunda, cum salos & existimatio proximi in discrimen venit. Tertia, quoties de propria iurantis necessitate disceptatur. Quarta, cum a magistratu iustis de causis, postulatur testimoniū, sub iurifiurandi religione.

14 Vbi autem nulla harum quatuor causarum, necessario requirens iuramentum, subfit, iusta ira Dei prouocatur in iurantem, ut in eum qui nomen Domini sacrilege polluat.

15 Porro, quia contingit ut homines aliquando iurent, vel coacti metu, vel errore decepti, vel affectibus abrepti: tenendæ sunt regulæ, quibus huiusmodi iuramenta regi oportet.

16 Prima regula, Quicquid iuratum fuerit, siue Deo, siue homini, quod cum gratia Dei & sine peccato præstari potest, omnino præstandum est.

27 Vbi ergo tantum de nostra vita & fortunis agitur, nomen Dei præferemus nostræ incolumitati.

28 Ex hac regula sequitur, quod pius ne hosti quidem fidem, quam iureiurando confirmauit, fallere debeat, ne in periurij crimen incidat.

29 Iure proinde M. Regulus in hoc laudatur, quod potius mortem oppetere voluerit, quam fidem hosti datam non seruare.

30 Puniti diuinitus violati iusiurandi ab hoste, insigne apud Horosium lib. 5. cap. 18. habemus exemplum, vbi dicit populum quendam Romanorum legiones, quibus sese dedit & per iuramentum pacem cum ijs iniit, subita perfidia ex insperato occidisse. Vnde statim in vltionem tanti periurij, panem fractum apud populum illi sanguine manasse: animantia quoque domestica ab hominibus ad syluas discessisse, balatibus, mugitibus & latratibus cælum repleuisse. Tandem populum illum a Lucio Pompeio esse victum, & plane extinctum, &c. Vtique adeo ira Dei exarsit in fœdisfragos & periuros.

31 Secunda, Si cum mandatis Dei pugnat, ad quod se aliquis iureiurando astrinxit, nequaquam præstandum est. Nam quod Deo displicet, non debet pius velle. Quare illud nec iuratus nec iniuratus præstabit. Siquidem cum non sit sui iuris, non licet vt contra voluntatem Dei se obliget.

32 Monachus proinde & Monacha errore seducti, postquam rectius instituti fuerint, possunt votum iureiurando firmatum violare.

33 Cum enim scriptum est a Propheta, & a Christo pronunciatum, vt decretum Dei inuiolabile, Frustra melcolunt doctrinis & mandatis hominum: contra Deum peccant, qui, vel ob votum, vel bonam alioqui intentionem, hoc Dei decretum transgrediuntur.

34 Hac regula excusatur Dauid, qui non interfecit Nabal, qui tamen se eum occisurum religione iurisiurandi astrinxit. Scriptum est enim; Non occides. Saul autē, qui

qui se magis dilexit quam Deum, prius voluit impium & iniustum iuramentum præstare, quam videri aliquid contra iuramentum facere, adeo quod filium virū sanctum, ne videretur periurus, de medio tollere voluerit. Sic & Herodes, duplicauit peccatum sc̄uiens in innocentem Ioannem, propter stultū & temerariū iuramentum.

35 Et si autem is, qui vel errore deceptus, vel affectibus abreptus iurat, iurando peccat: tamen non est duplicandum peccatum, si contra voluntatem Dei fuerit, quod iuratum est.

36 Huc dictum Isidori pertinet: In malis promissis rescinde fidem: in turpi voto, muta decretum: quod incaute vouisti, ne facias. Impia est enim promissio, quæ cum scelere adimpletur.

37 Tertia regula: Iuramenta quæ vel implicitam vel expressam habent conditionē annexam, haud obligant, non seruata conditione. Sed iuratus, iudicio & sententia iudicis absolui debet.

38 Cum his nequaquam pugnat præceptum Domini, Matth. 5. Ego dico vobis, ne omnino iuretis, sed sit sermo vester: Est, est, Non, non.

39 Nam Christus non ibi tollit Patris Legem: videlicet. Per nomen meum iurabis. Sed leuitatem Iudæorū in iurando, iurandi formas & periurium damnat, quibus polluitur nomen Dei, quod sacrosanctum ab omnibus haberi conuenit.

40 Quicumque enim ex leuitate iurant, periurij periculo obnoxij sunt, & rei polluti nominis Diuini. Qui per creaturas iurant, violant iurisiurandi Legem, videlicet, Per nomen meum iurabis. Qui peierant, maledictioni & vindictæ diuinæ se subijciunt.

41 Et si autem per creaturas iurare non licet: tamen res nobis caras in medium adducere, tanquam pignora & creaturas Dei, tanquam gloriæ diuinæ symbola, licet. Paulus Deum testem inuocat in animam suam. Moses testes inuocat, coelum & terram ipsius opificis intuitu. Sic

cum iuramus per Deum, & sanctum Euangelium, Deum quidem testem dictorum facimus: nobis vero poenam imprecamur, si fallimus, quæ est privatio fructus Euangelij, adeoque beneficiorum Christi.

42 Augustinus proinde recte ait: Iuratio falsa, et pernitiola: vera, periculosa: nulla, secura.

43 Porro, cum tantum sceleris sit in temerarijs iuramentis & periurijs, quis poterit oratione explicare, quantum sit abominationis in vsitatis vulgo diris, execrationibus & deuotionibus?

44 Audire est enim multos, qui non solum temere iurant, per mortem & vulnera Dei: verumetiam morte & vulneribus Dei abutuntur, ad horrendas execrationes & diras deuotiones, ad quas absque omni dubio contemiscunt angeli Dei, cum audiunt maledictioni & perniciæ hominum, accommodari mortem & vulnera Dei: unde benedictio & salus hominum effluit.

45 Hanc horrédam blasphemiam olim apud nonnullas gentes pius Magistratus puniuit, interdum mutilatione membrorum, vt digitorum, aurium, narium: interdum executione linguae: nonnunquam submersione in proxima flumina.

46 Scribitur Ludouicus rex Galliarum, ciuem quendam Parisiensem, propter huiusmodi diras, per mortem & vulnera Dei, deuotiones puniuisse: admoto labijs ipsius candente ferro, vt in ijs per quæ peccarat, puniretur, in terrorem & exemplum aliorum.

47 Verum, cum hoc quidam ex Satrapis iudicarent crudelius, adeunt Regem, improbant factum: quibus sanctus Rex respondet: Optarem mihi tale stigma inui labijs, toto vitæ meæ tempore portandum: modo possim blasphemiam istam de meo regno tollere.

48 Præclara vox, & digna vere Christianissimo rege, cuius exemplum si multi imitarentur, minus prouocaretur ira Dei, & sanctior esset & privata & publica disciplina.

49 Sed, proh dolor, ita inualuit deierandi & ex-
trandi consuetudo, in omnibus statibus hominum: vt
facilius inueteratam lepram, quam hoc malum cura-
ueris.

50 Huius mali rei sunt, Primum parentes, qui suos
domesticos exemplo docent abuti nomine diuino. Deinde
ministri Euangelij, qui eos, quos norunt singulis fere
verbis iuramenta adhibere, non admonent in priuato
colloquio, ante vsum Coenæ Dominicæ. Postremo, ma-
gistratus, qui Legem non statuit in profanatores nominis
domini: cum tamen sit custos vtriusque tabulæ.

MAGIA.

QUONIAM Deus serio vult suum no-
mē inter homines sacrosanctū haberi, &
requirit ab omnibus hominibus notitiā,
fidem, spem, gratiarum actionem, iuxta
verbi regulam: damnat omnem abusum
nominis & verbi sui: quorum profanatoribus æternas
penas comminatur.

2 Verum quia Diabolus hostis Ecclesiæ est, nihil ma-
gis in votis habet, quam vt indies magis magisque cres-
cat inter homines profanatio nominis & verbi Dei. Nam
huiusmodi profanatione, tanquam machina quadam
bellica, muros Ecclesiæ subruere nititur.

3 Hinc fit quod Diabolus adeo obsequentem se præ-
beat stultis hominibus, qui nomine Dei, & sacrosancto
eius verbo ad magicas superstitiones, figuras & sacrile-
gas adiurationes abutuntur.

4 Et si autem horrendum est, cogitare tantam tyran-
nidem exerceri a Satana in humanum genus: tamen ma-
gis horrendum est, iustissimam iram Dei, permittentis
Diabolo hanc tyrannidem, cogitare.

5 Causa autem huius permissionis exponitur ab A-
postolo Paulo, 2. Thess. 2. Mittet (inquit) Deus efficacem

illusionem, vt credant mendacio, vt damnentur omnes, qui non crediderunt veritati, sed consensere iniquitati.

6 Hæc efficax Satanæ illusio, continet omnes artes & vias, quibus ipse, vel verbum Dei corrumpit, velleo abutitur in contumeliam Dei, & in damnationem eorum, qui a Satana seducuntur.

7 Hic nominis & verbi Dei abusus turpissimus, indignissimus & maxime sacrilegus, cernitur in magicis incantationibus, signationibus & impijs adiurationibus.

8 Etsi autem Satan nec incantationibus, nec signationibus, nec conceptis adiurationibus reuera cogi potest: tamen iste impostor Spiritus fingit se cogi, sæpe etiam inuitum, ad faciendum ea, quæ illi a Magis & incantatoribus, imperantur.

9 Habet autem Satan eas, suæ obedientiæ erga Magos & incantatores, causas, quæ merito omnes homines reprimerent, ne se Diabolo tam fatue subijcerent, in contumeliam Dei.

10 Prima causa est, quod Diabolus optime sciat, nulla re magis profanari nomen & verbum Dei, quam Magica impietate.

11 Secunda, Pulchrum spectaculum Satanæ est, quod videat, homines a se doctos & seductos, contemnere apertum Dei interdictum, abnegare fidem. Nam cum verbum Dei sit regula fidei, fieri non potest, vt fides consistat, vbi eius regula amittitur, vel ad impiam profanitatem transfertur.

12 Tertia, Matth. 4. indicatur, quod Diabolus expectat, vt homines alia media quærant incolumitatis & gloriæ, quàm diuinitus ordinata. Hoc est, impellit homines, vt audeant corrigere ordinationem diuinam. Quæ sane horrenda tentatio Dei est.

13 Est autem ordinatio diuina, vt nomen & verbum Dei seruiant Christi regno erigendo, & saluti hominibus parandæ. Contra hanc ordinationem aperte faciunt.

quæ

qui nomine & verbo Dei abutuntur ad magicas superstitiones, quibus erigitur, fulcitur, stabilitur & propagatur regnum Diaboli. Quid quæso Diabolo magis gratum esse poterit?

14 Taceo Ethnicum furorem, taceo damnatam superstitionem, taceo pactionem cum Diabolo, taceo cultum & venerationem Diaboli: quibus cum imprimis delectatur Satan, non mirum est eum se adeo obloquentem præbere aniculis, maleficis ac Magis.

15 Vt autem hanc profanitatem auerteret Deus a suo populo, qui Ethnica profanitate corruptus erat in Aegypto: Legem statuit de maleficis & incantatoribus tollendis e medio. Et laudandæ sunt Leges imperatoris & Pontificis, latæ in istam horrendam blasphemiam.

16 Nullo enim pacto ferendi sunt inter homines, qui ad incantationes magicas abutuntur nomine & verbo Dei, ut qui putent nos talem Deum habere, qui patrocinetur impietati a se damnatæ.

17 Genera & formas antiquæ magiæ ideo omitto: quia laudabilius est illa ignorare, quam scire, & in lucem proferre.

18 Certum est Diabolum, tanquam simiam, Deum imitari in erigendo & stabiliendo suo regno. Nam ut Deus Verbo, Sacramentis, Miraculis & Spiritu suo erigit suum regnum & propagat: ita Satan suo verbo, (cum verbum Dei suum facit abusu) suis Sacramentis, (id est characteribus, figuris, fabis, pilis, & nescio quibus alijs nugis) suis præstigijs (loco miraculorum) & suo Spiritu (quo efficax est in voce magorum, incantantium & adiurantium.)

19 Ne quis autem ambiguitate vocis Adiurationis decipiatur, sciat verbum adiurandi, plura, habere significata.

20 Primum enim significat idem, quod simplex verbum iurare, nisi quod Ad particula irritum & aduersum notat.

21 Secunda, Adiurare significat facere vt aliquis iuret, & iureiurando interposito, aliquid promittat.

22 Tercio, ad genus transfertur, & significat, nunc imperare aliquid, interposita diuini nominis autoritate, nunc rogare aliquem, vt ob religionem & metum Dei aliquid agat, vel non agat.

23 Hinc adiuratio, Quæ si fuerit Dæmoniorum, nititur fide miraculorum adiurantis. At si hominum fuerit, pendet vel ab autoritate, vel obtestatione adiurantis.

24 Quarto, Magicis impossitoribus, adiurare, est virtute pronuntiationis conceptorum verborum, additis nec certis characteribus, nunc nescio quibus alijs nugis, & cæremonijs, adigere Diabolum, vel alias creaturas, ad imperata facienda.

25 Porro, vt sciatur, nos non omnem adiurationem damnare, obseruetur quod triplex sit adiuratio, Diuina, Magica & Adiaphora.

26 Diuinam voco, per quam, interposito iureiurando & innocato nomine Christi, Dæmonia eiiciebantur in primitiua Ecclesia, fiducia Christi. Hoc enim faciebat tum temporis, ad commendandam hominibus potentiam Christi, & ad confirmandam certitudinem Euangelij Christi.

27 Huiusmodi tamē adiuratio nec Christo, nec Apostolis vsitata fuit. Sed alijs quibusdam pijs, minoris autoritatis & gradus. Nam vt Christus, sua autoritate propria: ita Apostoli, autoritate Christi, simpliciter præceperunt Diabolis vt exirent de hominibus.

28 Paulus in Actis ait: Præcipio tibi per nomen Iesu, vt ex eas ab ea. At Exorcista sic dixisset: Adiuro te per nomen Iesu, vt ex eas ab ea, hoc est, præcipio tibi autoritate Christi & metu potentiz eius, ac si ipse Christus tibi præciperet, vt ex eas, &c.

29 Magica adiuratio est, quando verborum efficacia & verbis conceptis, & nescio quibus cæremonijs, putat exorcista se Dæmones cogere, aut alias creaturas ad aliquid

quid faciendum. Vt cum serpentes adiurati & incantati, venena retinent, & nō lzdunt gestatorē: sed videntur cū illo quasi colludere. Sed malignus spiritus dū corpus hominis illzsum seruat, veneno pessimo animum interficit.

30 Adiaphoram adiurationem appello, qua quis & bene & male vri poterit. Qualem iudico eam quz in nobis Ecclesijs adhibetur, in Baptismo infantium.

31 Nam si adhibetur tantum ad significandum, qualis sit conditio hominis extra Christi gratiam, & qualis efficiatur per Christi gratiam: nemo eam iuste improbare poterit. Siquidem admonet & de sententia Legis in non reconciliatos, & de gratia Euangelij in eos, qui Christo inseruntur per Baptismum.

32 Atsi adhibetur, vt in Papatu, cum insufflatione & Chrismate, ad expellendum Diabolum, actu habitantē in homine: non caret manifesta impietate & stultitia. Nam nec Diabolus in infantibus Christianorum parentum habitat. Sunt enim participes fœderis initi inter Deū & Abrahamum patrem nostrum. Nec miraculis clarent ministri Ecclesiz hoc tempore. Nam miracula ad tempus tantum durare debebant.

33 Est etiam adiophora adiuratio, quando homo hominem adiurat. Nam bona quidem est, si e causa bona procedit, & ad bonum finem tendit. Vt cū Paulus adiurat Thessalonicenses, vt Epistola ijs scripta legatur coram omnibus fratribus. Mala vero erit, si temerarie fit, leuem ob causam. Tum enim, vt iuramentum leue, damnatur.

P R A E D I C T I O N E S

futurorum.

N E C E S S E est Ecclesiā recte institui, de vtilibus & perniciosis prædictionibus futurorū euentū, ne vel secure cōtemnat viles & laudabiles prædictiones vel iuperstitiose inuoluatur perniciosis prænūciationibus, in

21 Secunda, Adiurare significat facere vt aliquis iuret, & iureiurando interposito, aliquid promittat.

22 Tercio, ad genus transfertur, & significat, nunc imperare aliquid, interposita diuini nominis autoritate, nunc rogare aliquem, vt ob religionem & metum Dei aliquid agat, vel non agat.

23 Hinc adiuratio, Quæ si fuerit Dæmoniorum, nititur fide miraculorum adiurantis. At si hominum fuerit, pendet vel ab autoritate, vel obtestatione adiurantis.

24 Quarto, Magicis impossoribus, adiurare, est virtute pronunciationis conceptorum verborum, additis nunc certis characteribus, nunc nescio quibus alijs nugis, & ceremonijs, adigere Diabolum, vel alias creaturas, ad imperata facienda.

25 Porro, vt sciatur, nos non omnem adiurationem damnare, obseruetur quod triplex sit adiuratio, Diuina, Magica & Adiaphora.

26 Diuinam voco, per quam, interposito iureiurando & inuocatō nomine Christi, Dæmonia eiiciebantur in primitiua Ecclesia, fiducia Christi. Hoc enim faciebat tum temporis, ad commendandam hominibus potentiā Christi, & ad confirmandam certitudinem Euangelij Christi.

27 Huiusmodi tamē adiuratio nec Christo, nec Apostolis vsitata fuit. Sed alijs quibusdam pijs, minoris autoritatis & gradus. Nam vt Christus, sua autoritate propria: ita Apostoli, autoritate Christi, simpliciter præceperunt Diaboli vt exirent de hominibus.

28 Paulus in Actis ait: Præcipio tibi per nomen Iesu, vt ex eas ab ea. At Exorcista sic dixisset: Adiuro te per nomen Iesu, vt ex eas ab ea, hoc est, præcipio tibi autoritate Christi & metu potentia eius, ac si ipse Christus tibi præciperet, vt ex eas, &c.

29 Magica adiuratio est, quando verborum efficacia & verbis conceptis, & nescio quibus ceremonijs, putat exorcista se Dæmones cogere, aut alias creaturas ad aliquid

quid faciendum. Vt cum serpentes adiurati & incantati, venena retinent, & nō lādunt gestatorē: sed videntur cū illo quasi colludere. Sed malignus spiritus dū corpus hominis illæsum seruat, veneno pessimo animum interficit.

30 Adiphoram adiurationem appello, qua quis & bene & male vri poterit: Qualem iudico eam quæ in nostris Ecclesijs adhibetur, in Baptismo infantium.

31 Nam si adhibetur tantum ad significandum, qualis sit conditio hominis extra Christi gratiam, & qualis efficitur per Christi gratiam: nemo eam iuste improbare poterit. Siquidem admonet & de sententia Legis in non reconciliatos, & de gratia Euangelij in eos, qui Christo inferuntur per Baptismum.

32 Acti adhibetur, vt in Papatu, cum insufflatione & Chrismate, ad expellendum Diabolum, actu habitantē in homine: non caret manifesta impietate & stultitia. Nam nec Diabolus in infantibus Christianorum parentum habitat. Sunt enim participes fœderis initi inter Deū & Abrahamum patrem nostrum. Nec miraculis clarent ministri Ecclesiæ hoc tempore. Nam miracula ad tempus tantum durare debebant.

33 Est etiam adiophora adiuratio, quando homo hominem adiurat. Nam bona quidem est, si e causâ bona procedit, & ad bonum finem tendit. Vt cū Paulus adiurat Thessalonicenses, vt Epistola ijs scripta legatur coram omnibus fratribus. Mala vero erit, si temerarie fit, lenem ob causam. Tum enim, vt iuramentum leue, damnatur.

P R A E D I C T I O N E S

futurorum.

N E C E S S E est Ecclesiā recte institui, de vtilibus & perniciosis prædictionibus futurorū euetuū, ne vel secure cōtemnat vtilēs & laudabiles prædictiones vel iuperstitiose inuoluatur perniciosis prænūciationibus, in

contumeliam Dei, & in propriam perniciem.

2 Ut autem recte discernamus inter utiles & perniciosas prae-dictiones : causas earum imprimis observare oportet, unde iudicium pendet & certitudo.

3 Omnis proinde prognosis, seu futurorum eventuum praenunciatio, vel oritur a prima causa immediate, vel a secundis causis naturalibus, vel aliunde, hoc est, vel a Diabolo, vel ab homine.

4 Prognosis, siue praecognitio, oritur a prima causa, cum Deus per inspirationem, siue quocunque alio modo revelat hominibus futuros eventus. Et haec praecognitio dicitur Prophetica.

5 Est autem haec praecognitio Prophetica, ideo certissima, & dignissima cui fides habeatur, quia autorem habet Deum, qui omnia futura, tanquam praesentia, in suo aeterno videt.

6 Huius Propheticae praedictionis usus est maximus, ut quae certitudinem doctrinae Ecclesiae humanis mentibus obfignet.

7 Nam cum vident homines, eventus longissime aetate signatos, respondere praedictionibus Prophetarum, confirmantur de autore Deo, & doctrinam, quam Prophetae proponunt, diuinam esse statuunt: praesertim cum eandem multiplices patefactiones diuinæ, miracula plurima, consensus Moysis, Prophetarum, Christi, Apostolorum, conseruatio Ecclesiae in tantis furoribus Diabolorum & hominum, & obfignatio veritatis in cordibus Sanctorum per Spiritum sanctum, confirment.

8 Prognosis siue praecognitio, quae pendet a secundis causis, quas Naturales vocamus, Prognosticis quibusdam nititur, hoc est, signis futurorum eventuum.

9 Haec autem Prognostica & signa futurorum eventuum, sunt triplicia, (pro quorum varietate certitudo etiam variat) videlicet *temporaria, & erratica.*

10 *Temporaria* demonstrationem & scientiam pariunt. Et sunt causae, quae necessitate physica agunt, & constanter & sem-

& semper suos effectus producant.

11 Hæc prognos̃is, propter constantiam causarum, Apodictica dicitur. Hac Mathematici prædicunt sine errore Ecclipses futuras. Vnde patet quanta laus sit Mathematicæ doctrinæ, quando intra suos terminos manet.

12 Huius Apodicticæ præcognitionis vsus est vt cognoscamus totius vniuersi autorem Deum esse, qui certis legibus gubernat hanc cœli pulchritudinem, vt illum agnoscamus, agnitum colamus ac prædicemus. Quem admodum Paulus docet, Rom. 1. Ideo in Actis Apostolicis de Deo dicitur: *ὁ ἀμείνων αὐτοὶ ἐφικνῇ.*

13 Signa quæ *σιγά* dicuntur, nec demonstrationem nec scientiam pariunt, sed coniecturam tantum, vt plurimum tamen veram. Nam sunt causæ, quæ producant suos effectus non necessario & semper. Vnde fit, quod interdum frustrentur suis effectibus, impredientibus occultis causis. Dicitur autem hæc præcognitio, probabilis.

14 Hac probabilis coniectura freti Mathematici, pluias, siccitates, tempestates, grassaturos morbos, intentus animantium, frugum, vini, & aliarum rerum copiam vel defectum prædicunt, non sine magna suæ artis commendatione.

15 Huius probabilis præcognitionis vsus est, vt homines suas operas recte distribuant: ne tempestate imminente, nauta soluat; ne agricola faciat, instante pluvia, quod requirit siccitatem: Et morbos imminentes aptis præseruatiuis anteuerramus.

16 Erratica signa sunt, quæ nec demonstrationem pariunt, nec veram coniecturam faciunt, nec causæ sunt propriæ actionum humanarum aut euentuum prosperorum vel aduersorum, & errant vt plurimum. Et quia raro, idque casu, euentus respondet, deceptionem & vanam spem hominibus credulis iniiciunt.

17 Hinc erronea illa prognos̃is Genethliacorum nas-

citur qui gloriantur se fortunas hominum & euentus, ex horoscopis, prædicere posse.

18 Hi tamen si vera interdum prædicunt: tamen ipsa prædictio fallaciam perniciosam habet annexam. Nam homines qui istis nugis fidem adhibent, paulatim abducuntur a verbo Dei: promissionibus & comminationibus diuinis diffidunt: varijs implicantur erroribus: donec laqueis Satanz impediti, religioni ipsi renuncient, etsi non aperte & verbis, occulte tamen & animo.

19 Hoc periculum animaduertentes pij gubernatores Politiarum & Ecclesiarum, legibus cauerunt & poenis, ne quis esset, qui hanc deceptoriam artem profiteretur, quæ corruptela est morum, pugnans cum verbo Dei & professione Christiana.

20 Fuerunt quoque inter Ethnicos, sapientes homines, qui hanc vanitatem in suas Respublicas non admitterunt. Et Gellius acuto Dilemmate eam exagitat: Ita enim ait: Aut aduersa euentura dicunt, aut prospera. Si dicunt prospera, & fallunt: miser fies frustra expectando. Si aduersa dicunt, & mentiuntur: miser fies frustra timendo. Si vera respondet, eaque sunt non prospera: iam inde ex animo miser fies, antequam e fato fies. Si felicia promittunt, eaque euentura sunt: tum plane duo erunt incommoda, & expectatio te spei suspensum fatigabit, & futurum gaudij fructum spes tibi iam deflorauerit. Nullo igitur pacto vrendum est istiusmodi hominibus, res futuras prælagientibus.

21 Etsi autem corporum humorum affectiones, et tempore conceptionis & ortus, coniectate interdum possunt Genethliaci: tamen cum causa propria euentuum humanorum, quoad successum prosperum & aduersum in negotijs & vita attinet, non pendent a tempore conceptionis & ortus: decipiunt stultos homines Genethliaci, qui illorum fortunas astris subiiciunt.

22 Nam cum causa futurorum euentuum in hominibus sunt dux, videlicet prouidentia diuina, & voluntas humana,

humana, & neutra subijcitur imperio astrorum: profecto stultum fuerit & perniciosum, ex vna particulari causa, eaque inferiore, impotentiore, ne dicam erronea, determinate colligere effectum, repugnantibus causis principalibus, proprijs, prædominantibus, & vna agentibus efficaciter.

23. Infiniti homines concipiuntur eodem tempore, & in hanc lucem eduntur, maxime dissimiles & fortuna & moribus.

24. Iacob & Esau vna concipiuntur, qui tamen nec fortuna, nec moribus fuere similes.

25. In eodem saepe prælio multa hominum millia cadunt: in eodem naufragio ingens multitudo hominum perit. Quibus aptare eundem horoscopus, quid quæso stultius esse poterit?

26. Pius ergo homo, cogitans de futuris sibi vel prosperis vel aduersis, intueatur primum prouidentiam Dei, quæ nunquam pugnat cum promissionibus & comminationibus diuinis.

27. Hæc prouidentia postulat plura. Primum, vt nos totos Deos commendemus, eum timeamus, inuocemus & prædicemus, Deinde, vt secure contemnamus quicquid nobis mundus vel Satanæ mancipia, minantur. Tertiò, vt respiciamus ad ipsius promissiones & minas. Promittit enim prospera, qui se diligunt: minatur aduersa, se non diligentibus. Impij, ait Solomon, non dimidiabunt dies suos.

28. Has promissiones & comminationes diuinas euerunt, quantum in se est, qui euentus hominum suis hominibus subijciunt.

29. Neque est quod voluntatem hominis subijciant astris. Nam hoc esset opus Dei destruere, Deum autorem peccati facere, proæresin tollere, verbum Dei negare, Spiritum sanctum legibus Genethliacorum subijcere.

30. Huic Genethliacorum vanitati affinis est diuinitio,

Lege Dei damnata, videlicet, cum homines Enthufiaſta, ſe plenos diuinitate ſimulant, & aſtutia quadam Satani-
ca, interdum futura conieſtant.

31 Fit autem hæc pernicioſa diuination multis modis,
videlicet, per exta pecudum, auguria, ſortes, colloquia
cum dæmonibus, &c.

32 Nam Dæmones aliquando prædicunt, quæ ipſi ſa-
cere decreuerunt: interdum ambiguitate ludunt: non-
nunquam ex ſignis naturalibus breui futura conieſtant.
Fieri etiam poteſt, vt aliquando prædictiones Prophe-
rum ſequantur, & vt ſuas proponant. Vnde fit, quod
euentus ſæpe respondeat.

33 Sed caueat ſibi Chriſtianus, ne ſe ſinat a Satana il-
ludi. Quod promtiſſimum erit, ſi vel minimum deſere-
rit a verbo Dei, ad vanitatem diuinatoriam.

Q U A R T A L E X

Decalogi.

Memento vt diem Sabbati ſanctifices.

I **D** O M I N U S de Sabbato hanc Legem tulit:
Memento vt diem Sabbati ſanctifices.

2 **D** Vt huius Legis ratio eſt, quod Deus ſo-
lus fit & rerum conditor, & fons omnium
bonorum datorque: ita eius ſinis eſt, vt
proprijs operibus emortui, veram ſanctificationem, ope-
ribus a Deo mandatis, meditemur, & ſinamus nos a Deo
ſanctificari.

3 In huius Legis explicatione hæc ordine ſunt ſpe-
canda, Quid Sabbatum: quid ſanctificare: quid Sabba-
tum ſanctificare: quatenus abrogatum fit Sabbatum:
Symbolica Sabbati ſignificatio: opera Sabbati: & hypo-
critarum Pharifæorumque de Sabbato error, cum defen-
ſione facti Domini ſanantis ægrotos Sabbatis.

4 *Σάββατος* proprie quietem ſeu ceſſationē ſignificat,
vnde

unde transfertur ad diem septimum, in quo Dominus cessauit ab opere creationis, quod cōsummauit sex diebus. Vnde Genes. 2. scriptum est: Et benedixit Deus diei septimæ, & sanctificauit eam, qui in ea cessauit ab omni opere suo, quod creauit Deus vt faceret. Et hoc Sabbatum dierum dicitur. Et per Synecdochen, integra hebdomas dierum, sabbatum dicitur, vt in illo: Ieiuno bis in sabbato.

5 Præter hoc dierum Sabbatum apud Iudæos, fuit Sabbatum annorum, & Sabbatum magnum, & Sabbatum primum, & *διωτὶς πρῶτος*.

6 Sabbatum annorum est septimus quisque annus. Leuit. 25. Numerabis tibi septem Sabbata annorum, id est, septem annos, septem vicibus. Qui dies septem Sabbathorum annorum, efficiet quadraginta nouem annos. Vt autem septimo quoque anno quieuit terra: ita quinquagesimo quieuit seruitus, & reddebatur libertas cum possessionibus.

7 Sabbatum magnum, quod in Scriptura Sabbatum sabbati dicitur, fuit sabbatum incidens in solenne festum, Magnum dictum, quia præ reliquis festi diebus sanctum habebatur.

8 Vt sabbatum primum fuit primus dies in festo plurium dierum, vt primus dies festi azymorum, & tabernaculorum: ita *διωτὶς πρῶτος*, secundoprimum, dictus est a Luca vltimus dies claudens festum plurium dierum: sic appellatum, quod pari honore, parique prorsus religione, cum primo celebraretur: Vnde propter similem religionem, quasi primum erat secundo repetitum.

9 Sanctificare in genere est aliquid segregare a communi & profano vsu, purum seruare, & diuino cultui & sacro vsui destinare & applicare.

10 Hinc sanctificare sabbatum, est diem, quam Sabbatum nominamus, ab vsu communi & profano segregare, eum purum & incontaminatum seruando, accō-

modare vsui sacro, hoc est, religioni seu operibus, quibus Deus immediate colitur.

11 Hoc Iudaicum Sabbatum abrogatum est quoad circumstantiam diei certæ attinet: idque propter duas causas, harum prior est, quod fuerit typus quietis Christi in sepulchro. Umbra proinde cessare debuit exhibita veritate. Posterior, vt hæc abrogatio sit testimonium liberationis credentium, a iugo legis Mosaicæ.

12 Et si autem hoc Sabbatum Iudaicum nos in specie non obligat: tamen, quantum ad genus attinet, ipsa pietas postulat, vt in singulis septimanis vnum aliquem diem segregemus a profano vsu, ac illum diuino cultui destinemus. Quare pie factum est ab Apostolis, qui primam septimanæ diem, in memoriam resurrectionis Domini a mortuis, in locum vltimæ subrogant, quam vocarunt ab euentu, *κυριακην*.

13 Quantum autem ad Symbolicam significationem & typum attinet, sciendū est, quod pro triplicis temporis ratione spectetur.

14 Nam si præteritum tempus respicis, sabbatū fuit institutum in memoriā quietis Dei post rerum creationem. Vnde *μνημόσυρον* rerum creatarū fuit. Deinde adūbrabat, requiem populi Dei in terra Canaan, post multos in Ægypto & deserto exhaustos labores, quemadmodum ex Psalmo, Epistola ad Hebræos indicat. Præterea sabbatum fuit typus sabbatismi Domini quiescentis in sepulchro, peractis nostræ redemptionis laboribus.

15 Si præsens tempus respicimus, Sabbatum fuit typus quietis conscientiarum a peccatorum procellis, post liberationem a regno Diaboli, per Christum ducem, Deinde signū fuit quod Deus sit qui hominem sanctificet: iuxta illud: Sabbata mea dedi eis, vt essent signum inter me & eos, vt scirent quod sim Iehouah, qui sanctifico eos. Præterea monet vitam sanctorum perpetuo in meditatione quietis coelestis transigendam esse.

16 Huc Augustini dictum pertinet: Est autem sacramentum

mentum Sabbati antiquis nostris Patribus præceptum, quod nos Christiani spiritualiter obseruamus, vt ab omni seruili opere, & ab omni peccato (quia Dominus ait: Omnis qui facit peccatum seruus est peccati) abstineamus nos, & habeamus quietem in corde nostro, id est, tranquillitatem spiritualem: & quamuis hoc seculo id conemur, ad eam tamen requiem perfectam non peruenimus, nisi cum de hac vita exierimus.

17 Si tempus futurum respicimus, Sabbatum fuit typus consummationis mundi. Quemadmodum enim sex dies creationis rerum, adumbrabant sex annorum milia, iuxta dictum domus Eliæ: ita Sabbatum significat æternitatem quietis in coelo, & Sabbatissimum illum beatorum, perpetuo duraturum, quem Sancti expectant.

18 Obedientia vera Sabbati apud Iudæos, sita erat in vacatione ab operibus seruilibus, in ceremoniarum & sacrificiorum obseruatione, in tractatione & medicatione doctrinæ coelestis, in fidei & charitatis exercitijs.

19 Cæterum vt hypocritæ semper hærent in cortice Scripturæ: ita etiam Sabbati, non intelligentes quantum fecerit ista sanatio ad veri Sabbati meditationem. Primum enim illa sanatio non fuit seruile opus Lege interdictum, sed diuinum plane, quo gloria Dei illustrabatur inter homines, multo præstantius omnibus ceremonijs & sacrificijs: quo Messiae, in quem tota lex Moïsi respiciebat, præsentia significabatur: quo doctrina Christi confirmabatur: quo fides in multis accendebatur: quo charitas erga proximos afflictos declarabatur: Denique, quo vera Sabbatissimi ratio indicabatur.

20 Hætenus de Sabbato Iudaico: nunc quædam adiiciemus, de festis nostris & ceremonijs.

21 Nostra festa triplicia sunt, videlicet, Dominicus dies, festa Saluatoris, memoriam Sanctorum.

22 Dominicus dies exemplo Apostolorum a nobis, non superstitionis, sed ministerij, ordinis, disciplinæ, & exercendæ pietatis causa obseruatur.

24 Festa Saluatoris ideo in Ecclesia seruantur, vt ordine discatur historia, vt sigillarim beneficia Mediatoris spectentur, vt beneficijs eiusdem recte vtamur, in gloriam Dei & nostram salutem.

25 Memoriz Sanctorum hos fines habent utiles: vt cognoscatur Ecclesiz historia: vt cogitentur beneficia Dei erga membra Ecclesiz: vt gratiz Deo, pro ipsis agatur: vt varij Sanctorum casus perpendantur: vt Sanctos imitemur in poenitentia, vita, cultu, confessione, constantia, patientia, & alijs virtutibus: vt pijs suspirijs expemus Sanctorum consortium.

26 Hi fines omnes seruiunt gloriæ Dei & saluti nostræ. Fines autem festorum Ethnicos & Papisticos execramur, vt indignos quorum vel mentio fiat inter Christianos.

27 Ethnicorum festa non animabus pietate & virtute exhilarandis, sed corporibus explendis destinata erant: Vnde Græcis ebrietatis *μῆδῃ* dicitur, eo quod peractis sacris ingurgitationi vacabant, qua reputabant se suis dijs, hoc est, Dæmonibus rem gratam facere: & dies mox a festo sequens *ἡμέρα* aspera dicebatur, eo quod ex crapula post festum laborabant. Vtinam multi qui Christiani censerī volunt, Ethnicos Græcos in potandi certamine, idque præcipue in festis, non superarent.

28 Papistarum festa, potissimum de sanctis, destinantur turpissimæ idololatriæ, videlicet, inuocationi sanctorum, quam Diabolus in mundum inuexit, potissimum propter tres causas, videlicet, vt Christum vnicum Mediatorem suo honore spoliaret, vt ignominia afficeret demortuos sanctos, vt perderet idololatrias qui sanctos inuocant, haberetque ipsos socios æternarum poenarum.

29 Quantum autem ad ceremonias attinet, distinguamus inter diuinitus ordinatas & humana auctoritate introductas: illas perpetuo retinendas iudicamus propter auctoritatem instituentis, & eas suæ commendantis Ecclesiz: has, quatenus seruiunt decoro & ordini, retinemus;

nemus: nec offendimur, si aliæ nationes a nobis in ceremonijs hisce variant. Nam scimus Ecclesiam Dei esse omnem cœtum, qui iuxta verbum Dei Deum colit, etsi magna est dissimilitudo ceremoniarum.

30 Augustinus & Ambrosius non offenduntur ex eo, quod aliæ Romæ, aliæ Mediolani essent ceremoniæ. Nam inter se iunguntur pij, spiritu Christi, non humanis ceremonijs.

31 Ut pios gubernatores Ecclesiarum velim magno studio cauere, ne ceremoniæ scandalo sint infirmis: ita priuatos nolim quicquam mutare in ceremonijs, graui autoritate a maioribus institutis & approbatis.

32 Neque est quod exactissima ratio singularum ceremoniarum inquiratur, modo nō manifestam superstitionem & impietatem redoleant.


33 Quidam offenduntur ceremonijs nostris, quas clamitant Papisticas esse: dicunt nos habere sacerdotes, altaria, vestes, candelas, imagines, exorcismos, signationes crucis, plane Papistico more. His ego respondeo, Ecclesiam veram a falsa distinguendam esse doctrina & cultu, non ceremonijs quæ per se adiaphoræ sunt.

34 Neque enim ceremonias adiaphoras tanti momenti esse iudicamus, ut propter illas schismata moueantur in Ecclesia. Retineatur doctrinæ sinceritas: retineatur purus Dei cultus. Alia seruiant partim tranquillitati, partim infirmitati hominum: & relinquamus prudentiæ gubernatorum, & de his rebus dispiciant.

QVINTA LEX

Decalogi.

*Honora patrem tuum & matrem tuam, ut sis longæ-
genus super terram.*

1  T superiora praecepta sub dilectione Dei, tanquam capite: ita sequentia sub dilectione proximi continentur. Quare ut dilectio Dei, moderatrix est omnium actionum interiorum & exteriorum primae tabulae: ita dilectio proximi, moderabitur ea quae debemus proximis, & praescribuntur in secunda tabula.

2 Hinc fit, quod quicquid facit ad charitatem proximis exhibendam, contineatur in secunda tabula, etiam si verbis expressum non sit: & contra, quicquid non est contra dilectionem proximi in secunda tabula nequam prohibeatur. Huius regulae observatio, multis quaestionibus diluendis seruiet.

3 Cum autem dilectionis proximi sunt plures gradus, & inter hos primus est parentum: merito primum praeceptum secundae tabulae est, de liberorum officio erga parentes, quod ex dilectione nascitur.

4 Est autem haec Lex: *Honora patrem tuum & matrem tuam, & sis longaeuus, & bene sit tibi super terram.*

5 Quoniam autem haec Lex latissime patet, nec possunt omnia simul commode explicari: visum est nobis in hac collatione, tria exponere.

6 Horum primum, est debitum officium: Secundum, praemium praestiti officij: Tertium, enormitas reatus neglecti officij, & eiusdem iusta poena. Vsum Legis praetereo, qui vnus & idem est omnium Legum, & a nobis traditur in assertionibus de prima Lege scriptis.

7 Primum ergo debitum officium liberorum erga parentes quaerendum est, & quo iure obligantur liberi ad officium praestandum.

8 Est autem hoc officium liberorum erga parentes (quod per Synecdochen honoris vocabulo continetur) in duobus positum, videlicet, in honore parentum, & in praemio nutritionis illis reddendo. Quorum prius dignitati, posterius necessitati parentumtribuendum est.

9 Etiam autem honor parentibus debitus manat ex charitatis

charitatis fonte, tamen causas hic concurrentes videre utile est: quæ quatuor numerari possunt, videlicet, agnitio ordinationis diuinæ, timor Domini, naturalis ratio & ^{syg} diuinitus homini ingenua.

10 Primum itaque inuitabit liberos ad honorem exhibendum parentibus, quod illorum autoritas & eminentia sit ordinatio diuina. Nihil enim voce Dei honorabile dici potest, nisi idem a Deo profectum sit & ordinatum. Adhæc, consideranda est diuinæ maiestatis similitudo quædam in parentibus, nempe quod filijs sint causa vitæ generando, vt Deus creando. Quæ res monet, vt non tam quales, quam quod parentes habemus æstimemus.

11 Secunda honoris parentum causa est, timor Domini præcipientis hunc honorem. Qui timet (ait Syracides) Dominum, honorat parentes. Proinde, qui non honorat parentes, Dei maiestatem contemnit.

12 Tertia honoris parentum causa est, naturalis ratio, quæ dicat, quod inferiora debeant subiectionem & honorem superioribus, tãquam dignioribus, præsertim bene meritis. Qui ergo hunc ordinem peturbat, legem naturæ pro nihilo habet, conferendus viperinæ soboli.

13 Quarta honoris parentum causa est, ^{syg} diuinitus homini ingenua, quæ in multis Ethnicis, ite in brutis, vt in aquilis, gruibus & ciconijs, agnoscitur.

14 Causis honoris parentum cognitis, videamus in quibus rebus legitimus parentum honor consistit: vt explicite intelligatur, quam late pateat vis honoris erga parentes.

15 Etsi autem alij aliter de gradibus huius honoris statuunt: ego tamen separans causas ab affectis, tres præcipuos gradus facio, non eos reiiciens qui vel plures vel pauciores numerant.

16 Sint ergo nobis hi gradus, Primus, pia reuerentia. Secundus, castus timor. Tertius, prompta obedientia. Reuerentia, eminentiâ & ordinem diuinum agnoscimus;

timore offensam cauemus: obedientia, debita præstamus obsequia, quæ simul dilectionis, a qua nascuntur, ἀπολούθαι sunt.

17 Pia reuerentia est externa testificatio, vt qua veneramur parentum dignitatem & eminentiam quam sustinent, & humiliatio quædam, qua nos illis submittimus, tanquam dignioribus, non sine admiratione ordinis diuini. Nam omnis reuerentia admirationem coniunctam habet.

18 Hæc externa reuerentia significatur non eodem modo vbique, sed pro nationum diuersitate variat. In genere autem continetur tribus, videlicet, gestibus corporis, verbis, & obsequijs, non imperatis sed spontaneis. Hæc enim tria testantur de animo recte sentientis de alicuius virtute & dignitate.

19 Castus timor filiorum, ex persuasione amoris parentum erga se natus, facit, vt caueamus parentes offendere vlllo vel facto, vel dicto, vel signo.

20 Prompta obedientia erga parentes tertium honoris gradum obtinet, quæ est mandatorum, quæ nobis imperantur a parentibus, prompta & debita executio.

21 Hic tenendum est discrimen inter obedientiam, quam Deus postulat, & quam parentes requirunt: Illa caret omni exceptione: hæc certis terminis clauditur.

22 Nam si parentes aliquid iusserint, vel contra Deum, vel contra salutem filiorum, vel contra naturam, vel contra Leges patriæ iustas, vel contra legitimum magistratum: nequaquam illis optemperandum est. Magis enim Deo, quam homini obtemperare oportet.

23 Hic locum habet dictum Domini, Luc. 9. Si quis venit ad me, & non odit patrem & matrem, sorores, & filios, & fratres, præterea etiam animam suam, non potest meus esse discipulus.

24 Hic, odisse parentes, non est parentibus male velle, sed ijs qui impie imperant, aduersari, atque ea fugere, non secus atque pestem animarum. Sic multa sanctissimæ,

Diffimæ virgines olim fecerunt, quæ potius vitam amittere, quam impia parentum imperata facere, non dubitarunt.

25 Hactenus de ea parte officij liberorum erga parentes, quæ ad illorum dignitatem pertinent dictum sit: nunc pauca adijciamus de præmio nutritionis. Quæ pars necessitati ipsorum seruiet, & est sinceri honoris effectus.

26 Cû nulla sit ingratitudo crudelior, nulla nequior, nulla diuina vindicta dignior, quam ingratorum liberorum in parentes: postulat natura, lex Dei præcipit, omnes Leges humanæ exigunt, & multorum beatorum exempla confirmant, atque adeo ipsa iustitia clamat, vt liberi indigentibus, infirmis, senibus parentibus præmia nutritionis reddant.

27 Nam cum humana natura & in ortu & occasu, hoc est, in infantia & senectute sit debilis, opus habet aliunde subsidio, refugio & solatio. Vt ergo infatiz opus habet parentum subsidio, refugio, consilio, alioqui peritura: ita senectus opus habet liberorum subleuatione, vt ipsi τὰ ἀετιλῆγια soluant, idque iure analogo. Qui autem hæc non persoluunt, immemores sunt beneficiorum olim a parentibus præstitorum.

28 Verum hæc ἀετιλῆγια seu nutritionis præmia, in tribus potissimum posita esse videntur: Si alii egentes, si ministras infirmis, si pia ἐπισκευὴ senectutis sordes & errata regis.

29 Qui alit parentes indigentes, naturam sequitur ducem, quæ iubet simili beneficio beneficium compensare, id quod & brutis quibusdam natura impressit.

30 Ambrosius & Basilius Ciconiarum exemplum proponunt, quas affirmant parentes senio confectos in nidis alere, nudatos pennis tegmine alarum dulciter fovere, & si quando volandi necessitas incumbit, supponere corpora sua volantium parentum corporibus, ne in terrâ decidât & grauius impingât. Hinc ἀντιπαραγυῖς

est more Ciconiarum gratiam referre parentibus, eosque pie colere & fouere.

31 De ministerio parentibus infirmis debito, loquitur Syracides, cap. 3. Qui timet Dominum, seruiet ijs qui se genuerunt, in omni opere & sermone, & in omni patientia. Item: Fili, subleua Patrem tuum in senectute, neque in vita tua molestia eum afficias.

32 De *πεινικία* idem Syracides ait: Si sensu destitutus ignosce illi, & ne spernas eum in virtute tua, hoc est, cum tu sis forti & bona valetudine, ne contempnas parentes *παλίμπαυδας*, sordidos & imbecilles.

33 Vult ergo Sapiens, vt liberi, cum parentes vicio ætatis repuerascunt, hanc ætatis imbecillitatem & deformitatem moderate ferant ac tegant.

34 His officijs liberorum erga parentes accedat seria liberorum precatio pro parentibus, vt Deus illis largiatur patientiam, confirmet fidem, ac tandem exitum pium de hac vita concedat.

35 Secundum, quod proposuimus est, de præmio officij parentibus pie præstiri. Lex ipsa, longævam & prosperam vitam, præmium honoris parentum facit: idque valde congrue. Promittitur vita longæva & prospera, ob gratitudinem erga eos, a quibus vitam habemus: vt præmium officio respondeat.

36 Porro, huius prosperitatis seu felicitatis promissa pietati erga parêtes, plures sunt partes, videlicet, gratia spiritualis, successus in negotijs vitæ felix, honestum nomen, fausta precatio, promissio lætitiæ ex liberis.

37 De gratia spirituali loquitur Sapiens, cum ait: Qui honorat patrem, veniam peccatorum impetrat, atque in die precationis suæ exaudietur. Item, Tributa patri benignitas non tradetur obliuioni, aduersus peccata tibi propugnaculum extruetur.

38 De successu in negotijs vitæ felici, ipsa Lex potissimum loquitur, cum ait: Vt tibi bene sit super terram. Item Syracides: Bona patris precatio domos liberorū stabilit.

39 Honesti

39 Honesti nominis, bonæ famæ, & gloriæ, meminit idem Sapiens: Gloria hominis honore patris comparatur, hoc est, qui patrem honorat, famam bonam & gloriam apud homines sibi comparat.

40 Piæ precationis & voti hominum, videntium liberos, suos parentes dulciter amplecti & fouere, meminit idem Syracides, cum inquit: Tam dictis quam factis patrem matremque honora: ut ab hominibus benedictio ad te perueniat.

41 Promissio lætitiæ ex liberis proprijs, qui suos honorant parentes, hæc est eiusdē Sapientis: Qui honorat patrem, lætabitur in filijs, hoc est, Ut quis honorauerit patrem suum: ita vicissim a filijs honorabitur, iuxta regulam: Par pari referendum. Item: Eadem mensura, &c.

42 His enumeratis præmijs eorum, qui honorat parentes, partibus, addo bonam conscientiam, quæ dulcissima nutritrix erit aduentantis senectutis. Quæ vel sola, ad honorandos parentes, natos inuitare deberet.

43 Tertium quod proposuimus, est, de enormitate reatus eorum, qui sunt contumaces erga parentes, & de pœna eorundem.

44 Quantum sit reatus eorum, qui Legem de honorandis parentibus violant, facile est iudicare. Nam quicquid honori parentum & eius partibus, quas recitauimus, aduersatur, Legem violat, & transgressores reos peragit coram iudicio Dei.

45 Nam siue in corde latet, siue ore profertur, siue gestibus aut signis significatur, siue opere probatur aliquid, quo dignitas parentum aliquo modo læditur: reus est violatæ huius Legis.

46 Quantum autē sit hic reatus, ex pœnis patet: Primum enim immorigeris filijs a diuina maiestate denuncietur maledictio, Qua pœna nulla maior, nulla tristior esse potest. Deut. 27. Maledictus qui non honorat patrem suum & matrem suam, & dicet omnis populus amen.

47 Cum hac maledictione, ilias, ut ita dicam malorū

est more Ciconiarum gratiam referre parentibus, eosque pie colere & fouere.

31 De ministerio parentibus infirmis debito, loquitur Syracides, cap. 3. Qui timet Dominum, seruiet ijs qui se genuerunt, in omni opere & sermone, & in omni patientia. Item: Fili, subleua Patrem tuum in senectute, neque in vita tua molestia eum afficias.

32 De *ἐπιτιμία* idem Syracides ait: Si sensu destituitur ignosce illi, & ne spernas eum in virtute tua, hoc est, cum tu sis forti & bona valetudine, ne contemnas parentes *παλίμπαδας*, sordidos & imbecilles.

33 Vult ergo Sapiens, vt liberi, cum parentes vitio ætatis repuerascunt, hanc ætatis imbecillitatem & deformitatem moderate ferant ac tegant.

34 His officijs liberorum erga parentes accedat seria liberorum precatio pro parentibus, vt Deus illis largiatur patientiam, confirmet fidem, ac tandem exitum pium de hac vita concedat.

35 Secundum, quod proposuimus est, de præmio officij parentibus pie præstiti. Lex ipsa, longævam & prosperam vitam, præmium honoris parentum facit: idque valde congrue. Promittitur vita longæva & prospera, ob gratitudinem erga eos, a quibus vitam habemus: vt præmium officio respondeat.

36 Porro, huius prosperitatis seu felicitatis promissæ pietati erga parêtes, plures sunt partes, videlicet, gratia spiritualis, successus in negotijs vitæ felix, honestum nomen, fausta precatio, promissio lætitiæ ex liberis.

37 De gratia spirituali loquitur Sapiens, cum ait: Qui honorat patrem, veniam peccatorum impetrat, atque in die precationis suæ exaudietur. Item, Tributa patri benignitas non tradetur obliuioni, aduersus peccata tibi propugnaculum extruetur.

38 De successu in negotijs vitæ felici, ipsa Lex potissimū loquitur, cum ait: Vt tibi bene sit super terram. Item Syracides: Bona patris precatio domos liberorū stabilit.

39 Honesti

39 Honesti nominis, bonæ famæ, & gloriæ, meminit idem Sapiens: Gloria hominis honore patris comparatur, hoc est, qui patrem honorat, famam bonam & gloriam apud homines sibi comparat.

40 Piæ precationis & voti hominum, videntium liberos, suos parentes dulciter amplecti & fouere, meminit idem Syracides, cum inquit: Tam dictis quam factis patrem matremque honora: vt ab hominibus benedictio ad te perueniat.

41 Promissio lætitiæ ex liberis proprijs, qui suos honorant parentes, hæc est eiusdē Sapientis. Qui honorat patrem, lætabitur in filijs, hoc est, Vt quis honorauerit patrem suum: ita vicissim a filijs honorabitur, iuxta regulam: Par pari referendum. Item: Eadem mensura, &c.

42 His enumeratis præmij eorum, qui honorat parentes, partibus, addo bonam conscientiam, quæ dulcissimæ nutritrix erit aduentantis senectutis. Quæ vel sola, ad honorandos parentes, natos inuitare deberet.

43 Tertium quod proposuimus, est, de enormitate reatus eorum, qui sunt contumaces erga parentes, & de poena eorundem.

44 Quantus sit reatus eorum, qui Legem de honorandis parentibus violant, facile est iudicare. Nam quicquid honori parentum & eius partibus, quas recitauimus, aduersatur, Legem violat, & transgressores reos peragit coram iudicio Dei.

45 Nam siue in corde latet, siue ore profertur, siue gestibus aut signis significatur, siue opere probatur aliquid, quo dignitas parentum aliquo modo læditur, reus es violatæ huius Legis.

46 Quantus autē sit hic reatus, ex poenis patet: Primum enim immorigeris filijs a diuina maiestate denunciatur maledictio, Qua poena nulla maior, nulla tristior esse potest. Deut. 27. Maledictus qui non honorat patrem suum & matrem suam, & dicet omnis populus amen.

47 Cum hac maledictione, ilias, vt ita dicam malorū

cōiuncta est, quæ ex antithesi præmiorum intelligi possunt, vt sunt ira Dei, infelix in rebus successus, mala fama, imprecatio ab hominibus, in proprijs liberis ignominia, & horrenda conscientie carnificina, quæ ipsi morte grauior est. Quæ mala tandem excipiet desperatio, nisi succurratur per Euangelium.

S E X T A L E X D E C A logi. *Non occides.*



I V M hoc sit consilium Legislatoris Dei, vt cum vnum præcipit, contrarium vetet, & contra cum vnum vetat, contrarium præcipiat: fit, vt singularum legum Decalogi sint duæ hypotheses, vna affirmatiua, negatiua altera.

2 Sunt ergo huius sextæ legis duæ hypotheses: Negatiua, Non occides, hoc est, tu homo non occides, scilicet quemuis hominem. Affirmatiua, Vitam proximi fouebis, conseruabis, tueberis.

3 Ratio huius Legis ex creatione hominis intelligitur & clare exprimitur, Gen. 9. videlicet, quia homo est conditus ad imaginem & similitudinem Dei.

4 Finis autem huius Legis est, vt mutuis officijs, et mutua beneuolentia societas hominum inter sese coalescat & conseruetur, vt de Deo recte doceri possint homines, vtque viuant tranquille, quiete, honeste & pie in hac vita.

5 Quicquid ergo ad hunc finem facit, hac sexta Lege præcipitur: & quicquid vel huic fini aduersatur, vel quouis modo eum impedit, vetatur.

6 Hinc manifestum est, non solum externum homicidium prohiberi hac Lege: verumetiam omnia, quæ quouis modo gradus esse possunt ad homicidium, & quæ humanam societatem, quo minus suauis sit & tranquilla impediunt.

7 Hæc simul requiri, etiam manifestum est ex generali Lege secundæ tabulæ, quæ est : Diliges proximum tuum, vt teipsum.

8 Sunt autem gradus ad externum homicidiû plures: vt, cogitata, affectus, dicta & facta pugnantia cum dilectione proximi.

9 Ex cogitatione de proximo praua, affectus feri nascuntur: vt, impatientia, fastidium, maleuolentia, contentus *inixarixaxia*, ira, odium, inuidia, indignatio, vindictæ cupiditas: & multi alij.

10 Hinc, hoc est, ex affectibus, proueniunt dicta cõtra proximum: vt, conuicia, probra, obtrectiones: Quæ quouis gladio sunt acutiora, magisque animum proximi vulnerant, quam gladius corpus.

11 Facta consequuntur dicta: vt iurgium, insultatio, prouocatio, pulsatio, & huiusmodi multa: quæ in generibus enumeratis continentur.

12 Hos gradus sæpe excipit externum homicidium, quod est horrenda imaginis Dei destructio. Ita enim Moses ait: Gen. 9. Qui effuderit sanguinem hominis, per hominem effunderetur sanguis eius: quia ad imaginem Dei fecit hominem.

13 Porro ab huius Legis sententia multi aberrarunt, non attendentes legitimos huius Legis limites & fines, quos imprimis in omnibus legibus cõsiderare oportet.

14 Primus error est Manichæorum, qui in istos limites transgressi, Legem hanc de non occidendo, interpretabantur, hoc modo: Non occides, scilicet vlla viuentia. Sed horum errorem confutat non solum rerum conditarum conditio: verum etiam thesis, sub qua continetur hæc hypothesis.

15 Secundus error eorum est, qui putarunt hic prohiberi solummodo, ne quis alium hominem occidar, nõ autem vetari, si quis se ipsum occiderit, vt Samson, Iudas, Empedocles, Cato, Lucretia, Seneca, Rasias.

16 Tertio, hic errant, qui se a crimine homicidij

alienos esse putant, si rogati, volentem occiderint. Nam hic & qui petit se occidi, & is qui occidit, Lege homicidij tenentur.

17 Quarto, aberrant & illi ab huius Legis mente, qui existimant sibi licere hostes religionis, vt Mahometistas & alios in Christum blasphemos priuato arbitrio occidere. Nam potestatem alienam sibi vsurpant, quod sacrilegij quoddam genus est.

18 Quinto, aberrant quoque illi a scopo huius Legis, quæ hoc præceptum contra publicam iustitiam interpretantur, non discernentes inter hominis factum, & Dei iudicium, quod exercetur per hominem. Quare cum simpliciter Lex ait, non occides, concludunt nullo pacto licere vllum hominem occidere, nec publica nec priuata auctoritate.

19 Verum cum ista sententia, pugnat & cum capite Legis, & cum iustitia, & cum manifesto verbo Dei, eam fugiamus vt falsam, & humanæ societatis pestem.

20 Manifesta est Lex de vindicta homicidij, Gen. 9. Item Exod. 23. Maleficum non patieris viuere super terram.

21 Vt enim e re corporis humani est, putridum membrum mature abscindere, ne pars sincera trahatur: ita salutis societatis humanæ interest, noxios & perniciosos ciues e medio tollere, ne malum vnius paulatim serpat in totum societatis corpus.

22 Sextus error Papistarum est, qui hoc præceptum manum cohibere dicunt, & non animum: quorum vanitas manifestior est, quam vt refutanda sit.

23 Septimo, aberrant quoque illi a mente huius Legis, qui nullam vindictam licite, & sine peccato expeti posse putant. Etsi enim Magistratui permittunt ius gladij, vt Dei ministro, ad iram ei qui quod malum est, fecerit, tamen pios qui perfectionis laudem quærunt, alienos esse ab omni expetitione vindictæ debere, contendunt. Atque ea de causa prohibitionem vindictæ inter Con-

filii numerant, in illa falsa distinctione, qua dicunt Christum alia præcepisse, alia consuluisse: & hæc posteriora ad perfectionem pertinere: illa ad promiscuam Christianorum turbam.

24 In huius suæ sententiæ defensionem, dicta Domini, Matth. 5. Ne resistatis malo. Item, Benefacite ijs, qui oderunt vos. Et illud Pauli, Noli vinci a malo, sed vince bono malum. Item illud: Mihi vindicta, & ego retribuam. Et huiusmodi multa alia adferunt.

25 Verum, cum ex his dictis & similibus conantur omnem vindictam tollere, non distinguunt inter ea quæ simpliciter, & ea quæ ex parte dicuntur, qualia sunt ea omnia, quæ ad tollendam omnem vindictam torquent.

26 Natus est autem hic error, ex eo, quod omnis hæreseos fons est, videlicet, cum de re aliqua agitur, eam æstimant imprudentes, ex vno Scripturæ loco non recte intellecto, & non circumferunt animum, vt par esset per vniuersam Scripturam, dicta omnia de re proposita conferentes. Quam diligentiam Epiphanius theoriam vocat: sine qua nemo Scripturam recte interpretari poterit.

27 Est siquidem hæc doctorum apud Hebræos sententia verissima. Qui non aduertit quod supra & infra in libris scribitur, peruertit verba Dei viuentis.

28 Nos ergo animum per totam Scripturam circumferentes, deprehendimus quadruplicem vindictam, videlicet, Diuinam, heroicam, ordinatam & temerariam: quarum sola postrema damnatur verbo Dei.

29 Diuina vindicta est, qua ipse Deus immediate vlciscitur offensam, qua ipsius maiestas læsa est. Hanc vindictam & occulte & manifeste exercet similiter in hac vita & postea, & est supra omnem legem.

30 Hæc semper iustissima est, vt quæ ab optimo Deo proficiscatur: tamen si eius rationem non satis intelligimus. Vlciscitur sæpe peccata parentum in liberis, Magi-

stratus scelera in subditis, subditorum in capite, vnius flagitium in multis: idque iustissime, quia iustissimus.

31 Hic Dei vindicantis scrutari iudicia, temerarium est. Sunt enim iudicia Dei abyssus multa: adeo ut mensura sensus nostri & rationis capi non possint. Adoremus ergo hic Dei iudicia, ac ipsum timeamus, ne in nos ira ipsius effundatur.

32 Heroica vindicta est, quæ zelo diuino accensa, vltionem sumit de hostibus Dei. Huius heroicæ vindictæ exempla habemus in Samfone, qui euerfione domus, hostes Dei oppressit. In Elia, sacerdotes Baalim, & duos quinquagenarios cum suis militibus, occidente. In Helisæo conuicium non ferente puerorum. In Iudith, sanctissima foemina, obtruncante Holofernem. In Christo eiiciente ementes & vendentes e templo, flagello. In Petro, qui mentientem Ananiam verbo occidit.

33 Hæc heroica vindicta præter legem fit communem. Quare huius rationem non in Lege quæramus, sed Deo illam relinquamus, qui hunc zelum vindictæ in quibusdam excitat, in testimonium suæ iustitiæ.

34 Ordinata vindicta & legitima est, quæ sub Lege continetur, & ex ordinatione Dei, vel secundum rectam rationem, vel iuxta Legem politicam, vel ad præscriptum verbi Dei exercetur ab eo, cui eius potestas a Deo est concessa. Hanc ordinatam voco quia oritur a bona causa, & procedit, per legitima media, ad bonum aliquem finem.

35 Hac Pater contumaciam filij punit: hac pædagogus rebellionem discipuli castigat: hac minister Evangelij eum, qui scandalo offendit, reprimat: hac magistratus noxios ciues e medio tollit: hac latrones, fures, aliosque hostes Rector reipublicæ coercet.

36 Sine hac vindicta nec domus, nec ciuitas, nec Ecclesia, nec Regnum, nec vlla humana societas, incolumis esse potest.

37 Porro, ne hæc vindicta excedat iustos limites, duo

quo considerentur : Vnum de eo qui petit vindictam, Quo sit animo, quem finem sibi proponat, quidque eum ad vindictæ petitionem excitet. Alterum de ministro iustitiæ, cui vindicandi potestas a Deo data est, quo sit affectu, ad quem scopum respiciat, & quid illi liceat, & quid non.

38 Qui petit vindictam sit alienus ab omni odio, in timore Dei confugiat ad remedium diuinitus ordinatū, nihil magis in votis habeat, quam salutem eius qui offendit. Atque ita a ministro iustitiæ petat defensionem, & correctionem eius qui læsit, ac intueatur iustos vindictæ fines, videlicet, cohibitionem scelerum, pacem, & quietem societatis humanæ æquitatis & iustitiæ conseruationem, amotionem scandali, destructionem regni Satanæ, regni Christi propagationem, & gloriam Dei.

39 Hos fines qui digne æstimat, non solum iniuriam sibi illatam puniri petit, verum etiam magno zelo fertur ad vindictam petendam de ijs qui vitæ turpitudine, morum leuitate & scandalo, faciunt, vt doctrina Euangelij audiat male apud aduersarios.

40 Ideo Dominus mandat, vt si quis peccauerit, te conscio, vt illum primum admoneas ipse: deinde idem facias adhibito fratre aliquo: tandem, si nihil effeceris, vt dicas Ecclesiæ.

41 Paulus obiurgat Corinthios conscios sceleris eius, qui noueram in vxorem duxit, quod ad tantum scelus tacuerint, & hominem, qui tati scandali autor fuit, non coram Ecclesia accusauerint.

42 Verum si sceleris commissi ratio talis fuerit, quod accusatus in vitæ discrimen incurrat, sequenda est regula Bernhardi: Melius est vt pereat vnus quam vnitas. Nec pugnat cum dilectione proximi, poenam petere de flagitioso. Est enim tota societas humana magis diligenda, quam vnus incorrigibilis.

43 Minister iustitiæ, cui vindicandi potestas cōmissa est

eosdem fines sibi proponat, quos dixi accusatorem debere aspicere. Deinde sit animo incorrupto. Tertio sciat se non suam vindictam exercere, sed Dei: non licere sibi vel parcere cuiquam, vel aliquem absolvere, nisi quem mens Legis excipit. Scriptum est enim: Qui condemnat iustum, & iustificat impium, vterque est abominatio coram Deo. Verum hic magna prudentia in iudice requiritur.

44 Temeraria vindicta sola damnatur verbo Dei, (ut diximus) videlicet, cum vel is qui accusat, cupiditate vindictæ ardeat, & principaliter querit poenam eius qui offendit & interitum: vel cum is qui iudicat, Legem affectibus pravis contaminat, & lætatur malo eius, de quo sumit vindictam. Quod cum fit, vterque homicida coram Dei tribunali iudicatur.

45 Est & temeraria vindicta, omnibus modis damnanda, quando læsus, iniuriam sibi allatam, per se vltisci molitur. Nam quod Dei est proprium, ipse scelerate sibi vendicat, sed excipio defensionis *in autophaga* necessitatem. Ibi enim locum habet: vim vi repellere licet.

46 Est & illa censenda temeraria vindicta, quæ cum exercetur a ministro iustitiæ, plus tamen mali adfert quàm boni. Nulla enim vindicta, cuius finis malus est, a pijs est expetenda, aut exercenda. Beluarum enim potius est, quam hominum, talis vindicta.

O P E R A S E X T Æ

Legis.



1 T opera bona sextæ Legis, a sincera dilectione proximi manant: ita ad iustam & legitimam personæ proximi conseruationem, & societatis humanæ incolumitatē, referuntur.

2 Dilectio ergo proximi & eiusdem cōseruatio (vnde pēder incolumitas societatis humanæ) limites sunt, intra quos opera huius præcepti proximo debita, claudentur

3 Hac.

3 Hac constituta regula facilius erit & promnius colligere, quæ opera Deus a nobis hac sexta lege requirat.

4 Verum quia opera illa, certarum virtutum sunt actiones, quæ virtutes rectrices & moderatrices actionum sunt, iuxta rectam rationem: de virtutibus ipsis huius Legis proprijs, earumque actionibus agemus.

5 Etsi autem alij aliter virtutes huius Legis digerunt, quorum quidem diligentiam laudo: tamen vt nos intra limites a nobis positos contineamur, omnes virtutes huius sextæ Legis sub beneuolentia & beneficentia cõcludamus. Nihil enim hæc Lex requirit, quod non alterutra harum virtutum contineatur.

DE BENEVOLENTIA.

6 Beneuolentia est veluti primus riuulus, manans a dilectionis fonte. Nam ei quem diligimus, hoc est, carum habemus, bene quoque velimus necesse est.

7 Hanc beneuolentiam tanquam ἀπόλυντα excipiunt hæc virtutes, Candor, amicitia, humanitas, concordia.

8 Candor, sinceritas & puritas quædam animi est, quæ vt non admittit vllas sinistras suspiciones de persona proximi sine euidenti probatione: ita vituperabilia in proximo non virtutum larua induit, sed vitia esse vitia iudicat. Quod qui non facit, non solum Deo & naturæ Legi aduersatur: verum etiam sano iudicio destitutus esse censendus est.

9 Quid enim turpius esse potest, quam scapham ligonem, & ligonem scapham appellare, hoc est, vitia larua virtutum ornare, & virtutes vitiorum cœno deformare?

10 Amicitia, reciproca bonorum inter se beneuolentia est, & voluntas sibi inuicem benefaciendi, ex vera pietate & virtute manans.

11 Amicitia enim illa, quæ vel ἐξ ἀδοῦς, vel ἐξ παροχῆς (vt

Hippodamus loquitur) ortum habet, uesiciente uoluptate, & cessantibus beneficijs reciprocis intermoritur.

12 Vera proinde & homine digna amicitia, pietate & uirtute conciliata, comitate conditur, grauitate firmatur, constantia & fide conseruatur, συμπαθὲς probatur, & mutuis officijs continuatur.

13 Humanitas lauius se extendit, quæ & naturæ facilitatem, & morum suauitatem complectitur.

14 Hæc maxime sibi animos hominum conciliare solet, facile ignoscit, communem fragilitatem cogitat: unde comicum illud: Homo sum, humani a me nihil alienum puto.

15 Græce admodum significante uocabulo dicitur φιλανθρωπία, quæ Plato definit ἐξ ἐνὶ τερητησίαν τῶν ἀνθρώπων. Hanc Paulus Tiro scribens, Deo tribuit. Digna propterea homine, ut qui & homo sit, & ad Dei imaginem conditus, ut ipsum imitetur.

16 Concordia, siue a chitaræ chordis, siue a plurium chordium vinculo dicitur, laudatissima uirtus est, quæ ut quidam recte ait, paræ res crescunt.

17 Hæc uirtus ut mutuam beneuolentiam fouet: ita maiores, pares, minores respicit, & συμφωνία quadam ordinum & omnium statuum inter se, tanquam omnium dulcissima musica, summe delectatur. Nam ut citharæ sonus tum demum iucundus est, quando ita intenduntur & remittuntur chordæ, & arte trahuntur ad harmoniæ regulam, ut unum iustum & suauem concentum efficiant: ita animi bonorum, concordia mutua delectantur, unde apud Græcos nomen accepit, ἁρμονία, quo significatur animorum summus consensus.

DE BENEFICENTIA.

18 Beneficentia id præstat opere, quod beneuolentia animo concepit. Hanc dicunt coniunctam esse cum iustitia. Per hanc enim iustitia suum munus exequitur.

19 Siqui-

19 Siquidem iustitia , vt præclare dicit Bernhardus, Maioribus reuerentiam & obedientiam, æqualibus consilium & auxilium, inferioribus custodiam & disciplinam, Hoc est, singulis τὰ καθήκοντα, reddit.

20 Etsi autem hæc vere dicuntur: tamen vt magis sit nobis vis beneficentiæ perspecta, quam hæc sexta Lex postulat: subiiciam beneficentiæ, vt ἀκόλουθα quædam, mansuetudinem, ἐπιείκειαν, fortitudinem, zelum, liberalitatem & misericordiam.

21 Mansuetudine benefacit proximo, qui iniuria affectus, iræ ruentis ad vindictam impetum ita retinet, vt crudelitate, in proximum, qui offendit, non sæuiat, & aliquid indignum iustitia, temere committat.

22 Etsi autem ira naturalis affectus est, insurgens aduersus ea, quæ virtuti aduersantur, & ea propugnans quæ a ratione monstrantur esse bona & laudabilia: tamen in vitio est, quando rectam rationem non sequitur, sed ruit cæco impetu in eum qui offendit, extra iustitiæ limites.

23 Sed illa demum ira laudabilis est, quæ ex bona causâ procedit, & tendit moderate & iuste in bonum aliquem finem. Talis ira & motus animi ad coercenda peccata insurgentis, fuit in Mose, Elia, Christo, Paulo, absque vitio.

24 Επιείκεια summum ius moderatur, & cedit, ob causâ circumstantias, seueræ iustitiæ. Dicitur autem ἐπιείκεια quasi ἐπὶ τινος ἔκρουσα τῷ νομικῷ.

25 Est autem hæc ἐπιείκεια duplex, Publica & Priuata: illa, iudicis personam sustinentis: hæc, hominis cuiusuis priuatim agentis est.

26 Publica ἐπιείκεια est qua iudex flectit Legem ad causam, & non causam ad Legem. Vt enim figura lapidis in structura lesbica mutata, mutatur & norma: ita causâ, pro circumstantiarum conditione, variante, variat & mens Legis, ἐπιείκεια.

27 Flectitur ergo Lex ad causam, quando nō specta-

τὸ ἀπρόδοξαιον. Sed mens & voluntas Legis accom-
modatur causæ. Contra vero causa ad Legem flectitur;
quando retinetur in iudicando τὸ ἀπρόδοξαιον, & nulla
ἐπιείκεια propter circumstantias admittitur: & tunc sum-
mum ius fit summa iniuria.

28 Priuata ἐπιείκεια tolerat infirmitatem proximi, te-
git arcana errata, sanat manifesta delicta, doctrina, con-
silio, admonitione, fraterna obiurgatione.

29 Fortitudo proximo commodans, etiam duplex est,
videlicet publica & priuata: illa, magistratus: hæc, sin-
gulorum priuatim.

30 Fortitudo in magistratu, iustitiæ propugnatrix,
ratione ad vindictam properat, & finem habet conserva-
tionem humanæ societatis: idque per defensionem veræ
religionis, veræque virtutis & oppugnationem falsæ re-
ligionis, & vitiorum grassantium repressionem.

31 Fortitudo priuata est, cum singuli inuicelo animo
potius ferunt iniuriam, quam vt iniuste se vlciscantur de
proximo. Hæc etiam patientia dicitur.

32 Zelus etsi in genere est cuiusvis affectus vehemen-
tior æstuat: tamen hic solummodo de eo zelo agimus,
quæ beneficentiæ erga proximum vt pars quædam, subij-
citur.

33 Est ergo hic zelus affectus vehemens, quo iuste
indignamur aduersus contumaciam in atrocibus scele-
ribus: quo contumacia repressa, alij tranquille viuunt,
& vnitas societatis conseruetur.

34 Hic zelus tum demum est laudabilis, quando ex-
citus ab Heroico motu, in magistratu vindice scelerū,
vel a spiritu sancto ortus, secundum scientiam tempesti-
ue exercetur in gloriam Dei, qualis conspicitur in Mose,
in Phinee, Elia, in Christo, in Paulo.

35 Liberalitas quæ εὐθερίτης Græce dicitur, est mu-
nificencia, proprie magnorum & liberorum hominum,
qua iuuant & ornant ordines & status hominum, suis fa-
cultatibus, vt bene mereri videātur de societate humana.

Huic

Huic cum præluceat pietas vera, ut in Salomone, Dauide, Iofia laudabilis est. Contrà vero, si ab animo inanis gloriæ cupido proficiscitur, in vitio est.

36 Misericordia erga proximum, affectus homine dignissimus, est *συνπάθεια*, qua tangimus aliena miseria tanquam nostra propria, quaque eius miseriæ nostris bonis succurrimus. Breuiter, misericordia est affectus ipse miserendi: & quicquid officij ex hoc affectu miseris & afflictis pie iusteque præstatur. Et dicitur in Scripturis interdum *δρακισμὸν*, ut sciamus eleemosynam non esse liberum beneficium, sed debitum officium.

37 Consistit autem hæc misericordia in duobus, scilicet in remittendo & dando.

38 Misericordia in remittendo posita, est quæ vel pauperi debitum quod non est soluendo, nisi attrahat sibi miseriam, condonat: vel ei qui offendit, veniamq. precatur, offensam remittit, modo id pie & vtiliter fieri possit.

39 Misericordia quæ in dando cernitur, ignoranti communicat doctrinam, aberranti correctionem, dubitanti consilium, tristi consolationem, esurienti cibum, sitienti potum, nudo vestes, vago domum. Breuiter, Omni misero & afflictio, quantum potest, succurrit.

40 Hanc Dominus, ex Osee 6. testimonium adducens, anteposit sacrificio, cum ait: Profecti discite quid sit: Misericordiam volo & non sacrificium.

41 Autor Epistolæ ad Hebræos eleemosynam valde placere Deo testatur, cum inquit: Beneficentiæ & communicationis ne obliuiscamini. Talibus enim vicimis delectatur Deus.

42 Verù hoc accipiendum est, de eleemosyna, quæ præstatur a Publicano, & nò a Phariseo, id est, quæ præstatur a pijs ad Deum conuersis, & non ab impijs hypocritis. Nam horum eleemosina, etsi usu valet: cultu tamen est vitiosa & abominabilis coram Deo. Quicquid enim nò sit ex fide, peccatum est: utpote profectum ab ijs, quorum & mens & conscientia polluta est, & aberrans a debito fine.

SEPTIMA LEX

Decalogi.

Non Mæchaberis.



1 T sub adulterij nomine, omne intemperantiz, id est, impuritatis & impudicitiz genus, quo anima vel corpus hominis polluitur, vetatur: ita omne temperantiz genus impuritati animæ & corporis repugnans, præcipitur.

2 Duæ sunt ergo huius Legis hypotheses generales: vna affirmatiua, Temperantiam sectator: Altera negatiua, Intemperantiam ne sectare. De affirmatiua, hac vice dicendum erit.

3 Temperantiz bonum nemo satis laudauerit. Est enim temperantia veluti naturæ custos fidelissimus, quam qui vere sectatur, tranquillum naturæ statum sentit.

4 Hoc Græca appellatione pulcherrime significatur. Dicitur enim temperantia Græcis *σωφροσύνη* quasi *σώζουσα φρόνησις*, hoc est, conseruans prudentia.

5 Huius ratio ex appellatione Latina peti potest. Dicitur enim temperantia Latinis a temperie, hoc est *inquietæ* affectuum & actionum temperata ad rectam rationem.

6 Definitur autem temperantia in hunc modum. Temperantia est rationis in libidinem, atque alios non rectos impetus animi, firma & moderata dominatio.

7 Hæc ergo facit ut nihil appetas, cuius te poeniteat: ut in nullo Legem moderationis excedas: ut sub iugo rectæ rationis cupiditatem frenes.

8 Cernitur autem hæc virtus, (quantum quidem ad nostrum institutum facit) in quatuor artibus, quæ sunt, abstinentia, sobrietas, castitas, pudicitia, quæ apud summum ordine ad finem Legis huius referuntur.

9 Abstinentia gulæ aduersatur, ut quæ vsum potus cibique

bique iuxta rectæ rationis iudicium moderetur, & ijsque abſtineat, quibus caro ad vllam impuritatem natura hominis indignam, irritari poteſt.

10 Huic ieiunio ſubijcio, quo caro ferocior facta, tanquam freno, coercetur & domatur, quoties aduerſus ſpiritum importunius inſurgit.

11 Et quia nemo melius nouit propriæ carnis petulantiam, quam is qui ferocientem ſentit: nemo ieiunando tempus aut modum rectius præſcripſerit, quam ipſe.

12 Sobrietas duplex eſt: Vna animi: Corporis, altera. Vtraque vt rariffima: ita maxime laudabilis.

13 Sobrietas animi eſt & rectus vſus rationis, & ſuauiſ affectuum moderatio. Huius cauſa eſt mens pie recteque edocta, & aſſuefactio ad moderationem ſeruandâ in omnibus rebus. Ex quo fit, vt hac prædictis conſilia & actiones prudenter gubernet, ne quid turpe aut indecorum in vita committat.

14 Sobrietas corporis eſt in potu potiſſimum temperantia, ne eius ſit immoderatus vſus, vnde inflammantur impuri affectus. Hæc vt a ſobrietate animi venit: ita ſanitatem corporis, virium incolumitatem, & vitæ puritatem conſeruat.

15 Caſtitas puritas mentis eſt, quæ etiam in corpus dimanat, qua fit vt ab omni impuritate & contagio abhorreamus, impuram, Venerem fugientes.

16 Neque enim vera caſtitas corporis eſſe poteſt, niſi quæ a caſto proficiſcatur animo: id quod Ariſtoteles intellexit, dum diceret Philoſopho cuidam, caſtis manibus reddenti vrinam, *ἀγνὰ μὲν χεῖρες, φθὲν δὲ ἔχει μίανραντα.*

17 Quod autem Papiſtæ laudem caſtitalis ſuis impuris Sacrificulis, Monachis & Monialibus vendicant, impurum eſt commentum, cum recta ratione & verbo Dei pugnans.

18 Nam caſtitas omnium hominum eſt, qui a vetita libidine ſe puros & integros ſeruant, ſiue ſint virgines, ſiue cælibes, ſiue coniuges.

19 Nam cum Paulus pronunciat piorum coniugium thorum honorabilem esse vt sanctum & impollutū, quis castitatis laudem pijs coniugibus adimere audebit?

20 Dammandus est proinde & error eorum, qui ad certos hominum ordines castitatem alligarunt, & commentum eorum, qui virginitatem cælibatu, cælibatum coniugio meliorem tradunt, ac inter opera perfectionis, & consilia Euangelica numerant.

21 Quod autem Paulus, 1. Cor. 7. videtur virginitatem præferre coniugio, dextre iuxta mentem Pauli accipiendum est. Non enim simpliciter & omnino anteponit coniugio virginitatem, vt meliorem, sed κατὰ τὴν, ob certas scilicet circumstantias.

22 Siquidem non bonitate operis, sed vsu, non merito perfectionis, sed actionis commoditate, virginitas & cælibatus anteponuntur coniugio: non tamen semper, neque in omnibus, sed tempore necessitatis, & in ijs qui donum forte habent perpetuæ continentiz.

23 Nam illi qui perpetuum continentiz donum non habent, regulam Apostolicam teneant: Propter fornicationem (scilicet vitandam) vnusquisque suam uxorem habeat, & vnaquæque suum maritum habeat.

24 Tametsi autem hæc Lex non mandat coniugium simpliciter, sed castitatem animi & corporis ab omnibus sine discrimine requirit: tamen sub conditione, omnes ad coniugium obligat, qui donum perpetuæ continentiz non habent: adeo vt qui contra faciunt Deum tentare videantur.

25 Pudicitia virtus animi est, quæ se in vita & moribus contemplandam exhibet. Hæc enim facit vt nos pudeat vel audire, vel videre, vel loqui, vel vllis gestibus ostendere aliquid a vera castitate alienum. Hæc vt a pudore nomen habet: ita pudore conseruatur.

26 Huius pudicitiz indoles est, vt si quis ea præditus, casu vel viderit, vel audierit, vel fecerit quod parum castū videtur, mox erubescat, & rubore vultus pudicitiam animi testetur.

37 Huc

17 Huc pertinet comicum illud: Erubuit, salua res est. Et vir quidam sapiens adolescenti in rubore dixit: Confide fili, iste est color virtutis.

18 Cyprianus scribit pudicitiam non in sola carnis integritate consistere, sed etiam in cultus & ornatus honore pariter & pudore.

19 Hactenus de temperantia & eius partibus. Nunc autem ut in eius amorem accendamus magis, causas eius veras recitabimus.

30 Prima, Mandatum Dei. Is enim serio nobis hanc virtutem in sua Lege præcipit. Hoc Dei mandatum merito nobis esse deberet vice mille demonstrationum. Sola enim ad dictorum confirmationem, rerum sufficit demonstratio, quando probatio in autoritate dicentis est.

31 Secunda, Conditio fidei: quam, ut indiuiduus comes, timor Dei purus & castus comitatur, qui sine hac temperantia consistere nequit.

32 Tertia, Cû temperantia sit naturæ custos, naturâ effrenem facit, qui temperantiam nõ maximo sectatur studio.

33 Quarta, Vocatio nostra. Vocati enim sumus ad sanctitatem, cuius præcipua pars est pia temperantia.

34 Quinta, Precandi forma Christianorum, qua iubentur petere voluntatem Dei fieri in terra, quemadmodum in coelo fit. Nunc autem cum angeli Dei sint maxime temperantes & casti: petimus conformes illis fieri in temperantia & castitate.

35 Sexta, Exemplum Christi, a quo Christiani dicimur. Cum ergo is fuit temperatissimus, cuius omnis actio nostri est instructio, decet profecto, modo ipsius discipuli esse velimus, imitari ipsius temperantiam.

36 Septima, Ipsa temperantia est per se virtus amabilis, utpote optima & pulcherrima, ut quæ sua bonitate & pulchritudine merito nos in sui amorem alliciat.

37 Octava, Turpitudine & poena, quibus inuoluuntur omnes qui temperantiæ immemores, sese in omne in-temperantiæ coenum foedissime immergunt.

INTEMPERANTIA.



Vemadmodum temperantia virtus est, sub qua continetur, & cum qua coniunctum est, quicquid Dominus sua septima Lege requirit: ita intemperantia, & quæ ab ea nascuntur infelices proles, hac eadē Lege interdicuntur, accusantur, damnantur.

2 Est autem intemperantia, quam Græci aptissimo vocabulo *ἀσφαλία* nominant, vitium Deo inuisum, naturæ inimicum, & hominis excellentia indignissimum.

3 Per hanc intelligo omnem impuritatem animi & corporis, cum vera castitate & temperantia pugnantem.

4 Et si autem Augustinus in libro De agone Christiano ait: Inter omnia Christianorum certamina duriora sunt prælia castitatis, ubi quotidiana pugna, & rara victoria: tamen qui vere a Spiritu sancto regitur, flammæ libidinis, etsi non prorsus extinguere, tamen reprimere potest, si gradus, occasiones, causas vitauerit: Si remedia aduersus eas monstrata verbo Dei arripuerit: si pœnas, quæ libidines sequuntur & in hac vita & futura, recte cogitauerit: denique si præmia diuinitus castis promissa, ante oculos habuerit.

5 Gradus ad obscœnas voluptates sunt plures, videlicet cogitatio, affectus, consensus, *ὁρμή*: Quæ ut concupiscentiæ vocabulo intelliguntur; ita a concupiscentia innata pullulant, & altæ radices agent, & partus infelices producent, nisi mox ut inceperint, suffocentur.

6 Cogitatio enim *ἰμπάδης* si moram traxerit, affectus mouetur: si hic non statim repressus fuerit, inflammatur: inflammatus affectus voluntatem ad consensum impellit: consensum excipit factum. Hoc sæpius iteratum veluti in naturam vertitur, ut postea reuocare pedem non possis, sed cogaris contra etiam consilium mentis rueri. Huc querela illa Medæ, *δυὸς δὲ χρίσσει τῶν θυῶν ἐλαττωμένη*. Quare qui sapit obtēperet Poetæ, qui ait: Principijs obsta,

obsta, sero medicina paratur, Cum mala per longas con-
ualuere moras.

7 Occasiones multæ offeruntur, partim a Diabolo,
partim ab hominibus, ut prauum sodalitium, sicuti Me-
dea de se testatur: Frequentes accessus malarum foemi-
narum ine perdididerunt. Huc visum impudicum, gestus
venereos, & colloquia obscœna refero.

8 Causæ sunt concupiscentia innata, hæc fouetur cra-
pula, ebrietate, comestationibus & id genus alijs Vene-
ris instrumentis.

9 Nam postquam vino seu largiori potatione lan-
guis calere inceperit, bruta pars animæ sanguine, cali-
diore veluti fermentata, furores feruentes & concupis-
centias ardentes excitat.

10 Hos gradus, has occasiones & causas sciamus pro-
hibitas esse hac septima Lege. Quare quibus salus animæ
curæ est, intempestiue se aduersus hæc mala muniant: ne
tempore naturam æquent, ex quo quædam peccandi ne-
cessitas comparatur.

11 Præterea quæ diximus, Theologi ex verbo Dei
quatuor (præter castum coniugium) remedia aduersus
malum damnatæ Veneris numerant, ac omnibus pijs
commendant, quæ sunt assidua inuocatio ex fide, lectio
sacra, ieiunium, & fuga ocij, seu labor honestus.

12 De oratione habemus promissionem, quod Deus
ex vera fiducia inuocantes velit exaudire, modo summa
nostra oblectatio & voluptas in Domino fuerit radicata,
iuxta illud: Delectare in Domino, & ipse dabit tibi peti-
tiones cordis tui.

13 Sacra lectio mentem hominis sursum eleuat, ut
homo brutæ voluptatis obliuiscatur. Quare Dauid ver-
bi diuini meditationem nobis diurnam & nocturnam
commendat. Cum hac coniungo pios hymnos & canti-
lenas, quibus anima hominis mirifice in sublime tollitur,
& veris voluptatibus perfruitur.

14 Ieiunio pabulum Veneri adimitur, & Spiritus ho-

minis pij excitatur, vt insurgat aduersus Veneris æstum, eum extinguat. Redduntur enim preces ardentiores spiritu dominante. Nec alia de causa laudatur ieiunium. Nam Monachorum figmentum de ieiunij laudibus, quasi per se esset meritorium & cultus Dei, ad Papatum remittimus.

15 Ocij quoque fugam & honestum laborem, remedium esse Veneris vitæ etiam profani scriptores intellexerunt, vt ille: Ocia si tollas, periere cupidinis arcus. Item, Nihil agendo male agere discimus.

16 Hæc quatuor remedia hoc disticho completi soleo:

Ores, casta legas, ieiunes, ocia vites,
Si seruare cupis corpora casta Deo.

17 Poenæ quæ comitantur *κατακλισεις* sunt horrendæ & plures quam quæ cogitari possint, ne dum numerari: inter quas præcipuæ sunt, cæcitas mentis, obduratio cordis, infamia vitæ, donorum Dei foeda contaminatio, poenæ corporales, supplicia æterna.

18 Cæcitas mentis, quam Paulus *ἀδωκίμων* nominat, facit, vt amans putet se videre quod non videt, iudicet mala bona, & bona mala. Breuiter, Quid deceat, non videt illus amans.

19 Obduratio cordis, quo malo nullum est magis triste: Hæc a Paulo etiam dicitur *ἀπαισθητός καρδιά, ἀπαλγυσία*, qua conscientia hominis tanquam cauterio vsta, plane *ἀναισθητός* efficitur.

20 Infamia vitæ, quæ non solum in ipsis Veneris macipijs hæret: verumetiam vniuersam familiam & posteritatem foedat.

21 Donorum Dei foeda contaminatio, Veneris damnatæ quoque stipendium est. Vt enim fumus rem obiectam foedat & offuscat fuligine sua: ita obscænus ille Veneris vsus dona Dei, quibus homo aliqui ornatus erat, foetore polluit, vt nulli sint vsui.

22 Poenæ in corpore sæpe hærent, vt lues Venerea &

alii morbi, quibus qui non corripuntur, maius iudicij Dei aduersus se testimonium habent. Videtur enim Deus eos tanquam inemendabiles abiectisse.

23 Supplicia æterna, hæc enumerata mala excipient in omnibus ijs, qui non ante mortem conuertuntur. Nam Dei misericordiæ in infinitum excedunt omnes omnium hominum miseriae.

24 Sed cur tantæ poenæ, & tam multiplices vni Veneri debentur? Quia mandatum Dei contumaciter violatur, dignitas humanæ naturæ per libidinem effrenem calcatur, Spiritus sanctus contristatur, templum Dei profanatur, inuocatio impeditur. Breuiter, Nullus locus relinquitur aut pietati, aut vlli virtuti, sed homo se totum imperio Satanz subiicit in contumeliam Creatoris.

25 Postremo loco proposuimus de præmijs frenatæ libidinis, quæ maxima sunt, & omnia continentur hoc Domini dicto: Beati mundi corde, quoniam ipsi Deum videbunt.

26 Etsi autem cor hominis nunquam ita in hoc mundo mundari potest, quin reliquæ flammæ Veneris interdum excitentur, vtut fuerint sopitæ & irritentur concupiscentiæ turpes: tamen quando penes Spiritum manet victoria, & non superatur homo flammis libidinum, conatus hic apud Deum pro munditia cordis acceptatur, vt non imputet nobis nostras sordes, quibus purgandis damus operam.

27 Genera Veneris vitæ plurima sunt, vt fornicatio, stuprum, raptus, incestus, adulterium, τὸ ἁρπάζειν ἑδὺλον, & multa alia, quæ accurate recitant Monachi: vt qui ea vel in priuatis confessionibus didicerint, vel ipsi Sodomitarum progenies, inuenerint & auxerint.

28 Si quis contraxerit cum ea, cum qua turpiter consuevit, viuente marito, tametsi Papistæ contractum istud continuatum adulterium statuunt: tamen ego istud simpliciter affirmare non audeo, sed distinctione opus esse iudico, in hunc modum.

29 Aut turpitudō præcedens fuit publice nota, vel faltem iuste suspecta: aut fuit sine omni suspitione. Si turpitudō fuit publice nota, contractus sequens peccat scandalo, nec potest vnquam probari: nisi publice nota poenitentia, vt in Dauidē, præcesserit. At si turpitudō sequens, nec publice nota, nec iuste suspecta fuit, doctus & prudens pastor potest conscientias eorum qui contraxerunt, sic sanare, vt vsus eius coniugij fiat sanctus.

30 Verum, quoniam raro bene succedit ijs qui sic cōtrahunt, hortarer omnes qui Christiani dici & esse volunt, vt id non tentent, de quo iusta possit esse dubitatio, & ex quo insuavis conuersationis imminere periculum, & insanabile scandalum.

31 Antichristus quædam mentitur contra hanc Legem fieri, vt sunt Sacerdotum, Monachorum & Monialium coniugia. Præterea spirituales cognationem impie incestui comparat.

32 Nam cum Sacerdotibus Papa interdicit coniugia, legi Dei, naturæ, & laudatis exemplis aduersatur, & patrocinator nefandis illis sceleribus, propter quæ Deus multas gentes deleuit.

33 Cum votum Monachorum & Monacharum putat impedire coniugium, sacrilege facit: vt qui probet vota, quæ Deus improbat.

34 Si spiritalis cognatio, quam Papa definit esse eorum, qui pueris baptizandis vna testes adsunt, impedit coniugium; profecto nulla inter Christianos coniugia erunt licita: cum multo sit arctior cognatio per Spiritum eiusdem Christi, quo coalescunt in vnum corpus (cuius caput est Christus) fideles omnes, quam per eternam baptismi testificationem.

OCTAVA LEX

Decalogi.

Non furtum facies.

Vt

VT in omni honesta Lege, duo spectanda sunt, Ratio & Finis: ita etiam huius octavæ Legis & rectissima ratio est, & utilissimus finis.

Ratio quidem hæc est: Deus cum sit iustissimus, ut ad normam suæ iustitiæ suum cuique tribuatur. Finis vero, ut homines sua sorte contenti, suumque cuique tribuentes, humanam societatem communibus officiis foveant, iuvent, tueantur.

Hac ratione & hoc fine Legis inter se collatis, facile est videre, & quid hac Lege præcipiatur, & quid vetetur.

Ut enim omnia ista hac Lege præcipiuntur, quæ ordine iusto a ratione ad finem eius assequendum tendunt: ita omnia quæ & a ratione deflectunt, & ad finem non recte feruntur, prohibentur. Ut enim illa ex charitatis fonte manant: ita hæc eandem perturbant.

His factis veluti fundamentis, distinctius huius Legis amplitudinē consideremus, videamusque quæ particulares Leges sub hac communi contineantur.

Sunt autem potissimum quinque Leges particulares, quas hæc communis complectitur. Prima de rerum distinctis dominijs. Secunda, de alienis contra iustitiam non contrectandis. Tertia, de iuste quærendis proprijs. Quarta, de recto usu quæsitum. Quinta, de solvendis debitis, quæ vel natura, vel lege alijs debentur. Hæc enim omnia cum ratione & fine Legis propositis conveniunt, de quibus ordine dicemus.

Prima Lex particularis, sub communi comprehensa est, de distinctis rerum dominijs. Nam cum furtum prohibetur, discrimen traditur inter meum & tuum. Nam si mihi tuo, & tibi meo uti ex æquo liceret, furtum non committeretur, sed rerum communio æqualis statueretur.

Iam si rerum communio esset æqualis, plerique omnes legniores & negligentiores in præstandis officijs

efficerentur. Ex qua re humana societas non solum maxima detrimenta acciperet: verumetiam paulatim liti-
bus solueretur, & tandem misere aboleretur.

9 Hæc detrimenta, solutio & abolitio humanæ societatis cum manifeste pugnant cum Lege naturæ: (quæ dictat humanam societatem conseruandam esse) sequitur eorum causam, nempe rerum communionem æqualem, cum lege naturæ pugnare. Quid enim magis cum natura pugnat, quam quod naturam destruit?

10 Hinc planissime sequitur quod proposuimus, videlicet, rerum distinctionem commendari & esse iuris naturalis: vt quæ faciat ad conseruandam naturam humanam, qualis nunc est in hac vita post lapsum primorum parentum.

11 Hæc Leges pertinent humanæ, quibus distincta rerum dominia approbantur: huc iudicia forensia: huc gladius, (quem magistratus a Deo accepit) quo rerum proprietates contra fures & latrones defenduntur.

12 Verum quia Deus voluit homines societate coniungi, sapienter distribuit sua dona. Non enim vni contulit omnia, sed alijs alia, vt tu meis & ego tuis indigerem, ex quo nata est iustitia commutatiua, quæ, vt in commutatione rerum seruat æqualitatem: ita maxime facit ad assequendum finem Legis, de quo agimus.

13 Cum hæc pugnat iniustitia, quæ in rerum permutatione æqualitatem non seruat pro temporum & locorum ratione. Neque enim similis semper æqualitas esse potest in specie, etsi in genere æqualitatem semper esse oporteat. De qua æqualitate gubernatorum Rerum publicarum est indicare. Possunt enim gubernatores pro commodo societatis humanæ, hic quædam permittere, & quædam Legibus stabilire.

14 Vt autem hæc æqualitas commodius inter homines seruari possit, sapienter nummus inuentus est, qui quidem vsum suum non natura, sed hominum arbitrio, instituto, ac Lege, tenet. Nummus enim quasi νόμος dictus est.

15 Qua-

15 Quapropter de nummo non tam ex materia & valore eius in se, quam ex Lege, usu & fine iudicandum est.

16 Secunda particularis Lex, quæ sub generali continetur, est, ne quis aliena contra Legem contrectet. Est enim furtum rei alienæ iniusta contrectatio. Ita enim ratio Legis postulat, ut furti appellationem latius quam Iurisconsulti accipiamus.

17 Sunt autem furti genera duo, videlicet clancularia surreptio, & rapina.

18 Clanculariæ surreptioni (cum qua pugnat virtus rarissima *ἀνταρξία*) tribuunt Iurisconsulti nomen furti, quam interdum necessitate & iure belli excusari disputatur a nonnullis, quorum sententiam tum demum approbabo, cum eam cum capite Legis, *Dilige proximum tuum & teipsum*, non pugnare monstrauerint. Quod tamen aliquando fieri posse non nego: tamen quia de ea communis regula statui vix potest, volo hic omnia potius ad charitatis legem reuocari.

19 Rapina duplex est. Vna manifesta, Altera iuris prætextu palliata.

20 Manifesta rapina est, quæ per violentiam exercetur, qualis est latronum, piratarum, & omnium qui violenta manu iniuste alienas possessiones rapiunt, & auferunt.

21 Rapina palliata prætextu iuris, est, cum potentiores non coacti necessitate, contra Legem & longo tempore confirmatam consuetudinem, suorum subditorum facultates ad se transferunt, ut habeant instrumenta, non quibus conseruare societatem humanam possint, sed quibus suæ superbix & libidinibus satisfaciant.

22 Etsi autem huius generis rapina sæpe committitur: tamen nolim hic subditos sibi de hoc genere sumere iudicium. Nam hoc tempore plura ornamenta pacis, firmitiora subsidia belli, & nerui reipublicæ maiores requiruntur, quàm olim. Quare & necessario grauiora onera

imponi subditis necesse est, quæ subditi æquo animo ferre debent modo contra Deū arma sumere noluerint.

23 Potentiores tamen vellem cogitare, nō tam quid libeat, quam quid liceat. Quod tum demum facerent si Deum timerent, subditos tanquam liberos proprios diligerent: Quod profanus Cyrus a Xenophonte fecisse scribitur.

24 Tertia particularis Lex, quæ sub communi continetur, est vt iuste quisque quærat propria. Nam si distinctio rerum sancitur lege Dei & contrectatio rerum ad nos non pertinentium damnatur a Deo: certe aut iubemur propria iuste quærere, aut nos ipsos iniuste de medio tollere. Horum posterius, cum sit contra Deum & naturam; profecto & Deus & ipsa natura volunt, vt quilibet sua quærat, & de iuste partis viuat.

25 Iuste parva voco, quæ vel ex hæreditate iusta quis possidet, vel iusto labore in legitima vocatione acquisiuit.

26 Legitimam vocationem definio, cum vtrumque coniungitur, hoc est, cum & opus functionis sit legitimum, & persona operans legitime ad opus faciendum sit ordinata.

27 Cum hæc duo concurrunt, officium dicitur vocationis opus. Siquidem officium est, quod quilibet facere debet ex vocationis suæ conditione.

28 Sed in officij ratione duo spectanda sunt, videlicet genus officij & muneris executio.

29 De genere officij tenenda est hæc regula: Omne officium faciens ad conseruandos & ornandos status a Deo ordinatos, videlicet, Oeconomicum, Politicum, & Ecclesiasticum, prima, quinta, & hac Lege mandatur.

30 In muneris executione fides & charitas regulæ esse debent. Fides quidem cauet, ne quis Deum offendar, suadet vt omnia ad gloriam Dei referat, continet operantem in timore Dei. Charitas vero cauet, ne cui iniuria

iniuria inferatur, suadet vt proximi commodis seruiatur, continetque operantem in amore proximi.

31 Ex his concluditur, quod vt Segnitie & impossutura hic damnantur: ita sedulitas & diligentia & candor in præstando officio commendatur.

32 Quarta particularis Lex, quæ sub communi continetur requirit, vt legitime quæsitis vtamur in gloriam Dei, in ministerij diuini conseruationem, in reipublicæ commodû, in sustentationem nostri & familiæ, in elemosynam, qua subleuantur tenuiores.

33 Vt huic legitimo vsui seruiunt virtutes, liberalitas, misericordia, & iustitia: ita cum eo pugnant profusio, tenacitas, auaritia, immisericordia, iniustitia.

34 Postrema Lex, quæ sub hac communi cõtinetur, iubet soluere quæcunque alijs natura vel Lege debentur.

35 Qui enim non reddit quod debet, alienum detinet contra iustitiam, quæ tribuit vnicuique quod suum est. quare & furti coram tribunali Dei peragitur. Recte enim Augustinus ait: Omne quod male possidetur alienum est. Si alienum, furtum coram Deo iudicatur.

36 Huc ergo pertinet præceptum Pauli: Reddite omnibus debita. Item: Nemini quicquã debeatis nisi hoc, vt inuicem diligatis. Hic Paulus & præcipit soluenda esse debita, & distinguit debitorum genera.

37 Quorum vnû ita solui vult, vt nemini quicquam debeamus. Alterum perpetuo quidem soluendo postulat, quod tamen nunquam ita persoluitur, quin adhuc debeatur aliquid.

38 Prius illud debetur Lege ciuili, & iuxta Legem solui oportet: Posterius natura. Quod quidem iuxta naturam soluitur, sed nunquam perioluitur. Verum hæc forte ita clarius distinguuntur.

39 Prius debitum est, quod ciuili obligatione debetur, videlicet cum Lege ciuili aliquis ad soluendum obligatur, ita vt magistratus debitorem cogere possit vt sol-

nat, & puniat non soluentem. Atque hoc debitum Paulus vult persolui, cum ait: Nihil cuiquam debeatis.

40 Posterius debitum est, quod naturali obligatione debetur, videlicet, cum natura aliquis ad soluendum obligatur. Obligamur autem natura omnes ad mutuam dilectionem, & ad mutuae dilectionis officia analogæ præstanda.


41 De hoc debiti genere loquitur Paulus, cum ait: Nisi hoc, vt vos mutuo diligatis: significans perpetuam obligationem esse, qua nos Deus & natura obligat ad officia dilectionis.

42 Neque huius obligationis ratio obscura est, vt quæ sit in ipsa natura impressa ab ipso Deo opifice: quod tibi vis fieri alijs præstabis. Qui ergo non diligit, & ex dilectionis Lege benefacit proximo indigenti, contumax est aduersus Deum, & cum natura pugnat, indignus qui bonis naturæ fruatur.

NONA LEX

Decalogi.

Non respondebis falsum testimonium aduersus proximum tuum.

1  N hac Lege, vt in omnibus alijs, duo spectanda sunt, videlicet, ratio & finis. Quæ si recte æstimentur, facile apparebit, & quid ea præcipiatur, & quid prohibeatur.

2 Ratio quidem hæc est: Quoniam Deus est verax, vult suam creaturam, amare veritatem & odisse mendacium. Finis vero, vt veritatem sine fuco colentes, sanctius & tranquillius, & in Ecclesia, & in humana societate, viuamus imaginem Dei portantes, in veritate & iustitia.

3 Quicquid ergo a ratione hac proficiscitur, & ad hunc

hunc finem iusto ordine tendit, hoc præcepto mādatur, & quicquid quouis modo vel a ratione vel a fine defle-
cit, prohibetur.

4 Hinc patet, quod vt veritas omnis in dictis & fa-
ctis præcipitur: ita omne mendacij genus in ijsdem pro-
hibetur & damnatur.

5 Sapientes illi qui primi dederunt rebus nomina, vt
docerent veritatem Lege naturæ requiri, & mendacium
esse contra naturam, conceptum mentis & sermonem
vno nomine λόγος nominarunt. Volebant enim hoc mo-
do significare λόγος alium fonti, alium riuo similem esse.
Fonti quidē, qui mente concipitur, atque ideo ἰδιόδικος
cognominatur: Riuo vero qui per os linguamque pro-
fluit, ex quo πρὸς φωνὴν appellatur.

6 Iam vero, vt est secundum naturam, vt riuus sapiat
fontem, a quo profluit: & contra naturam, si foetidus
riuus a dulci promanat fonte: ita secundum naturam est,
cum λόγος externus congruat cum interno: & contra
naturam, si ab eo discrepet.

7 Porro, quoniam hæc lex Nona prohibitiua est, vt
quæ prohibeat falsum testimonium, quo per Synecdo-
chen omne mendacium comprehenditur: dicemus de
mendacio, eiusque generibus.

8 Est autem mendacium, omne dictum & omne fa-
ctum cui veritas non subest, quauis causa, quouis fine,
& quauis intentione prolatum aut fictum. Cuius gene-
ris sunt plura.

9 Vt autem omne mendacium vel in dictis, vel in fa-
ctis versatur: ita committatur dupliciter, videlicet in
doctrina, & in vita.

10 In doctrina committitur mendacium cum vel in
religione ab analogia fidei disceditur, vel in artibus a
principijs certo perceptis aberratur.

11 Mendacium in religione commissum si est contra
analogiam fidei seu fundamentū, omnium perniciosissi-
mum est, sub quo mendacio omnes hæreses continetur.

12 In artibus mendacium leuius est, videlicet, cum non recte applicatur rebus in Philosophia iudicandis demonstratio, quæ amussis philosophica dicitur. Nam ut fabri suam amussim sequuntur, ne in ædificando peccent: ita Philosophi in artibus nihil sine demonstratione, ut immotum, admittant.

13 Hic foedissime lapsus est Epicurus, qui contempta amussi philosophica, errores multos in Philosophiam inuexit, & inter alios, finem hominis esse voluptatem. quod sane potius in hris porcorum, quam in Scholis Philosophorum didicisse putandus est.

14 In vita committitur mendacium pluribus modis. Qui tamen vix numerari possunt: tamen eos omnes sub certis generibus comprehendere conabimur. Statuamus ergo huius mendacij, quod in vita committitur, quatuor genera.

15 Primum, cum quis sola mentiendi libidine, non spectans suum vel aliorum commodum aut incommodum, mentitur. Hoc genus mēdacij ab Augustino merū mendacium dicitur, ut quod nulla opinione commodi vel incommodi mixtum sit.

16 Secundum, cum quis sua ipsius gratia mēntitur. siue id fiat dictis, siue factis: Quales sunt arrogantes, hypocritæ, dissimulatores, a quibus vitij alienus, *αὐτὸς* a Philosopho dicitur, hoc est, qui dictis & factis suis sibi per omnia similis est, nec quicquam fingit, *ἀλλ' ἑαυτοῦ αὐτὸς* manet.

17 Tertium, cum quis propter alios mentitur. Atque huius generis quatuor sunt gradus.

18 Primus gradus est, cum solummodo voluptas auditorum spectatur, & vocatur Græcis *ὑπερηφανία*, quam Aristoteles virtutibus, Paulus vero vitij annumerat. Hoc quidam iocosum mendacium nominant.

19 Secundus gradus, cum tantum commodum aliquod spectatur, sine alicuius damno. Hoc interdum verum occultatur quod dici oportuit, & falsum dicitur quod

quod non oportuit. Hoc nonnulli officiosum mendaciū appellant: cum tamen contra officium pij hominis est, vllam ob causam mentiri.

20 Tertius gradus est, cum solummodo damnum spectatur eius, de quo quis loquitur. Huic gradui subijciuntur detractio, contumelia, derisio, susurratio, quæ in hunc modum distinguuntur.

21 Detractio est, qua absentis vita aperte roditur, quæ ab odio vel invidia nata, tendit in eius infamiam cui detrahitur.

22 Contumelia est, qua præsentis honori aliquid dictis, vel factis iniuste detrahitur, quaque indignus ignominia afficitur.

23 Derisio est, qua alicuius dictum aut factum, contentus causa, in risum iocumque trahitur iniuste.

24 Susurratio est occulta & insidiosa oratio de absente, cuius finis est discordiam inter amicos seminare.

25 Quartus gradus est, cum verumque spectatur, videlicet commodum & damnum. Hoc est, cum quis mentitur, ut profit vni, & noceat alteri. Huic gradui fraudem & dolum subijcio.

26 Quartum, cum quis contra alios mentitur aut falsum dicit, idque in iudicio. Superiora enim omnia, ut sunt extra iudicium, accipimus. Hoc autem quartum genus præcipue hac Lege nona interdicitur, cum cætera ad superiores quoque Leges referuntur.

27 Hoc genus committitur in iudicio, nunc accusatione falsa, nunc testimonio falso, nunc inficiatione falsa, nunc defensione falsa, nunc sententia falsa.

28 Reus est igitur violatæ huius Legis, & qui falso fisteque accusat, & qui falsum testimonium dicit, & qui verum negat, & qui defendit iniusta, & qui iudicat male. Huic mendacij generi subijcitur *συνόψαστις*.

29 Est autem *συνόψαστις*, calumnia qua quis vel fiste accusat, vel vera crimina celat, vel tergiuersatur, quo sententiam iudicis eludat.

30 Atque hæcenus de generibus mendaciorum dictum sit, quibus omnibus veritas opponitur, quæ in omni re, honesta & laudabilis est, quemadmodum mendacium malum viciosumque semper existit.

31 Est autem veritas, cum dictum aut factum cum re consentit, vel subiecta vel significata: cuius cum firma sit *προσέτις* in voluntate, maxima virtus est, qua homo constanter amplectitur veras sententias, dicit vera, servat pacta in sermone & gestu, vitat insidiosas occultationes.

32 Veritati ancillantur amor veritatis, candor, docilitas, vera gloria, modestia, temperantia linguæ, & multæ aliæ virtutes, quæ vitijs in mendacij generibus enumeratis opponuntur.

33 Porro quoniam mendaciū est quiddā *ἀπατάλησις*, (vt loquuntur) nulla, quæ aliquid veri significant sub dictis vel factis qualibuscunque mendacia sunt dicenda, sed schemata sermonis, sub quibus veritas continetur.

34 Christus ergo cum apparet in forma peregrini, non committitur mendacium. Nam illa forma peregrinantis significat Christum in suis membris peregrinari in hoc mundo, & non habiturum stabilem mansionem. Nec quod finxit se longius ire, mendacium erat. Nam ista fictione significat se discessurum ab illis, qui se docentem fide non recipiunt.

35 Similiter multa Prophetica dicta & facta, mendacijs similia sunt: sed cum referuntur ad eas res, ob quas significandas ita vel dicta vel facta sunt, reperiuntur significationes esse veraces, atque ideo nullo modo mendacia esse dicenda.

36 Similiter tropi, vt metaphora, metonymia, allegoria, *σικωμία*, hyperbolæ, &c. Item, parabolæ, apologi, fabulæ, & quibus non falsa significantur: non mendacia, sed veritatis instrumenta sunt iudicanda.

DECIMA LEX

Decalogi.

Non concupisces rem proximi.

V Ratio huius Legis, Nō concupisces, &c. hæc est: Deus sanctus & purus, & ab omni mala concupiscentia alienus, vult nos puritati & sanctitati studere: ita finis eius est, vt nulla cupiditas, cum charitate Dei & proximi pugnans, humanos animos perturbet, & a recto auocet.

1. Etsi autem hanc Legem vetitæ concupiscentiæ in superioribus legibus includi non est dubium: tamen peculiarem legem de ea ferri, multis de causis vtile erat.

3. Prima, vt errorem corrigat eorum, qui peccatum definiunt opus cum voluntate coniunctum, negantes inclinationem & voluntatem malam, sine perpetratione operis, esse peccatum. Quod ergo in superioribus Legibus implicate, idem hic expresse prohibetur, vt primum peccati fontem monstret prauam concupiscentiam.

4. Secunda, vt discernat inter leges politicas & diuinas: quarum illæ contentæ sunt externa disciplina: hæ puritatem cordis ante omnia postulant.

5. Tertia, vt hypocrisin damnet eorum qui externa legis disciplina se iustos putant, cum interim cor ardeat prauis cupiditatibus Lege Dei damnatis. Ex quo fit vt homo in hac vita Legem Dei nunquam implere possit.

6. Hic cogitandum est quanta sit *intra* in toto homine lapsum primorum parentum secuta. Homine integro adstructa fuit concupiscentia, vt quod bonum sibi esse crederet, expeteret, sequereturque: adeptus vero, retineret & conseruaret. Bonum autem hominis verum & solidum est Deus. Itaque hominis concupiscentia recta est,

ut Deum tanquam summum bonum sectetur, ei adhaereat amore perfecto, & in eo solo acquiescat. Verum postquam homo in peccatum lapsus est, & auersus a Deo, concupiscentia hominis deprauata est, ut quæ feratur in res prohibitas contra naturæ ordinem & Dei voluntatem.

7 Et ut homo in fruitione Dei summas habiturus erat delicias & voluptates, si mansisset in perfectionis statu: ita factum est, ut auersus a Deo quærat delicias & voluptates, quibus tamen nunquam expleri potest, in signum, quod vero & solido exciderit bono, quod solum sufficit ad explendum hominis desiderium.

8 Neque tamen omnem concupiscentiam, quæ est in homine post lapsum, peccatum esse definimus, sed tantum eam, qua id quod non licet, libet, & quia libet, appetitur.

9 Nam ut naturalis concupiscentia, qua appetimus ea quæ faciunt ad conseruationem nostri & naturæ, ordinatis medijs, ac recto rationis iudicio, bona & necessaria est: ita renatorum concupiscentia reparatio est concupiscentiæ eius quæ fuit in homine ante peccatum, ideoque sancta & laudabilis.

10 Non ergo simpliciter damnamus omnem concupiscentiam, sed vetitam solummodo, quæ a Deo ad creaturas hominem auertit, quæ hoc modo recte definiri potest.

11 Concupiscentia, Lege Dei vetita, est *atralis*, infirmitas, & inclinatio in homine, pugnans cum Lege Dei, damnata a Deo & rea æternæ poenæ, donec fiat remissio.

12 Monachorum somnium damno, cui ex natura huius concupiscentiæ petunt discrimen, ut alia sit peccatum veniale, alia mortale. Nam omne quod est, vel sit ab homine, pugnans cum Lege Dei, per se consideratum, infert meritum mortis.

13 Verum si quis hoc referat ad subiecta, in quibus sunt concupiscentiæ, discrimen admitti potest. Nam concupiscen-

cupiscentia Pauli veniale peccatum erat, non natura sed gratia. In Nerone vero omnis concupiscentia siue inchoata tantum, siue deliberata, siue consummata, peccatum erat mortale, & natura & Legis sententia.

14 Est autem vetita concupiscentia duplex, videlicet, Originalis, quæ & inuoluntaria, & passiuæ dicitur: Et actualis, quæ & voluntaria, & actiuæ nominatur. De his duobus generibus ordine dicendum est.

15 Originalis concupiscentia est *ἀταξία* omnium vitium hominis contra Deum, cuius si ortum attendas, causam habet vetitum fructum & persuasionem Diaboli. At si nos respicis, traducta est cum natura ab vno Adam in omnem Adæ posteritatem. Nam vt naturam ab Adam trahimus: ita naturæ vitium.

16 Hæc originalis concupiscentia, vere peccatū damnanus est, in omnibus qui sunt extra foedus gratiæ in Christo Iesu. In ijs autem qui sunt in gratia remittitur, non vt non sit, sed vt non imputetur. Atque ideo veniale peccatum dicitur.

17 De hac concupiscentia Paulus loquitur cum ait: Concupiscentiam nescirem esse peccatum, nisi Lex diceret: non concupisces.

18 Quoniam autem huius originalis concupiscentiæ, motus quidam seu *παθήματα*, vt Paulus loquitur, sentiuntur in omnibus Sanctis, vocat eam Legem peccati, cum ait: Mente seruius Legi Dei, carne vero Legi peccati. Est enim hæc concupiscentia, vt quidam ait, *πάθος κακίας πύλη*.

19 Actualis concupiscentia, quæ a Platone *θυμὸς καὶ λογισμὸς* dicitur, est qua actu hoc vel illud Lege Dei vetitum, libet & appetitur, & hæc habet plures causas.

20 Prima est originalis concupiscentia, ex qua omnes aliæ actuales sunt, veluti riuuli ex fonte, & fumus ex igni. Quasi enim ignis concupiscentia exardescit, vt Sapiens ait.

21 Secunda, Sensus externus. Hinc Augustinus dicit, mortem per quinque sensus, tanquam per fenestras, in

animam nostram ingredi : non quod ibi antea non fuerit, sed quia noua peccatorum accessione, mortis æternæ meritum augetur.

22 Hinc est quod alius quidam dicat, concupiscentias prauas esse portas mortis. Sunt enim accessus ad consensum & operationem, per quæ duo peccatum in homine regnat, vnde mors æterna. Decipiunt ergo hominem concupiscentiæ prauæ, & deceptum occidunt.

23 Tertia est temperamentum. Temperamentum enim aliud ad alia vitia flectit, vt & Physici & Medici agnoscunt, & experientia conuincit. Vnde de Diogene fertur, quod cum videret stupidum & desipientem adolescentem dixerit, *πανόσος ὁ πατήρ σου οὐρανός, σὺ ἱέρους.*

24 Quarta, Diabolus, qui cum nouit hominis complexionem, potest occulte adhibere ea quibus inclinationes prauæ magis inflammantur. Nihil enim insidiarum omittit, sed querit semper, quos suis laqueis constringat.

25 Quinta, conuersatio cum malis & peruersis hominibus, qui impuris sermonibus commouent in auditoribus concupiscentias prauas. Vnde dictum Menandri quod & Paulus vsurpat: *φθίρουν ἡδὴ χερσὶ, ὁ μέλιτι κενά.*

26 Sexta ocium, quod ideo dicitur puluinar Diaboli, quia in ociosis facilius & quasi sine labore facit quod vult, hoc est, decipit & interficit. Hoc etiam agnouit Poeta, cum diceret:

Queritur AEgistus quare sit factus adulter,
In promptu caussa est, desidiosus erat.

27 His causis addi potest memoria, quæ sæpe irritat concupiscentias prauas. Vt impurus adulter cogitans de suo facto, concupiscentia in eo irritatur & inflammatur magis magisque.

28 Neque cum ijs quæ hætenus diximus de causis concupiscentiarum prauarum pugnat, quod quidam statuunt inordinatum amorem sui esse omnium prauarum cupiditatum causam. Nam istum inordinatum amorem sub concupiscentia originali concludimus.

39 Concupiscentiam tribus gradibus constare dicunt, videlicet suggestione, delectatione, consensu, idque recte. Iacobus ei duo tribuit, videlicet, quod cogitationem hominis a bono abstrahat, & quod inescet hominis affectus, ut incautum obruat.

30 Porro, quoniam tria sunt, quæ maxime desiderant homines, videlicet, voluptates, opes, honores, Ioannes Apostolus tria concupiscentiarum genera facit, cum ait: Omne quod est in mundo, concupiscentia carnis, & concupiscentia oculorum, & fastus vitæ.

31 Etsi autem hæc tria genera, videlicet, concupiscentia carnis, concupiscentia oculorum, & concupiscentia honoris, vno nomine a Paulo dicuntur concupiscentiæ carnis: tamen Ioannes, ut monstret plenius fontes omnis mali in mundo, petit differentiās a principijs motiuis.

32 Concupiscentia carnis iuxta Ioannis sententiam est cuius principium est internum, videlicet, caro ipsa, hoc est, vitiositas carnis, quæ fertur in ea quæ carni sunt suaui, ut voluptates in cibo, potu, rebus venereis.

33 Concupiscentia oculorum est, cuius principium motiuum est extra hominem, & incurrit in oculos. Concupiscentia ergo, quæ ex rerum intuitu & admiratione concipitur, concupiscentia oculorum dicitur. Hinc auaritia & multæ fraudes.

34 Tertia concupiscentia Ioanni est fastus vitæ & appetitus honoris & inanis gloriæ.

35 Porro, cum poena regnantis peccati per concupiscentias corporis sit mors, iuxta illud: Si secundum carnem vixeritis, moriemini: Omnibus modis prauis concupiscentijs est resistendum.

36 Etsi autem nec fons malarum concupiscentiarum intercludi, nec ebullitio coerceri omnino potest: tamen riuuli sunt cohibendi, ne malæ concupiscentiæ excurrant in consensum, & ex consensu in operationem, per quæ duo diximus peccatum in homine regnare.

37 Iuuerit autem ad horum riuulorum cohibitionē,

si Christum fide amplectaris. Nam in Christum fides, est iuxta Ioannem, victoria mundi: si diligenter ores: si occasiones fugias: si labores: si ieiunes: si ocia vites: si Christi crucem semper in corde geras: si lectionibus sacris incumbas, pijsque exercitijs delecteris.

38 Cum Paulus iubet nos offerre corpora nostra Deo in hostiam placentem, respicit ad morem Sacerdotum, qui bestias mactandas ligabant ad aram & occidebant. Quare cum nos volumus nostra corpora offerre Deo, debemus concupiscentiam, bestiam nostram, ligare singulari arte, vt tandem interficiatur.

39 Ligamus ergo hanc bestiam, quando eam cruci Christi affigimus, vt illi affixa non sit ad operandum efficax.

40 Et si autem in fidelibus ligatur hæc concupiscentia, dum virtute crucis Christi non faciunt quod illa imperat: tamen mortificari prorsus in ipsis nõ potest, priusquam hanc vitam morte commutauerint. Semper enim eius vim sentiunt sancti, quod Paulus de se testatur.

41 Porro quoniam opera, quæ ex antithesi vetitæ concupiscentiæ concludi possunt, hoc præcepto mandata in superioribus Legibus sunt enumerata, hic omittenda duximus.

42 Vfus huius Legis est, vt agnita infirmitate nostra & corruptione, confugiamus ad Christum medicum, & ab eo petamus veniam peccati & conseruationem in sui timore, qui fons est omnis sapientiæ, puritatis & virtutis.

FINIS.



CATA.

CATALOGVS LOCO- rum, in hoc Syntagmate conge- storum & explicatorum.

*Præfixus numerus seriem locorum, posterior
paginarum indicat.*

I.	Deus.	11	XXI. Votatio.	140
II.	Creatio.	17	XXII. Vorum.	142
III.	Prouidentia.	21	XXIII. Blasphemia.	148
IIII.	Homo.	25	XXIII. Liberum arbitrium.	153
V.	Peccatum.	28	XXV. Conscientia.	156
VI.	Promissio reparatio- nis.	34	XXVI. Vetus & nouus ho- mo.	163
VII.	Mediator.	41	XXVII. Spiritus & Litera.	170
VIII.	Communicatio Idio- matum.	51	XXVIII. Prædestinatio.	176
IX.	Christus sacerdos.	60	XXIX. Ecclesia.	189
X.	Gradus ad conuersio- nem.	69	XXX. Symbolum.	196
XI.	Salutaris poenitentia.	76	XXXI. Inuocatio.	206
XII.	Iustificatio hominis.	85	XXXII. Certitudo doctrinæ Ecclesiæ.	216
XIII.	Extructio regni Chri- sti.	93	XXXIII. Gubernatio Eccle- siæ.	226
XIII.	Lex diuina.	99	XXXIII. Sacramentum.	231
XV.	Euangelium.	106	XXXV. Baptismus.	235
XVI.	Conuenientia & di- scrimen Legis & Euange- lij.	111	XXXVI. Cœna Domini.	242
XVII.	Obedientia noua.	118	XXXVII. Missa Papistica.	251
XVIII.	Cultus Dei.	121	XXXVIII. Adiaphora.	255
XIX.	Bona opera.	127	XXXIX. Vetus & nouum Te- stamentum.	256
XX.	Opera charitatis.	134	XL. Christiana libertas.	261
			XLI. Scandalum.	266
			XLII. Crux.	271

XLIII. Magistratus	276	XLIX. Cura	299
XLIII. Leges & iudicia	280	L. Perfectio Christiana.	
XLV. Coniugale imperium.	302.		
285.		LI. Status animæ post	
XLVI. Patrium imperiū	90	mortem corporis	304
XLVII. Herile imperium	292	LII. Resurrectio mortuo-	
XLVIII. Diuitiæ.	293	rum	308

*Catalogus Locorum secundæ partis,
in qua Leges Decalogi
explicantur.*

I.	Proœmium Dec.	381	X.	Quinta lex dec.	366
II.	Cap. prima decal.	327	XI.	Sexta lex decal.	372
III.	Prima lex decal.	333	XII.	Opera sextæ Legi.	
III.	Secunda lex decalogi.	378			
338.			XIII.	Septima lex decalo-	
V.	Tertia lex decal.	342	gi		384
VI.	Iuramentum.	344	XIII.	Intemperantia	388
VII.	Magia	351	XV.	Octava lex dec.	393
VIII.	Predictiones futuro-		XVI.	Nona lex dec.	398
rum.		355	XVII.	Decima lex decalogi.	
IX.	Quarta lex dec.	360	403.		

INDEX RERVM ET

VERBORVM MEMORA-

BILIVM, IN HOC SYN-

tagmate explicatorum.

A

- | | |
|---|---|
| A brahe semen quid. 257 | Adoptio filiorum. 45 |
| A bsolutio Ecclesie quid. 34. 88. | in Aduersis quid faciendum. 23 |
| Absolutio quibus contingit. ibid. | Affectus Christi erga homines. 74. 75 |
| Abstinentia quid. 384 | Affectus orantis qualis. 209 |
| Actio Christi quomodo nostra instructio. 135 | Affectus erga diuitias qualis esse debeat. 295 |
| Actio Christi triplex. ibid. | Affectus magistratus qualis sit. 278 |
| Actionis Dei in hominis reparatione, gradus. 93 | Allegoria quando recipienda. 171. 230 |
| Adæ personæ & naturæ differentia. 30 | Allegoricus Scripturæ sensus perniciosus. 170. 171 |
| Adæ peccati grauitas. 31 | Amicitia quid. 379 |
| Adiaphora 255. & deinceps. | Amor Dei erga homines. 335 |
| Adiaphora dupliciter consideranda. 256 | Animæ humanæ fabrica. 28 |
| Adiaphoron quid. 255 | Animæ status post mortem. 304 |
| Adiaphororū distinctiones. ibi. | Animæ hominum quomodo præmia pro factis rependant. 310 |
| Adiaphororum vsus & libertas. ibid. | Animarum piarū felicitas post mortem & impiorum miseria, tredecim demonstrationibus indicatur. 304. & deinceps. |
| Adiaphororum vsus quomodo Deo placet. 256 | Anomia quid. 28. 204 |
| Adiaphoris quomodo utendum. 268 | Anshelmi definitio peccati originis. 30 |
| in Adiaphoris duo consideranda. 269 | Antiquitatis testimonia de Christi corpore. 54 |
| Aditus ad Deum cui & per quē patet. 206 | Antinomi duo adimunt Legi. 103 |
| Adiurare quid. 253 | Applicatio beneficiorum Christi. 199 |
| Adiuratio in Baptismo. 359 | |

INDEX.

Aquæ Baptismi cōparatio.	235	Baptismi efficacia vnde.	238
Arbitrium quid.	154	Baptismi significaciones.	239
Arbitrium duplex.	ibid.	Baptizati hominis pãctio cum	
Arbitrium seruum.	155	Deo.	237
Arbitrium nouum.	ibid.	Beneficentia.	380
Arbitrium rectum voluntatis		Beneuolentia quid.	379
habent pij.	156	Blasphemia.	141
Ars pingendi & sculpendi ima-		Blasphemia in Spiritum sanctũ	
gines, non illicita.	340	quomodo irremissibilis.	149
Ataxia quanta lapsum Adæ se-		Blasphemia in Christum du-	
cuta.	403	plex.	150
Augustini regula de operibus		Bonum hominis verum quod.	
Trinitatis.	14		404.

B

Baptismus.	235	& deinc.	
Baptismus quid.	78		
187.235.236.237			
Baptismus quale pãctum Dei &			
hominis.	237		
Baptismus cur infantibus con-			
ferendus.	ibid.		
Baptismus quid requirit.	15		
Baptismus testimonium gra-			
tiz.	237		
Baptismus Symbolum quatuor			
rerum.	239		
Baptismus quid admonet.	241		
Baptismus consolatur in cru-			
ce.	ibid.		
Baptismus tessera professionis.			
240.			
Baptismus non iterandus.	237		
Baptismus Christi quid do-			
ceat.	235		
Baptismi analogia ad rem sig-			
natam.	ibid.		
Baptismi actus.	236		
Baptismi vsus.	232		
Baptismi finis.	236		

C

Candor qualis virtus.	379
Carnis Christi circumscrip-	
tiō stare potest cum vnione	
personali.	51
Charitatis opera.	134
Charitatis operum causz.	ibid.
Charitatis obiectum.	136
Charitatis fines quatuor.	138
Charitatis operũ genera.	ibid.
Charitatis operum regulz ut.	
139.	
Carnalis manducationis Chri-	
sti refutatio.	243
Castitas quid.	385
Castitatis praelia.	381
Causa quomodo & quando ad	
legem flectitur.	381.382
Causa finalis passionis Chri-	
sti.	198
Ceremoniz Ecclesiz duplices.	
364	
Ceremoniarum varietate non	
offendatur Ecclesia.	365
Ceremonijs Ecclesia non indi-	
canda.	ibid.
Ceremoniarum Ecclesiz deco-	
rum &	

INDEX.

rum & ordo, cum suis parti-	Christus stulta eligit.	194
bus.	231	
Chirographum Dei in cordi-	Christi actio quomodo nostra	
bus nostris.	instructio.	135.136
Christus quid.	71	
Christi cognitio vnde.	Christi affectus erga nos.	74.
de Christo quid tenendum.	75.	
60		
Christus est Deus.	Christo in Cœnæ vſu quomo-	
cauſſæ.	do iungamur.	249
43.41	Christi corpus quomodo in	
Homo.	Cœna adest.	245
61	Christi corpus quomodo panis	
cauſſæ.	dicitur.	232
47	Christi carnē edere & in Chri-	
vna persona.	stum credere, idem.	243
49	Christum e cœlo quomodo Pa-	
Mediator noster.	pistæ ducere se gloriārur.	253
65.66	Christus quomodo Euangeliiū	
Christi personalis vnio.	definit.	38
61	Christus quomodo & cur vitia	
Vnionis fructus.	dicatur.	238
30	Christi regnum: vide Regnum.	
Christi diuinitatis & humanita-	De Christi descensu ad infe-	
ris vſus.	ros, opiniones varię.	199.200
61	de Christi descensu tuto quid	
Christi personæ conditio.	sentiendum.	200
65	Christus cur & quomodo in	
Christus cur in mundum miſ-	cœlum ascendit.	ibid.
sus.	Christo post ascensionem quid	
280	acciderit.	53
Christus Mediator solus.	Christus post ascensionem re-	
111	tinet proprietates humanas.	
cur solus.	53.	
65	Christi corpus est localiter in	
Christus summus pontifex.	cœlo.	54.
60	Christi sessio ad dexteram Pa-	
Christus quomodo peccator.	tris.	201
88.89.113.	Christianorum ius de salute.	95
Christi humana natura quo-	Christiani sunt sacerdotes.	68
modò deificata.	Ciconiarum pietas erga paren-	
49.58	tes.	369
Christi carnis deificatio quo	Circumcisio quid.	248.249
pertinet.		
ibid.		
Christus quomodo est vbique.		
54.55		
Christi officium & beneficen-		
tia.		
63		
Christi sacerdotis officium.		
66		
ad Christi sacerdotium & reg-		
num quæ spectant.		
63		
Christi oblatio.		
65		
Christi meritum triplex.		
110.111		
Christi passio personæ tribuē-		
da.		
50		

INDEX.

Circumcisionis institutio	36	Concupiscentiæ gradus	407
Circumcisio cordis & carnis.		Concupiscentiarum genera.	ibid.
Circumcisio spiritualis	45.46	Concupiscentiæ carnis pœna	ibid.
Claues Ecclesiæ quæ	229	Concupiscentia quomodo li-	
Cœlum & terra Moysi quid.	18	gatur	408
197		Confessio quid Papistis	83
Cœna Domini quid	250.242	Confessio auricularis non ne-	
Cœnæ Domini meditatio &		cessaria	83.247
descriptio	244.246	Confessio pædagogica neces-	
Cœnæ manducationis modi		saria	ibid.
244		Confessio vera quæ	ibid.
Cœna quo consilio instituta		Confessio publica	ibid.
248		Cōfessio religionis duplex	344
Cœna legitime vteret qui.	250	Confirmatio in primitiua Ec-	
Cœnæ usus quid requirit.	ibid.	clesia quid	143
Cœnæ Domini institutionis fi-		Confirmatio quid Papistis.	ibid.
nes. 244. 245. 246. 247. &		Confirmatio in nostris Eccle-	
251.		sijis	ibid.
Cœnæ abusus in missa Papisti-		Coniugium vnde dici	286
ca	252.253.254	Coniugalis societas quomodo	
Cognatio spiritualis	392	seruatur	ibid.
Cognitio Christi vnde	269	Coniugum officiorum partitio	
Cognitio Dei: vide Deus	365	288	
Cognitionem nostri vnde con-		Coniugij fines	ibid.
sequimur	123	Coniugium piorum castū.	386
Concordantia quid & vnde no-		Conscientia quid	157
men habet	380	de Conscientia quatuor confi-	
Concupiscētiæ legis ratio.	403	deranda	ibid.
Concupiscentia an omnis pec-		Conscientia sedes	ibid.
catum	404.405	Conscientiæ descriptio ex Pau-	
Concupiscentia naturalis	ibid.	lo	156
Concupiscentia verita	ibid.	de Cōsciētia regula triplex.	159
Concupiscentia quomodo ve-		Conscientiæ testimonium in	
niale peccatum	ibidem	Hestore & Oedipo	158
Concupiscentia verita duplex		in Dauide	160
405		in Saule	159
Originalis	ibid.	Conscientiæ Syllogismus pra-	
actualis	ibid.	cticus	158.159
Concupiscentiæ veritæ causæ.		Conscientiæ bonæ sulcra	161
406		Con-	

INDEX.

Conscientiæ differentiæ vnde ibid.		Crucis piorum causa quomodo Deus sit	273.306
Conscientia bona	ibidem	Crucis piorum utilitas	300.301
Conscientia mala	ibid.	Crucis piorum & impiorum discrimen	274
Conscientiæ discrimina ex Bern- hardo	ibid.	in Cruce quid considerandum	273.274
Conscientia bona duplex	ibid.	Crux quo animo ferenda	75
Conscientia mala duplex	ibid.	in Cruce consolationes	ibid.
Cōscientia in mortis hora cui- gilat	162	Cultus Dei 121. & deinceps.	
Conscientia falso bona vel ma- la	163	Cultus Dei quid	113
Contritio quid	79	Cultus Dei materia	117.124
Contritionis effectus	ibid.	Cultus Dei regula	121
Contumelia quid	401	Regulæ vsus	122
Conversio, vide Pœniten.		Cultus Dei duplex	126
Conversionis gradus	69	Cultus Dei fundamentum	123
Corpora hominum quid habet commune	315.316	Cultus Dei tria requirit. 123.129	
Corporum iustorum & impio- rum discrimina	316	Cultus Dei finium mediocum gradus	126
Corporum piorum post resur- rectionem gloria	ibid.	Cultores quales requirit Deus.	127
Creationis descriptio cum suis partibus	317	Cura triplex	299
ex Creatione quid concluden- dum	197	Cura sancta	ibidem
Creationis finis triplex	20	Curæ sanctæ exempla	ibidem
Creatio quid doceat	197	in Cura sancta quatuor spectan- da	300
Creaturarum ordines	19	Cura profana	301
Creaturarū varietatis vsus.	ibid.	Cura mixta	ibid.
Creaturæ qualitatem & natu- ram retinent	23	Cura cur aliquando frustranea	300.
Creaturarum impotentia ad reparationem hominis	43		
Creaturarum depravatio vnde	157		
Creaturæ non inuocandæ	212		
Crux quid	271		
Crucis causæ triplices	272		

D

Auidis querela de peccato originis	31
Decalogi proœmium duplex.	31
Decalogi summa capita	327
Decalogi vsus duplex	260
Decalogus quomodo abrogan- dus	105.176.260

INDEX.

Derisio quid.	401	sabbathi subrogans	364
Detractio quid.	ibid.	Dilectio Dei & proximi vnde	
Dei cognitio duplex.	ibid.	concepitur	118.119
Cognitionis naturalis vsus.	12.	Dilectionis { Dei & pro- ximi modus {	327 331
Peculiaris cognitionis vsus.	16		
Deum cognoscendi modus.	321		
Dei cognitio vera vnde	13. 123	Dilectio est debitum	398
Dei cognitio naturalis non est		Dilectio quomodo Deo pla-	
salutaris	321	ceat	332
Dei notitiæ formæ	336	Dilectio nostri duplex	ibid.
Deus qualis cogitandus	13	Dilectio quid requirit	328
Dei nomen quid	343	Diuinæ naturæ idiomata	91
Deus Pater	197	Diuina natura non potest con-	
Deus Filius quid	198	ueri	98
Deus Spiritus sanctus	202	Diuinationis refutatio	359
Dei patefactio	201.202	Diuitiæ quatenus bonæ aut ma-	
patefactionis vsus	219	læ	393
Dei appellatio quid doceat	197	Diuitiæ quomodo spinæ & la-	
Dei bonitas & φιλαυθεντία.		queus	294
324		Diuitiarum acquisitio	294.396
Deus vult omnium salutem	94.	possessio	297
101.108.		administratio	ibid.
Dei omnipotentia, Sapientia,		in Diuitijs non fidendū	ibid.
iustitia, &c. vnde cognoscantur	197	Diuitiarum iustæ possessionis	
Deus quibus proprietatibus a		principia	298
creaturis distinguitur	14	Diuitiarum vsus quadruplex	
Dei voluntas, vide Voluntas.		Primus	298
Dei ritus in hominis institutio-		Secundus	297.
ne	35	Tertius	ibid.
Dei pactum cū hominibus	66	Quartus	298
Deus creaturas non deserit.	326	Diuitiarum vsui quæ seruiunt &	
Deus solus inuocandus	214	quæ pugnantia	397
Deum effigie exprimere non		Diuitiarū veri vsus præmia.	298
licet	338	Diuitiarum iniustæ acquisitio-	
Deum habere quid	334	nis & vsus, pœna	299
Deos alienos qui habent, ibid.		Diuites cur religionem nō pro-	
333.		moueant	296
Diaboli fides	88	Doctrina erronea vnde	170
Dies dominicus cur in locum		Doctrinæ philosophicæ cer-	
		titudo	

INDEX.

titudo 201.208.
Doctrina vera cognoscenda.
229.
Doctrina falsa reiicienda. ibid.
Doctrinæ Ecclesiæ dicta quo-
modo accipienda 208
Domini quomodo seruis im-
perare debeant 292
Dominis quid debeant serui
293
Dominia rerum distincta 296

E

Ecclesia quid 189
Ecclesia vera quæ. 191.203
Ecclesia Paulo quæ 190
Ecclesia quid non sit 191.203
Ecclesia catholica vna 191
Ecclesiæ fundamentum 190.191
Ecclesiæ duratio 195
Ecclesiæ duratio quid admonet
ibid.
Ecclesiæ signa 192
Ecclesiæ typus ibidem
Ecclesiæ gloria 194.195
Ecclesiæ æstimatio 191
Ecclesiæ præsidia 193
Ecclesiæ membra vnde iudi-
canda 206
Ecclesiæ membra duplicia. 192
230
Ecclesiæ membra vera 206
Ecclesiæ autoritas 226
Ecclesiæ clauis 229
Ecclesiæ potestas duplex 228
Ecclesiæ autoritas penes quos
sit 231
Ecclesiæ traditiones 230
Ecclesiæ ordinationes non vio-
landæ 255.256

Ecclesiæ ceremoniæ 385
Ecclesiæ societas qualis 189
Ecclesiæ societas cur sanctorum
dicitur 190
Ecclesiæ quomodo iungamur.
191
Ecclesiæ gubernationis forma
295
in Ecclesiæ gubernatione quæ
spectanda 230
Ecclesiæ disciplina ibid.
tria in ea consideranda. ibid.
Ecclesiæ disciplinæ ordo. ibid.
Ecclesiæ harmonia 227
Ecclesiæ doctrina quæ 216
vbi traditur ibid.
Ecclesiæ doctrinæ certitudo
216
Ecclesiæ doctrinæ testimoniū
duplex 217
de hoc vide testimoniū.
Ecclesiæ doctrinam veram co-
gnoscat 226
Ecclesiæ doctrinæ hostes 208
Ecclesiæ hostes perpetui 210
Ecclesiæ persecutionis utilitas
301
Ecclesiæ tranquillitas nouis o-
pinionibus nō turbanda. 208
Ecclesiæ duplici vicio obnoxia
193
Ecclesiæ & politice discrimen
194
Ecclesiastica bona ad volupta-
tem non transferenda 279
Electio hominis ab executione
distinguenda 156
Enoch & Elias cur in cælum
subuecti 313
Erisiana quid & quod duplex 203

INDEX.

Errorum taxationes & refutationes.		De inuocatione	221.23
De Deo	16	De sacramentis	231
De creatione	17	Anabaptistarum de Sacramen-	237
De peccato originis	32	to	237
De corporis Christi proprietatibus	53	Papistarum de probatione an-	247
Eutychianorum	54	te cenam	247
Nestorij de vnitate personæ Christi	59	De via salutis	261
Stancari & Osiandri de officio Christi sacerdotis	62	Libertinorū de libertate Chri-	261.267
De mediatore	68	litiana	90.261.267
De lege qua prædicare pœnitentiam quidam contendunt	76.100.136	Anabaptistarum de legitimis ci-	284
Papistarum de pœnitentia.	83	uilibus	284
Catharorum de lapsu post baptis-	84	Monachorum de diuitijs.	293
tismum	84	De perfectione Christiana.	302
De iustificatione	41.89.90	Saducæorum de resurrectione.	314
Pharisæorum de legis externa disciplina	101.328	De iuramento	344
Antinomorum	176	Magorū, incantatorum & ex-	354.
De noua obedientia	120	orcistarum	354. & deinceps.
Papistarum de cultu	122	Genethliacorum	357.358
De bonis operib.	129.130.131	Diuinorum	360
De voto	146.148	De ceremonijs in domus Ec-	361
Donatistarum de remissione peccatorum	152	clesijs	361
Origenis & Papistarum de grāmatico scripturæ sensu.	170.171	De præcepto decalogi de non occidendo	373.374
De prædestinatione	276.277	De vindicta	375
Zenonis	178	De castitate	383
Pharisæorum	179	De coniugio	391
Monachorum	180	De concupiscentia	404
Gratiæ vniuersalis oppugnatorem	183	Euangelij vocabulum	37
De Ecclesia	191.194	Euangelium quid	106.38.39
		Definitionis partes	106
		Euangelium quid Christo.	38
		Quid I paulo	39.40
		Euangelij accedens	175
		Euangelium quid offert	106
		Euangelij beneficia quomodo accipiuntur	40
		Euangelicę gratię pictura. ibi.	
		Euangelij officium	103
		Euangelium prædicat pœnitentiam	

INDEX.

tiam & non Lex 77.103.115
116
Euangelij & legis convenien-
tia 111.112.113
discrimen. 39.76.111.113.
Euangelij & legis finis. 111.113
Euangelici ministerij scopus.
94
Euangelij concio in legis pro-
mulgatione 325
Euangelium Papistæ non di-
dicerunt 117
Euangelium quatenus sit Spi-
ritus viuificans 174
quomodo arguit peccatum. 114
quomodo odor mortis 174
cur dicitur manducatio carnis
Christi 250

F

Festa Christianorum tripli-
cia 363
Festa sanctorum cur seruantur
364
Festa Papistarum & Ethnico-
rum ibid.
Fides quid 75.80.88
Fidei partes quatuor 80
Fides legis & Euangelij. ibid.
Fides diaboli & impiorum. 88
Fides quomodo efficax 135
Fides languida 145
Fidei vis 245
Fides quo instrumento conse-
quitur 185.330
Fides est ignis thymiamatis
orationis 211
Fidei ad cultus Dei rationem
necessitas 324

Fidei ad prædestinationis mo-
dum necessitas 179
Fides vel hosti data seruanda.
348
Filij Dei quare sumus. 168
Filij promissionis qui. 182.183
Fœdus Dei cum Ecclesia. 258
Fœdus & signum fœderis idē
248
Fœdus cum Abrahamo. 257
Fœderis substantia ibid.
Fœderis Dei duratio. ibid.
Fortitudo quid & quoruplex.
381
Furtum quid & quoruplex. 398
Futurorum prædictiones 355
Futuros euentus cogitans quid
intueatur 359

G.

Gallorum rex Ludouicus
iuramentum puniuit. 350
Genethliacorum deliria vnde
orianur 357.358
Genethliacæ seductionis pro-
hibitiones 358
Genethliacorum refutatio. ibid.
Gentes quomodo Deum co-
gnouerunt 12.157
Gradus rerum quatuor 19
Gradus ad conuersionem qua-
tuor 69
Gradus actionis Dei in repara-
tione hominis quinque. 94
Gratiæ promissio vniuersalis
est 181
Gratuita. ibid.
Gratiæ Dei obsignatio 186
Gratiæ Dei abusus 329

vide plura in erroribus Liber-		Homo nouus ubi adest	ibid.
tinorum.		Hom. noui anatomia	167
Gratiarum actio quid	208	Hominiſ veteris actiones &	
Gratiarum actioni virtutes cō-		fructus	166
iunctæ	208.209	Homo vetus quid	166.167
Gratiarum actionis modus	209	Hominiſ noui natiuitas	167
		natiuitatis inſtrumenta.	167.
			168
H		natiuitatis modus	168
H Aereticorum caput Papa		naturæ partes	ibid.
225		membra	169
Hæreſeos omniſ ſons	375	actiones & fructus	ibid.
Homo quid	25	ſigna	ibid.
Hominiſ ſiniſ	21.28	Homicidij externi gradus.	372
Hominiſ facultates duæ	20	Honoris parentū quatuor cauſæ	
Hominiſ ſtatuſ quadruplex.	25		367
Humanæ naturæ integritas.	30	Honoris gradus	ibid.
Homo, quod ordinem Dei per-		Hoſtes religionis an occidere	
turbat, vnde ſit	19	licet	374
Homineſ cur non omneſ ſal-		Humanitas quid	377
uantur	187.181		
Hominein cur vnum tantum		I	
creauit Deus	287	I dioma quid	51
Hominiſ corpus cur erectū.	27	Idiomata diuinæ naturæ.	51.61
forma erecta quid docet.	309	Idiomata humanæ naturæ.	51.61
Homo cur in Paradyſo creatuſ		Idiomata quomodo & cur ſint	
& collocatuſ	ibid.	communicabilia	52
Hominum duo genera	39	Idiomata humanæ Chriſti na-	
Homo quomodo iuſtuſ	88	turæ eſſentialia	53
Hominiſ per Chriſtum rege-		Idiomatum cōmunicatio quid.	
nerati officium	95		56.57
Homo libere ſeruit peccato		In quibuſ locum habet	58
155		quid efficiat	59
Hominiſ intentio extra verbū		Idiomata naturarum quomo-	
qualiſ	159	do communicantur	61.62
Homo vetuſ & nouuſ quid.	163	Idolatriæ initium	395
Hominiſ veteriſ & noui cauſæ		Ieſuſ quid	398
164		cur vocatur Chriſtuſ	ibid.
Hominiſ veteriſ & noui oppo-		Imago Dei in homine quid.	26.
ſitio	ibid.		
Hominiſ veteriſ anatomia	165		
			qualiſ

INDEX

qualis	ibidem	Iudeorum reiectionis causa. 93
Imaginis Dei reparatio. 17. 48		Iudicium in iuramento quid efficacit 346
Imago Dei in homine quid docet 309		Iudicij extremi certitudo & forma 202
Imaginū prohibitionis causa. 211		Iudicis pij conditiones 277
Imagines nō licet adorare. 338		Iudices non sumant munera. ibid.
Imagines non nisi per Satanam inuectæ ibid.		Iudex in tribunali quid respi- ciat 283
Imagines ab Ethnicis damnatæ 339		Iuramentum quid 345
Imagines quomodo & cur prō- hibeantur 340		Iuramentum duplex ibid.
Imaginum vsus triplex 341		Iuramentum licitum tria re- quirat 346
Imperium coniugale 285		Iuramenti regulæ 347-348
Patrium 290		Iuramentum quando præstan- dum 347
Herile 292		non præstandum 348
Impiorum fides 88		Iurans quid petat 349
Infantes cur baptizandi 237		quid cogitet ibid.
in Infantibus Satan non habi- tat 355		Iurationis causæ iustæ. 346. 347
Infirmorum scandalum & ad- uersus illud remedium 270		Iusu. violati pœna 348
Ingenia inquieta Ecclesiæ tur- batores 206		Iurationis pœna apud veteres. 350
Innocentes propter malorum flagitia puniuntur 273		Iuramentum a Gallorum rege punitum ibid.
Inobediencia contra Deū qua- druplex 121		Iurare per creaturas quatenus licet 349
Integritas hominis ante lapsum quid 26		de iuratione dictum pulcherri- mum Augusti. 350
Intentio bona extra verbum duplex peccatum 252		Ius Christianorum de salute. 95
Inuocatio: vide oratio		Iustitia qualis virtus 381
Ira diuinæ iustitiæ 42		Iustitia originalis duo comple- ctitur 30
Immensitas 64		Iustitiæ originalis carētia quid ibidem
sensus vnde 70. 71		adiustitiam duo requirunt. 44
signa duplicia 71		Iustitia Dei quid requirit 42
Ira quid & quoruplex 381		
Iudæ poenitentia 78		

INDEX.

Iustitia duplex	85	Legis finis Christus	91
Iustitia legis neminem iustifi-		Legis finis dilectio	331
cari sex demonstrationibus		Lex cur rursus publicata.	109.
probat	ibid.		333.
Iustitia Evangelica qualis	86	cur in tabulis lapideis scripta.	
Iustitiæ Christi imputatio	88		100.
cur imputatur	89	Legis usus triplex	ibid.
Iustitiæ legis & Evangelij dis-		sine lege esse quid	101
crimen	113	de legis usu interno paradigma	
Iustificatio quid	87.94	illustre	ibid.
Iustificationis partes quinque.		Legis vitio nemo perit.	92.103
87		Lex cuius mortis ministerium.	
quo merito contingat	89		102.103
Iustificationis causa	ibid.	Lex quomodo arguit pecca-	
Iustificatio quid Paulo & Iaco-		tum	114
bo	91	quatenus abrogata	105
Iustificati qualitas	90	Legis diuersa officia probo-	
Iustificare legis sententia &		minum conditione	100
iuxta Evangelium quid.	115	Legis officium	103
Iuste parta quæ sunt	397	Legis & Evangelij conuenien-	
		tia	111.113
		discrimen	39.76.111.114.115
		Legis obedientia cur Deus re-	
		quirat	331
		ad legis obedientiam tria re-	
		quiruntur	85
		Legis & Evangelij finis.	111.113
		Legis transgressio non est pec-	
		catum in Spiritum sanctum.	
			149.
		Lex quatenus litera occidens.	
			174
		Legis accidens	175
		Legis consideratio quadruplex	
			333.
		Legis præceptum secundum	
		cur simile primo	328.329
		Legum Decalogi usus	336
		Lex civilis	280
		Legis civilis finis	281
			Laua

L.

Lapsus voluntarius quid.	153
Lex Dei regula iustitiæ.	69
via vitæ rectissima	99
Legis autoritas	325
Legis principia	70
Legis fundamentum & causa.	
326	
de legis regula duo tenenda.	69
70.	
Legis & hominis contrarietas.	
70	
Lex non prædicat pœnitentiam	
76.77.104.115.116.117.	
quomodo prædicat pœniten-	
tiam	77.78.103.104
Lege nemo iustificatur	85
Legis conditio homini impos-	
sibilis	112

INDEX.

D ă 4

INDEX.

Maieſtas Chriſti & eius thronus	54	Mendacium in vita	400
Maieſtatis Dei fundamentum	342	Mendacij in vita genera- tuor	ibid.
Maieſtatis vox quomodo in- telligenda	ibid.	Mendacij gradus	ibid.
Mali quo puniuntur homines, magnitudo	41	Mendacium iocoſum & offi- cioſum	ibid.
Malum punicum Eccleſiæ ty- pus	192	Mendacium quod præcipue in nono præcepto prohibetur.	401
Manſuetudo qualis virtus.	381	Mendacia an ſint ſchemata Tropi, &c. ſcripturæ	401
Maritus vxori quomodo im- perabit	287	Mens ſedes conſcientiæ	177
Marini imperandi ſcientia in quibus poſita	286.287	Mentis facultates tres	ibid.
Mariti affectus erga vxorem qualis ſit	287	Mens reproba quæ	161
Marito vxor ſeruiat	286	Meritum Chriſti triplex	110
Mathematicæ laus & vſus.	357	Metamelia quid	73.106
Media quibus Deus proſpicit quomodo accipienda	23	Metamelia præcedat metaniam	73.106
Mediator Dei & hominum.	41	Metania quid	104.106
Mediator quid	68	Miniſtri Euangelij cur miniſtri Spiritus dicuntur	177.178
Mediator cur vnus eſſe debuit.	65	Miracula quid	719
Mediator cur Deus eſſet.	41.	Miraculorum varietas in vet. & no. teſtamento.	279
46.47		210 221.222.	
Mediator cur homo eſſet.	47.	quò pertinent	221
48		cur adhuc non eduntur.	ibid.
Mediator Chriſtus eſt vna per- ſona	48	Miſericordia hominis erga proximum quid	383
cur vna eſſet perſona	49	in quibus conſiſtit	ibid.
Mediatoris conditio	64	Miſſæ Papſticæ abominatio- nes	251.252.253.254.
Mediatoris officium	65	Monachorum & monacharum vota	147.348
Mediatoris Chriſti neceſſitas.	64	Mortis meritum triplex	33
quæ bona reſtituit	44	Mortis potentia	43
Mendacium quid & quotuplex	399	de morte ſententia Plinij.	ibid.
Mendacium in doctrina.	ibid.	Mors quomodo in animam hominū ingreditur.	405.406
		Mortis portæ	ibid.
		Mortuo-	

INDEX.

Mortuorum resuscitatio.	46.48
Mortuos excitare creaturissim- possibile	46
Mulierum ornatus	289
Mulieres sint industriz.	ibid.
Mutatio rerum in Sacramentis non fingenda	232-233

N

Natura Christi humana quo
modo deificata. 49. 58
Natura diuina non potest con-
uerſi 58
Nomen Dei quid 342. 343
Nominis Dei legitimus vſus.
ibid.
Noticia Dei vide Deus.
Nummus cur inuentus & vn-
de dictus 395
Nutricationis præmia debent
filij parentibus 369
Nutricationis præmia in qui-
bus ſita ibid.

Q

Obedientia noua quid 118
Obedientiz nouæ partes. 80
Obedientia fidei & literalis.
ibidem.
ad obedientiam quæ flectere
debent 118
Obedientiz obligationis mo-
di ibid.
Obedien. gradus ibid.
Obedientiz fines 119
Obedientiz necessitas. 41. 80.
135. 143. 176.
Obedientiz erga parentes &
Deum discrimen 368
Ocium fugiendum 390

Ocium cur puluinar diaboli.
406
Officium quid 396
Officij ratio quæ spectanda requirit ibid.
Oeconomica administratio in quibus consistit 28
Oeconomicum imperium triplex 286
Opera docenda & facienda quæ 127
Opera bona quomodo fieri possint 129
Opera bona quomodo placeant 130
Opera bona impiorum nō sunt cultus Dei 124.134
nec opera Papalia 125.126
Operum bonorum causæ. 130
necessitas 131
dignitas ibid.
præmium 132
Operibus cur Deus promissiones adiecerit, causæ quinque 132.133
Opera quorū placeant & quorum non 134
Operum charitatis causæ. 135
fines quatuor 138
genera ibid.
Oratio quid 207
Oratio duplex 215
Orationis genera 207
efficacia 205.210
Orationis ratio in quibus consistit 207
Oratio cuius opus proprium. 206
ad quem dirigenda 211
de quibus rebus fiat 214

INDEX.

per quem fiat	213	Panis cœnæ abusus in missa	253
Orationis causæ	210.211	pistica	253.254
dignitas	210	Paradigma in Paulo de legis	
utilitas	211	usu	101
Orationis thimiam quo igni		de iustitiæ imputatione	113
accenditur	211	Parentum officia	289
Orationis forma	215	quid debeant liberis	292
Orationis formulæ viles. ibid.		quid vitare debent	290
Orationis formula optima quæ		Parentum castigationis cōmo-	
ibid.		da & incommoda.	ibid.
Orandum pro omnibus.	208	ad educationem puerorū obli-	
Orandum nec pro mortuis vel		gatio	ibid.
hostibus Dei	ibid.	negligentium peccata	291
Orandum quomodo pro ini-		Parentibus quid debeant libe-	
micis	ibid.	ri	291.366.369.370
Orationis circumstantiæ	209	Parentibus quatenus obedien-	
Orationes quomodo reddun-		dum	368
tur ardentes	390	Passio Christi quid	65
Orare coram idolis & imagi-		Passio Christi personæ tribue-	
nibus non licet	212	da	50
in oratione cur verba adhiben-		Patrum dicta triplicia	225
tur	215	Paupertas per se neminem sal-	
Oratio Diabolo terrorem in-		uificat	294
curit	ibid.	Pauperes cur constituit domi-	
Orationis dominicæ ordo. ibi.		nus	298
Orantis affectus	209	Peccatum quid	28.204
Orator veri & falsi quid.	209.	Peccati ratio	28
		Peccati genera	29.30
		Partitio prima	ibid.
		Peccatum originale	ibid.
		Peccatum actuale	32
		Peccatum materiale & forma-	
		le	39
		Peccati gravitas	42
		Peccati Adæ gravitas	31
		in peccato quæ concurrunt.	
			32
		Peccati originis variatio.	ibid.
		Peccati lex quid	405
		Peccati cognitio vnde	69
		Peccati	

P.

Pactio Dei & homin.	66
Pactio hominis cum Deo in	
baptismo	236
Pactio in cœna	250
Pactio Dei cū Abrahamo.	257
Papistarum vora	146
Papistarum palatia vnde	253
Panis quomodo corpus Chr.	
ificatur	249

INDEX.

Peccati odium vnde	73.74	Perseuerantiæ conditio	109
Peccati mors vnde	235	Personarum diuinitatis pro-	
Peccatum contra Euangelium		prietates	13
duplex	134.148.149	Personæ Christi conditio.	64
Peccata omnia mortalia	33	Piorum gloriatio in afflictio-	
Peccatum cur remissibile &		nibus vnde	214
veniale dicitur	ibid.	Philosophi Deum recte non	
Peccatorum remissionem quid		colunt	111
præcedit	306	Platonis dictum de conscien-	
quid comitatur	107.204	tia in hora mortis	162
quid consequitur	107	Pœnitentia quid	79.116
Peccatorum remissionis fides.		Pœnitentiæ ratio	79
204		Partes	79.116
Peccati remissio quibus offer-		Pœnitentiæ partes quæ veteri-	
tur	108	bus	82
quo merito offertur	110	quæ Papistis	83
Peccatum in Spiritum Sanctū		Pœnitentiæ exempla	81
quid	152	Pœnitentiæ modi	81
cur dicitur in Spiritum sanctum		Pœnitentiæ conditio	180
151.		Pœnitentia publica duplex.	82
Peccatum in Spiritum sanctum		Pœnitentia cur prædicanda.	
cur irremissibile	ibid.	78.	
quomodo irremissibile.	150	Pœnitentia Iudæ	ibid.
Peccati in Spiritum Sanctum		Pœnitentiam vel in mortis ar-	
ratio quinque requirit confi-		ticulo agentes saluantur.	320
deranda	149	Pœnitentiæ vox quomodo ac-	
Peccatum in Spiritum S. quid		cienda	103.104.105.106
non sit	ibid.	Portus fidei extremus	205
Peccati in Spiritum S. materia.		Potestas Ecclesiæ clauium.	228
150		229	
Perfectio Christiana quid.	304	Potestas Ecclesiæ externæ iu-	
Perfectio Christiana duplex.		risdictionis, in tribus consi-	
302		stet	229
Perfectio in hac vita	ibid.	Politica potestatis & Ecclesiæ	
Perfectio personæ & operis.		discrimen	194
303		Prædestinatio quid	179
Perfectionis Christianæ partes		Prædestinationis modus.	177.
ibid.		178	
Perfectio in vita futura	304	Prædestinationis causa	179
Persecutio Christi duplex.	150	Prædestinationis basis	187

INDEX

Prædestinationis fines	ibid.	Prouidentia quid	21
Prædestinationis doctrinæ necessitas	131	Prouidentia modi	21
vulitas	177	Prouidentia finis & vsus. 22. 23	
vsus	187	Prouidentia illustre exemplum	23. 24
Prædestinati qui	94	Proximus diligendus & quomodo 332. & deinceps.	
de prædestinatione conclusio Pauli: Non est volentis, &c.	102	Proximus quis	136
Prædicatorum Dei differentia	14	Proximitas ratio duplex.	137
Prædictiones futurorum duplices	355	Pudicitia quid & eius indoles	386
Prædictionum causa	356	Pudicitia rubor est color virtutis	387
Prædictio a prima causa quæ.	ibid.	Pudicitia in quibus consistit.	ibid.
Prædictionis Prophetica vsus.	168		
Prædictiones a secundis causis triplices	ibid.	R Apina duplex	395
Prædicandi modus in doctrina de Sacramentis	248	Rapina palliata quæ	ibid.
Principia quatuor Christi discipulis tenenda	221	Ratione cur homines prædici.	137
Primogenitorum autoritas.	286	de reatus ratione quid tenendum	30
Probationis sui ipsius modus.	189. 190	Redemptionis nostri modus.	199
Probatio in quibus consistit.	247	Redemptio quæ requirit	46
Promissio reparationis	34	Regeneratio spiritualis quem habet autorem	167
Promissionis primæ in paradiso explicatio	34. 35	Regenerationis instrumenta.	167
Promissionis complementum.	37	Regenerationis modus	168
Promissio quæ Cæna Domini obsignatur	237	Regeneratio perfecta	203
Promissionis Filij qui	182	Regnum Christi quid	194
Prophetiarum firmitudo.	207	Regnum Christi triplex	96
Promopoliptia, apud Deum non est	183	Regni Christi extractio	93
vbi locum habet	ibid.	Regni gratia peculiaris ratio.	97
		Regni Christi propagatores. ibi.	
		Regni Christi & politica delictum	194
		Regnum gloria dupliciter spectatur	98

Regni

INDEX.

Regni Christi coherrentia & ordo	230	Resurrectionis carnis probationes decē 308. & deinceps.	
Regni Christi regimen	ibid.	Resurrectionis argumenta patrum	309
Regnum Satanæ quibus erigitur & propagatur	353	Resurrectio nostra vnde pendet	ibid.
Regula Dei iudiciaria	183	Resurrectio in auius & alijs creaturis signata	312
Regula iustitiæ quæ	69.70	Reuerentia quid	368
Regulæ de varijs rebus notatu dignæ ac necessariæ.		in quibus continetur	ibid
De prædicatis Deo essentialiter tributis	14		
De prouidentia	23.24	S.	
De proprietatibus naturarū.	55	Sabbatum quid	360
De signis comminantibus	71	quotplex	361
De cultu Dei	121	Sabbatū sanctificare quid. ibi.	
De charitatis operibus	139	Sabbatum quatenus abrogatū.	362
De allegoria	171	Sabbati symbolica significatio	ibid.
De doctrina Sacramentorum.	235.236	Sabbati obedientia apud Iudæos	363
De promissionibus Dei.	239.	Sacerdotium Christi	60
	250	Sacerdotij Christi ratio	64
De scandalo dato	269	Sacerdotis Christi definitio.	68
De iustitia	283	Sacerdotium Christianorum.	ibid.
De diuitiarum acquisitione & possessione	294.295	Sacerdotum Solis sacra	253
De iuramentis	347.348	Sacramentum quid.	226.233
De officijs & vocatione.	140.	Sacramenta noui Testamenti quæ	226.234
	396	Sacramentum noui Testamenti quid	234
Reiectionis impiorum causa.	179	Signa in Sacramentis, vnde & cur accipiant nomina rerum.	232.
Religionis Christianæ fundamentum quod	156	cur dicuntur signa gratiæ.	233
Remedia aduersus venereum.	389	Sacramenti appellationis ratio.	ibid.
Reparationis mysterij partes.	93	Sacramentorum vsus legitimus	ibid.
Rerum deprauatio vnde.	197		
Rerum dominia distincta.	393		
Rerū permutatio qualis sit.	394		

INDEX.

Sacramentū quomodo sit.	234	Securitas Christianorum	95
in Sacramento quæ concurrūt,		Securitatis carnalis refutatio.	
ibid.			90
Sacramentorum finis	235	Sermone cur homines præditi.	
Sacramentorum veteris & no-			137
ui Testamenti, discriminē.	248	Sermo fœditi comparatur.	399
Sacramentum verbo Dei in		Servi quid dominis suis debeant	
Paradiso additum	27.63		292.293.
Sacrificium Abelis & Cain.	36	Servorum inobedientium pec-	
Sacrificiorum usus	ibid.	na	293
Sacrificiorum genera	37	Servitus spiritualis	262
Sacrificium Christi sacerdotis.		Signo scriptura tribuit nomen	
65		rei	232.233.248
Sacrificij Christi duratio.	66.67	Signum verbo semper additur.	
Salutis nostræ initium	95		35.
Salutis certitudo	ibid.	Signa iræ duplicia	71.72
Salutis cōsequendæ ratio sem-		Sobrietas duplex	385
per eadem	256.261	Sola particulā cur utuntur pa-	
Sanationes Christi in die sab-		tres	89
bati quid docent	363	Spiritus & litera quid	172
Sanctificare quid	361	locutionis ratio	ibid.
Sanctificatio duplex	45	Spiritus & literæ differentia.	172
Sancti non inuocandi	212		173.
Sanctuarium Dei quid	270	Spiritus sanctus quid	202
Sapientia quomodo a Deo &		Spiritus sancti apparitio in spe-	
quomodo a ministris verbi		cie columbæ	231
datur	44	Subditorum officium erga ma-	
Satisfactio Ecclesiastica	83	gistrarum	280
Satisfactio Papistica	83.84	Surreptio clancularia an exco-	
Scandalum quid	266	landa	395
Scandalum duplex	267	Sufurratio quid	401
Scandalum exterius datum.	ibid.	Sycophantia quid	ibid.
Scandalum acceptum	269	Sycophantæ qui	272
Scripturæ interpretatio quæ re-		Symboli appellationis ratio.	196
quirat	230	Symboli Apostolici sūma.	196
Scripturæ sensus grammaticus		diuisio	ibid.
& allegoricus	170.171		
Scripturæ grammaticus sensus			
quatenus retinendus	170		
Scripturæ finis	302		

T.

Temperantia quid. 384.387
qualis virtus 384

INDEX.

F I N I S.